



三

元

目錄

第一齣 開宗

第二齣 祝壽

第三齣 博施

第四齣 毀券

第五齣 抵墓

第六齣 助納

第七齣 餞行

第八齣 託媒

第九齣 鬻女

第十齣 遣妾

第十一齣 歸妹

第十二齣 賞花

第十三齣 秉操

第十四齣 鬪東

第十五齣 斷金

第十六齣 空歸

第十七齣 完璧

第十八齣 合歡

第十九齣 脫韉

第二十齣 錯認

第二十一齣 歸槽

第二十二齣 續絃

第二十三齣 格天

第二十四齣 挺生

第二十五齣 議親

第二十六齣 講學

第二十七齣 應試

第二十八齣 登科

第二十九齣 辭親

第三十齣 及第

第三十一齣 招婿

第三十二齣 謁相

第三十三齣 慶緣

第三十四齣 榮封

第三十五齣 會新

三元記 目錄

第三十六齣 團圓

四一開明書店

三元記

明 沈受先 著

第一齣 開宗

〔西江月〕〔末上〕秋月春花似水流。等閒白了少年頭。玉津金谷無陳跡。漢寢唐陵失故丘。對酒當歌須慷慨。逢場作樂任優游。紅塵滾滾迷車馬。且向樽前一醉休。〔問答照常〕

良賈馮商。賢妻金氏。世居江夏。奕葉門楣。貲饒鉅萬。四十尙無兒。金氏慮無承嗣。勸夫娶妾。貿易京師。尙義馮商。賑貧拯難。惻隱頻施。勉從妻命。載橐驅馳。抵寓託尋媒主。議聘嬌姿。適際張公折運。償官貨女。得遂佳期。淑女情哀。馮商義重。不忍相留。速遣歸。原聘分毫不取。慨付婚書。更又逆旅還金。誣徒認馬。陰德重。皇天鑒之。深荷蒼穹。昭報賜產佳兒。年少三元高捷。旌譽振鄉閭。

第二齣 祝壽

〔滿庭芳〕〔生上〕花霧凝香。柳煙分綠。豔陽景物堪題。鶯簧調律。燕翦香泥。滿

目韶光可愛。怡情處。詩酒琴棋。瑤階下。奇葩異卉。何日產靈芝。〔鷓鴣天〕詩禮名

家慶澤長。衣冠燁燁振儒風。田疇漠漠阡連陌。倉廩陳陳朽貫紅。心感慨。謾憑陵。幾回長睹仰蒼穹。

承家未見寧馨嗣。耿耿常懷念慮中。自家姓馮。名商。字民末。湖廣江夏人也。叨承祖蔭。頗蓄家貲。持

己惟恭。族黨盡恂恂之禮。濟人以德。鄉閭施薄薄之恩。山妻金氏。家室攸宜。蘋蘩可托。儀容雅淡。儼

然松柏之姿。德性貞堅。確乎金石之操。今日乃是卑人初度之辰。昨日已蒙娘子安排慶壽筵席。想

已完備。同到長春亭上。翫賞一回。卻不是好。娘子早到。

〔掛真兒〕〔旦上〕小院人閒春晝永。香篆裊簾控金鈎。睡起紗廚。翠鬢整整罷。重

獻長春壽酒。〔浣溪沙〕水滿池塘花滿枝。亂紅深處嚙黃鸝。東風輕軟弄簾幃。日正長時春晝永。

燕交飛處柳烟迷。花前正好捧金卮。員外萬福。〔生〕娘子拜揖。〔旦〕員外。今日春和景明。正逢壽旦

之日。奴家聊備一杯壽酒。欲爲員外慶壽則個。〔生〕多感娘子厚情。〔旦〕春英。錦雲。將酒過來。〔淨

丑上〕十二闌杆八寶妝。祥雲繚繞滿華堂。金杯滿泛長生酒。共祝南山壽算長。酒在此。〔旦〕將酒

過來。

〔錦堂月〕南極星光。東風扇煖。華堂瑞靄瓏璵。香薦蟠桃。雲外八仙齊捧。碧霞中鸞鶴翱翔。寶鼎內沈檀簇擁。〔合〕金杯奉。願海屋添籌。福祿攸崇。

〔前腔〕〔生〕恭承令德雍容。情懷繾綣。閨門伉儷恩濃。琴瑟調和。春滿玉臺金鏡。未須期東海南山。願早賜祥麟瑞鳳。〔合前〕

〔前腔〕〔淨〕簾櫳佳氣沖沖。花嬌柳媚。鸞箏象板和鳴。三祝華嵩。願取百年重慶。酬酢處鸚鵡杯傳。談笑裏綺羅香擁。〔合前〕

〔前腔〕〔丑〕重重綠醴黃封。珠圍翠繞。當筵笑語喧問。地久天長。願祝百年相共。只求他玉產崑岡。惟願取珠生老蚌。〔合前〕

〔醉翁子〕〔生〕思省嘆蹤跡似飄萍斷梗。況佳會難逢。勝遊當重。須聽嘆金谷梁園。多少繁華一夢中。〔合〕相祝誦。願偕老夫妻百歲和同。

〔前腔〕〔旦〕佳景勝洞天仙境。總丹青圖畫。未可形容。酩酊且對景開懷。莫管

城頭扣暮鐘。〔合前〕

〔僥僥令〕〔淨〕霞觴光泛。銀燭影搖紅。趙舞燕歌齊簇擁。直飲到月兒高花影重。

〔前腔〕〔丑〕春風翻舞袖。白雪調歌聲。十二金釵頻頻勸。一任醉扶歸錦帳中。
〔尾聲〕〔合〕盤桓且盡今宵興。兔走烏飛不暫停。莫待華髮蕭蕭兩鬢生。

歡娛休問夜如何。

此樂人生有幾多。

遇飲酒時須飲酒。

得高歌處且高歌。

第二齣 博施

〔滿庭芳〕〔生上〕奕世箕裘。江夏昭昭華裔。白晝無私。青春門第。蕩漾遊絲飛絮。喜閨中琴瑟相宜。奈膝下蕭條丹桂。〔鷓鴣天〕重義輕財大丈夫。蕭然子嗣待如何。書

香一脈無人繼。不孝三般是我多。閒議論。嘆蹉跎。無情日月競如梭。榮枯得失皆由命。萬事從天安

分過。念馮商托賴天地。安居樂業。優游歲月。年登四十。尙無子息承祧。所慮者上年淫雨連綿。今歲

狂風拔木。百姓流離。悲聲遍野。值此大雪連朝。豈無飢寒之輩。卑人幸得囊有餘資。廩有餘粟。將欲賑濟一番。院子何在。〔末上〕萬里彤雲大雪紛。村南村北閉柴門。長途多少飢寒者。此際悲嘆不可聞。覆員外。有何分付。〔生〕江南三尺雪。盡道一年豐。〔末〕人道豐年瑞。豐年瑞若何。長安有貧者。宜瑞不宜多。〔生〕院子。我見連日大雪紛紛。當此之時。豈無饑寒之士。先賢有云。惻隱之心。人皆有之。我欲賑濟鄉民。你去門首探望。但有來者。卽忙通報。〔末〕領鈞旨。呀。遠遠望見一人冒雪而來。想是借貸求乞者。待我在此等候。

〔普賢歌〕 〔淨上〕桂薪玉粒價如金。女哭兒啼徹四鄰。饑寒苦逼身。淒涼不可禁。說向他人應不忍。滿頭風雪遠行來。十叩柴門九不開。聞說馮公施賑濟。願祈甘雨潤枯荄。自家喚做匡得成。番番手到便成功。卻嘆年來時運蹇。十回謀事九回空。大雪紛紛饑寒難忍。不免手執文券。懷揣羞臉。去問馮員外求借。望見一個人來。看他模樣。也是我等之輩。待我閃在此間。聽他說些甚麼。

〔前腔〕 〔丑上〕年時饑饉實難撐。夕飡朝糲力不勝。柴薪沒一莖。稻穀沒半升。

環堵蕭然塵滿甌。柳絮梨花滿地飛。瓊瑤處處積成堆。紅爐煖閣偏宜賞。路上行人不療饑。自家喚做白手要。逢人只是呵呵笑。空心架子搭得高。轉眼機謀十分妙。〔淨〕這般風雪又饑寒。這個方兒也不妙。老兄作揖。〔丑〕幾乎失瞻了。愁人莫向愁人說。說向愁人轉又愁。適間聽得老兄之說。便知心內事與我一般的。如今馮員外大開賑濟。我和你同去他家走一遭看如何。〔丑〕老兄去便去。只是乞兒不可並行。〔淨〕休得取笑。轉灣抹角。此間便是。〔末〕不知二位到此何幹。〔淨丑〕我二人因年荒歲歉。難以度日。各執文券。到府上與員外借貸些須。敢煩爲我通報一聲。〔末〕既如此。少待。〔末見生介〕稟員外。門外有兩個人。各執文券。欲求借貸。〔生〕既如此。請他進來。〔淨丑見生介〕我二人因爲年時荒歉。又且風雪填門。難以度日。各具文券在此。望乞員外借貸些須。以救燒眉之急。〔馬蹄花〕〔淨丑〕俯伏階前。仰望仁慈特見憐。叵耐凶年水旱時。歲飢荒過活艱難。閉門僵臥笑袁安。范丹破甌塵生滿。願洪鈞大布陽春。庶枯涸苟延殘喘。〔生〕二位不消行禮。叫院子將銀二兩。白米二石。就着人挑送二位宅上。〔淨丑〕多感員外仗義。伏乞收納文券。待來歲豐熟。倍利奉償。〔生〕二位不必掛心。〔淨丑〕既蒙員外如此。我二人就此拜謝。

〔前腔〕〔淨丑〕恩德汪洋。刻骨銘心不敢忘。願你金珠千斛。米粟千倉。羅綺千箱。脚環結草必須償。終爲犬馬酬恩賜。早誕生天上麒麟。位極品聖朝卿相。

〔生〕多謝過獎。不敢久羈。〔淨丑〕多謝。告回了。

今日得君提掇起。

免教人在污泥中。

〔水底魚〕〔貼上〕抱屈含冤。誰人肯見憐。夫遭橫害。多因奴命蹇。心慌來路遠。事

急出閨門。奴家因丈夫王以德不幸被奸豪胡大才誣告。賊銀二十兩。無門處寘。寫立文契。着我自到馮員外宅上賣身贖罪。況馮員外卽今大施賑濟。不免前去轉灣抹角。已是馮員外門首。大哥。奴家欲見員外。敢煩通報。〔末〕少待。等我進去報知。〔末見生介〕稟員外。門首有一婦人。要見員外。

〔生〕你叫他進來。〔末〕叫你進去。〔貼〕員外萬福。〔生〕娘子免禮。你丈夫姓甚名誰。來此貴幹。

〔貼〕奴家乃王以德之妻。特來借貸。〔生〕有何話說。〔貼〕員外聽稟。

〔黃鶯兒〕未語淚先傾。土豪胡大才。不知有何仇。把風波平地生。將夫陷入穿窬穿。

縣官將夫百般拷打。虛招了盜賊二十兩。如今呵。賊無半星。何由再生。欲求借貸全軀。

命望哀矜。慨然周給。決不負深恩。〔生〕那胡大才真是不仁。

〔簇御林〕聽他語情可矜。娘子。頓教人抱不平。此心不覺生憐憫。娘子不須煩惱。管教救取伊夫命。這贓銀吾當區處。不必淚交傾。叫當直的你去櫃上取二十兩銀子。與那娘子。完了他丈夫的贓。再求見我。〔貼〕這是丈夫在獄中親手寫出來的文契。請員外權且收下。〔生〕娘子。正所謂爲人莫作婦人身。百年苦樂任他人。自將賣身文契遞與我。世上有這等可憐之事。娘子。文契我收在此。待你丈夫出來之日。我自有處。〔貼〕既如此。且告辭。

一點仁心天地知。

濟人利物孰能如。

深蒙大德相周濟。

今日夫妻會有期。

第四齣 毀券

〔遠地遊〕〔小生上〕命蹇合逢冤苦。平空遭此無辜。〔貼上〕今朝雖得出囹圄。何忍捨糟糠之婦。〔小生〕娘子。昨日教你去求馮員外。事體如何。〔貼〕他已與銀二十兩在此。〔小生〕他文契收了不曾。〔貼〕文契他已收了。他說待你事完之后。再有話說。〔小生〕娘子。指望百年

期。誰知中道別。〔貼〕相對意徬徨。兩淚空流血。〔小生〕今日漢宮人。明朝胡地妾。〔貼〕送汝出陽關。恩情從此絕。〔小生〕我和你命合分離。遭此大禍。我死在獄中。你也少不得要從人。如今將你賣銀完贖。活我之命。只是虧負了你。〔貼〕官人。我也只指望百年相守。誰知與你今日分離。妾心何忍。〔小生〕飯已破矣。悔之無益。你如今在馮宅。強如落在奸豪之手。〔貼〕丈夫。從此拜別。〔小生〕貼抱哭介外扮解子上。〕官差要緊。快些行路。等待已多時。又要到馮家去。有何事說。〔小生〕牌子。沒奈何。不敢瞞你說。前日將妻賣與馮員外。得銀完贖。如今送妻子進去。即時就行了。〔外〕放快些。〔生〕上。〕何人在此。〔末〕甚麼人。〔小生〕小人是王以德。前日蒙員外完了贖銀。特來告別。〔末〕待我進去通報。〔小生〕多謝。小人伺候。〔末〕稟上員外。王以德在外。要見員外。〔生〕着他進來。〔末〕你每進去。〔小生進見介〕員外。小人是王以德。得蒙員外完納贖銀。以免死罪。如今問發河南中都水馬驛供徒。今日特送妻子到府上。小人即時就起程去了。〔生〕你道我要你的妻子。與你完贖麼。我爲憐你無辜受害。故與你完贖。當直的他前日文書在那裏。〔末〕在此。〔生〕取來毀碎了。些須小事。就斷絕他人之夫婦。豈不寒心。〔小生〕員外既不要我妻子。蒙代完贖銀。教小人將何賠償。無故受惠。這

個決使不得。又一件。小人身無半分盤費。途中求乞。怎與妻子同去。小人夫妻。左右不得完殺了。
〔生〕你身無盤費。豈能同去。若又拆散。不如不救你了。自古道救人須救徹。叫當直的。銀子取五兩
過來。〔末〕銀子在此。〔生〕這一兩送與牌子。路上盤纏。保全他夫婦性命。〔外〕小人無功受祿。〔生〕
請收下。這二兩你二人路上盤纏。這二兩等到驛後。隨便做些經紀買賣度日。捱過歲月回家。〔小
生〕小人就是個木偶人。也知些進退。前日蒙納賊銀。妻子又不要。如今又與銀子去盤纏。天下也
無此理。小人便去求乞。也無奈何。決不敢領。〔生〕我非爲汝。但盡我平日一點仁心耳。〔外〕旣蒙員
外如此。你且收了。後日事完之時。來報員外大恩。未爲遲也。〔小生拜謝介〕

〔畫眉序〕否極泰重來。今日夫妻再得諧。這恩山義海。銘刻心懷。員外的陰
功比范氏麥舟。也不數裴公還帶。〔合〕願期福壽無疆界。麟兒早下天台。

〔前腔〕〔生〕我重義更輕財。一點仁心無貳猜。憐你夫妻恩愛。何忍分開。你雖
則是背井離鄉。牢綰定同心羅帶。〔合〕勸伊莫把綱常壞。百歲裏甘苦同捱。

〔滴溜子〕〔小生〕追思起。追思起。素無往來。蒙尊惠。蒙尊惠。於情怎該。嘆今世

無由償債。徒然自感慨。我小人去后呵。朝夕裏焚香頂禮如來。

〔鮑老催〕〔生〕不須拜跪。我心中平生悵哀。念你無辜受害。遭縲紲實非其罪。但存一點仁心在。施恩不望人感戴。你的夫和婦好唱隨。須恩愛。莫教扯斷合歡帶。我當權若不行方便。如入寶山空手回。

〔尾聲〕〔小生〕從今打破淒涼寨。員外。何日償還恩債。只怕水遠山遙天一涯。拜別恩人上路程。如今夫唱婦隨行。

從空伸出拿雲手。

提起天羅地網人。

第五齣 抵墓

〔臨江仙〕〔生上〕手倦拋書午夢長。忽聞有客到廳堂。忙着履問行藏。是何人。

〔外〕員外請了。〔生〕足下何來。〔外〕小生江右徐曉山。聞得員外宅上要風水。相識引小生來。

〔生〕久仰高名。今幸一見。〔外〕凡夫俗眼。徒得虛名。〔生〕先生。學生只因無子。誠恐荒蕪風水不利。特煩先生一看。請了。〔同行介〕

〔駐雲飛〕〔外〕柳絮飛綿。輕煖輕寒。二月天。織柳鶯梭緩。刺蕊蜂鬚軟。啾。黃鳥語綿蠻。正堪游衍。〔生〕遙指荒坵。正在跨澗危橋畔。只恐廢壘殘碑不美觀。〔丑〕淨砍木介生。先生且不要行。前面就是荒壘了。你看那兩個人。手持大斧。偷砍我山上樹木。故此不要近前去。〔外〕差了。倘若砍壞了你的塚樹。致傷風水。正該拿他到官懲治纔是。〔生〕先生只知其一。不知其二。那兩個人見我手足荒忙。必然墜地。倘若斧刀剗了手足。傷其性命。孰大孰小。孰輕孰重。〔外〕他既偷盜你的東西。不要說自己該死。就是登時打死。不致償命。〔生〕禮義廉恥。人皆有之。此乃飢寒所迫。出于無奈。些須小事。使他出乖弄醜。不若隱惡揚善。彼此無虞。〔外〕員外既有此好心。我小子不去看了。〔生〕爲何不去。〔外〕聽我道。

〔前腔〕古聖傳言。穴在人心不在山。若是心地多奸險。總然地利無靈驗。啾。敬汝好心田。如斯爲善。料想天地無私。神目如掣電。夢叶熊羆在目前。天賜佳兒貴怎言。

〔前腔〕〔生〕多感良言。愚性從來所見偏。喜述人之善。怕結人之怨。啾。我每若見

了他呵。使彼有何顏。怕他含羞成怨。不測災生。莫若隱惡而揚善。不與貪夫結死冤。〔外〕員外告別了。

一點仁心格鬼神。

佳兒早晚下天庭。

萬事勸人休碌碌。

舉頭三尺有神明。

第六齣 助納

〔一翦梅〕〔旦上〕 琴劍圖書收拾備。仙郎欲上宸京。驪駒何事苦催行。簷花含別意。牕柳繫離情。爛斑繡襖花滿身。勾引蛺蝶飛向人。遊絲不動浮爐薰。瑣牕錦帳嬌生春。奴家金氏。良人馮商。宜室宜家。尙未弄璋弄瓦。一則以喜。一則以懼。今日丈夫欲往京師貿易。可教他娶婢妾一人。以續子嗣。庶免絕后。員外早上。

〔前腔〕〔生〕 秣馬膏車行色動。離愁萬種徐生。朝雲暮雨正多情。一朝成闊別。千里去遙征。孺人拜揖。〔旦〕員外萬福。〔生〕卑人欲往京師。將次告別了。〔旦〕員外。你有財雖富。

無子實貧。我願助白金數笏。娶婢妾一人。倘生一子。庶不絕嗣。〔生〕娘子。女子圖嫁一夫。男子願求。

一室。我和你雖然今日無子。安知去后不生育。〔旦〕員外差矣。一妻一妾。傳有格言。婢妾有子。易有明訓。須當幹旋造化。不可固守常經。〔生〕多謝指教。敢不從命。〔旦〕既如此。請收下白金。〔生〕多謝。

〔旦〕奴家安排杯酒。與君餞行。〔生〕不必了。〔旦〕將酒過來。

〔字字雙〕〔淨丑上〕春臺春凳擺得能。端正安排春盛十來層。齊整東陽美酒七八瓶。忒盛正好猜拳擲色賭輸贏。行令員外孺人酒已在此。〔旦〕斟酒過來。

〔二犯傍妝臺〕閨闈餞君行。綠牕朱戶番做短長亭。勸君娶妾非爲色。念後嗣没人承。我自甘老桂含芳死。你親植夭桃看子生。〔合〕望中南浦數里水程。綠波芳草遠關情。

〔前腔〕〔生〕送別淚如傾。青絲細竹都是斷腸聲。之京娶妾非吾願。端不在貌娉婷。羨伊喬木縈葛藟。試擬枯楊稊再生。〔合〕氣清天朗。雲散雨晴。欲行且止怕登程。〔生〕孺人免送罷。〔旦〕容奴家再送幾步。

〔前腔〕攜手下階行。落花風冷吹淚墮。紅冰深知此別無多日。自不覺百愁生。

〔生〕孺人。就此告別。不勞遠送。〔旦〕妾身不及青驄馬。安得隨君到玉京。〔合〕望中南浦。數里水程。綠波芳草。遠關情。

〔前腔〕〔生〕分手立中庭。夫妻戀戀如有繫心繩。〔旦〕員外。快些登程去罷。〔生〕忽聽門外車馬動。自不覺旅魂驚。蘭房茅店。今宵月。照見相思兩處情。〔合〕氣清天朗。雲散雨晴。欲行且止。怕登程。

風前攜手蹙雙蛾。

千里神京奈遠何。

不孝有三無後大。

赴京娶妾莫蹉跎。

第七齣 餞行

〔一翦梅〕〔外淨小生同上外淨〕綠楊枝上啼春鳥。絳桃花底蜂飛。〔小生〕春城日色正遲遲。〔合〕呢喃飛燕子。風煖轉黃鸝。〔淨〕二位先生。我每皆受馮員外厚愛。未得一報。聞知他卽日起京貿易。我每可各具壺觴。同去與他餞行。未知二位尊意若何。〔外〕正欲如此。小子已備酒果在此。〔小生〕方纔聞得馮員外已起身了。我每快趕上去。

〔金錢花〕〔衆行同唱〕畫橋流水東西。東西斜穿竹逕松溪。松溪紅雨墜。杏花飛。雙屐齒。印香泥。詩酒伴。正相隨。

〔前腔〕〔生上〕長亭芳草淒淒。淒淒舟橫野渡人稀。人稀行色壯。步徐徐。何日裏。到京畿。〔衆〕馮員外請駐了馬。〔生〕是何人。〔末〕是衛冰月陳筆耕種杏三位先生。〔生〕牽住

馬。呀。列位先生何往。〔衆〕聞知員外遠行。特來餞送。〔生〕何勞列位遠送。〔衆〕學生等嘗蒙厚愛。銘刻肺腑。無由補報。〔生〕不敢。〔衆〕看酒過來。還是筆耕先生先送起。〔外〕叨先了。

〔懶畫眉〕聞君車從侍長亭。聊具壺觴表寸誠。驪駒唱徹斷腸聲。不知何日重歡慶。員外願你萬貫腰纏出帝京。

〔前腔〕〔淨〕木桃投我久銘心。媿乏瓊瑤報大恩。隴頭梅蕊露先春。折來傳報江南信。兩字平安抵萬金。

〔前腔〕〔小生〕長途芳艸綠如裊。好把王孫歸路分。臨行執手問歸程。須知欲別情何忍。折柳殷勤贈故人。

〔前腔〕〔生〕小生回謝一杯。荷蒙佳醞及盤飧。辱愛殷勤送我行。卑人看昏鴉集樹日將曛。自古道送君千里終須別。西出陽關無故人。列位請回。〔外〕今日一別。動輒經年。須盡一醉。聊盡鄙情。再勸一杯。〔淨〕說得是。小子意欲行個令喫酒。留員外多敘一敘。〔衆〕最妙。〔淨〕各要報脚色過來。〔衆〕報甚麼脚色。〔淨〕各要自稱某姓。兼做某營生。〔小生外〕誰人先說起。〔淨〕依着馮陳褚衛說去。〔小生外〕既如此。該馮員外說起了。〔生〕學生叨先了。〔衆〕不敢。〔生〕學生姓馮。常年在外交客。自號海舟。〔外〕學生姓陳。常年在外交書。自號筆耕。〔小生〕學生姓褚。常年在家賣藥。自號種杏。〔淨〕小子姓衛。常年在外交算命。自號冰月。如今脚色已定了。各要自家贊四句詩。贊得好者免飲。贊得不好者罰酒三杯。也依着馮陳褚衛說去。〔生〕學生馮海舟。在外交客。自贊曰。若做經紀。賊心便起。賤買貴賣。損人利己。陽貨曰。爲富不仁矣。爲仁不富矣。〔衆〕贊得道理。只是沒了歪詩韻。免飲。〔外〕學生陳筆耕。教書先生。自贊曰。坐着一片冷板。生涯四季束脩。消盡平生之壯氣。結成童稚之冤仇。子曰。溫故而知新。可以爲師矣。〔衆〕道得十分有理致。只是沒有了掃愁帚。免飲。〔小生〕學生褚種杏。是賣藥郎中。自贊曰。藥依方撮。脈用手按。有活人之心。而無活

人之手段。無死人之心。而有死人之手段。書曰。若藥不瞑眩。厥疾不瘳。〔衆〕贊得甚脫俗。只是沒有人間祿。免飲。〔淨〕列位都說過了。如今輪該學生了。休見笑。〔衆〕不敢。〔淨〕學生是算命先生。號衛冰月。自贊曰。推造雖是死法。講命自有活套。科舉之後一宿。秋收之時又到。子曰。不知命無以爲君子也。〔衆〕贊得最妙。都免飲。〔淨〕若只如此。這酒將來何用。我每各人俱勸馮兄一杯。

〔柳搖金〕〔淨〕鶯花千里。鷗波滿溪。隨處可留題。夜宿舟中飯。晨征馬上雞。想多少離愁別恨。想多少離愁別恨。都在送行時。要祛愁掃恨。頻呼酒卮。〔合〕雙雙燕語。兩兩鶯啼。燕語鶯啼。混入在離歌聲裏。

〔前腔〕〔外〕蕭蕭行李。迢迢路岐。翹首望京畿。殿閣紅雲遠。京城綠樹迷。且痛飲瓊漿百盞。且痛飲瓊漿百盞。何若惜分離。這悲歡聚散。原無定期。〔合前〕

〔前腔〕〔生〕雲蒸花氣。風牽柳絲。春色鬪芳菲。正好同遊賞。那堪遠別離。他日到皇都旅邸。他日到皇都旅邸。兩地費相思。〔小生〕此去何時返呵。〔生〕問何時返。旆。茫然未知。〔合前〕

〔前腔〕〔小生〕筵開羅綺。吹竹奏絲。惜別酒遲遲。呀。忽見青山墜。俄看白日低。說不盡衷腸心事。說不盡衷腸心事。〔末〕快行程罷。〔生〕僕子又相催。且停杯拜別。難禁淚垂。〔合前〕

離筵酒散各回程。

更盡匆匆話別情。

莫戀東京歌舞地。

卻教冷落舊時朋。

第八齣 託媒

〔空地錦襠〕〔丑上〕農家積祖做牙行。聚寶藏珍盡巨商。凡人若要娶新郎。作伐還須是老娘。作伐還須是老娘。老婦不愁貧。生涯日日新。既能爲月老。又會作牙人。老身媒主婆是也。多賴祖宗遺蔭。得留買賣生涯。不免在此開設鋪面。迎接客商。正是不將辛苦意。難近世間財。

〔玩仙郎〕〔生〕山海幾梯航。歷過紅塵白浪。訪得此間乃是媒主婆家裏。不免進入去。呀。媽媽拜揖。〔丑〕官人萬福。〔生〕媽媽上姓。〔丑〕我老身有名的媒主婆。〔生〕爲何叫做媒主婆。〔丑〕

男要娶婦。女要嫁夫。都是老身作伐。賣貨的客人。買貨的主顧。俱是老身爲主。故此叫媒主婆。不知官人下顧。有何貴幹。〔生〕卑人到此。有兩件事請托。〔丑〕有那兩事。〔生〕些須小貨。欲煩媽媽賣。〔丑〕賣貨在那裏。〔生〕車子已在門首。〔丑〕叫小廝收了官人車上的寶貨。〔內應介丑〕還有甚事。〔生〕卑人爲無子嗣。欲娶婢妾。敢煩媽媽作伐。〔丑〕元來如此。官人上姓貴表。仙鄉何處。

〔大趺鼓〕〔生〕吾家慶澤長。世居江夏。馮姓名商。〔丑〕原來是江夏馮官人。久慕久慕。

〔生〕念獨夫老去誰供養。於今將效鳳求凰。敢請伐柯。期取弄璋。〔丑〕官人來得遇巧。〔生〕怎見遇巧。〔丑〕我東鄰有個姓張的。急要些銀子使用。將親生女兒願賣與人。卻不是遇巧。〔生〕不知此女多少年紀。

〔前腔〕〔丑〕張家一八娘。〔生〕二八十六歲。不知他才貌何如。〔丑〕他賢如孟光。貌比王嬙。〔生〕要多少財禮。〔丑〕你聘財若出銀百兩。管教今夜便成雙。與你執柯。期取弄璋。〔生〕這是一百兩銀子在此。請收下。〔丑〕這銀子恐沒有一百兩。〔生〕百兩不欠一分。〔丑〕我收銀子。你收文券。〔生〕如何文券就在你處。〔丑〕在此久矣。只因高不成。低不就。今日馮官人卻好。〔生〕

文券我收了。倘若不成。就還望另求一家。〔丑〕不妨。若是不成。我也還有一個閨女。就嫁你罷。

謀事雖在人。

成事還在天。

娶妾在今夜。

生子在明年。

第九齣 鬻女

〔霜天曉角〕〔外上〕屈官守分。爲國曾輸運。〔淨上〕不意官糧折損。陪償無路無門。仕途荆棘生。偶爾遭一蹶。〔淨〕欲全忠孝心。不顧親骨肉。〔外〕下官姓張。名祖。昔舉孝廉。官居運使。不意折損官糧。家私俱已賣盡。尙然不足。如今只得把親生之女出賣與人。爲何不見媒婆來回話。明日又該比較。怎生是好。夫人。好苦呵。〔小生末上〕懼法朝朝樂。欺日日憂。此間已是張運使門首。不免逕入。張大人作揖。〔外〕二位作揖。〔衆〕張大人。你欠下許多錢糧。不肯完納。明日又該比較了。〔外〕老夫只得將親生之女。出嫁與人。就得完了。〔小生末〕賣女兒怎生濟得你的急。我明日稟了官。只是監着你。〔外〕我決不累你二位。你可在前面小房兒裏歇。明日同去便了。〔小生末〕就在此間歇了罷。莫信直中直。須防仁不仁。〔下丑上〕費了許多心。今日事方成。千里能相會。必是有

緣人。張老爹萬福。恭喜賀喜。〔外〕你來了。我正望你事可成麼。〔丑〕我爲你費了許多心。走了多少路。本處人家。只出三四十兩銀子。我想完你的事不得。〔外〕多謝多謝。〔丑〕如今有個江夏客人。爲因無子。他說要娶去做妾。見有一百兩銀子在此。你毋再計較。〔外〕也罷。不須再計較了。〔淨〕老爹。那裏叫做江夏。〔外〕湖廣地方是江夏。也不遠。只有二千餘里。〔淨〕吓。老賊。二千里還說不遠。〔外〕請小姐出來。梳妝上轎。孩兒在那裏。

〔西地錦〕〔貼〕只恐婚事允。終朝低蹙雙顰。正是爲人莫作婦人身。百年苦樂由人。爹爹母親萬福。〔丑〕小姐萬福。〔外〕孩兒。你的親事已成了。就要今日成親。你可收拾。〔貼〕不知爹爹把孩兒嫁與何處人家。〔外〕湖廣江夏富商。因爲無子。娶你爲妾。你可梳妝去罷。〔貼〕爹爹。孩兒此身是爹爹的。但憑爹爹做主。只是爹爹母親再無一個兒女。倘百年之后。湯藥誰嘗。衣食誰辦。何不將孩兒嫁與近些的人罷。〔外〕我的兒。我豈不知。方纔媒主婆說。本處人只出三四十兩銀子。卻怎麼完我的事。如今沒奈何。只得割恩全義。

〔山坡羊〕只爲這官糧無從完解。兒只得與你參商恩愛。這狗命不如早死。免

得見人離家敗。淚滿腮。禍從天上來。我的兒。你去了呵。我的愁懷鬱鬱。早晚歸冥界。暴露屍骸誰葬埋。〔合〕傷悲。親骨肉何年得再諧。哀哉。你萬水千山何日回。
〔前腔〕〔淨〕我兒。你去了。教我將何依賴。誰念我形衰力敗。從今後舉目無親。恁淒涼何由得解。這禍胎。老兒。因你貪圖綱運來。指望招個女婿來家。以爲養老之基。誰想你如今去了呵。使我孤形弔影有誰揪採。死後無人築墓臺。〔合前〕

〔前腔〕〔貼〕我爹爹不須垂淚。我親娘自宜寬解。爲孩兒合受分離。致一家東飄西敗。爹爹。這聘財。將去完官庫藏來。免得鞭笞刑禁。又受人欺害。爹娘。兒便去了。我的魂魄終宵夢裏回。〔合前〕

賣女完官豈不仁。

從今割斷義和恩。

流淚眼觀流淚眼。

斷腸人送斷腸人。

第十齣 遣妾

〔如夢令〕〔生上〕曾記尋常俗諺。說道人離鄉賤。匹馬走風烟。吹得京塵滿面。

開筵宴。逆旅議成姻眷。卑人且喜到京。投下媒主婆家。說娶妾之事。適有張氏之女。將欲嫁人。我已央媒主婆去了。如何不見他來回話。

〔洞房春〕〔丑上〕花燭熒煌。洞房今夜開筵宴。馮官人。新人已到門首。你可出去迎接。

〔生〕起動起動。〔貼上〕玉笙低按。伉儷非吾願。〔生〕老大新婚。燈下羞相見。〔貼〕心懷怨。淚痕如線。界破殘妝面。〔丑云〕新人已到。筵席已完。你兩人當自酬酢一杯。請安置。老

身辛苦。也要去安歇。〔生〕媽媽請坐。待我酬謝一杯。〔丑〕我不坐了。明日來與你煖房。正是天上人間。方便第一。〔生〕媽媽。且再坐一坐。

〔桂枝香〕匆匆開宴。重將燭翦。安排着合巹春杯。燈下交相酬勸。呀。看他悶思鬱然。悶思鬱然。莫不是聘財輕鮮。禮儀疎簡。小娘子。你且從權。莫道我山妻妬。我的山妻。且是賢。

〔前腔〕〔貼〕財非輕鮮。禮非疎簡。只因有事關心。悶思實難排遣。〔丑〕小姐。你且莫怨天。且莫怨天。怨天天遠。況你的事難展轉。〔貼〕這其間。欲訴衷腸事。傷

心不可言。〔丑〕小姐。如今生米做成熟飯了。又何必如此推阻。我曉得了。馮官人。那小姐是個閨門之女。你須酬勸。我自迴避了罷。〔生〕豈不聞男子生而願爲之有室。女子生而願爲之有家。當此新婚。此乃人生一樂也。何必掛懷。〔貼〕奴家雖係新婚。實啣舊恨。忡忡之氣。鬱鬱之懷。何能已已。〔生〕問小娘子有何心事。可與卑人一說。

〔前腔〕〔貼〕言之慚赧。只恐逆流難挽。痛雙親衰老無兒。我去了何人爲伴。我的爹娘。從今別后。從今別后。山遙水遠。抱負終天之怨。好心酸。我的爹娘。若要重相見。三更夢裏旋。

〔前腔〕〔生〕與你紅絲新綰。期爲姻眷。緣何不念新婚。愁鎖雙眉不轉。你有事儘言。有事儘言。與伊分辨。不須愁怨。這姻緣。想他就裏非無屈。其間必有冤。〔前腔〕〔貼〕嚴君遊宦。時乖多難。〔生〕你原來是宦家之女。令尊做甚麼官來。〔貼〕只因綱運他方。欠折官糧一半。〔生〕運折了官糧。如何處置。〔貼〕說也惶恐。卻賣妾抵償。賣妾抵償。非吾之願。教我如何不怨。有誰憐。我的爹娘。兒去親無倚。心旌兩地懸。

〔前腔〕〔生〕聽他哀情悽慘。使我勃然色變。你雙親衰老無兒。何忍把你天倫離間。小娘子不須淚漣。不須淚漣。把你送歸庭院。〔貼〕想我家父必將銀子完官去了。奴家情願隨官人去也。〔生〕你也不須留戀。請回旋。教你骨肉重完聚。別選姻緣。遂百年。待我喚媒婆出來。媽媽有請。〔丑上〕自不整衣毛。何須夜夜噫。呀。官人。你兩個爲何不睡。只管在此絮叨叨說什麼。〔生〕媽媽。原來這小娘子是官家之女。豈可與人爲妾。況他父親。再無兒女。我的家鄉又遠。是絕他后嗣。於心何安。你可快送他回去。〔丑〕這有何難。一物不成。兩物見在。你還他。他還你銀。小姐。你只管哭哭啼啼。如今馮官人要送你回去。這聘財銀子。必定是要還他。〔貼〕這聘禮銀必定納官用了。〔生〕媽媽。你又差了。如今我情願送它回去。怎麼說起財禮銀來。我一分一釐也不要了。〔丑〕官人。我如今送他回去。你且收下文券在身邊。不怕他不還你的銀子。〔生〕媽媽。我不是這樣人。自古道。周急不繼富。他父親在患難之中。我當助之。如何說這等話。娘子。收下文券去。〔丑〕難得這好人。小姐。你可拜謝了馮官人去罷。〔貼〕官人請上。待奴家拜謝。

〔憶鶯兒〕君最賢。憐妾艱。遣妾還家不索錢。仁義於君得兩全。德深似淵。量宏

似天。陰功最大行方便。〔合〕望蒼天。與他前程遠大。瓜瓞永綿綿。

〔前腔〕〔生〕你且休嘆嗟。免淚漣。我要娶妾呵。本求子嗣得兩全。忍教你父子分兩邊。如今遣還你父親呵。去珠復還。缺月再圓。一家骨肉重相見。請回旋。從今如願。別擇個好姻緣。

〔前腔〕〔丑〕你把聘財。輕棄捐。濟人急難勝結緣。陰德從來感動天。位登壽山。廣種福田。何愁眼下無姻眷。似君賢。麟兒早賜。慶澤永流傳。

子嗣從來不可無。

全憑陰隲去相扶。

若還陰德無兒子。

到老終爲一獨夫。

第十一齣 歸妹

〔生查子〕〔外上〕寒燈掛壁間。照見頭如雪。〔淨上〕不見綠窗人。兩淚空流血。

宦情羈思獨悲新。今夜燈前少一人。〔淨〕老去且教誰作伴。病來只與死爲鄰。〔外〕奶奶。適來孩兒剛剛出門。有人來說富丞相亡了夫人。欲娶我家孩兒爲正室。一聞此言。教我悔之不及。〔淨〕都是

你這老賊。急急忙忙。幹出這樣事來。再遲一回。卻不是好。〔外〕你不要只管埋怨。我和你命該如此。
〔五更轉〕我命運乖。糧運折。家私都准折。東那西轉猶還缺。一女多嬌。將他來拋撇。心痛傷。情慘切。腸鬱結。天恩廢盡。廢盡尋倫絕。哭得我兩眼俱昏。淚枯流血。

〔前腔〕〔淨〕想不休。思不歇。何當心苦切。心中苦切。苦切和誰說。展轉躊躇。肝腸百裂。你看東鄰西舍。人家女兒。在燈前燈下。喜喜歡歡。惟有我家呵。人不和。家不祥。天作孽。夫妻對面。對面相悲咽。未審母子相逢。何年何月。

〔玩仙燈〕〔丑貼上〕譙鼓已三更。草堂中尙遺燈影。〔貼〕爹爹母親開門。〔外〕奶奶。好似我孩兒的聲音。〔淨〕吓。老賊。買乾魚放生。不知些死活。他如今不知弄得怎麼樣在那裏了。還要想他還家。〔貼〕爹爹開門。〔淨〕呀。果然是女兒聲音。他纔出門去。如何就回。事有可疑。

〔唐多令〕一見好心驚。還疑夢裏形。〔外〕奶奶。孩兒爲何回來了。

〔玉山頌〕〔丑〕百金爲聘。這婚姻適來已成。那馮君聞你無兒。何忍斷絕你天

倫。〔外〕多蒙他哀憐。只是聘財納之于官了。如何是好。〔丑〕那馮君說定。事急吾當相贈。

〔外〕這個怎麼使得。須是要還他的銀子纔是。〔淨〕老賊。你銀子在那裏。〔丑〕老爹不必多僂。慫請自寬心。他把婚書文券送還君。〔外〕孩兒。果有此事麼。

〔前腔〕〔貼〕兒身僥倖。喜今朝又見雙親。倘明朝一出京城。何日裏得歸鄉井。爹媽。那馮君可敬。他量大心慈身正。〔合〕合宅蒙恩慶。拜告神明。願他多生兒子做公卿。

〔前腔〕〔外〕深恩熟省。怎當他盛德厚情。但願結草今生。不結草死不日暝。白金十錠。誰肯在難中相贈。〔合前〕

〔前腔〕〔淨〕事難前定。聘已成誰知變更。孩兒富丞相亡了夫人。要娶你爲正室。這親事若得完成。早晚間得以相親。窮通衰盛。一切皆由天命。〔合前丑〕老爹夜深了。告別。〔外淨〕明日富家求親。媒婆還要勞你。煩你多多拜上馮官人。蒙他盛情大德。明早到你宅上拜謝。〔丑〕他明日五更就去。不勞了。

更深無酒又無茶。

夜靜人稀要轉家。

拜上馮君當結草。

黃沙蓋面不忘他。

第十二齣 賞花

〔踏莎行〕〔旦上〕諸品花王。根同黑壤。儂家一種非凡相。空團低墜碧欄前。月魂長。遶瑤臺上。桃臉瘦。柳眉垂。天涯遊子未曾歸。閒花滿地無人掃。賴有東風着意吹。奴家母親知員外去京。昨日到來看奴家。正遇庭前牡丹花開。爲此備辦一杯果酒。去請陳筆耕娘子。褚種杏娘子。同來翫賞一回。至今不見他來呵。〔末上〕種花人不在。自有賞花人。告孺人。陳娘子。褚娘子來了。

〔前腔〕〔小貼上〕春滿華堂。花飛錦帳。簷頭紅日高二丈。流鶯啼過碧紗牕。笙歌

一派供清賞。〔旦〕母親萬福。〔小貼〕孩兒。我爲你夫婿遠出未回。特來看你安否。〔旦〕喜庭前白

牡丹花開。去請褚陳二娘子同母親賞翫一回。卻不是好。

〔六么令〕〔丑上〕豪門來往。骨骸中都是風光。三分模樣十分妝。紅繡襖。綠羅

裳。路人一見魂多喪。路人一見魂多喪。

〔前腔〕〔淨上〕裙衫京樣。稱身材不短不長。珠花斜插髻雲傍。眉黛秀。口脂香。百般妝出妖嬈相。百般妝出妖嬈相。〔淨丑〕孺人萬福。〔小貼旦〕陳娘子褚娘子萬福。〔丑〕老孺人幾時到此。〔小貼〕老身昨日到此看小女。〔淨丑〕小孺人。我每不當叨擾。〔旦〕喜庭前牡丹盛開。特請你二位賞翫一回。〔丑〕果然白牡丹花開了。〔旦〕將酒過來。〔小貼〕賞花人在花前立。人不如花頗羞澀。〔旦〕一杯淡酒酬花神。酒滴花枝似垂泣。〔淨〕人生富貴家。庭栽富貴花。〔旦〕賞花人憶種花人。種花人在天之涯。〔丑〕花如人面白。人似花顏色。花謝明年還再開。人老少年不再得。〔旦〕看花今日人團圓。惟願當年似花好。

〔惜奴嬌〕縞素花王。逞清眞國色。冷淡天香。寒叢裏。偏惹蜂蝶飛攘。〔淨丑〕春光。點綴奇葩。綠葉交輝。碧枝相傍。〔小貼〕端詳。宛然似玉天仙。身跨彩鸞飛降。〔前腔〕非常。月貌冰膚。甚清於魏紫。雅似姚黃。風簾外。只見玉毬飄蕩。〔貼〕不讓。興慶池東。沈香亭北。紅塵十丈。〔淨丑〕還像。楊太眞洗妝時。倦倚象牙牀上。

〔鬪玉蟾〕〔小貼〕誰將種近華堂傍。明珠簾箔爛熳銀屏帳。把塵埃拂拭玉泉

滋養。〔旦〕階上一番風雨過。西子浴蘭湯。泛瑤觴。人正在春雪香中臨軒相賞。

〔淨丑〕

幽芳獨占春陽。那韶華俗眼等閒誰向。也不知曾種洛陽沃壤。夢想。

玉杯盛露冷。瓊樹帶清香。似西方迦羅國梵王覺悟深顏色相。〔合前〕

〔錦衣香〕〔合〕古樣妝。真堪尙。傅粉郎。難相訪。摘獻金仙。玉瓶供養。花枝爛熳

掛秋霜。春深時候。錯認重陽。啓紗牕。覷望綠烟明月輝朗。珠露凝香。辨汗沾玉

穎輕巧。籠霞彩半酣春釀。

〔漿水令〕貌堂堂飛瓊遺像。氣洋洋色靚秋娘。紛紛紅紫鬪濃妝。怎如他一種

清芳。東風惡無力抗。都墜在百寶闌杆上。瓊瑤蕊。瓊瑤蕊。半含半放。如有待。如

有待探花郎。

〔尾聲〕〔合〕清華骨相異尋常。多開向富貴門牆。願歲歲年年人共賞。〔丑〕老孺

人。明日可到寒舍告茶。〔小貼〕老身明早就回。多承厚情。〔淨丑〕小孺人。厚擾。告辭了。

花前一舉觴。

花裏素霓裳。

一笑出門去。

花枝照夕陽。

第十三齣 秉操

〔憶秦娥〕〔小生上〕別卻家山到此行。白雲一望自傷情。昨宵一枕還鄉夢。又被

雞聲喚卻醒。

我自家王以德是也。原係鄂州江夏人氏。爲被豪民胡大才貪我妻色。將我虛陷盜

賊。坑入牢底。不意得蒙馮員外慨然代納贖銀。臨行又助盤費。到此供役。如今開個酒飯店在此。儘可度日。我想若非馮員外之賜。定作牢底孤魂。妻爲他人之婦。此恩此德。如何放得下。爭奈供役未滿。不得還鄉。報他的大恩。今日在此焚香禮拜。願他多生貴子。福祿雙全。今日無事。不免叫妻子出來拜禮一番。多少是好。娘子那裏。

〔遠地遊〕〔貼上〕思念恩深似海。何時報答春暉。官人。你叫奴家怎麼。〔小生〕娘子。我到

此供役。只道死於他鄉。不料事體平安。日逐儘可度日。若非馮公之恩。焉有今日。我如今寫他的牌位在此。我和你焚香禮拜一番何如。〔貼〕正該如此。官人請拈香則個。

〔玉交枝〕〔小生〕吾身不幸。值非災九死一生。馮員外。若非你輕財重義相憐憫。我殘生已入幽冥。皇天。願他多生貴子做公卿。全家食祿延餘慶。〔合〕願穹蒼無私顯靈。鑒善惡。明明昭應。

〔前腔〕〔貼〕我爲遭逢奸佞。爲花容亡家破身。官人。只道今生不得同衾枕。豈期腐草爲螢。若非員外施大恩。夫南婦北成灰燼。〔合前〕

〔望遠行〕〔生上〕行色一鞭殘照裏。問牧童酒家何處。〔丑上〕暫停勞頓駐征車。郵亭深酒旗搖曳。〔生〕行盡山程又水程。郵亭深處酒旗青。呼童且把征車駐。明日聽雞戴

月行。卑人馮商。自京還。不覺又是河南地方。如今天色已晚。小廝看前面有店。在那裏投宿。明日早行罷。〔丑〕員外在此。待我去看來。〔小生〕甚麼人。〔丑〕是投宿的。店主人。我有些認得你。〔小生〕便是。我也有些認得你。〔丑〕你上姓。〔小生〕我是王以德。〔丑〕我和員外在此。〔小生〕莫非江夏馮員外。〔丑〕便是。〔小生〕呀。快請進來。

〔哭相思〕〔小生貼〕山遙水遠見無由。今日相逢邂逅。再生恩德不能酬。如見生

身父母。員外請上。待我夫妻二人拜謝員外。〔生〕不勞。〔小生〕蒙員外活命之恩。又助盤費。員外真是重生父母。再養爹娘。奈供役未滿。不得回家報答。夫妻二人。日夜在此焚香禮拜員外。〔生〕不須如此。〔小生〕娘子快殺雞治酒。〔貼〕曉得了。正是恩人相見處。兩眼倍生光。〔下生〕鄉兄在此。日子得過麼。〔小生〕多蒙員外掛念。托賴尊庇。儘可度日。只是不能報員外大恩。〔生〕且不要說。〔貼上〕雞烹已熟。黃黍已炊。官人酒在此。

〔駐雲飛〕〔小生〕滿捧磁甌。員外活命之恩未得酬。今日相逢偶。倉卒無何有。嗟。草舍可淹留。休嫌卑陋。〔生〕何須殺雞。〔小生〕員外。我剖腹剜心不足爲過厚。我不是辜恩負義流。

〔前腔〕〔生〕看你情意綢繆。何必叨叨訴舊愁。只是你命合非災咎。借我輕扶救。嗟。我素不望人酬。不須傷慙。蒙你雞黍相留。元自難消受。把舊事從今一筆勾。酒多了。不消再斟。〔小生〕領命。不敢多奉。請安置罷。〔生〕過擾了。〔小生〕娘子。你來。我和你說。我雖不曾讀書。嘗聞說道雀解嘲環。犬知結草。古人一飯之德。尚且不忘。我受馮員外活命之恩。將何以

報。我當初事出無奈。將你賣與馮員外。得銀完贓。不想他大德。替我完贓。臨行又助盤費。如此大恩。實難補報。你本該是他的人。如今到與我復合在此。他雖無苟且之心。我當有報本之意。你可進房中。替他鋪牀疊被。不妨就將我的本意對他說。〔貼〕曉得了。〔小生〕出妻獻子非無爲。結草啣環卻有因。〔下貼〕員外請茶。〔生〕呀。如何着妻子送茶來。我不要茶。〔貼〕員外。我丈夫每日在家感念員外。〔生〕念我怎的。〔貼〕他說道雀解啣環。犬知結草。古人一飯之德。尚且不忘。員外活命之恩。將何以報。丈夫原將我賣與員外。我本是員外家的人。到與丈夫復合在此。今夜難得員外在此。妾當鋪牀疊被。〔生〕你不是報我。反來喪我名節。〔貼〕員外不必峻拒。請安置罷。

〔啄木兒〕〔生〕人所貴德行優。我一點良心日自修。娘子。你快去。〔貼〕門也鎖了。那裏去。〔生〕你鎖了門呵。我是柳下惠。至曉不迷。只不如魯男子。閉戶無求。若是他人。妻子吾淫媾。吾家妻子遭人誘。這天報昭昭。怎肯休。

〔前腔〕〔貼〕非君誘豈汝求。爲受活命之恩未得酬。從夫命身屬於君。須知覆水難收。妾身不是牆花柳。只爲恩山義海難消受。故把明珠暗裏投。〔生寫字介〕

〔貼奪介〕夜深了。睡了罷。〔生〕娘子差了。

〔前腔〕但聞得男先女有所求。你可女先於男禮不周。〔貼〕只是一宵之愛。何須峻

拒。〔生〕豈不聞郵亭中一夜風流。番做了萬年遺臭。〔貼〕員外。奴家非是郵亭之婦。

又無一個人知覺。〔生〕伊家夫主能瞞否。皇天后土難欺漏。怎做得襟裾一馬牛。

〔琥珀墜〕〔貼〕看他嚴聲厲色。言出鬼神愁。正氣漫漫衝斗牛。教我赧顏厚頰

自含羞。休休。辜負御溝紅葉空流。

〔前腔〕〔生〕佳人窈窕。月閉與花羞。只是我雅操堅持不妄求。那敗倫傷化豈

良謀。休休。與你冰炭同爐兩不相投。

〔尾聲〕通宵方寸無差謬。不比尋常鼠狗偷。〔貼〕看他正大光明類孔周。〔生〕天

明了。叫京兒起來做飯。〔小生上〕明月去來應有意。白雲聚散本無心。員外。天還未明。〔生〕年近了。

起身回家去。就此告別。〔小生〕難得員外到此。再少住幾日。〔生〕要去了。明年三月。再來看你。請了。

雞黍相留意頗濃。

一番情話又成空。

兩處浮萍歸大海。

人生何處不相逢。

〔小生弔場〕娘子。我和你收拾家火進去。卓兒上甚麼東西呀。原來一包銀子。上面寫着奉還酒飯銀二錢。咳。有這樣好人。我受他恩惠。一飯也不肯喫。又交還銀子。這等人當於古人中求之。娘子。他昨夜說甚麼。〔貼〕他見我在傍邊。一夜並不會睡。將一枝筆。只管寫字到天明。〔小生〕他寫甚字。〔貼〕我留他一紙在此。〔小生〕將來我看。美色人人好。皇天不可欺。我不淫人婦。人不淫我妻。呀。天下有這等好人。

〔琥珀墜〕〔貼〕他身如泥塑。秉燭到天明。他一點仁心認得真。教我空倍笑語枉相親。他頻頻只說道。淫人妻女。怕妻女淫人。〔小生〕胡大才。你這無知惡少。見色便迷心。員外。與你存心霄壤分。不圖人報廣施恩。神明願他多生貴子。福祿壽同增。娘子。待我趕上。送他一程。

我爲知恩要報恩。

恩仇自古要分明。

始信路遙知馬力。

果然日久見人心。

第十四齣 鬪東

〔縷縷金〕〔外小生淨丑上〕車兒緊馬如飛。往來人似蟻。南北路東西。千里京華道。不勝迢遞。望鄉關杳杳白雲飛。紅塵染衣袂。列位都是行路的。趕到祥符縣地方去

借宿罷。

〔前腔〕〔淨〕天已晚。日沈西。歸人爭渡緊。茅舍掩柴扉。前村尋宿店。且啣杯。只因心急步行遲。停驂解行旆。〔外〕此處有店房。列位同投宿了罷。〔淨〕正是。店主人有麼。〔末

上〕釀成春夏秋冬酒。醉倒東西南北人。甚麼人。〔衆〕投宿的。〔末〕請裏面坐。四位一夥來的麼。

〔淨〕正是。一房同歇罷。列位。今夜各出所有。打個平火如何。〔衆〕依命。〔淨〕酒保。你去看四分銀子好酒。四分銀子啜飯來。〔末〕有。〔淨〕敢問列位姓號。以便稱呼。〔外〕老夫姓孫。名丙。衢州人氏。自京中行醫回來。〔小生〕小子姓趙。名甲。襄陽人氏。京中賣藥回來。〔淨〕小子姓錢。名乙。蘭溪人氏。京中算命回來。〔丑〕小子姓李。名丁。在京看地理回來。〔末〕有酒在此。

〔排歌〕〔淨丑〕邂逅相逢。情懷更濃。通宵暢飲千鍾。人生不飲總成空。洞口桃

花也笑儂。歌一曲。飲數鍾。樓頭不覺鼓三鑿。〔合〕身如寄。跡似蓬。長安日日醉春風。

〔前腔〕〔小生外〕萍水他鄉。情投意濃。杖頭不惜錢空。休將酒數問石崇。歌罷桃花扇底風。斟綠醕。勸碧筒。玉壺不覺已篩空。〔合〕雙眉暈。兩頰紅。座上依稀盡醉翁。〔末〕列位夜深了。請睡罷。〔小生〕今夜店中人雜。不免解開了包。把銀子袋兒放在枕頭底下睡。小心天下去得。大膽寸步難行。〔做睡介〕

〔前腔〕〔末〕天色大明了。古寺山僧。頻敲曉鐘。看看斗柄橫東。房中客侶笑聲雄。唱飲通宵興更濃。忙收拾。啓葦蓬。竹爐湯沸火初紅。〔合〕黃糧熟。綠酒濃。相逢不飲總成空。客官。天色已大明了。起來喫飯。〔衆〕天色果然大明了。還了酒錢飯錢。收拾行程罷。〔末〕喫些飯去。〔衆〕要趕路程。不喫飯了。

唱飲通宵到五更。

不知紅日又東昇。

路上有花并有酒。

一程分作兩程行。

第十五齣 斷金

〔望吾鄉〕〔生上〕道路迢遙。風寒雪又飄。紅塵滾滾長安道。鏡中兩鬢蕭然皓。碌碌江湖老。身穿幽壑過小橋。漁父停其棹。過了山岡又水涯。豪吟馬上看梅花。途中積雪深三尺。客旅冬殘未到家。京兒這裏是祥符縣地方。投宿了。明早再行。叫店主出來。〔末上〕清酒。豁轍香。白酒養東陽。早年書不得。晚來好醋姜。是誰。〔生〕投宿的。〔末〕客官請進。任憑自在這裏安歇罷。〔生〕也罷。只是明日早煮飯。我五更就行。要趕家去過年。〔末〕小人四更就有飯。客官請安置。〔生睡介〕呀。牀下是什麼包裹。原來是個銀袋兒。裏面好重。想必是借宿的人失落在此。待我開了看一看。我自不取他的。于心無愧。這是十五包。每包有十兩重。這又是一包。內封銀二十兩。煩寄付家兄張孔孝收乞。這個人好不仔細。幸是卑人拾得。若是別人拾了。卻如之奈何。

〔紅衲襖〕銀子。你是天地間造化根。人爲你費盡了辛與勤。人爲你餐風宿水憂成病。人爲你戴月披星曉夜行。人爲你似魚鼈渡海濱。人爲你伴虎狼登峻嶺。銀子。人若一日無君也。壯士無顏人所輕。

〔前腔〕銀子。人爲你父與子傷了天性恩。人爲你兄和弟傷了手足情。丈夫無你妻不敬。主若無伊僕慢輕。君子儒因無你失了朋友信。貞潔婦爲你做了失節人。銀子。人若一日無君也。伶俐聰明做了懵懂人。

〔前腔〕銀子。多少讀書人爲你把綱常紊。多少廉能官爲你把公論傾。多少強求的爲你喪了殘生命。多少善求的爲你忘了廉恥情。那成家子爲你多慳吝。那敗家子把你如糞土輕。銀子。人若一日無君也。說得亂墜天花也。人不聽。我想起來。

〔前腔〕那子孫賢何須用你每。那子孫愚任你積如山也易傾。竟不知榮枯得失皆前定。何必勞勞苦用心。那匿愛的爲你圖僥倖。貪得的爲你常不平。一團和氣爲你成仇也。重義輕財有幾人。京兒收了這銀子。〔末〕人無利己。誰肯早起。客官有

飯了。〔生〕店主。前夜有甚麼人在此房借歇。〔末〕這裏來千去萬。那得工夫問他。〔生〕我要在此等

一鄉親同行。多奉些房金。再住一二日何如。〔末〕客官要住再住。〔生〕只是打攪。

坐間甲子疾如星。

一片歸心趨去程。

只爲臨財毋苟得。

大刀頭折暫留行。

第十六齣 空歸

〔一翦梅〕〔外上〕煢煢老叟守蝸居。只爲兒在天涯。教人終日倚門闥。盼殺音書。不見音書。父子不相敘。兄弟各一天。鵬飛不到處。人被利名牽。老夫姓趙。名得濟。不幸荆妻先逝。所生二子。長男趙甲。娶錢氏。且喜宜室宜家。次男趙乙。已曾定下孫氏之女。因老夫囊篋蕭然。尙未遂他室家之願。老夫自慚老景無多。將祖遺薄田半頃。典得本銀五十兩。托付與二孩兒到京買易。不想他一去二年。杳無音信。如今秋糧夏稅。逼迫無措。以此日夜懸望。但不知他得失如何。可叫大孩兒請個先生卜一卦。討個消息也好。孩兒那裏。

〔前腔〕〔丑上〕堂前親老景桑榆。終日長吁。終夜長吁。〔貼上〕只爲他鄉遊子未曾歸。他甚日懷舒。待回日懷舒。〔丑〕爹爹拜揖。〔貼〕公公萬福。〔外〕孩兒。你兄弟出去二年。不知他經商得失如何。你去請個先生占卜占卜。問個吉凶纔是。〔丑〕孩兒今早去問卜來。他說

只是凶中有吉之象。應在這早晚可到。〔外〕既如此。可倚門而望。

〔傍妝臺〕我孩兒長安爲客。一去二年餘。不知他蹤跡將何寄。空教我意躊躇。皇天。只願他梯山航海無危險。萬貫腰纏返故廬。〔合〕天寒歲暮。風餐水棲。只爲利韁名鎖。父子各東西。

〔前腔〕〔丑〕自傷心。只因微利。把荆樹兩分離。父年老如風燭。母暴露未歸泥。皇天。祝願他來時風送滕王閣。只怕運退雷轟薦福碑。〔合前〕

〔不是路〕〔小生上〕心急行遲。一載天涯客旅羈。今歸去。門牆依舊掩柴扉。爹爹叩頭。哥哥嫂嫂拜揖。〔外〕孩兒。你回來了。〔丑〕兄弟回來好了。〔外〕悶懷舒。你經年遠別。因何事。未審你經營事怎的。〔小生〕孩兒叨蒙嚴父親兄庇。勝似揚州跨鶴歸。〔合〕不勝之喜。不勝之喜。

〔皂兔序〕〔外〕我老年親終日倚閨。母暴露不能安置。你的綠鬢婦年已及笄。不能設宜家宜室。喜今朝滿載歸。父和子兄和弟一團和氣。〔合〕魚沈鴈杳。一

年有餘。喜今朝團圓歡笑。其樂何如。

〔前腔〕〔小生〕非是兒違親遠離。也只爲利韁牢繫。幸遭逢貨殖高資。三倍利不求而至。因此上久遷延。羈逆旅二年餘始得歸計。〔合前〕

〔尾聲〕〔合〕求名奪利誇得意。勝似狀元及第。骨肉團圓把懷抱舒。〔外〕孩兒爲

何一去二年。杳無音信。教我與你哥哥日夜擔憂。且喜你得意回來。不枉了經年之別。〔小生〕告爹爹哥哥嫂嫂知道。孩兒叨蒙親庇。頭一年買了四十兩銀子藥材到京。京中正缺藥材。賣了八十兩。第二年在臨清買了八十兩銀子棉布。京中正缺棉布。賣了一百五十兩。生意匆匆。故此有違甘旨之奉。臨行之時。又有西鄰張孔孝的兄弟。央孩兒寄帶家書一封。白銀二十兩。也在包裹裏面。〔外〕好好。謝天地。謝天地。大孩兒。你可治些酒殺。與你兄弟接風。〔丑〕正是。娘子快去殺雞治酒。與我兄弟接風。〔外〕孩兒。你可將銀子交與哥哥收了。〔小生〕呀。不好了。〔外〕怎麼不好了。〔小生〕是了是了。〔外〕怎麼是了。〔丑〕是怎麼了。〔小生〕不好了。那夜在祥符縣地方借宿。因見店中人雜。把銀袋兒放在枕頭底下。第二日急忙趕路。忘記取來。不好了。〔外〕何不死。你這不肖的畜生。你所幹甚事。

把銀子失落了。空手回來。這等沒用的東西。倒不如打死了罷。〔丑〕爹爹不要聽他哄你。他那裏買甚麼藥材。甚麼棉布。他將本錢飲酒宿娼花費了。如今回來哄你。自古道財與命相連。我如今官糧納不成。私債還不成。左右是個死。不如把你這敗子推下水去淹死罷。〔外〕正該淹死這不肖的狗畜生。〔貼〕自古道易求者田地。難得者兄弟。官人不可執一時之忿。便傷了手足之情。銀子去了。還有復得之時。兄弟死了。更無再得之理。

〔四邊靜〕〔外〕流蕩忘返喪家狗。你的心膽大如斗。一去二年餘。回家剩空手。將沒做有。出乖露醜。我沒了這銀子。不如死了罷。我命合該休。大孩兒。可憐你母棺風雨朽。

〔前腔〕〔丑〕你那誑財背義真禽獸。你去忘憂恣花酒。今日假乖張。把花言強分割。教人氣嘔。實難消受。這私債與官糧。一時怎措手。

〔前腔〕〔貼〕官人。錢財易得君知否。你兄弟再難有。爲利便傷情。孰輕與孰厚。〔丑打小生介貼〕官人。休得爭鬪。權時消受。宛轉作良謀。從容免災咎。

〔前腔〕〔小生〕爹爹哥哥嫂嫂。我二年勞苦窮途走。並何曾觀花酒。披星夜渡關。戴月曉登岫。命合掣肘。一無所有。殘喘不如休。爲人枉生受。〔外丑打小生介小生〕爹爹待孩兒去尋取。若果沒了這銀子。也不回來了。〔貼〕二叔留得青山在。不怕沒柴燒。不可短見。〔外〕由他去死。

〔尾聲〕〔小生〕爹爹哥嫂權消受。若得完璧歸家重廝守。〔下外丑〕吓。一似東海撈針何處求。

第十七齣 完璧

〔末上〕入門莫問榮枯事。觀看容顏便得知。我五日前有個湖廣客人。進門時節。他說年近歲迫。要趕回家。分付我四更煮飯。第二日爲何反不說去。一連住五六日。其中必有緣故。莫非是個歹人。不免請他出來盤問他。湖廣客人。請你出來。和你算帳。

〔憶故鄉〕〔生上〕歸心徒自切。空使大刀折。店主人。你叫我怎麼。〔末〕官人。自從開店在此。來千去萬的客人。不過住得一二日就去。官人前晚進門時節。你說第二日就行。趕家去過年。如今

連住了五六日。你必有蹊蹺。可說與我知道。〔生〕我有一個鄉里。期約在此相會。故此等他。〔末〕官人既是等鄉里。進門之時。何不就說。你不要在此做些歹事來連累我。〔生〕呀。這人休得胡說。我有甚歹事。

〔出隊子〕〔小生上〕心慌步緊。心慌步緊。錯走前村半里程。何時得見岳陽金。渾似南柯一夢醒。天那。願得他人發個善心。這個店是了。店主人。我的老爹救我一命。〔末〕怎

麼說。〔小生〕救我一命。十五包。二十兩。〔末〕甚麼十五包。二十兩。〔小生〕店主人。沒奈何。快救命。〔生〕不要慌張。慢慢說個明白。〔小生〕客官救我一命。小人於五六日前。在此借宿。因見店中人雜將銀子袋兒放在枕頭底下。第二日歸心太急。失取了。內十五包重一百五十兩。又有鄰人張孔孝附帶家書一封。銀子二十兩。也在包內。〔生〕不要慌張。是我拾得在此。〔小生〕我與你平分罷。〔生〕我因拾了這銀子。在此等了 you 五六日了。京兒取銀子過來。你請收去。〔小生〕官人。你就是我重生父母。再長爹娘。不收一半。請收了二十兩罷。

〔憶多嬌〕〔生〕你休嘆息。莫感激。我平生不取非義物。幸遇卑人無損失。得了

這銀子呵。管取你一家骨肉重歡溢。〔小生〕官人。你且收二十兩去。〔生〕休得強勒。休得強勒。我不是貪財盜跖。

〔前腔〕〔小生〕看他容坦率。性情執。不以勢利關心。真難得。義氣昂昂薰天日。官人。與你路途南北。路途南北。未審何時報德。

〔黑蟆序〕〔末〕我只道他懷意不良。在此盤桓幾日。豈料一點仁心。我凡夫怎識。趙官人。你真有幸遇大德。若是僥倖貪夫。一似東海撈針。怎得。〔合〕一場憂感。變作歡顏。并喜色。如此陰功。再有何人可及。〔小生〕官人。我失了這銀子。被父親打我。

〔前腔〕我一命如同草頭露滴。今日得了這銀子呵。一似枯木生花。陽春布澤。〔生〕你休饒舌。免羈逆。及早歸家。寬慰你父親怨憶。〔小生〕寬洪大德。臨財毋苟得。只怕天各一方。結草啣環。甚日。敢問官人上姓。仙鄉何處。〔生〕你不要問我。及早去罷。省得受人勒索。〔小生〕大哥。你官人上姓。〔丑〕我員外姓馮。名商。鄂州江夏人氏。

記取恩人姓與名。

定爲犬馬報來生。

從空伸出拿雲手。

提起天羅地網人。

第十八齣 合歡

〔金門前〕〔外上〕家貧年老實堪傷。那堪病入膏肓。門庭寂寞景淒涼。不勝惆悵處。冷落守空房。莫道家未成。成家子未生。莫道家未破。破家子未墮。老夫趙得濟是也。可恨第二個孩兒。等閒將銀子失落。空手回家。把我氣成一病。服藥不效。求神不靈。不免叫大孩兒出來。分付他身后之事。孩兒那裏。

〔金門後〕〔丑上〕堂前老父病將危。風燭不勝憔悴。爹爹今日身體若何了。〔外〕孩兒。我不好。〔貼上〕頻將湯藥強扶持。但願沈疴痊愈。公公。奴家煎得一碗藥在此。請喫一口。〔外〕我喫不下去。我只恨第二個畜生。將本錢失落了。把我惱成此病。〔丑〕花費了。豈是失落了。〔外〕我說差了。是花費了。孩兒。我的病料不能起了。他也回來不得了。必死于他鄉。趁我在日。可將你弟婦的庚帖兒送還孫家。教他另嫁人罷。免得擔閣了人家兒女。〔丑〕爹爹說得是。當送還與他。〔貼〕公公。不可執一時之見。爲子孫怨。倘一日成人發達。卻不誤了兩家之願。

〔玉芙蓉〕〔外〕追思不肖兒。他一似風中絮。幾經年流蕩。把資財花費。教咱怨恨成災滯。趙乙。你這敗子。我在九地含冤。只恨伊垂珠淚。大孩兒。等我死了呵。任把我屍骸暴露。教傍人笑罵敗家兒。

〔前腔〕〔丑〕爹爹。你當初不見機。長道他是成家子。把田園典賣。託他生理。誰知他流落都花費。今日呵。財散人離。恰怨誰。爹爹。你空追悔。辜負了你將心託明月。誰知明月照溝渠。

〔前腔〕〔貼〕官人。你的嚴親病已危。還把好話來寬慰。你絮叨叨終日。孜孜爲利。官人。我是外人。你弟兄手足天合配。你爲利傷情量忒微。公公寬懷些。我看叔叔呵。他心存剛毅。不是個敗家兒。

〔水底魚〕〔小生上〕步走如飛。遺金又得歸。如魚得水。病遇良醫。爹爹孩兒銀子有了。回來了。〔外〕銀子已失落了七八日。那個又還你。除非是孔聖人在世還了你。快打他出去。〔小生〕不要打。待孩兒開與爹爹看。〔外丑〕好好。銀子果然有了。孩兒。你在那裏又尋得來。〔小生〕有

個江夏客人。因拾了這銀子。在店中等了我五六日。見我說着內中數目。雙手捧還與我。其時我要分一半與他。反被他呵叱幾句。分文決不要孩兒的。〔外〕孩兒。你若不將這銀子回來。你說我也不信世上有這等好人。我的病也好了。大孩兒。快與你兄弟畢姻。〔丑〕孩兒就去選日。與兄弟畢姻。〔外〕我的爭氣的兒。一百五十兩銀子不打緊。救了我和你兩個性命。大孩兒快拈起香來。點起燭來。望空拜謝他一番。〔丑〕正該拜謝。〔外〕孩兒。那個人叫甚麼名字。〔小生〕叫做馮商。江夏人氏。

〔玉交枝〕〔外〕望乞蒼穹明鑒。我孩兒在京師轉還。把囊資失卻在招商店。遇馮商慷慨交還。他分文不取德行全。孩兒。你不將銀子回來。我必是死了。〔小生〕爹爹。我若尋這銀子不見。我多因也是死了。〔外〕孩兒。我與你在鬼門關上重回轉。皇天后土。〔合〕願馮君福如海淵。願馮君壽比泰山。

〔前腔〕〔丑〕兄弟。天隨人願。喜邂逅得遇大賢。他量寬洪見利心不變。料陰功感格蒼天。願他康寧富貴樂餘年。兒孫代代承天眷。〔合前〕

〔前腔〕〔貼〕君當從善。切勿效炎涼變遷。官人。不思手足恩深遠。爲錢財仇不

戴天。若非賢達來保全。同胞骨肉無由見。〔合前〕

〔前腔〕〔小生〕若論濟人方便。架津梁也是枉然。浮圖七級非爲善。今日還了我銀子呵。使一家骨肉團圓。皇天我也無可報他。滅我未來歲與年。添他鶴算成千萬。

〔合前〕

臨財不苟卻誰能。

重義輕財有幾人。

這樣陰功深似海。

舉頭三尺有神明。

第十九齣 脫韉

〔水底魚〕〔淨上〕趕脚爲生。我的馬兒沒處尋。通宵奔走。如何無影形。自家乃是

襄陽城中一個趕脚的馬夫。昨日將馬放在城外喫草。不想酒醉。如今不見了。一路訪問則個。〔丑

上〕閉口深藏舌。安身處處牢。煩惱不尋人。人自尋煩惱。哥你往那裏去。〔淨〕我的馬昨夜不見了。

〔丑〕你的馬方纔一個人騎着。如今進城去了。〔淨〕哥沒奈何。陪我趕着。重重謝你。〔丑〕我陪你同

趕上去。任他走上焰魔天。脚下騰雲須趕上。

第二十齣 錯認

〔望吾鄉〕〔生上〕六出飛飛。長途客思迷。一鞭行色匆匆去。寒威侵骨多詩趣。局促難成句。推敲處進步遲。野店深深閉。京兒此處到家中。二百里路。與你慢慢的行。〔淨丑上〕心慌來路遠。性急步行遲。這個是了。你騎我的馬那裏去。〔生〕怎麼說。〔淨〕你這樣標致人。拐了我的馬來。好好下馬還我去。萬事全休。你若強辨飾非。拿你見官。如今賊證見在。你有口難說。〔生〕你不要慌張。再仔細看。〔淨〕我是襄陽城中趕脚的馬夫。靠這匹馬養家活口。昨日放在城外喫草。你便拐了我的來。好好還我去。不要討我每動手動脚。〔生〕你不要差認了。我這匹馬在京中十五兩銀子買的。見有中證文書在此間。〔淨〕放你娘的屁。我到差認了。你這樣人。言清行濁。人面獸心。好好還我。養你廉恥。若不肯。執送官司。那時悔之晚矣。〔末〕有文書中證在此。便與他去見官麼。〔生〕京兒不是這等說了。天下之物。未嘗無對。況此人與我往日無怨。他特然來詐我。不如讓這匹馬與他去罷。〔末〕員外不要下馬。待我與他見官。〔生〕不可執一時之見。料想久則自明。〔下馬介〕你自牽去。〔淨〕馬已得了。便與他見官也要工夫。如今羞他一場去罷了。

〔駐馬聽〕你行濁言清。人面誰知是獸心。看他詞窮理屈。任我羞慚。只自忍氣吞聲。此情若是到公庭。教你渾身是口難抵應。罷罷。且自回程。得饒人處。權時隱忍。

〔前腔〕〔生〕不必生嗔。玉石今朝未可分。何用出言無度。事到頭來。自有分明。〔淨呷唾介〕有甚麼不分明。〔末〕員外挨了面上唾。〔生〕由他唾面不須爭。只是尊拳雞肋難抵應。京兒我與你回去罷。我且回程。又不是臨崖失馬。有何勞頓。

失卻驕驕沒處尋。

誰知奸賊便來侵。

方信路遙知馬力。

果然日久見人心。

第二十一齣 歸槽

〔步步嬌〕〔旦上〕玉郎一自京師去。添我離愁緒。鱗鴻不見書。不知娶得妾還未。勸夫娶妾也非癡。只圖他生箇小孩兒。要與馮氏承宗嗣。思蘘砧。慕蘘砧。一片梨花白。

遶銀。孤眠擁翠衾。涕滿襟。淚滿襟。離愁漸日深。奴家自從丈夫去后。屈指又經半載。杳無音信。正是

樂處不知愁處。別時容易見時難。

〔二犯桂枝香〕天涯人去。畫眉誰與。淹淹獨步庭除。魂斷東風無語。嗟吁。魚沈鴈杳。信音稀。山長水遠。情幾許。想當初。同起居。朝雲暮雨。兩情正舒。今日呵。鸞孤鳳寡。半載有餘。知他去日青驄馬。何時返故廬。

〔步步嬌〕〔生上〕年紀強壯。猶無嗣。家業誰承繼。婚姻事已非。只愁山妻問及。深慚恥。進步且遲遲。不覺又到家庭矣。此間已是自家門首。不免逕入。〔旦〕員外回來了。且喜且喜。〔生〕是回來了。〔旦〕員外娶妾之事如何。〔生〕孺人聽我道來。

〔江兒水〕娶得張家女。幽閒好美姿。〔旦〕且喜且喜。〔生〕誰知是張運使之女。其父欠折官糧。卻將此女做倍償。我一聞其言。惻然不覺慈心起。隨時卽遣還家去。〔旦〕既是還他。財禮不要也罷了。〔生〕孺人。你的高見正合吾意。百兩白金。毫忽何曾索取。

〔前腔〕〔旦〕員外。你的陰德如斯厚。何愁沒有兒。伊家后裔將興矣。孔釋抱送麟兒至。相傳統緒無休替。使我不勝之喜。〔生〕還妾之事。出于無心。那有意去求子。〔旦〕員

外何必多疑。陰德出乎無意。〔淨上〕行路猶如鼠抱頭。負荆左袒悔無由。任君掬盡湘江水。難洗今朝一面羞。自家乃是趕脚的馬夫。前日失了一匹馬。錯認了馮員外的馬也罷。又把他辱罵了一場。回到家中。不想尋見了自家的馬。因爲毛色相類。把馬與我每牽來。他自步走家去。如今還了他的馬。憑他責罰一頓罷。〔生〕甚麼人。這等模樣。〔淨〕小人負荆請罪的。〔生〕你這人爲何如此。〔淨〕說不得。打了敢說。〔生〕起來說個明白。〔淨〕小人是個馬夫。因不見了一匹馬。只因毛色相類。錯認了員外的馬。又把言語冒犯了員外。如今自己的馬尋着了。今日送還員外的馬。負荆受責。〔生〕我只道何事。老官。你差矣。天下之物。未嘗無對。我那時就說我與你素無仇。乃一時之差訛也。承你今日送馬來。叫當直的快安排酒飯相待。〔淨〕員外。小人情願受責。〔生〕請起。〔淨〕待小人叩頭請罪。

〔四邊靜〕我一時差誤將心昧。只爲毛色頗相類。又把言語冒君威。如今空自悔。今日負荆請罪。小人敢辭鞭背。員外。你若以德報冤仇。使人愈惶愧。

〔前腔〕〔生〕世間物色多相類。未嘗有無對。只在一時訛。此非有心爲。休得拜

跪。何須惶愧。我愚性素寬洪。何嘗較人罪。

不較人非素性寬。

何須瑣瑣見於言。

若還如此能容恕。

莫把前程問老天。

第二十二齣 續絃

〔藍橋仙〕〔末上〕 恩典濫叨鍾鼎任。聖明朝雨露恩深。草履黃麻。暫辭青禁。聊

假片時安靜。黃閣掌絲綸。當朝第一人。九重瞻日月。四海賀陽春。名覆金甌重。恩須鐵券新。斷絃

今再續。缺月又重明。下官富弼。職任當朝丞相。只因喪了荆妻。今日續娶張運使之女。已曾差人去

迎接了。想必是來也。

〔吹打同貼上〕玉容妝罷上蘭橋。直至相府深杳。〔淨上喝禮介〕

〔畫眉序〕〔末〕 蘭房久寂寞。今得鸞膠把斷絃。續奈芝田失種。未生藍玉。桑榆

景指日將來。伉儷情非吾意欲。〔合〕 仙娥窈窕顏如玉。當貯在洞天金屋。

〔前腔〕〔貼〕 蘭湯罷新浴。環珮鏗鏘捧醴醪。自慚薄命。得占佳卜。妾本是裙布

釵荆。何幸披金冠霞服。〔合前〕

〔前腔〕〔衆〕君恩喜新沐。爭看嫦娥降塵俗。這夫榮妻貴。萬全之福。喜今日連理方諧。看明年鳳雛當浴。〔合前〕

〔滴溜子〕〔衆〕喜今日。喜今日。洞房花燭。看明年。看明年。芝田生玉。這富貴人。人所欲。願有子萬事足。今爲眷屬。喜百歲和諧。夫和婦睦。

〔尾聲〕〔衆〕華堂佳景如金谷。花燭熒煌人共祝。共祝夫妻永和睦。

夫榮妻貴豈尋常。

神女仙郎會洞房。

今日藍橋相會處。

明年生下狀元郎。

第二十二齣 格天

〔點絳脣〕〔旦上〕靄靄天香。沈沈星斗。正是臨朝時候。俟金鸞漸出龍樓。鳴玉磬萬神拱手。玉皇殿上掌書仙。出入雲衢步九天。執掌天曹司禍福。霞衣薰染御爐烟。小聖乃是

玉帝殿前左侍金童。司人間善惡之籍。掌天下禍福之樞。今日乃臘月晦日。天下土地社神。皆來陳

奏人間善惡。作善者降之以祥。作惡者降之以殃。道猶未了。傳言玉女已到。

〔前腔〕〔貼上〕環珮鏗鏘。笙歌嘹唳。出重霄步入天堂。聽闕下鐘鳴鼓響。淡月疎

星遠建章。仙風吹下御爐香。侍臣鵠立通明殿。一朵紅雲捧玉皇。小聖乃是玉帝殿前右侍。傳言玉

女。如今聖駕臨朝。不免上殿則個。〔淨上〕鳳眼蠶眉蓋世雄。忠良義勇漢關公。生前忠正無私諂。死

入天堂太極宮。小聖乃漢將關雲長是也。今日輪該直殿。不免上殿則個。〔丑上〕皂斲烏靴執火輪。

金鞭閃閃逐雷霆。身騎黑虎如飛電。頃刻騰雲上太清。小聖乃是黑虎主玄壇趙元帥是也。今日輪

班直殿。不免上殿則個。

〔出隊子〕〔外生末同上〕纔離黃壤。纔離黃壤。足躡祥雲到上方。昭靈神貺事非

常。一一敷陳到玉皇。善惡攸分。禍福自彰。〔外〕小聖乃是京都土地是也。〔生〕小聖乃是

河南土地是也。〔末〕小聖乃是湖廣土地是也。〔雜〕小聖乃祥符縣土地是也。〔衆〕今日乃臘月三

十日。不免各把人間一年之內所作善惡。奏聞玉帝。此乃是三天門下。列位請進。〔旦〕奏事官出笏

三舞蹈。

〔神仗兒〕〔衆〕揚塵舞蹈。揚塵舞蹈。遙瞻天表。彌羅浩浩。各具數陳干冒。明罪祿顯天條。〔旦〕奏事官聽命。凡人間小善微惡之事。具表累奏。以憑查考。如有巨惡深善之人。卽當面奏。以行懲賞。〔外〕今有江夏馮商。

〔駐馬聽〕無子之京。娶得張家一美人。見他哀情悽慘。不犯私情。送返嚴親。聘財不索半分文。量如滄海人難並。如此良民。合生一子以傳家慶。〔旦〕馮商既有此德。合與一子。以繼善人之後。江夏土地。備奏其詳。〔末〕江夏土地奏聞上帝。那馮商呵。

〔前腔〕積善存仁。蹈矩循規太古民。況且敬尊宗黨。禮讓親鄰。愛惜生靈。濟人急難不求聞。賑人饑饉無慳吝。一點仁心。孜孜爲善不圖僥倖。〔旦〕馮商家庭之間。又有此德。合與他一貴子。以爲善者勸。〔末〕臣是中都土地。奏聞上帝。

〔前腔〕有以德王生。因受馮商活命恩。爭奈家貧無報。密遣嬌妻。侍枕溫衾。那馮商嚴聲厲色到天明。略無私意迷方寸。他筆不曾停。寫道不淫人婦。婦不淫人。今有馮商寫字紙。見在可證。〔貼〕馮商實有此德。古來罕有。合與極貴之子。報他積善之功。〔雜〕

臣祥符縣土地奏聞上帝。那馮商呵。

〔前腔〕貿易之京。回至祥符客店門。拾得遺金百兩。久住於斯。等待那人。交還。不取半分文。全他父子殘生命。義氣仁心。卽非矯揉真謙謹。〔旦〕馮商處處施恩。人人懷德。處幽室而不亂綱常。捨己財而不圖償報。陰德陰功。無出其右。今謫下文曲星君。與馮商爲子。連中三元。又謫下織女星。與丞相富弼爲女。速召二位星官聽令。

〔金錢花〕〔小生小旦上〕忽聞上帝傳宣。傳宣卽時便駕雲駢。雲駢蒙勅命。聽綸音。端象簡。正雲冠。端象簡。正雲冠。〔旦〕玉帝勅旨。謫下文曲星君與馮商爲子。連中三元。官封五世。織女星與富丞相爲女。生於二月初一日子時。就與文曲星君同年同月同日同時。配爲夫婦。以報善人之后。謝恩退朝。

〔神仗兒〕〔小生小旦〕雲霞五色。雲霞五色。風霆寥寂。萬籟聲俱息。只見星斗熒煌昭晰。難得這好良夕。〔外〕敢問上聖。那壁廂黑雲裏兩個青眼夜叉。押着白牛一隻。黃犬一隻。卻要到那裏去的。〔旦〕那白牛是唐朝李林甫。那黃犬是宋朝秦檜。此二人欺君誤國。閻王着夜

又押去將白牛投入牛胎。將黃犬投入犬胎。以爲陰報。〔外〕呀。原來如此。

〔前腔〕〔衆〕天風兩腋。天風兩腋。霓裳飄逸。環珮隨雲鳥。只見天路行來無跡。承帝命奉公役。〔生〕啓上聖。那壁廂白雲裏。一個牛頭夜叉。押着一個人到那裏去。〔旦〕世上有等人。專一陷害良善。尅衆成家。玉帝着被害之人。投入其家爲子。他日寸草不留。以爲陽報。〔衆〕原來如此。世上也有一二作善的麼。〔旦〕作善的呵。

〔雙聲子〕馮商的馮商的。積功累德。馮商的馮商的。施仁布澤。帝心簡於幽默。當加厚寵錫。文曲星被謫。投入凡胎。爲其子息。〔外〕啓上聖。此間已是京都界內了。請織女星下界。〔外貼〕暫辭金鳳闕。權下五雲端。〔下〕

〔前腔〕〔衆〕鄂州的鄂州的。馮商版籍。江夏的江夏的。馮商第宅。九天須臾經歷。文曲降紫極。託生下域。連中三元。旋登九棘。〔生〕啓上聖。此間已是江夏。請文曲星君下界。〔末小生〕在天爲七曜。凡世作三元。〔下〕

〔出隊子〕〔二旦丑淨〕朱幢寶蓋。朱幢寶蓋。特送星官離上台。暫臨塵世入凡胎。

我等祥光回駕來。五色雲車。六龍擁排。

恭承帝命下天庭。

暫向人間托化生。

文曲已看歸下界。

吾儕仍復上青暎。

第二十四齣 挺生

〔憶秦娥〕〔淨上〕推命是生涯。〔末上〕賣藥無常價。〔淨末見介〕夜來三更時分。家家聽得

空中鼓樂喧天。有人說道迎送狀元到馮宅去。此事真奇異也呵。〔外〕我家亦聞空中此言。馮氏未

必生子。可同去一望。〔衆〕轉灣抹角。此間已是了。〔生上〕龍駒有種。麟兒無價。幸喜添丁

昨夜。是何人呀。原來是列位先生。〔淨末外〕作揖作揖。昨夜三更時分。家家聽得空中鼓樂喧填。有

人說道送狀元到馮宅。今日特來賀喜。〔生〕實不敢瞞。夜來果添一子。〔淨〕如此該打一打喜。易長

易大。〔生〕當設小宴奉款。列位來得正好。〔淨〕今日喜得了令郎。我在人家算命。遇了好八字女子。

當作一伐。以報大恩。〔外〕今日喜得了令郎。明日長大。學生當盡心教益。成一大儒。〔末〕令郎的肥

兒丸。抱龍丸。稀豆丹。都在小子身上。包他一生無病。〔生〕既蒙列位厚情。敢煩冰月先生排一命。筆

耕先生取一名。房下身子欠安。與種杏先生求一方〔外〕既蒙相委。還是先推排八字。〔淨〕令郎二月初一日不知甚麼時辰。〔生〕半夜子時。〔淨〕今年辛卯年。二月又是辛卯月初一甲子日。又加甲子時。〔講命介〕人稟天地。命屬陰陽。生居覆載之內。盡在五行之間。欲知貴賤。先觀月令及提綱。次斷吉凶。命以日干爲主。三元要成格局。四柱喜見財官。用神不可損傷。日主二月正及時。今推究其淺深。大要在於日時。好個二月初一日。又好個子時。此命將來名標金榜。身旺逢官。威振邊疆。位登九棘。誠三公之命也。可喜可喜。

〔五供養〕馮兄可賀。關煞俱無。八字平和。〔生〕不知後來讀得書否。〔淨〕命中應貴顯。有分中高科。子平上說道。有官有印。當作廊廟之材。無破無冲。定爲棟梁之器。有官有印。况又無冲無破。〔外〕不知幾年上中舉。〔淨〕青雲當弱冠。擬聽鹿鳴歌。仕途碌碌。直登高座。〔生〕啓動。如今煩筆耕先生取一名。

〔前腔〕〔外〕題名付我。員外在京中回來得的。欲取馮京尊意如何。〔淨〕京裏回來得的。取名馮京。但不知京字怎解。〔外〕京者大也。我毛詩曾讀過。左傳盡看過。〔生〕不知毛詩

左傳上怎麼說。〔外〕毛詩上說道。如砥如京。左傳上說。莫之與京。毛詩左傳。義理推來皆可。〔淨〕先生不要差了。被人笑你。〔外〕說文曾考訂。義理不差訛。若有差訛。是吾之過。

〔生〕房下身子欠安。煩種杏先生寫一方。〔末〕胎前產後。小子能治。

〔前腔〕當歸半夏。香附乾姜。白朮升麻。〔生〕腹中有疾。〔末〕消痰加枳殼。活血用紅花。〔生〕大便有些不實。〔末〕大便不實。再用猪苓澤瀉。〔淨〕莫不是舊方。〔末〕舊方曾考訂。或減或增加。我三世明醫。豈有差訛。

〔前腔〕〔生〕褚先生。蒙君過我。受你奇方。治我渾家。陳先生。多君知典籍。名字取來佳。衛先生。推詳八字。更又多勞足下。未能酬厚禮。且請告杯茶。〔淨末外〕令正坐草。不勞賜茶。〔生〕少待從客。踵門叩謝。

獨夫新得子。

老蚌始生珠。

莫作尋常看。

他年作大儒。

第二十五齣

議親

〔秦娥怨〕〔貼上〕良人作相固多榮。自愧奴家福本輕。一女寶和珍。可怪年來多病。睡起紗窗日影紅。玉釵斜墮鬢雲蓬。新愁一種鬱心中。鏡掩紅鸞塵垢封。小女碧雲。年方二八。欲招一壻。以爲養老。可怪年來多病。不免喚老姥扶小姐出來。喫些湯藥。多少是好。老姥扶小姐出來。〔丑扶小貼上〕

〔前腔〕〔小貼〕行行且止復行行。嬌弱形骸病不勝。母親病久如何是好。〔貼〕只指望你減三分。到又增一倍。既然如此。可用些湯藥纔好。

〔香羅帶〕嬌娃體欠寧。花容瘦損。天倘有不測呵。我的千倉萬箱誰管領。思之使我好傷情也。看他形憔悴。熱如蒸。向晚寒生如臥冰。只此難勝也。猶恐懨懨病愈增。

〔前腔〕〔小貼〕我身如瘦鶴形。貪眠懶行。天無端爲我成此病。呻吟日夜不停聲也。嗟腹飽苦頭疼。未審何時得體寧。〔貼〕昨夜裏曾睡得麼。〔小貼〕昨夜裏呵。欲睡難成。斜倚薰籠坐到明。

〔前腔〕〔丑〕小姐。你今年有晦星。暫得禍生。壽夭死生有命。可憐骸骨瘦稜稜也。服藥餌。禱神明。藥無功。神不靈。禍福難明也。須請星士前來問五行。〔丑〕夫人。

如今請個先生與小姐算一命如何。〔貼〕說得正是。扶小姐進去。〔小貼〕病中人似夢。愁裏日如年。

〔貼〕院子那有。〔末〕簾外供祇應。階前聽使令。夫人有何鈞旨。〔貼〕外邊有算命的。請一個進來。

〔末〕府前有個衛冰月先生。甚是有名。請他進來。〔貼〕就請他罷。〔末〕衛先生在麼。

〔水底魚〕〔淨上〕推算最有名。言無不應。人人稱我是神明。大哥拜揖。大哥有何事。

〔末〕富丞相府中。特來請你。〔淨〕這便就行。你去通報。〔末〕稟夫人。推命的請到了。〔貼〕着他進來。

〔淨〕夫人。算命的拜揖。〔貼〕先生是子平是五星。〔淨〕小子多能。子平兼五星。手中無物。

一本百中經。請問小姐貴造。〔貼〕欲問年庚。今當二一八齡。〔淨〕何月何日。〔貼〕仲春朔

日。半夜子時生。〔淨〕我那裏有箇馮京。青春二一八齡。〔貼〕也是十六歲。不知何月日。〔淨〕

同年月日。也是子時生。〔貼〕聽說馮京。他父親是甚名。〔淨〕他父親是馮商。〔貼〕他

何方人氏。〔淨〕鄂州江夏人氏。〔貼〕曾做甚營生。〔淨〕那馮商當年在在外爲客。〔貼〕那馮商當

初無子〔淨〕咳。奇怪。夫人爲何曉得。他當初果然沒有子。〔貼〕敢是他妾所生的。〔淨〕非妾所生。他在京曾娶一妾。說道他父親賣他倍償官糧。心有不忍。不索聘財就遣還。他因有此陰德。生下馮京。此子九經三史。無所不通。好個秀才。〔貼〕陰德中來的馮京。可曾婚娶麼。〔淨〕還未有親。〔貼〕我欲招他爲婿。不知他父親肯否。〔淨〕他父親有何不肯。只怕丞相不欲。〔貼〕我丞相總然不肯。我宛轉勸他。就煩先生作伐。〔淨〕當得。況且小姐命中。今年正該見喜。若不見喜。便多疾病。〔貼〕先生不知小女之病。幾時脫體。〔淨〕若要脫體。直待見喜。若不見喜。一定不起。況小姐今年紅鸞天喜在命。〔末〕稟夫人。丞相回來了。〔淨〕丞相回來了。小子且告退。〔貼〕你且不要出去。且在門外伺候。待丞相叫你。便可進來。

〔秦娥近〕〔末上〕儒生入相豈無榮。繼我書香子未生。一女貌娉婷。只恐紅顏薄命。〔貼〕丞相萬福。〔末〕夫人拜揖。有甚麼人在此。〔貼〕算命先生在此。與孩兒講命。〔末〕推命如何說。〔貼〕他說一時不能痊好。直待見喜方可。〔末〕叫院子。喚算命的進來。等我問他。〔末〕算命先生。丞相喚你。〔淨跪介末〕算命先生。起來站着。你說小女之命。爲何多病。〔淨〕小姐貴造。今年紅鸞

天喜星照命。若不見喜。災疾不能脫體。〔貼〕丞相。方纔那星士說鄂州江夏有個秀才。是馮商之子。馮京。與我孩兒同年同月同時。一字不差。其子五經三史。無不通曉。況小姐命中正欲見喜。何不招他爲婿也好。〔末〕星士。他父親是何等人。〔淨〕是個富翁。〔末〕雖是富翁。難與我家結親。我丞相之女。豈無公卿之子爲配乎。〔貼〕丞相差矣。婚姻之事。但擇女婿賢否。何拘門第之高低。〔末〕夫人。且不要講親事。待我再問他。一問。星士。小女果然爲何多病。

〔啄木兒〕〔淨〕人多病係五行。五行若不濟呵。且夕之間災禍生。交夏來羅計相沖。羅乃火之首。計乃火之餘。相作炒。怎得安寧。〔末〕既是羅計作炒。與他禳星作福何如。〔淨〕禳星作福無靈應。須得見喜方安靜。若是見喜呵。此病隨時便減輕。

〔前腔〕〔貼〕丞相。你且休遲滯宜早行。但得個詩禮門牆便可成。既是個積善之家。況此子又是飽學書生。丞相。不如及早諧婚聘。兒孫自有兒孫命。難得個同年同月同時日生。

〔前腔〕〔末〕我操國柄佐聖明。我是九棘三槐位裏人。要擇箇坦腹東牀。豈無

個貴戚王孫。夫人不但女婿要擇。親家也要擇。朱門白屋難相並。田翁國老非同等。這段姻緣斷不成。院子打發先生去罷。擇婿固知有快婿。做媒不怕無良媒。〔未下丑上〕告夫人知道。小姐病勢十分之中。已去八九分了。不知有甚緣故。〔貼〕且喜叫院子喚那先生轉來說話。〔小末〕先生夫人又喚你轉來。〔淨〕夫人有何分付。〔貼〕先生小女方纔議親之時。病勢減去八九分。果應先生口了。〔淨〕可見小子說得不差。〔貼〕由此觀之。豈非姻緣待我再勸丞相肯從。定煩先生爲媒。〔淨〕小子自當領命。

姻緣姻緣。

事非偶然。

謀事在人。

成事在天。

第二十六齣

講學

〔西地錦〕〔末上〕日暖風輕雲淡。芸窗徐捲湘簾。老來厭舞青萍劍。日常披展牙籤。函丈春風絳帳。皋粲夜雨青燈。先聖已開文學。詞臣多起明經。老夫陳筆耕是也。叨居師席。教

訓生徒。雖有數輩。止得馮商之子馮京。六經淹貫。諸史旁通。他日必有一個大成就也。又有喻氏之

子喻罇。頑劣無似。決無有成之理。道猶未了。馮喻二子早到。

〔前腔〕〔小生上〕素志惟甘清淡。二墳五典沈酣。〔丑上〕致君堯舜吾何忝。荷衣

擬換朝衫。〔小生丑〕先生拜揖。〔末〕你兩個可溫些經史。去求取功名。〔丑〕學生這書如醬爛熟。不

必又溫了。只是詩詞歌賦不會曉得一些。欲求先生教授古詩一首。未審如何。〔末〕這也使得。我就

教你兩個一首詩。你用心聽着。畫山水歌。〔丑〕做皮匠哥。〔末〕良工善得丹青理。輒向茅茨畫山水。

〔丑〕張公慣爲裁靴底。日出卯時纔做起。〔末〕地角移來方寸間。天涯寫在筆鋒裏。〔丑〕錐鑽放在

面子間。棺頭放在籬頭裏。〔末〕日不出兮主長生。雲片片兮水泠泠。〔丑〕穿不上時放長些。穿得好

時要價增。〔末〕經年蝴蝶飛不出。累歲桃花放不成。〔丑〕今年油靴賣不得。明歲皂靴做不成。〔末〕

一片石。數株松。〔丑〕一塊蠟。數根棕。〔末〕遠又淡。近又濃。〔丑〕皮又爛。底又鬆。〔末〕不出門庭三五

步。觀盡江山千萬重。〔丑〕不出門庭三五步。脫了靴底再來縫。〔末〕馮京。你看喻罇這個畜生。教他

讀詩。一發胡說不成才。你不要學他。〔小生〕是。〔末〕馮京。你拏書來。講與我聽。〔小生〕不敢動問先

生講何書。〔末〕取論語來講。德行顏淵閔子騫冉伯牛仲弓。言語宰我子貢。政事冉有季路。文學子

游子夏。你就講這一節。〔小生〕德行顏淵閔子騫冉伯牛仲弓。德存于心。行見于外。人以德行稱者。惟顏閔冉仲四子而已。言語宰我子貢。自言曰。言語答述曰。語。孔門之下。善于言語者。惟宰我子貢二人而已。政事冉有季路。文學游子夏。通于政事文學之科者。惟有此四人爲然。此孔門之四科。世俗之十哲也。〔丑〕我看他不識文理。解差了。學生講與先生聽。德行顏淵閔子騫冉伯牛仲弓。言語宰我子貢。政事冉有季路。文學游子夏。〔末〕你念是這等念。你且解與我聽。〔丑〕德行顏是一個人的姓名。那德行顏淵那閔子騫去冉伯家裏一隻牛。仲弓言語宰我。是那仲弓去說與宰我知道。子貢政事。那宰我不信。子貢證說道實是他牽去了。那冉有季路聞得這樁事。學子游的兒子說知道。果然還是他牽去了。這等講。〔末〕這畜生都是胡說。

〔玉芙蓉〕賓師分所嚴。道學吾何忝。況門牆諸子學優才。瞻雲龍天上爭先遶。雪案螢窗莫久淹。前程暗。倘吾徒造就。那時節須知青者出於藍。

〔前腔〕〔小生〕胸中星斗斂。筆底雲烟染。看春闈鰲頭許誰先占。斲琴須用桐和梓。作室宜求梗與楠。吾何憾。朝經暮史。君不見蛟龍頭角豈終潛。

〔前腔〕〔丑〕詩書最可嫌。酒色偏不厭。飽肥甘。何嘗用菽水齋鹽。〔小生〕作囊囊如
何。〔丑〕腰纏十萬還騎鶴。〔末〕你讀書如何。〔丑〕腹飽五車期步蟾。深知識。嚴師
益友日磨漸。那時成就有何難。

講藝談經道理明。

耕田東望作西成。

魚龍變化無多日。

只待春來第一聲。

第二十七齣 應試

〔六么令〕〔丑上〕欽承朝命。來選擇楚地書生。立意存公正。潔如冰。但得禹門
頭角變。擬爲當代掌絲綸。下官欽承皇命。來選湖廣英才。叫巡綽官。〔外末上〕少小須勤學。文
章可立身。滿朝朱紫貴。盡是讀書人。巡綽官見。

〔前腔〕〔淨小生上〕槐花正黃。赴科場舉子忙。各把胸中蘊。儘敷揚。五百名英雄
都到此。不知誰是解元郎。舉子齊了。煩乞通報。〔外末〕舉子告進。〔小生淨見介丑〕當職欽承

皇命。來此考選汝等。一不許夾帶懷挾。二不許替作文章。三不許交頭接耳。違者押出。我朝開科取

士不用策論文章。一場作對。二場詠詩。三場作詞。各歸席舍。〔小生淨〕是。〔丑〕且出一對。杜鵑花裏
杜鵑啼。有聲有色。〔小生〕學生有。蝴蝶夢中蝴蝶舞。無影無形。〔丑〕這秀才出口成章。地字號上來
領題。〔淨〕學生有。〔丑〕這個秀才好醜陋。〔淨〕學生的外貌雖陋。內才充足。〔丑〕也罷。就把你外貌
出一對與你對罷。麻面蒼鬚。好似羊肚石倒栽蒲草。〔淨〕學生也把大人尊容來對。歪唇白眼。猶如
海螺杯斜嵌珍珠。〔丑〕再看后場。天字號領題。〔小生應介丑〕第二場月字爲題。吟詩一首。〔小生〕
有甚指揮離海嶠。憑何文引到天涯。更有一端違法處。夜深無故入人家。〔丑〕七步之才。深慶朝廷
得人矣。可賀可賀。地字號領題。就把風字爲題。吟詩一首。〔淨〕風風來無影。去無蹤。也曾穿簾入戶。
也曾透入皇宮。風你毒六月裏去。別人家過夏。十二月倒在我家來過冬。〔丑〕滿口胡柴。全無文法。
且去。天字號領題。第三要做賦一篇。再把月字爲題。

〔清江引〕〔小生〕長空萬里天街靜。皎皎明如鏡。中秋色倍明。雪夜光尤瑩。廣
寒宮折桂枝揚名姓。〔丑〕真奇才也。既折桂枝。定揚名姓。第一名解元已定。〔小生〕多謝老大
人作養。〔丑〕地字號領題。〔淨〕學生有。請出題。〔丑〕也把月字爲題。作賦一篇。

〔前腔〕〔淨〕一輪皓魄清輝映。萬籟聲俱靜。敲砧門巷聲。吹笛關山韻。斷腸聲。此夜偏難聽。〔丑〕你的前場俱不可取。后場可觀。當今缺少人才之際。姑取第二名亞魁。馮京第一名解元。

作養人才日。

留心早決科。

棘闈文戰罷。

同聽鹿鳴歌。

第二十八齣 登科

〔菊花心〕〔生上〕當今天子選賢良。遊子天涯去路長。〔旦上〕一念感穹蒼。願得他名題金榜。員外萬福。〔生〕孺人拜揖。〔旦〕員外孩兒應取科舉。不知功名之事若何。〔生〕榮枯得失。皆由天命。孺人不必掛念。

〔駐馬聽〕暮景生兒。愛惜猶如掌上珠。若不爲功名二字。怎割捨得他途路奔馳。父子東西。天那。願他平步上雲梯。高車駟馬還鄉里。〔合〕心內憂疑。倚門懸望。捷書飛至。

〔前腔〕〔旦〕景入桑榆得紹箕裘慶有餘。止合躬耕畝。形影相隨。早晚相依。員外。心高過望顯門楣。教他背井離鄉地。〔合前丑上〕有事不敢不報。無事不敢亂傳。報事報事。〔生〕報何事。〔丑〕令郎鄉試中第一名解元。〔生〕恐無此事。〔丑〕本縣大老爺知道了。親自送捷報來了。〔生〕值當快安排酒席迎接便了。

〔瑞鶴仙〕〔外上〕昨日尙居田舍。今朝身上雲梯。將相何曾有種。還須教子讀書。〔生跪接介〕馮商迎接父母老爺。〔外〕先生差了。何以如此之稱。〔生〕馮商乃治下小民。〔外〕久慕先生。年高有德。如今令郎又高中了。先生必是封君。〔生〕值當將酒過來。

〔山花子〕〔外〕登雲發軔從今進。佇看科甲連登。羨青年學業有成。戰文場壓倒英雄。〔合〕嘆詩書何嘗負人。一朝榮貴畫錦行。榮親顯妻受帝恩。不枉了螢窗十載辛勤。

〔前腔〕〔生〕自慚老朽惟安分。守田農處世無能。幸遭逢賢侯贊成。使蟾蜍萬里飛騰。〔合前外〕學生蒙朝廷欽取。即日赴京。令郎上京會試。就在學生船上同去罷。〔生〕多謝父

母大人作養〔外〕告謝了。

一舉登科日。

雙親未老時。

錦衣歸故里。

端的是男兒。

第二十九齣

辭親

〔步蟾宮〕〔生〕且弔場小生上。

蟾宮仙桂折高枝。不負趨庭學禮詩。鹿鳴宴罷馬

如飛。功名遂少年豪氣。

爹爹母親請上。待孩兒參拜。〔生〕孩兒。你先去拜了祠堂。然後來拜我

每。〔小生〕少年一舉占高科。皆賴祖宗積善多。報效未能願紫誥。承恩先聽鹿鳴歌。〔拜父母介〕夜

雨燈前蒙訓育。春風堂上醉醱蘇。今朝喜把藍袍換。不羨班衣戲綵過。〔生〕孩兒。我不料你這等青

年。就中解元。此亦人生所難得者。明年會試之年。倘得一官半職。不負了父母教育之功。本縣堂尊

大人。朝廷欽取赴京。他要座船上同你去。你可收拾行李。同他去罷了。〔小生〕孩兒情願在膝下侍

奉父母。不敢遠遊。以背聖經。〔生〕我如今年將七十。光景無多。猶如半夜殘燈。樹頭黃葉。你趕我兩

人在日。看你頭角嶢嶢。前呼後擁。顯親揚名。也勝是死後三牲五鼎之祭。快收拾行李起程。早去早

回纔是。

〔園林好〕〔小生〕從親命只得遠離。我何忍脫班爛舞衣。兒去了呵。誰侍奉高堂。甘旨。爹爹。我若及第便回歸。及第便回歸。

〔前腔〕〔生〕我孩兒不須致疑。論功名在青年可爲。若得你連登高第。顯雙親。耀閭里。

〔尾聲〕〔小生〕辭親舍赴帝畿。從此登山涉水。莫使雙親頻倚闥。

出門咫尺是天涯。千里迢迢早問家。

願你此行猶折桂。休教迷戀上林花。

第三十齣 及第

〔北點絳脣〕〔外上〕玉露沾衣。九重金殿珠簾起。佇立丹墀。上下傳恩旨。銀燭

朝天紫陌長。禁城春色曉蒼蒼。千條弱柳垂青瑣。百轉流鶯遶建章。下官待漏侍臣。今年禮部會試。

取得第一名。乃是江夏馮京。此人才高學博。今日特御文德殿。問以治安之策。只得在此接應。

〔前腔〕〔小生〕聖主崇儒攜書千里來投試。慚愧無知。實忝魁多士。我馮京登鄉試之首。又叨會試之元。今日聖上御朝策試。此間已是文德殿前。不免拱聽玉旨。〔末〕對策臣不得登殿。就在丹墀下俯伏。〔小生拜介末〕奉聖旨。自古帝王之御天下。必資文學之士。以成報國之功。第一問王者治國之道。當以何者爲先。〔小生〕臣聞爲君之道。

〔駐馬聽〕正大光明。納諫如流。遠佞臣。憶昔舜由勤問。禹拜昌言。湯有盤銘。若還懈惰。與荒淫。萬民失望。生災釁。肝膽披陳。須知國正天心自順。〔末〕第二問。爲臣之道。何者爲先。〔小生〕臣對。當今之世。

〔前腔〕所重能文。設試開科。網俊英。務選飽餐三史。博覽九經。能盡孝弟忠貞。一朝僥倖。榜題名。何嘗報國捐軀命。皆竊祿承平。那見梟卿。罵賊朱雲廷諍。〔末〕第三問。爲父之道。何者爲先。

〔前腔〕〔小生〕臣對。父乃嚴親。身教爲難。不可輕。當效義方竇氏。孟母三遷。孔鯉趨庭。父慈子孝。出天倫。家庭所貴。無偏聽。若是愛惡不明。古來幾個如虞舜。

〔末〕聖上又問。爲子之道。何者爲先。

〔前腔〕〔小生〕臣對。孝養之情。一日三公不足榮。憶昔臥冰求鯉。泣竹筍生。第恐難成。但能下氣與怡聲。問衣寒。暖頻溫清。要色養恭勤。莫如犬馬無別無敬。

〔末〕聽宣諭。觀卿所對。直言君道。備述臣情。親之教子。子之養親。皆得其宜。實懷朕意。今宜居第一。候旨下。

〔滴溜子〕〔衆持袍笏冠帶上〕這袍笏。這袍笏。置從內廷。這冠帶。這冠帶。恩光顯榮。降從九重。丹闈傳宣。賜試臣。實爲榮幸。隨勅佩服。晝錦登瀛。〔末〕奉聖旨。廷試第一。

名狀元馮京。賜袍笏冠帶各一事。隨即佩服謝恩。〔衆下〕口啣天語重。身惹御爐香。

〔駐雲飛〕〔小生穿介〕草草陳情。三戰皆叨第一名。自愧圖僥倖。惟恐辜明聖。臣陋巷一書生。濫叨恩命。願聖壽無疆。四海歌堯舜。頓首山呼萬萬春。〔末〕奉聖旨。着教坊司具鼓樂。迎送狀元赴瓊林宴罷謝恩。

金殿傳臚第一聲。

三元連中占魁名。

少年且是文章顯。

豈但龍頭屬老成。

第三十一齣 招婿

〔楚陽臺〕變理陰陽。調和鼎鼐。會明良世際。雍熙吾家愛女。已及笄。未得乘龍佳婿。下官乃當朝左丞相富弼是也。爵尊一品。乃天子之腹心。位列三公。爲朝廷之耳目。下官有一

小女。名喚碧雲。年方十八。未曾許聘他人。昨日見廷試狀元馮京。他連中三元。才貌兼美。意欲招他爲婿。不知他曾娶妻否。叫堂候官。〔小末上〕珍珠簾下供祇應。白玉階前聽使令。丞相爺有何分付。〔末〕你取新狀元同年錄過來。〔小末〕有在此。〔末看介〕湖廣鄂州江夏縣人氏。父馮商。母金氏。未娶。咳。莫非天緣也。堂候官。今科狀元。一者青春年少。二者才貌兼全。我看同年錄。此人尙未娶妻。我欲招他爲婿。但恐傍人議論。〔小末〕丞相爺一人之下。萬人之上。誰敢議論。況狀元乃天祿石渠之貴客。小姐是瑤臺閬苑之神仙。自古道機會一失。不可再得。

〔入聲甘州〕〔末〕我執掌朝綱。位三台輔佐明王。務使心存忠正。免言官說短論長。堂候官。我若得那青年才子爲佳婿。添我閨闈門牆倍有光。端詳這姻緣。

果是無雙。

〔前腔〕〔小末〕酌量。身居金馬玉堂。中三元才豈尋常。如斯佳婿。萬千年青史名香。這郎才女貌。人間少。夫貴妻榮。實異常。參詳。結朱陳兩姓相當。〔末〕既如此。你可分付直日匠人。搭起綵樓。請小姐上樓看迎狀元。你可將絲鞭遞與他。〔小末〕理會得。

彩樓高架近銀河。

未審天緣是若何。

不用屏中圖孔雀。

管教仙子近嫦娥。

第三十二齣 謁相

〔窳地錦襠〕〔小旦丑同上〕少年生長在深閨。舉步何曾出繡幃。爹爹嚴命怎生違。特上層樓步緩移。〔小生外生同上〕少年一舉占高魁。連中三元世所稀。長安得意馬如飛。看遍曲江花滿堤。〔小末上〕狀元請住馬。〔小生〕足下有何話說。〔小末〕小官乃富丞相府中一個堂候官是也。俺丞相有一小姐。年方十八。今已在綵樓。欲招狀元爲婿。特奉絲鞭。請狀元收下。〔小生〕學生有父母在堂。娶而不告。恐虧孝道。不敢奉命。〔小末〕既如此。狀元且收。

了絲鞭。待狀元回府。稟過令尊令堂。然後來畢姻。亦未爲遲也。〔衆〕年兄富丞相之命不可不從。請收下絲鞭罷。〔小生〕奉命了。〔小旦〕赤繩繫足前生定。月老姻書宿世緣。〔丑小旦先下小末〕請狀元少住。待小官去稟丞相爺。就請相見。〔小生〕列位年兄先請了。〔衆〕既如此。先告別了。〔下〕

〔合歡令〕〔末上〕朝夕縈方寸。爲愛女未遂良姻。〔小末〕稟上丞相爺知。狀元已接了絲

鞭。在門首候見老爺。〔末〕他沒有甚麼推阻麼。〔小末〕他說有父母在堂。不告而娶。恐虧孝道。其時小人說。既有令尊堂在府。且接了絲鞭。待狀元回去稟過。然後畢姻未爲遲。狀元一聞其言。喜之不勝。〔末〕請他進來。〔小末〕狀元丞相爺有請。〔末小生行禮介〕小生乃一介之寒儒。何幸得親威儀。不勝惶恐之至。〔末〕恭喜連中三元。古來罕有。〔小生〕小生出自寒微。忝登一第。今蒙老丞相俯就。但有家父母在堂。不敢自尊。容待稟知。方敢尊命。〔末〕言之有理。待老夫明日奏過官裏。賜你回家去畢姻。老夫親自送小女到府上。〔小生〕多感厚情。〔末〕聊設小晏奉款。

〔一封信〕你功名事早成。中三元大著名。今諧就此親。想前生曾註定。方信書中有女顏如玉。衣紫腰金畫錦行。你趁青春秉忠貞。大展經綸佐聖明。

〔前腔〕〔小生〕山澤裏小生。賴尊顏沐寵恩。蒙俯就契姻。奈椿萱當暮景。若得乞恩歸定省。公義私恩兩盡情。仗尊威奏明君。當束琴書步后塵。既蒙過愛。明日拱聽玉音臨降。就此告回。

狀元原是屬英雄。

人似神仙馬似龍。

夜半歸來更漏永。

金吾不敢問行蹤。

第二十二齣 慶緣

〔唐多令〕〔貼上〕錦繡華堂喜氣濃。爭看佳婿近乘龍。鼉鼓振嗵嗵。朱履滿堂聲闐。欲將己女配多才。未卜姻緣事可諧。夫婦本是前生定。曾向蟠桃會裏來。奴家自從嫁與丞相。止生一女。年方十八。今早丞相架綵樓。招狀元爲婿。未知緣分若何。我向來要將小姐嫁與馮家。以報舊日之恩。誰料丞相嫌他布衣之家。今若招狀元爲婿。門戶相當。只是馮氏之恩。無由可報。

〔前腔〕〔末上〕一段姻緣天上來。何須紅葉良媒。夫人賀喜。〔貼〕丞相。何喜可賀。〔末〕孩兒親事已諧了。〔貼〕丞相賀喜。如此選在何日成親。〔末〕那狀元父母俱存。我與他奏過官裏。欽錫

他回家畢姻。老夫自送女兒到他家去。〔貼〕狀元是何方人氏。〔末〕乃是湖廣人。〔貼〕他父親叫甚名字。〔末〕他父叫馮商。母金氏。狀元馮京。〔貼〕咳。丞相有這等事。〔末〕夫人爲何。〔貼〕丞相。你可記得。前日那星士來說的親事。是何方人氏。〔末〕他說同年月日時。不曾說名字。不知那里人。〔貼〕丞相。你當時爲何不肯。〔末〕夫人。我是當朝丞相。豈可與布衣老叟結姻。以此不允。〔貼〕如今這狀元如何。〔末〕狀元天下之福。他年方弱冠。連中三元。閥閱相當。〔貼〕丞相。有這等事。狀元就是星士說的馮京。〔末〕不信道就是他。〔貼〕丞相不信。再查他同年錄。便見真假。〔末〕院子。討新科進士同年錄來。與我再看一看。〔小末〕同年錄在此。〔末〕馮京年十八歲。二月初一日子時生。果然是夫人。你原初爲何執意要將小姐嫁他。〔貼〕丞相聽稟。

〔鎖南枝〕吾先父綱運時。把官糧運折無措陪。〔末〕後來怎麼。〔貼〕只得賣家私。家私盡傾廢。〔末〕賣盡家私。後來怎麼。〔貼〕說也惶愧。〔末〕但說何妨。〔貼〕將奴賣取百兩白金。便成文契。〔末〕如何又得回來。〔貼〕那人見我悲啼。不覺慈心起。毫不染送我歸。〔末〕既然送你回家。財禮銀如何了。〔貼〕聘禮銀分文不索取。

〔前腔〕〔末〕聽斯語果是誰輕財重義人怎如德行兩堅持。仁心合天理。你可明說破莫隱欺。我爲你報恩義。

〔前腔〕〔貼〕施恩者你道誰。〔末〕是何人。〔貼〕三元是他生下兒。在湖廣鄂州居。馮商是名諱。〔末〕咳。原來就是馮親家。夫人一向爲何不說。〔貼〕前日那星士呵。忽然說起。使我感德懷恩。欲成姻契。誰料你固執不從。今日天合配。丞相你送小姐到他家去時。相見時勞記取。拜謝他厚恩義。

〔前腔〕〔末〕姻緣事眞罕稀。有緣千里能會期。當日不從伊。只爲布衣婿。怕人談恥。今日連中三元。又成佳配。這夫妻五百年前。非通容易。夫人我與你同送小姐去。相見時明說與。拜謝他厚恩義。

人生不易結夫妻。

五百年前註定的。

前日嫌他布衣叟。

狀元原是布衣兒。

第三十四齣 榮封

〔望遠行〕〔生上〕沙裏黃金可致。天涯遊子難招。〔旦上〕臨行密密縫針線。意恐遲遲脫布袍。〔合〕還期奪錦標。〔生〕鳳凰臺上風光好。遊子淹留不歸早。〔旦〕春殘旅邸身未

閒。月照鄉關歸夢杳。〔生〕孺人孩兒赴京會試。不知天意若何。我與你朝思暮想。中不中消息只在

這兩日。

〔石榴花〕〔生〕碧雲天杳。遊子雁書遙。萱與桂。梓和喬。心旌千里各迢迢。想瀛洲無數英豪。奪錦標。論輸贏畢竟成一笑。〔合〕念車囊久聚秋螢。望黃竿連釣春鰲。

〔前腔〕〔旦〕斑衣年少。身在鳳池遙。孤悶鬱。寸心焦。門闥空倚過昏朝。倘吾兒得上青霄。身着紫袍。不負孟母三遷教。〔合前〕

〔不是路〕〔丑上〕放下衣包。逕入華堂便折腰。〔生〕呀。大哥。你爲何事來。〔丑〕小子自京中來。〔生〕有何話說。〔丑〕來通報。〔生〕到此來報甚事。〔丑〕有京報。令郎連中三元。藍袍脫

卻換宮袍。〔丑〕小兒曹。三元地位安能到。〔丑〕員外。他有文才中必高。〔生〕這難

道。四方英俊知多少。大哥。你莫非差了。莫非差了。

〔前腔〕〔丑〕揭曉之朝。親見馮京榜上標。纔分曉。〔生〕既然如此。是實了。〔丑〕此捷音無可推調。〔生〕大哥。謝辛勞。白金一錠。休嫌少。〔丑〕多謝。不枉奔波走一遭。〔生〕欣欣笑。呼童拔去門前草。倘有賀客來到。賀客來到。

〔皂角序〕〔生旦〕論其年其年少。論其才其才蒼老。觀其貌貌雖朴實。觀其詞詞多華藻。在文場。人如將。筆如刀。文勢好。流水滔滔。〔合〕南山大豹。東海巨鰲。豹文一變。鰲頭獨釣。

〔前腔〕〔生旦〕歷三闈。文章考校。霸四海。賢才壓倒。內豈無一個英豪。也須有十分高造。天資好。學問飽。命既高。時又到。值上青霄。〔合前〕

〔尾聲〕〔生旦〕今朝始得離學校。坐廊廟。經邦論道。這都是辛苦中博來榮耀。

〔丑上〕養子教讀書。書中有珠玉。一子受皇恩。全家食天祿。此間已是馮員外門首。不免徑入。則個〔生〕大哥何來。〔丑〕小人乃是本府太爺差來報事的。當朝富丞相。招令郎老爺爲婿。奏過聖上。欽

賜狀元回家畢姻。丞相親送小姐來了。已到五十里界上。三司府縣都迎接去了。令郎老爺先回。卽刻就到。特差小人先來報知。〔生〕多啓動了。〔丑〕不敢。一心忙似箭。兩腳走如飛。〔下〕

〔風入松〕〔小生上〕煌煌晝錦返鄉邦。杏花紅十里生香。前呼後擁爭趨向。步瀛洲惟吾爲上。今歸去鄉閭有光。人人爭看狀元郎。〔生旦〕孩兒你回來了。〔小生〕爹媽

請上。待孩兒參拜。〔生〕孩兒你先去拜了祖宗。然后再拜我每。

〔前腔〕〔小生〕豚兒何幸繼書香。今歸拜家廟先亡。少年僥倖登金榜。喜際遇文明之象。賴先人積善有慶。逢盛世際明良。爹媽請上坐。待孩兒參拜。

〔前腔〕兒身僥倖沐恩光。賴雙親教育之方。棘闈三戰魁三榜。喜御筆親提褒獎。〔生〕爲何就得還家了。〔小生〕賜畢姻榮歸故鄉。蒙丞相選東牀。告爹媽知道。孩兒中

榜之后。蒙當朝富丞相欲招孩兒爲婿。奏過聖上。欽賜孩兒回家畢姻。又蒙聖上御筆。特封爹爹金紫光祿大夫之爵。母親賢德夫人。〔生〕孩兒你連登科甲。未及三年。豈有封贈父母之禮。〔小生〕聖

上有言。爲父者教子連中三元。不可比泛常爲例。故此就封。孩兒稟過爹媽。開讀聖旨。〔生〕快排香

案〔小末〕捧出紫泥光有爛。賈來官誥玉生烟。聖旨已到。跪聽宣讀。奉天承運皇帝詔曰。人之齊家。功莫大于教子。子之修身。志在貴于讀書。今有狀元之父馮商。教子連中三元。不可比常爲例。特封父金紫光祿大夫。封母賢德夫人。待后考績。再行爵賞。又賜狀元黃金十錠。表裏十端。衣錦還鄉。畢姻。隨即還朝觀政。望闕謝恩。〔生旦冠帶霞帔謝恩介〕

〔前腔〕山呼萬歲謝吾皇。村莊老幸服冠裳。不勝雀躍忙稽顙。願社稷如磐安享。〔小末〕山呼。〔生旦〕萬歲。〔小末〕再山呼。〔生旦〕萬萬歲。皇圖鞏固百千年。帝道遐昌。願聖壽永無疆。〔小生〕告爹爹。孩兒在五十里介先來了。岳父岳母隨后就到。可備禮物筵席。〔生〕

筵席俱完備了。〔丑〕金鑪煮出膏粱味。玉碗盛來琥珀光。呀。你看我員外戴了冠帶。穿了圓領。就是個老爹了。孺人戴了鳳冠。穿了霞帔。就是一位夫人了。真是難得。可喜可喜。〔生〕孺人。這丫頭見我和你冠帶齊整。不勝欣喜之至。〔丑〕如今該叫老爹夫人了。〔生旦〕還是照舊稱呼。〔丑〕梅香煮得一碗羹湯在此。奉上老爹夫人。願小老爹永作調羹之手。〔生〕取上來。〔丑作潑汚生衣介〕旦小生。呀。怎麼好。一領圓領。都潑汚了。怎麼好。〔生〕且不要顧我衣服。看他手莫非炮爛了。〔丑〕一時

不仔細。煬得應心疼。〔作慌悲介〕手上皮都炮爛了。〔生〕快進去罷。連忙討些湯火藥敷一敷。〔丑悲下生〕孺人。那丫頭見我每穿了冠帶。喜之不勝。故此失手墮地。如今反傷其手。豈不可憐。〔小生〕爹爹。孩兒雖讀萬卷書。胸中三元。胸中度量。不如爹爹多矣。不責污袍之過。反有爛手之憐。〔生〕孩兒。古人有云。此亦人子也。可善撫之。大凡人家奴僕。一般父母所生。出乎無奈。爲人驅使。人雖有貴賤。身體髮膚。卻無貴賤。不可動徹鞭笞。只怕天運循環。難保百年富貴。那時人亦不能容也。汝當反己自脩。〔小生〕謹領教誨。

一封御札纔開讀。

爭羨公卿生白屋。

果然一子受皇恩。

遂得全家食天祿。

第三十五齣 會新

〔西地錦〕〔末上〕柱國老勳臣。千里承皇命。赤心忠膽掌絲綸。豈肯圖僥倖。〔衆

見介〕府縣首領官見。〔末〕起來。〔衆〕都布按三司官見。〔末〕今日天色已晚。明日早晨見。〔衆〕請

爺爺上岸坐院。〔末〕有家眷在此不便。一兩日就行。不消了。

〔前腔〕〔生〕街坊人馬亂紛紛。只爲當朝第一人。今忝結朱陳。只恐門牆難稱。

老夫馮商。拜見丞相。啓動報知。〔丑〕稟老爺。馮老爺來見。〔末〕快請下船來。〔丑〕請老大人下船相

見。〔相見介〕丞相親家請上。老夫參拜。〔末〕不敢。〔生〕老拙乃山野鄙夫。小兒是草茅童穉。荷蒙不

棄。愧感不勝。〔末〕久仰親家。樂道林泉。教子成名。年高有德。親家當上坐勿謙。〔生〕老拙豈敢。若以

國法論之。正該侍立于旁。〔末〕親家差了。我和你兒女親家。況已經誥封。正宜上坐。何必太謙。〔生〕

既如此。叨坐了。薄禮表情。幸希笑納。〔末〕多承厚禮。敢不拜留。多謝多謝。〔生〕菲薄勿罪。〔末〕請問

親家。四十尙無子。後來旣生令郎。今又連中三元。豈非陰騭所致。〔生〕老拙平日所爲。惟盡其在我。

愧無厚德。〔末〕親家曾娶尊寵否。〔生〕親家大人聽稟。

〔玉交枝〕〔生〕當初無子。欲娶妾曾往帝畿。百金娶得張公女。到來時擬會佳

期。忽問此女情慘悽。他父親賣女旣爲官糧。他又道老年親膝下沒兒。難遠涉

千山萬水。〔末〕後來怎麼了。〔生〕我一聞其言。慈心頓起。卽時間聞之媒媪。隨時送女

還家去。使白圭不玷瑕疵。〔末〕聘財怎麼了。〔生〕聘財毫忽不追取。想他別配豪門

矣。〔合〕到明年自產小兒。喜今日連登科第。

〔前腔〕〔末〕親家。你施仁施義。這心術古今罕稀。你若還要識張公女。〔生〕在何處。

〔末〕我荆妻便是無疑。〔生〕原來親家的夫人就是。老拙出于不知。得罪了。〔末〕此情於

我初怎知。成親后始得其詳細。這陰鷲合產好兒。喜今日連登高第。

〔前腔〕〔生〕親家大人。我出言無意。蒙問及豈敢隱欺。我言詞不遜不恭。幸恕我不知之罪。只因夫人親家五花官誥霞帔隨。鸞鳳豈是山雞配。棄荆布服卻錦衣。飽珍羞何嘗菽水。

〔前腔〕〔末〕我房下爲懷君恩義。這親事呵。二年前曾欲勉爲。實不瞞親家。因吾不欲成其事。這姻緣兩下稽遲。豈期今日又偶爲。實由天數非人意。望尊親休嫌醜女。奉蘋蘩不能周備。〔生〕告辭了。來日掃門拱候。〔末〕多謝厚情。

不是姻緣莫強扳。

有緣千里會何難。

卻將二十年前事。

今日從頭說一番。

第三十六齣 團圓

〔西地錦〕〔生上〕有子占高魁。自覺歡顏改。〔旦上〕填門長者駟車來。白屋生光彩。〔生〕孺人今日黃道吉日。丞相與夫人送小姐來成親。你可分付庖廚。每事俱要整齊。〔旦〕叫當直的。〔小末〕一身忙碌碌。兩脚健波波。老爹有何分付。〔生〕你喚掌禮樂人都完備了麼。〔小末〕俱完了。〔生〕丞相來時。進來通報。

〔前腔〕〔末〕途路久驅馳。喜來到朱陳村裏。〔貼上〕進步且遲遲。只恐臨時差

語。〔小末〕報老爹。丞相已到。〔生旦〕我們出去迎接。〔末貼〕馮親家請了。〔生〕不敢。〔末〕親家請上。待

學生參拜親家夫人。〔生〕不敢。親家夫人乃黃閣名公。小子是白衣老叟。〔旦〕多承俯就。深愧高扳。

〔末〕小女乃箕箒之婦。令郎是文章之首。〔貼〕本非鸞配。偶協鳳儔。〔末〕夫人過來拜謝馮親家。

〔貼〕先父得賴扶持。賤妾亦蒙提挈。存沒啣恩。敢忘大德。〔生〕此亦偶然。何須致謝。叫掌禮人。吉時已到了。

〔前腔〕〔小生上〕洞房花燭搖紅影。果然金榜題名。〔小旦上〕佳期夜赴從親命。

如遊閨苑蓬瀛。〔淨丑上唱拜遞酒介〕

〔錦堂月〕〔小生小旦〕金雀銀屏。瓊駝翠釜。筵開洞房偏稱。姻眷天成。繫足豈無赤繩。遇新婚喜閱翁書。尊古制曾行親迎。〔合〕花燭影。照見塵寰宛如仙境。

〔前腔〕〔生旦〕重整。釵嬋黃荆。裙拖衫布。山殺野籛兼陳。味薄村沽。今夜坐賓皆醒。翁本是天上青雲。婿今作牆邊紅杏。〔合前〕

〔前腔〕〔末貼〕深省。婿果冰清。翁非玉潤。迭爲賢主佳賓。幸得乘龍。更喜此生多慶。今日裏大會姻親。喜坦腹自多佳興。〔合前〕

〔醉翁子〕〔生旦〕門徑。斷人跡。鋪地草青。感車駕親臨。幾多榮華起敬。把新酒重斟。聊表微忱答厚情。〔合〕更漏永。想花墜瑤臺。月過金井。

〔僥僥令〕〔衆合〕寶香銷夜鼎。銀燭冷秋屏。忽聽得曲盡仙韶。番別調。檀板按瑤笙。雜錦箏。

〔前腔〕〔衆合〕鏡關刁斗響。金井轆轤鳴。又見月落星沈。河漢沒。隔屋聽雞聲。

人已行。

〔尾聲〕〔衆合〕夫妻和順從今定。這段姻緣夙世成。琴瑟和諧樂萬春。〔淨上〕一

子受皇恩。全家食天祿。稟老爺。朝廷有詔書到。〔生〕快排香案。

〔玩仙燈〕〔外上〕天語出金鑾。爲賢才特來旌勸。聖旨已到。跪聽宣讀。皇帝詔曰。恤貧者

仁。樂施者義。仁至義盡。實宜寵褒。朕聞鄂州江夏馮商。恤貧樂施。仁義兼盡。教子成名。厥功尤懋。用是旌表。以彰其賢。今特封爾爲始平郡公。其妻金氏。勸夫娶妾。有仁慈不妒之賢。封爲始平郡夫人。

狀元馮京。陸翰林學士。妻封淑德夫人。嗚呼。若夫若婦。各有其賢。授此寵錫。豈曰過分。望闕謝恩。

〔衆〕萬歲萬歲萬萬歲。〔外〕賈來辭紫禁。讀罷謁金門。〔下〕

〔大環着〕〔衆合〕滿門闌和氣。滿門闌和氣。庭產紫芝。景星慶雲龍呈瑞。想天

人契合。當此時。再見唐虞之世。久安長治。況遇明良相。際拜丹墀。承恩有子。食

天祿。晝錦榮歸。喜今日一家骨肉團圓。慶幸應無比。榮華富貴康寧。一概從今

始。永受餘庇。

〔越恁好〕〔衆合〕何幸褒封至。何幸褒封至。宣麻降紫泥。顯父母榮子及妻。恩光獨照門楣裏。芳名竹帛期常繼。百年永遠知無際。

〔尾聲〕〔衆合〕想當初陰德事。一念能感天和地。錫福瀼瀼知未替。

子擢三元父受封。

皇天有意表陰功。

須知萬里前程事。

只在方方一寸中。

投

梭

故

故

目錄

- | | |
|------|----|
| 第一齣 | 家門 |
| 第二齣 | 敘飲 |
| 第三齣 | 逼娼 |
| 第四齣 | 渡江 |
| 第五齣 | 訂盟 |
| 第六齣 | 拒奸 |
| 第七齣 | 恣刦 |
| 第八齣 | 折齒 |
| 第九齣 | 卻說 |
| 第十齣 | 應聘 |
| 第十一齣 | 謀竄 |

第十二齣 忠告

第十三齣 閨敘

第十四齣 出關

第十五齣 陰伏

第十六齣 赴宴

第十七齣 約社

第十八齣 哭友

第十九齣 魔見

第二十齣 鬻女

第二十一齣 出守

第二十二齣 賽魔

第二十三齣 救女

第二十四齣

□ □

第二十五齣

□ □

第二十六齣

逆節

第二十七齣

交戰

第二十八齣

閨殺

第二十九齣

獲醜

第三十齣

逃避

第三十一齣

奠江

第三十二齣

大會

投梭記 目錄

四一開明書店

投梭記

明 徐復祚 箸

第一齣 家門

〔瑤輪第七〕〔末上〕瑤輪先生貌已焦。何事復嗷嗷。自從世棄。屏居海畔。煞也無聊。況妻身號冷。子腹啼枵。不將三寸管。何處覓逍遙。算來日月。只有酒堪澆。一醉樂陶陶。自歌自舞。自斟自酌。暮暮朝朝。但清風無偶。明月難邀。聊將離索意。說向古人豪。〔問答照常〕

〔滿庭芳〕江左風流。謝郎稱最。居平醉日恆多。東鄰有女。一見締絲蘿。奈可虔婆作梗。輕貧士取鬧投梭。生惡計。巧乘折齒。逼泛豫章艖。王敦方犯闕。錢鳳繼起。滿地干戈。痛周戴尙書罵賊。遭磨。幸有伊尼助陣。戰采石重整山河。縹風氏死中得活。重會秣陵阿。

謝幼輿折齒寧土苴。

元縹風守節几蒞紆。

兩尙書駢戮得褒封。

鹿大王助陣堪驚詫。

第二齣 敘飲

〔破齊陣〕〔生冠服扮謝鯤上〕鵷鷺清班謝卻。林泉雅致堪娛。冠掛東門。吟成梁父。到處詩朋酒侶。鼙鼓中原多俶擾。藜杖西山且挾書。蹉跎光景徂。〔清平樂〕中原

鼎沸。帶甲滿天地。解組歸來聊自避。寂寂柴門長閉。閒來何事徜徉。筆牀酒盞茶鐺。試問東華熱

哄。何如北牖清涼。下官姓謝名鯤。字幼輿。陳國陽夏人也。父親任至國子監祭酒。家于秣陵之落星

橋。下官賦性落拓。不修威儀。向爲東海王府參軍。因見他作事乖張。遂謝病歸。自家居以來。日惟飲

酒讀易。不與外事。但飲量頗弘。又不善生產。薄田陋室。盡作酒資。以此家業蕭然。難以度日。荆妻王

氏。乃豫章王車騎之女。不但瑤編彤管。追班氏之芳蹤。且喜裙布斂荆。守孟光之雅操。岳父見我家

貧。時常看濟。這幾時不見來。想因道路遙遠。兵戈阻澀。以此聞問久不相通。連日家中空乏。不知早

膳已炊得否。夫人那裏。

〔前腔〕〔旦上〕操作自甘朝暮。服勞豈憚勤劬。狼狽生涯。蠹蝨門戶。謾說樂饑

邁軸。自分蓬蒿甘淡薄。寧向花枝鬪麗姝。雲髮羞整梳。〔見介生〕夫人。我致政歸來。樂有餘。閒居不飲待何如。〔旦〕相公。學成文武須當貨。何故棲遲泌水隅。相公。我看你志氣騰驤。人才超乘。筆下三千牘。學究天人。胸中十萬兵。機參造化。當此龍爭虎鬪之日。正汝鳳翥鸞翔之時。何乃爲飲酒自廢之鄭伯。竟不學乘時赴會之蕭曹。況三餐不繼。半菽嘗虧。日高未炊。何日是了。〔生介〕夫人。卑人豈無當世之志。但須待時而動。當今晉室不綱。五胡雲擾。東海王越。井蛙管鼠耳。成得甚事。是以不欲爲其參軍。卑人正恐終不能免耳。夫人乃欲褰裳就之乎。目前窮苦。何足介意。古人三句九餐。貧豈獨我。

〔玉芙蓉〕我遺榮忽若無。歸杖真知足。向波濤乞得泉石閒軀。飢來菘菜和雲糞。興到村醪帶月沽。無憂慮。但捫蝨自語。任京塵眯眼。怎到草茅廬。

〔前腔〕〔旦〕你饑寒迫向隅。牢落悲難遇。拙謀生絕似玄晏相如。荆扉盡日無人扣。涸轍何時得水甦。雲衢路。似康莊須驚。勸君家早奮。莫待哭窮途。〔生〕夫人。說話良久。腹中甚飢。不知可有早膳。〔旦〕廚中乏米。尙未得炊。〔生〕我已罷官。這袍服要他何用。你

就與我脫去。央鄰家小二換了幾貫錢。買些米。多沽些酒來消遣。〔旦脫衣應介〕曉得胸中徒有千金賦。囊裏無一貫錢。〔下生弔場〕

〔新荷葉〕〔外上〕唱罷銅鞮日欲晡。花前醉樽前起舞。〔小生上〕春山無伴訪潛

夫。丁丁伐木聲相赴。〔外〕下官周顛。字伯仁。官拜尙書。〔小生〕下官戴淵。字若思。官拜尙書僕

射。伯仁兄。此間已是謝幼輿家門首。與你逕入。〔生迎接介外小生〕江左衣冠愛惜春。時時豪飲任

天真。〔生笑介〕知君此興應非淺。笑我藜藿終難作主人。伯仁若思二兄。何以忽蒙枉顧。〔外小生〕

我輩在新亭飲酒。不得足下。無以爲歡。故此相造。〔小生〕并攜得青蚨半千。幼輿可去沽些酒來。以

完我兩人未闌之興。〔生〕小弟正因悶坐無聊。廚中告匱。已把小弟所穿袍服。倩鄰家小廝換酒去

了。二兄少待。〔向內問介〕夫人。沽得酒到。就煖來我輩同飲。〔內應介外〕小弟一來造飲。二來也要

勸幼輿出仕。若是你把袍服都廢。難道絕意仕宦了。所謂幼輿不出。其如蒼生何。〔小生〕豈但蒼生。

其如數口何。〔生嘆介〕

〔錦纏道〕自笑我計迂疎。似仲蔚蓬蒿滿居。蕪穢積庭除。〔外小生〕弟輩聞得幼輿也

貧得緊了。不知何以度日。〔生〕但饑來採盡山蕨溪魚。〔外小生〕難道便足了你一生麼。
〔生〕我用不了。青山下雲犁月鋤。一任他紅塵中伯略王謀。笑傲觀沈浮。管什麼
爭龍鬪虎。〔外小生〕可不埋沒了英雄。〔生〕本是乾坤一腐儒。豈堪與人間張主。自合掩
蓬門蝶夢任蘧蘧。

〔朱奴插芙蓉〕〔旦攜壺上〕雪花釀流霞滿壺。烹葵韭香浮朝露。〔生〕想是有酒了。
待小弟去取來。〔出介〕夫人。可是有酒了。〔旦〕自媿匆匆缺雞黍。〔生〕不妨。都是相知的。儒
家味從來儉素。夫人請進罷。〔旦下生持酒見介〕二兄。這是首蓿具。恐不堪下箸。似這般
貧儒作供。直得一胡盧。〔飲介外小生〕幼輿弟輩自過江來。還不曾有一日醒哩。

〔傾杯序〕這是醜醜。澆塊磊。送居諸。誰解得杯中趣。〔生〕斷送了幾場蝸戰。幾遍
蜂衙。幾處蛙鳴。幾許龍圖。〔合〕似這般兵戈蔓衍。中原瓜剖。天地蘩蕪。豈容人
睜開醒眼看飛鳥。〔外小生〕請問幼輿。當今豪傑是誰。〔生〕嘆不答小生。〔王敦卻也豪爽〕〔生笑
介〕王處仲蜂目豺膺。此人得志。飛而食人。不意二兄人倫之鑒。一昏至此。〔外小生〕未便如幼輿

之言。請問幼輿。何以遂堅丘壑之志。

〔小桃紅〕〔生〕我豈甘落魄山之曲。閒浪蕩溪之澳。笑悠悠若個能刮目。紛紛何地堪投足。沐猴虓虎干碌碌。只落得坐觀傀儡悲哭。我輩今日飲酒快甚。如何說

起朝家事來。二兄應罰大觥。〔外小生笑介〕應罰。應罰。〔飲介〕

〔福馬郎〕對酒何當談世務。且進盃中物。休自誤。花開謝只須臾。天地一丘墟。便宜事醉糝糊。

〔尾聲〕由來酒是人間祿。且濡首旁觀榮共辱。莫問劉興與項蹙。〔外小生〕弟輩醉矣。姑且別去。改日再來。

酌酒與君君自寬。

山川龍戰血漫漫。

乍逢酒客清遊慣。

談笑功成恥據鞍。

第二齣 逼娼

〔光光乍〕〔小丑扮元鴛子上〕老去病來纏。花謝豈重妍。曾擅平康鉛華選。怪的是

小孫兒忒寒賤。〔昭君怨〕春到驚翻繡幌。陌上柳條新放。花月傍樓臺。鏡奩開。悶把闌干倚。羞見鴛鴦雙起。休說舊風流。皺眉頭。老身李氏。原是教坊中角妓。此間落星橋。有個財主。姓元。名緒。因到我。家來。闖得意了。遂娶了老身。到得他家。不上十年。家道消折。老兒也就死了。他前妻掉下一個女兒。喚名縹風。年方二八。生得千嬌百媚。從小教他吹彈歌舞。頂真續麻。風流調笑。諸事皆精。老身無以糊口。只得仍做教坊中勾當。屢屢教他接客。只是不從。今日不免再喚他出來。勸誨一番。縹風兒那裏。〔占上〕

〔似娘兒〕顧影自悲憐。嚴親喪家道顛連。青銅怯照芙蓉面。朝雲嬾赴。春陽怕踏。懊惱慵填。〔見介〕母親萬福。〔丑〕〔菩薩蠻〕孩兒。你不見春燕掩映鞦韆裏。春波搖動鴛鴦起。多少俏王孫。金鞭裊翠裙。〔占〕母親。我繡窗閒自坐。那管春光過。任他紅紫飛。春愁不到眉。〔丑〕我兒。你在房中做甚。頭也梳得不整齊。花兒也不帶來。〔占〕孩兒在房中繡花。梳甚麼好頭。〔丑〕我這樣人家。繡甚麼花。你接了個富貴郎君。怕沒得穿。沒得帶。到自去做生活。依着做娘的。還梳個好角兒。穿套好衫子。搽些脂粉。人來也好看。〔占〕母親。這是甚麼說話。父親在日。也是秣陵有名目的人。

骨肉未寒。何忍爲此勾當。倚門獻笑。再也休題。〔丑〕我兒。那裏是你娘要你做這勾當。自從你父親亡後。家中十分艱窘。開門七事。那一件不在做娘的身上。你若不肯接人。教我如何度日。況你這般容貌。這般年紀。就不說與我掙錢。你自己青春也不可蹉過。〔占〕母親聽稟。

〔月上五更〕繡榻閒凭遍。春光任流轉。〔丑〕你雖不肯接客。我今開着門戶在此。只怕那些子弟們也饒你不得哩。〔占〕何處閒蜂蝶。敢逐桃花片。〔丑〕外邊這般好景。不要子也是癡。〔占〕一任南陌東城。遊絲趁風軟。〔丑〕日日坐在房中。難道不悶人。〔占〕我金針絳罷重添線。那管他樹底流鶯。簷前飛燕。〔丑〕兒。那間房子有甚好處。〔占〕有秦川錦。玉女梭。并州翦。圍中此景堪留戀。〔丑〕難道住了你一世。〔占〕縱便是歲歲年年。亦何愁何怨。

〔蠻江令〕〔丑〕我這冷落閒庭院。貧窮怎消遣。我與你兩口。朝夕裏七件將何辦。你不見南瓦北瓦。整日笑喧闐。偏我把門兒閉。匾兒面何曾見。

〔月照山〕〔占〕生小多婉變。風月閒情淺。那賣笑喬衣飯。未語先羞靦。煙月招

牌明明攝魂券〔丑〕我兒你不要說盡了。做小娘不好。接了有錢的子弟們。要喫有珍羞百味。要穿有錦繡千箱。〔占搖頭介〕娘。羞答答虧你說這話。何須揀食穿衣絹。便是腹餒身寒。也勝是勾蘭里串。母親既是家裏艱難。隨分女工針指。機梭織紡。孩兒件件都會。情願朝夕無懈。奉事母親。你休心偏。嚙他人喉下涎。還則望週全。結孩兒指下緣。〔丑背介〕縹風執性如此。一時未便勸得他轉也。且不要難爲他。他說願做女工。我就將計就計。要他織錦。待織不出時。打他有名。機兒不許他擺在房裏。要擺在常門。等這些過往子弟日日刮他。少不得刮上了。

〔對占介〕孩兒若肯生理。我又何愁。我思想起來。只有織錦好生理。又怕辛苦難爲你。

〔涼草蟲〕縲成天女絲。分來園客蠶。無昏曉。須勤勉。只愁你寒窗百慮煎。體嬌心倦。待織到連理花枝。還須留意纏綿。〔丑〕我兒。明日就去買了機兒。揀好日就動手。你一日不趁。一日不活哩。〔占〕曉得。

春風永巷閉娉婷。

曉夜機聲呶嗶鳴。

唱盡新詞歡不見。

烟花冷落過清明。

第四齣 渡江

〔雙勸酒〕〔副淨扮錢鳳上〕

籩條戚施。甘言悅耳。似向火乞兒。承顏順旨。奴顏婢

膝任人嗤。好官自我爲之。生平性格似虺蛇。腹有戈矛臉有花。有甚意頭求富貴。設些巴鼻便

奸邪。下官姓錢。名鳳。表字世儀。嘉興人也。若論我平日做人。真個有許多奇妙。天生成一條爲鬼爲

蜮。半明不白。秤鉤兒般的直肚腸。又長成一副斑斑駁駁。花嘴花臉。染缸兒似的好面貌。別沒甚伎

倆才能。專一味脅肩諂笑。見貴人蹲低了曹子交的長身。好似頂枯體的死尾狐。對小民拽扎起閻

羅王的狠臉。有如新出林的金錢豹。逞着三寸簸人弄人的快舌。當地便起千丈風波。藏着百般算

人哄人的機謀。對面還如九嶷峯嶠。赤頭蠅任爾噴憎。白日鼠由他譏誚。嘗盡了美甘甘香馥馥董

賢鄧通的黃龍陽。嗅盡了臭烏筋泥滑辣。五侯七貴的鞞鼻凹。送錢財上門。忙忙伸著頸。好似鵝頭。

好朋友相訪。請請縮着頭。猶同烏龜。假謙恭賽過王莽。施詭譎不數曹瞞。人都道我是楚元極的

教門。我自想還是吳伯嚭的腔調。〔笑介〕那曾怕生前三尺難逃。還只愁死後一報還報。我錢鳳蒙

王大將軍擡舉。現做參軍。名位雖不甚高。腹心頗頗相托。中軍帳惟我獨尊。前箸籌誰人敢借。目今

晉室不綱。刁擅政。大將軍現總八州軍馬。聲勢赫奕。朝野震恐。況有親兄王導。現爲丞相。每事與大將軍相爲表裏。眼見得大事可成。受禪有日。那時大將軍做了皇帝。王丞相做了皇兄。我錢鳳豈不是第一個佐命元勛。好暢快活。且待進見之時。勸他早早渡江。呀。轅門掌號。想是大將軍陞帳矣。
〔淨扮王敦上〕

〔秋蕊香〕睥睨乾坤雄志。干將劍雙倚雌雄。典午衰微棲遲江沚。定伯略必須翦此。
〔減字木蘭花〕朝廷多故。須知鼎革天之數。誰廢誰興。可奈狐狸擾玉京。英雄困久。從今得展

拳雲手。南向揮戈。直搗新亭。奈我何。孤姓王。名敦。字處仲。瑯琊臨沂人也。尙武帝襄城公主。拜駙馬都尉。後因翼戴今上。累拜鎮東將軍。都督江南等八州諸軍事。駐劄姑熟。我想晉室凌夷。王氣將盡。況有劉隗刁協在內弄權。每每排沮孤家。孤今乘累代餘威。藉八州士馬。內有吾兄茂弘。外有參軍錢鳳。晉室宗社。何愁不入吾掌。吾兄已差人在此徵取入朝。不乘此渡江而去。更待何時。
〔笑介〕蛟龍豈久池中物。騏驎寧甘櫪下終。叫將官。大開轅門。請錢參軍議事。
〔衆介副淨入跪介〕主公。錢鳳見〔淨〕世儀少禮。世儀丞相有書來。朝廷亦有使命。取我入朝。何時可去。
〔副淨〕鳳聞時不可失。卽

今日便宜渡江。不可遲滯。〔淨〕分付大小三軍。趁此風日晴和。速渡過江去。〔衆吶喊介〕

〔朝元令〕揚旌誓師。千里龍蛇字。橫槩賦詩。千古風流事。整頓餘艤。遠臨江汜。只爲羣狐爭肆。天地無私。干戈斧鉞寧浚時。白羽逐青絲。龍旂引鳳輜。〔合〕風飄如駛。指日見錦衣兵士。錦衣兵士。

〔前腔〕滾滾波濤吞噬。靈潮萬里澌。天塹勢難支。看京觀陳屍。舟中掬指窮醜。自求顛躓。江左一枝。枯魚响沫真可媿。管教你愁。遂楚天滋。恨同吳水咨。〔合〕

前

〔前腔〕隱隱金焦山寺。狂瀾砥柱斯。暢望酒頻醺。吳楚分雄。乾坤自爾。笑問朝宗何自。撫景追思。投鞭欲濟誰敢尸。矯矯祖生詞。崑崑公瑾祠。〔合前〕

〔前腔〕渺渺煙青峯紫。山巒挺玉芝。雲樹映茆茨。錦浪霞浮。金波日刺。噴浪鯨鯢不試。雲影天光。中流自在堪舉卮。短棹泛鷗鷺。長汀立鷺鷥。〔合前衆〕稟爺。已到

石頭城下了。〔淨〕錢參軍。孤已到此。如何百官不出迎接。不來犒師。傳下號令。著軍士高聲大叫。著

晉家宰執軍前議事〔副傳介〕大小三軍大將軍有令向城下高叫喚晉國大臣軍前議事〔衆應喊介外小生醉容上〕

〔三棒鼓〕石頭城下酒如淄。色過琥珀瓊脂也。醉何辭。狂來撚髭醒來抹眇難自揜。還愁明朝欲買無貲也。難賒一鷗。難賒一鷗。〔小生〕伯仁兄。我輩飲酒甚樂。忽聞王敦渡江而來。其意何如。〔外〕他不臣之跡。頗頗彰露。果不出幼輿之言。今來入朝。目中那有我輩。相見時和你不宜卑屈。使彼覷江東無人。〔小生〕伯仁所見極是。〔外對小卒介〕報去。說有周戴兩尙書拜望。〔卒報介淨〕錢參軍相見之禮若何。〔副淨〕待錢鳳出去講定了。然後相見。〔淨〕說得是。〔副淨出見介〕二位老先生拜揖。〔外小生〕世儀兄拜揖。〔副淨〕二位莫非要見大將軍麼。請問如何行禮。〔外小生〕呀。朝廷自有體統。尙書八座之尊。難道停參不成。〔副淨〕老先生差矣。大將軍禮絕百寮。位在諸侯王上。況今日手握重兵。江左危于纍卵。卽官家尙且拱手。二位老先生何難屈膝。尙以禮數之虛文。賈不測之實禍。那時螳臂奚施。麝臍空噉。莫怪錢鳳此時不言也。〔外小生笑介〕世儀。大將軍雖尊。同爲朝廷臣子。非有君臣之分。大將軍來而我輩不出。罪在我輩。出而不接。罪不

在我。若大將軍不出。我輩也不入。〔副淨〕等錢鳳委曲去稟。〔進介〕周顛戴淵。崛強之甚。必欲與主公講鈞敵之禮。依錢鳳看起來。主公少自貶損。哄他進來。就說話中間。尋一釁端。殺此老牛。實爲上策。〔淨〕參軍之言有理。叫開門。請二位尙書相見。〔淨〕出接介外小生進見介淨。〔臨江仙〕聞道江東花正好。家庭戶春風。乘流特自泛艤艫。洗兵揚子水。駐馬秣陵峯。〔外小生〕王氣自來推建業。靈長國運。瞳矐處仲兄。我與你猛拚飲散百壺空。且將鴻鵠意。付作馬牛風。〔淨〕伯仁兄。若思兄孤之此來。朝議以爲何如。〔外小生〕不知處仲者以爲逆節。深知處仲者以爲忠誠。〔淨笑介〕卿可謂能言矣。〔副淨〕聞得江東日夜憂恐。果有之麼。〔外小生笑介〕世儀差矣。處仲若擁兵犯順。人思賈勇。處仲若戮力王室。且悲其來之晚。何憂恐之有。〔淨笑介〕又說得好。〔副淨〕只是大將軍到此。百官不可不迎。三軍不可不犒。〔外小生〕世儀一發差了。百官各有司存。豈以處仲而離次。三軍未有奇績。難以勤王而望賞。〔淨笑介〕久不見卿。詞鋒轉銳。〔外小生〕

〔二〕犯江頭金柱。處仲兄。你自昔翩翩雄恣。英名徹遐邇。是王家梁棟。天府彞鼎。展訐謨時捫蝨。白璧豈容疵。黃金不可訾。〔淨〕聞得朝廷草創。儀文都陵替了。〔外小生〕

各守官司。勿得因而誰敢弄王章同故紙。請問處仲。何時朝見天子。〔淨〕還須擇日。〔副

淨〕二位身爲大臣。不知朝廷典故。大將軍入朝。豈容草草。〔外小生〕世儀。你那些個言談切

悞。一謎里威權憑恃。你敢是覷朝廷作奴下廝。〔淨〕錢參軍可領二公觀孤舟楫陣勢。〔副

淨〕得令。大小三軍盡皆出營。列成陣勢。〔衆軍擺陣吶喊介〕〔副淨〕大小三軍可速歸伍。〔衆復喊

下淨〕

〔前腔〕伯仁若思。你不見我。鯨龍似。旌旗舞颺。颺更熊羆雲繞。糧草鱗差。似從

心展四肢。〔副淨〕二位老先生。你須憑龜與著。莫開釁與疵。你不見我主公呵。蟠腹于

翹。鳳表龍姿。〔外小生笑介〕〔副淨〕更英豪輻輳充任使。須知道天心佑慈。人歸如市。

你若不識時務呵。則怕斷送你老頭皮雙鬢絲。〔外小生笑介〕天下事不是一人私議的。我輩

且告別。處仲兄請了。家散萬金酬死士。身留一劍答君恩。〔外小生下淨弔場介〕周顛戴漚如此驕

傲。主公何不殺之。〔淨〕二人頗有詞令。且負時名。留之不足爲患。殺之反失人心。今初渡江。豈容造

次。〔副淨〕主公之言有理。〔雜扮差官上〕詔下金鑾殿。言投玉帳中。報進丞相府。差官下書。〔報介

雜跪介〕丞相差小官稟上爺。嫌疑之際。不好相見。書中之言。切乞介意。〔遞書淨看介〕差官自回。另遣人送回書來罷。〔雜〕曉得。將軍不下馬。各自奔前程。〔下副淨〕丞相大爺書中之意若何。〔淨〕他前邊勸我誅殺周戴。後邊引薦一人。名曰謝鯤。此人孤亦曾聞其名。收之幕下亦好。參軍。明日就將些禮物去聘來。〔副淨〕領旨。

極眺金陵城。

高風捲旆旌。

孔璋文素重。

萬里可橫行。

第五齣 訂盟

〔嬾畫眉〕〔占上〕小立闌干春晝遲。蕩漾晴光燕子飛。枕痕一線粉腮歛。忽聽鳥語因風碎。幾度支頤嬾畫眉。〔烏夜啼〕小桃落盡殘紅。夜來風。又是一番春事不從容。繡窗畔。機軋軋。恨重重。可惜日長閒掛小簾櫳。奴家縹風。奉母親命織錦爲活。這是女子分內的事。只是教我機兒不要擺在房裏。故意擺在當門。奴家日逐上了機。門外踏春年少。不知有許多來調弄。我雖不睬他。卻是欠雅。西鄰有個謝參軍。風流蘊藉。時常過來。看他十分留意奴家。奴家若得這樣。

一人終身事奉也。免了青樓之醜。只是母親嫌他家貧。每每怠慢他。他雖不放在心上。奴家卻過意不去。今日母親人家喫酒去了。不免上機兒釵織一回。

〔前腔〕手攬金梭思欲迷。寒食飛花香滿畦。挑絲理素机拋擲。鄰姬莫問容顏頓。只許西窗夜月知。〔生醉上介〕

〔前腔〕賞勝尋芳帶醉歸。臥酒吞花日幾回。行行慢到玉樓西。呀。忽驚小婦鳴機織。〔占作嘆介〕看他斂態停梭聲正欬。小生從西郊踏春而歸。不覺爛醉。前面已是元媽

媽家。你看縹風正在機間織錦。看他面如明月。輝如朝霞。色如桃葩。肌如凝雪。乍見如紅蓮透水。近胡如彩雲出山。天下那有這樣好女子。且走上前去。看他如何。〔揖介〕小娘子作揖。〔占〕機中不便回禮。省了罷。〔生〕你就下機來還我一禮。不好麼也罷。我這個淡啫。不到得拆了本。小娘子。小生酒渴得慌。借盃茶喫。〔占〕家貧。沒有現成的。〔生〕既沒有。回去喫罷。〔欲走又轉介占〕怎麼去了。又轉來。〔生〕我想來沒有茶。涼水借甌兒也罷。〔占〕前邊河水最清。好解酒。〔生〕又道是酒渴愛江清。小娘子。小生特來相訪。喜得你老厭耽不在。你就下機來一會兒。有甚虧了你。〔占〕我巴不得完此機

錦省得母親聒噪。那有功夫與你閒講。〔生笑介〕你不肯下機。我自到機邊來看看。小娘子。這錦也有名麼。〔占〕

〔香遍滿〕這的是天孫雲綺。迴環繡紋。真個奇。沒倒斷金針。拈又棄。〔生〕小娘子。這是甚麼鳥兒。〔占〕彩鴛雙水嬉。〔生〕這個花是甚麼花。〔占〕紅蓮並蒂偎。〔生〕這也到有個取意見。元有這花樣兒麼。〔占〕幽情說向誰。花樣子隨心意。〔生〕

〔二〕犯梧桐樹。小娘子。我看你這錦呵。花心爲鳥欵。鳥翅藏花底。就錦字迴文也。猜不出多情謎。只是一節。怎禁得。當窗啼鳥聲聲碎。你靜守机梭。只恐春愁消瘦伊。你不見青驄控引花前轡。多少佳人。笑倒在鞦韆影裏。〔占〕

〔浣溪沙〕謝老爺。你情意兒我心自會。生憎的命運合頹。娘行逼人煙花隊。教我到紅粉叢中著舞衣。我愁無際。只得向寒机兒度歲月。見人羞說個真實。〔生〕

〔劉潑帽〕小娘子。看你嬌羞暗把眉兒背。熱心人聽了心恹。可憐雅志冰霜履。小娘子。你若肯隨了謝鯤呵。也不用媒。願解下腰間珮。〔占起身介〕老爺若肯提拔奴家。不

使淪落。願終身奉事。奴家就此拜謝。〔生〕只恐你母親不肯。〔占拜生答介占〕

〔秋夜月〕我真心怎移。願白首如今日。地老天荒時雖逝。風淒露冷心無對。老爺。須不是路李。莫看成野卉。〔丑上〕

〔東甌令〕今朝醉爛似泥。兩脚蹣跚屢舞。門前何事人聲沸。〔看介〕啊呀。元來又是那個謝窮鬼。嘗湯水哩。惱殺人也沒廉恥。〔見介〕謝老爹。今朝下顧甚風吹。背地裏耍虛脾。〔生笑介〕元媽媽。你把女兒嫁我罷。〔丑〕好好。嫁了你好一對兒。打蓮花落去。不識羞的賤人。前日說了許多不肯接客的說話。背着我機又不織。與人調弄。別個也罷。偏要與謝窮這個不長進的東西閒講。〔生笑介〕你那見我窮來。〔丑〕

〔金蓮子〕看你穿一件蛇蠍皮。迎風只覺寒酸氣。〔生咄介〕好好。你當面罵我。女兒不嫁我。不到得饒了你哩。〔丑〕做出個沙村勢逞威。〔占〕母親少說些罷。孩兒心下也要嫁他哩。〔丑〕你要嫁他。早哩。打點個合巹盃。向高高山上搭救你塊望夫石。

〔尾聲〕謝老爹。從今放着傍州例。好向藍田種下雙白璧。那時節纔許你擔酒牽羊。

來娶妻。不識羞的賤人。還不隨我進來。〔丑占下生笑介〕這個老乞婆這等無禮。

朱芾馬嘶楊柳風。

樹頭樹底覓殘紅。

歌聲緩過青樓月。

只有襄王一夢中。

第六齣 拒奸

〔探春令〕〔旦上〕 醪釀香夢怯春風。嘆雲髻飛蓬。甘勞苦杼軸。燈前控。肯貪耍閒虛哄。妾本儒家女。深居綠窗裏。結髮嫁謝郎。荆釵布爲被。抱甕朝汲泉。挑燈夜針黹。常誦交儆詩。雞鳴勸夫起。所嗟室屢空。食貧世所恥。良人負跣。所遇多荆枳。門戶冷于冰。人情薄似紙。傷哉行路難。悒悒詎能已。奴家王氏。自從相公出去。數日不見回家。家裏十分艱窘。全憑針黹度日。我父母家在豫章許久。不知爲何再沒個音信來。這裏要稍個信去。苦無使人。甚是放心不下。我相公雄才大略。不肯出仕。終日只是喫酒。問着他又不說。咳。如何是了。

〔桂枝香〕蘭閨愁冗。繡牀閒空。金針紉就慵拈。綵線添時恨種。聽黃鸝聲轉。聽黃鸝聲轉。枝頭調弄。閃得我心煩意恐。理殘絳豈因鶉結身難蔽。便向牛衣泣。

夜中相公只是不見回來。外邊什麼人鬧。且把門兒閉上則個。〔下副淨扮錢鳳榮持禮物上〕

〔不是路〕禮物重重。要聘人豪蓮幕同。深山裏崎嶇屈曲路難通。似獵飛熊。若

還梁父能輟詠。會見天山早挂弓。〔衆〕稟爺前邊有座茆屋。不知可是謝家。〔副淨〕茆簷

下。想子真一覺華胥夢。左右的。你且把玉驄輕鞚。玉驄輕鞚。錢鳳奉大將軍特旨來聘謝

鯤。我想此人曾做東海王府參軍。不勾一年。就放歸不用。聞他在家整日飲酒。看來也是沒用東西。

只是承大將軍命。不敢不去。左右的。可曾問謝老爹家住在那裏。〔衆〕一路問來。說在玄武湖邊。門

前有柳樹數株。這幾間茆屋想必是了。〔副淨〕你去敲門。說有錢參軍來拜訪。〔衆扣門介〕且內答

介。是誰人扣門。〔衆〕我們是錢參軍老爺。特來拜你們謝爺的。〔旦〕不在家。〔衆稟介〕副淨問在

何處。好到那所在去尋覓。〔衆又問旦回〕不知去向。〔衆又回副淨介〕可再問幾時回來。我們在此

待待罷。〔衆又問旦回〕歸期做不定的。或十日。或半月。俱不可知。房子狹窄。天色又晚。不好勞得尊

官久待。〔衆又回副淨介〕這怎麼好。你再傳進去。王大將軍久慕謝爺才名。要聘出去做官。特差

錢爺親賈禮物到門。既謝爺不在。禮物求夫人收下。待謝爺回來。多多拜上。說我在石頭城下相等。

〔衆又傳旦白〕老爺不在。禮物不好收得。回來說知。自然來謝。〔衆又回副淨介〕既如此。且回。夜靜水寒魚不餌。滿船空載月明歸。〔衆齊下生急上〕

〔勝葫蘆〕落拓終朝醉牆東。寧放酒盃空。乘月歸來途路永。〔看介〕呀。前村爲甚

燈火照天紅。已到自家門首。夫人開門。〔旦〕空山築茆屋。那有燕飛來。〔旦開門介〕呀。相公。這早

晚何處回來。〔生〕在東村頭喫酒回來。〔旦〕相公。你不在家。方纔有許多人將了禮物來。說要聘你

出去做官。〔生〕我途中曾見有許多燈火。夫人可曾問他姓甚。是那裏差來的。〔旦〕他說錢爺親自

到門。人說是王大將軍着他來的。〔生〕原來是王敦錢鳳。夫人不會受他禮物麼。〔旦〕我說相公不

在。不好收得。他說在石頭城下等你。請問相公。應聘也還是不應聘。〔生〕夫人。君子席珍待用。豈甘

懷寶迷邦。然須事得其人。而後名垂千古。王敦尙先帝公主。爲都督尊官。一見晉室顛危。遂爾稱兵

犯闕。這樣人。我謝鯤寧可餓死溝壑。不願受其爵祿。〔旦〕相公。且把近日朝廷消息。說與奴家知道。

〔生〕

〔桂枝香〕秦淮波洶。鍾山塵擁。那王敦呵。憑依累代雄威。擅把八州兵弄。他擁兵

石頭擁兵石頭鸞輿震竦。寢園騷動。〔旦〕相公的意還是如何。〔生〕我氣英雄。爲韓欲奮留侯憤。滅賊期追諸葛功。〔旦〕相公不從王敦。極是正道。難道朝廷聘你。也只是不出。

〔前腔〕〔旦〕你心雄氣猛。才高志橫。據鞍功業宜成。磨劍精神須聳。若禮意已勤。禮意已勤。鹽梅可共。難道鑿坏絕踵。好逞飛驄。早令壇上推韓信。頓使行間識呂蒙。〔生〕王敦篡逆。神人共憤。卑人豈無包胥之志。奈朝廷未嘗見知。終難銜玉自售。

〔前腔〕我有紫芝堪種。素書堪誦。羊裘五月甘披。鶴禁一生情迴。看柴門畫關。柴門畫關。雲山屏拱。鹿蝦游泳。前日周戴二兄曾勸卑人出仕來。〔旦〕相公如何回了他。

〔生〕我心已逐冥鴻。謾勞故友徐元直。來訪襄陽龐德公。〔旦〕奴家不知外邊事體。終朝懸望家中消息。原來兵戈阻絕。道路難通。老夫老母不知向來安否。〔旦悲介生〕王敦從姑熟來。與豫章無干。岳父岳母晚景自然康勝。姑待稍稍平靜。我就尋便稍信去。夫人不必深慮。

獨向山中抱素琴。

子期何處覓知音。

祇因烽火連三月。

眞個家書抵萬金。

第七齣 忒刼

〔點絳脣〕〔雜扮黃門官上〕雉尾開張。龍樓初敞。雞人唱。日射雕梁。看瑞氣藹朝門。晃。闐闐迷雲起。巖廊拂霧開。鶯歌聞太液。風吹繞蓬萊。自家晉朝一個小黃門是也。恐上位爺視朝。只得在此伺候。我想晉家自世祖皇帝受禪之後。平吳定蜀。奄有天下。不意五十年後。五胡紛擾。二帝播遷。賴我今上皇帝渡江而南。開基建業。纔得偏安一隅。王敦賊臣。常欲稱兵犯闕。國勢甚危。聞得今日朝見。又不知作何景象。咳。我想世祖皇帝好容易得這天下也。

〔混江龍〕想當初三朝鼎王。孫吳劉蜀魏曹邦。我世祖呵。急攘攘東征西蕩。雄糾糾斬將擒王。火燒了千尋鐵鎖。踏平了三月瞿塘。甫能勾車書一統。只指望奕葉千霜。誰知道櫛風沐雨新基業。到做了鬼哭神號古戰場。空惆悵。休道千年建業。栖丹鳳。則恐怕一曲伊州淚萬行。怕見的羊車御駕。繫辟宮妝。說話之間。火城潮鱗丞相入朝矣。須索迴避罷。〔丑扮王導蟒衣上〕

〔神仗兒〕頭廳宰相。頭廳宰相。威權無兩。正王家鞅掌。有弟來從人望。多應天

命來歸吾黨。且就裏暗助勳。且就裏暗助勳。隻手擎天天可摧。令行山岳盡皆移。癡兒不
了公家事。男子要爲天下奇。下官當朝丞相王導。字茂弘。晉自二帝陷虜。宗社丘墟。下官與兄弟大
將軍處仲。同心戮力。推戴今上爲皇帝。渡江而東。豈意卽位之後。每每排抑吾家。以此大將軍深懷
怨恨。從姑熟起兵來此。嘗聞得江東童謠云。王與馬。共天下。此正是晉室當滅。吾宗代興之兆。但吾
身爲元宰。恐人議論。以此陰與定計。佯爲不知。事成則與吾弟同其榮。不成不與吾弟共其辱。滿朝
人一向也被我瞞過了。日來聞得聖上頗頗疑我。只得在此待罪。呀。周戴兩尙書來矣。不免求他解
勸一番。〔笑介〕正是欺君誤國無雙士。嚇鬼瞞神第一流。〔外小生上〕

〔前腔〕雲凝龍幌。雲凝龍幌。霞籠仙仗。羨皇圖威壯。誰料機槍光莽。須臾間天
昏日月失朗。賈餘勇媿螳螂。〔外〕建闕餘蛇豕。宮闈盡虎狼。〔小生〕何時息爭戰。歸馬華山傍。

〔丑進揖介〕二位老尙書拜揖。〔外小生〕老丞相拜揖。老丞相。令弟入朝。其意如何。〔丑〕不知那天
不蓋地不載的強盜畜生做這等勾當。連累我也沒趣得緊。近日有人一發說我也知情的。〔外小
生〕令弟幹事。果然令兄也難推不知。〔丑〕若是王導知情的。永墮阿鼻地獄。聞得聖上深相猜忌。

我想王家百口。必是兩位老尙書可以保全。沒奈何。望乞鼎言昭雪。〔外生笑不答介丑〕老尙書王導是知事的。定然重謝。〔外小生又相顧笑不答丑〕沒奈何。王導下跪。〔跪介外小生怒介〕茂弘兄作何情狀。呀。聖上早已陞殿矣。〔丑〕王導待罪闕門。不敢朝見。專在此等候回音。正是眼望旌捷旗。耳聽好消息。〔下外小生弔場末扮晉帝宮女太監武士上〕

〔西地錦〕舉目山河悲愴。驚心刁斗叮咚。咸陽王氣都淪喪。離離蒿滿宮牆。封狐雄虺日成羣。負固憑陵晝結氛。誰解龍韜開玉帳。掃清君側淨埃塵。寡人大晉大興皇帝。向封瑯琊王。懷愍北狩。洛陽失守。寡人渡江而東。卽位建業。皆賴諸名賢王導王敦翼戴之功。不意二人恃功驕恣。據荆揚八州。而反假以誅討劉隗刁協爲名。屯兵谷口。昨日打進表文。說今日要來朝見。寡人心膽俱碎。不知當何以待之。且待衆文武到來商議則個。〔外小生進叩首介〕臣周顛戴淵朝見。願吾皇萬歲。〔末〕伯仁卿若思卿少禮。王敦不道。瀆紀犯順。今日朝見。甚撻朕懷。不知二卿有何策以禦之。〔外小生〕且待丞相到來。〔末〕呀。二卿差矣。王導乃敦之兄。難道王敦作逆。王導不知。朕方欲闔門誅之。二卿反倚爲腹心乎。〔外小生〕王導忠誠勤慎。乃心王室。臣等願以百口保之。願陛下

不以管蔡而疑周公〔末〕匪卿之言。朕幾誤殺。只是心尙懷疑。今日且免朝見。且說禦敵當出何策。
〔外小生〕臣觀逆賊貌雖貪狠。中心實餒。錢鳳性亦多疑。陛下但閉上朝門。安坐宮中。彼謂內廷有
備。必不敢入。子女玉帛。願陛下毋愛。令飽其欲。自然退去。〔內搦鼓吶喊。掌號畢傳介〕奉大將軍令。
着錢參軍帶領衆將官。把大內四門攻圍。軍中俱要吹唱。使軍聲徹于宮內。令其喪膽。子女玉帛。糧
草衣甲。盡欲擄入行營。論功陞賞。違者軍法。〔副淨內應得令末〕

〔啄木鷗〕軍擾攘聲沸囉。亂我心旌風搖颺。他第九攻奮擊無遺。我存一旅捍禦
何妨。一似空堂暮燕何惚恍。深山放虎相依傍。只落得立盡空宮白日黃。〔副淨領

衆上〕大小三軍。你看晉家庫藏衣糧。好不富貴也。〔走唱〕

〔滴溜子〕金和寶。金和寶。千箱萬箱。糧和草。糧和草。千倉萬倉。擄去充吾庫藏。
須令一旦空。莫教留放。還要隊伍分明。前合後仰。〔下內傳〕掌庫藏官啓事。錢鳳率領

三軍。將各處庫藏衣糧。盡行劫空。乞掌朝門官轉奏萬歲爺。〔內官跪奏介末〕伯仁卿。若思卿。如
此怎麼好。〔外小生〕

〔啄木鷲〕他威方長。氣正揚。貪似豺狼。若羊。須知道。銳始無終。也應柔可勝剛。猶如劣馬。嬌難養。還同毒蟒。嗔難抗。慢徬徨。看他遊魂血污。不久定淪亡。〔副淨又領衆上〕大小三軍。你看江東婦人好不標致也。

〔滴溜子〕如雲女。如雲女。顏如孟姜。秦淮里。秦淮里。宛同濮上。擄去充我鴛帳。今宵窈窕娘。不勝歡暢。還要隊伍分明。正齊不爽。〔下內傳〕王城司隸校尉啓事。錢鳳

率領三軍。將城中子女。盡行搶擄。煩乞掌朝門官轉奏萬歲爺。〔內官奏介外小生〕臣啓陛下。王敦不敢入城。到處盡是錢鳳行事。可見其中心懼怯。今志願已遂。將出城矣。〔內傳〕城門司隸校尉啓事。錢鳳三軍。悉已退出城外。屯住新亭。煩乞掌朝門官轉奏萬歲爺。〔內官奏介末〕逆敦雖退。勢必復來。卿等有何策以禦之。〔小生〕臣啟陛下。城中各衛軍士。約有五六萬。臣願率領屯守新亭。以爲聲援。制其再入。他糧盡援絕。或有勸王兵至。自然遁去。若欲與他相持。斷殺。則我弱彼強。非臣所敢必也。〔外〕若得若思肯行。亦復何憂。〔末〕傳旨。卽日拜戴淵爲討虜將軍。〔小生謝恩介末外〕

〔二段子〕你請纓。個儻。修長鯨龍。泉射芒。死綏慨慷。斬蚩尤。龍駒快驤。〔小生〕末

紆王粲登樓況。徒懷平勃興劉望。〔末〕管罇俎從容。功成必賞。〔小生〕臣就此拜辭
陛下。〔叩首介〕銅虎承恩日。牙璋發旆時。雲迎出塞馬。風捲渡河旗。〔小生下末外吊場外〕戴淵勢
孤力弱。難以獨任。臣有一人名曰謝鯤。江左臥龍也。當今朝廷乏人。伏望陛下以禮聘之。不然恐爲
逆敦所先。〔末〕朕亦曾聞此人。就是伯仁卿明日將禮幣去。致朕側席至意。〔外〕

〔歸朝歡〕那吳門隱。吳門隱。沈醉麴鄉。絕不問人間波浪。〔末〕安車駕。安車駕。
竹帛篋。似隆中顧頻。繇葛相。〔合〕若得似渭濱。解綸前車訪。莘畊釋耜翻然想。
賊敦賊敦。管教你老大頭。顧齒劍鉞。

笑道猖狂似禰衡。

何時開閣引書生。

蓮花幕下風流客。

致主何憂不太平。

〔末下外吊場〕主上入宮去了。下官也出朝去罷。〔丑迎上〕呀。伯仁兄退朝了。所求之事如何。〔外
作不理介〕今年殺盡諸賊奴。管取金印懸肘後。左右的。打執事回衙去。〔下丑恨介〕呀。周顛。周顛。
我與你怎的好朋友。我今有難。不值得一言相救。反要殺了我。自做好官去。〔又恨介〕你若不撞在

我手也罷了。若撞在老王手內。不到得輕輕放過了。你哩。正是有恨方君子。無毒不丈夫。〔下〕

第八齣 折齒

〔風入松慢〕〔占上〕落花無主逗闌干。春事將闌。臨風暗把丁香綰。含情處秋水全刊。繡領任垂蓬髻。寒机倚盼雕鞍。〔浣溪沙〕塵壓鴛鴦廢錦機。滿頭空插麗春枝。不知春去幾多時。東鄰舞妓多金翠。紫玉騷頭雲髻垂。笑翦燈花學畫眉。奴家自與謝郎相約之後。日日想念他。他也常來看望。我獨恨母親重富輕貧。把他十分凌賤。他只爲奴家十分忍耐。城中有個烏客人。母親苦要奴家接他。奴家雖不肯從。只怕還要來纏。呀。言之未已。母親又同他來矣。奴家只推織錦。不睬他便了。〔上機介淨丑上淨唱〕

〔字字雙〕我做商人難上難。〔丑〕經販。〔淨〕秤金量玉不曾閒。〔丑〕手慣。〔淨〕生來俏俐又輕儇。〔丑〕希罕。〔淨〕只是六十無妻號老鰥。〔丑〕極漢。〔淨笑介〕極漢極漢。最是

撒謊。〔小丑笑介〕年前送了我三分銀子。到喫了兩頓酒飯。〔淨〕小子江西撫州府臨江縣烏斯道。來此秣陵。賣些瓦楞貨物。元媽媽兩日女兒如何。〔小丑〕老烏。可怪那小妖精。你這一位財主不肯

接。偏要與謝窮偷情。今日我與你同去看他。肯便肯。不肯老實打他一頓。〔淨〕不可。不可。闕經上說得好。若要佳人近。全憑寡幫襯。你若使性子。落得掃了我的興。依我來。如今到他跟前。去你一句。我一句。做好做歹。不怕他不回心轉意。〔丑〕說得是。就去就去。〔見介丑〕呀。我兒又在此織錦。生受你烏爺。我這女兒最孝順。見老身貧窮。織紡供我。自從上了機。腳兒也不踹下來。你道好也不好。〔淨〕難得難得。只是這般辛苦。可不消瘦了你玉容。還是散誕散誕。〔丑〕兒。烏爺說得好。你就出來散步些兒。與烏爺相叫一聲也好。〔占〕孩兒不耐煩下機。

〔步步嬌〕慢理絲頭。試把機輕按。脆韌難擇揀。慢道龍光蜀錦嫺。只這時樣花紋扣緊難攢。那更縱澀不堪扳。那裏敢拋針棄線胡鑽嬾。〔丑〕這烏爺十分富貴。又是娘的好朋友。不可怠慢他。還下機來相見纔是。〔淨〕大姐只下機來道個萬福。小子就送一百個瓦楞帽兒。〔丑〕

〔江兒水〕兒。他有金滄海銀泰山。良田美屋千千萬。〔淨譚介〕則我這頂瓦楞帽兒。冬夏戴他。就值一千貫。〔丑〕更風流才調多瀟散。〔淨譚介〕不敢欺。宋朝子建其實還沒有這

頂帽兒戴哩。〔丑〕又留情燕子青樓盼。何事將人輕慢。更不道美玉前程。全在你下機一粲。〔占不采介丑〕吓。啞獠兒這等可惡。莫討老娘性起。〔淨〕又來使村。你不會說話。怪不得大姐不睬。等我去。包你一說一個肯。大姐作揖。〔揖介占不采介丑〕賤人。財主家下禮。你不睬他。〔淨〕又來多嘴。淡水啫那裏算帳。大姐。在下不是別人。江西撫州府臨江縣有名的烏百萬烏半州。金銀珠玉整擔兒挑。綾羅錦絹則當布使。只少一個老婆。你若肯隨我。這些東西都是大姐掌管。沒奈何說個肯字兒。小子就下跪。〔跪介占又不采淨〕大姐。你頭也不掉轉來。敢還不認得我。且不要說我家中富貴。〔淨〕

〔玉山供〕則我這風流魁岸。也堪稱潘家阿安。但蜂媒有意桃花。我就訂鶯期引。扳蘿蔓。大姐。只是不則聲。不肯嫁我了。只得再跪。〔又跪笑介〕我含羞自筭。不肯嫁我。睡一夜兒罷。早難道一夜夫妻踏泛。大姐一夜不肯。會個房兒也罷。也當春風過解饑。頑尾生橋柱笑空攀。〔占〕

〔玉胞肚〕那有許多胡訕。看他具襟裾馬牛一般。〔淨笑介〕有興好罵。〔丑〕啊呀。這個不

受人擡舉的賤人。罵了老娘還可。天來大一個財主。你好罵他。老娘手中無情分沒眼珠的棍兒。不到得饒了你哩。少不得打下你半截腿來。〔占〕拚得個玉碎珠沈。休思量意轉心反。
〔丑〕賤人。謝窮鬼爲甚與他弄把戲兒。難道烏爺到不如他。〔占〕他風流名士壓騷壇烏鬼
寧同仙鶴班。〔丑〕賤人。還不要走出來跪着。領老娘一頓粗棍兒。〔淨〕掩丑口譚介。媽媽又來粗幫襯。後生家性子。慢慢兒假他轉來。不要與他作硬。你到我下處去。煖些酒疎氣。〔丑〕小賤人。你不要快快里閉了門。落花有意隨流水。〔淨〕流水無心戀落花。〔淨〕丑下占弔場關門掩淚介。縹風。縹風。你若留得親爹娘在那兒。有今日出醜。

〔桃紅菊〕生要我踏花街把新聲譜翻。學當壚把箜篌抱彈。可不折沒了舊人家風範。人家風範。認錯了羅敷女志慳。〔生醉上〕

〔園林好〕千般恨飛花正珊。百無計留春再返。放不下花觚酒盞。恰又早步蹣跚。我郊外飲酒。不覺爛醉。此間已是縹風姐門首。呀。爲甚的把門拴。〔敲門介〕是誰扣門。〔生〕是你知心的謝郎。〔占開門介〕原來是謝老爹。有酒了。裏頭請坐。〔生進看占介〕

〔忒忒令〕你爲甚的腮邊淚潛。莫不爲春去苦難留挽。〔占〕妾身日坐機上。那知春去。露迷蜂蝶到晚。縹風姐。我兩日不來。你可想我麼。〔占〕

〔好姐姐〕你看我翠鬢蓬鬆亂散。望東牆淹淹淚眼。爭奈不做媒的母親呵。終朝絮

聒。教奴呆撒奸愁無限。何時得孟光接了梁鴻案。見了他惡語侵人六月寒。〔生〕縹

風姐。我坐這半日。酒都湧上來。就你機邊借我略睡睡兒。〔旦〕請穩便。只是房兒母親鎖着。沒有蓆

子。〔生〕要甚蓆子。地上睡甚好。〔睡介丑醉上〕莫信直中直。須防仁不仁。我老身正在老烏家喫酒。

有人說謝窮又到我來了。因此急急趕回。你看起初教他關着門。如今開了。小賤人。誰在此。〔占〕

謝老爹在此。〔丑怒介〕不識羞。什麼謝老爹。不管氣殺了老娘。如今在那裏。〔占〕他因酒醉。睡在機

下。〔丑看拖生生不醒介丑叫脚踢介〕謝窮鬼。謝不識羞。還不要起來。〔占〕他醉了。由他睡覺。有許

多大驚小怪。〔丑打占介〕你這小賤人。還敢開口。還不要走進去。〔占掩淚下丑又踹生生醒起介〕

呀。媽媽回來了。縹風姐那裏去了。討盃茶我喫。〔丑〕好扯淡。殺風景。縹風是你的。茶卻有。要與你喫。

不如丐兒喫了。〔生笑〕媽媽。小生到你家往來。也不見得辱抹了你。怎麼只管怠慢我。〔丑〕麻蒼蠅好貨。

〔錦衣香〕看你衣服殷多補綻。脊背彎如病疸。更兼不醋不酸。喬妝喬扮。只虧你撩雲撥雨不胡顏。〔生笑〕我自有偷香手段。竊玉機關。着甚閒羞赧。〔丑跌足介〕罷了。罷了。依你說來。小賤人被你刮上了。指望梳櫛時。還要起發人。一主大錢哩。〔撞生介〕甚來頭搶人衣飯。謝窮。今日不與你干休了。〔生笑介〕不干休。待怎麼。〔又撞搶落生巾介〕生怒。風婆子。休得無理。〔丑〕你偷竊無昏日。幫閒調侃。可惜杖兒不在我手裏。狠打一頓纔好。〔生笑介〕要打由你打。只是要上門。〔丑捶胸介〕恨你個研光傻角。全無忌憚。〔生坐機上丑扯不動取梭擲生齒落生掩口介〕生。阿呀。阿呀。不好了。兩個牙齒被你打掉了。〔丑〕謝窮。你哄誰來。哄不信老娘哩。〔生拾齒介〕這不是。這不是。你看。你看。血斑斑的。〔丑作慌扭生介〕你哄誰。〔內喝道介〕丑。官府來了。扭你告狀去。〔外衆上〕

〔漿水令〕奉絲綸來扳里閭。訪賢才作楫濟艱。仲宣何處酒家軒。呀。左右的前邊

可是謝爺麼。〔衆〕正是謝爺。〔外〕快住馬。請過相見。〔衆報介生迎相見介外〕幼與兄。小弟造宅不遇。那一處不尋到。卻在這裏。爲何與這婆子結扭。巾都那裏去了。〔丑做慌背跪求介生〕我在春郊飲酒。得醉而還。〔丑叩頭作搖手介生〕偶與那婆子呵。閒戲耍。相牽挽。〔外〕呀。幼與兄。你身上有許多血跡。口中門牙那裏去了。〔丑又跪介生笑〕伯仁兄。牙齒雖掉。喜得歌吟笑傲。猶能辨。〔外〕莫不你這老婦人有些觸犯。〔丑叩頭〕小婦人怎麼敢。謝爺牙齒自家掉的。〔生笑〕伯仁。何須問。何須問。常樅齒患。須知道。須知道。舌可生瀾。伯仁兄。你尋小弟則甚。〔外〕此間不是說話的所在。還到宅上細講。

〔尾聲〕堪憐晉室今塗炭。旋轉乾坤在這番。〔生〕我則想老守溪頭把釣竿。

惜取明時一薦雄。

十年書劍任漂蓬。

當初諸葛成何事。

只合終身作臥龍。

〔生外下丑弔場〕駭死人。幾乎惹出天大樣一場禍來。我那知謝窮到有周尙書這一個好朋友。不合打掉了他兩個牙兒。早是不曾說出。萬一說了。可不是死也。〔作思介〕雖然如此。到底不好。不免

去與老烏商議一番〔下〕

第九齣 卻說

〔高陽臺〕〔小生戎裝領軍上〕日閃三山。風悲二水。轅門鼓角聲絕。太白經天。旄頭徹夜光射。長安宮殿生秋草。多秀歌朝雉飛集。撫青萍崢嶸壯志。肯教虛擲。

〔換頭〕寒煙衰草凝碧。嘆龍拏虎擲。幾時寧謐。日莫依稀。淮山江水歷歷。丈夫澡髮常思奮。奈時艱轉難匡翊。荷君恩深慚尸素。補天何日。〔鷓鴣天〕捲旆生風喜

氣新。手持龍節靜埃塵。漢家天子圖麟閣。身是當朝第一人。秦苑鹿。漢宮椿。傷心世事不堪聞。東風不管興亡恨。吹落朝元閣里春。戴淵親承王命。出鎮新亭。豈不欲滅此而朝食。爭奈江東孱弱。荆揚整銳。我方儉一時之安。彼且擁八州之衆。一時也難與爭鋒。只好擁衛朝廷。聊爲聲援。姑俟四方勤王兵至。再作道理。〔卒引副淨上〕

〔青歌兒〕我參軍十分豪氣。大將軍寵幸無比。而今江左勢孤危。兵屯江上。一似魚遊釜底。我錢鳳奉大將軍命。來探戴淵虛實。并說他投降。此間已是轅門。左右通報。〔報

介〕稟爺。錢將軍在此要見。〔小生〕請進來。〔副淨〕進小生迎介。〔副淨〕〔漁家傲〕若思兄。看你志氣
翩翩裘帽小。雄威糾糾貔貅遶。開府新亭神鬼嘯。揚旗旄。指揮若定天吳掃。〔小生〕世儀兄。你入
幕評謨胸暗飽。投壺帳底供談笑。紫綬垂垂登顯要。誰能到。參軍瀟灑當年少。世儀來顧。必有所諭。
〔副淨〕若思兄。看你丰儀豪舉。少年美質。江左名賢。實鮮其偶。看來審時識勢。還要讓老錢一步兒。
〔小生笑介〕怎見得戴淵不識時勢。〔副淨〕晉室衰微。奸邪秉政。人心已去。天命可知。王大將軍英
雄神武。當世無兩。朝野傾戴。人望攸歸。今來統如山之士馬。壓彈丸之江東。實有泰山壓卵之勢。你
不乘此時率衆歸附。爭先迎降。卻乃提一旅之師。抗百萬之衆。何異螳螂奮臂。羊豚鼓鬣。〔小生笑
介〕世儀來意。卻是要戴淵如何。〔副淨〕若思若能誅斬刁劉。解甲來附。錢鳳自當保舉。大將軍寬
仁大度。不念舊惡。那時富貴自不可言。若徒恃兵威。畫江而守。竊恐天兵到日。玉石難分。若思那時
悔將奚及。前日大將軍欲親自入朝。卻是錢鳳阻了。若此番入朝。君臣宮府之間。盡皆不美。此是錢
鳳爲若思明言也。〔小生怒介〕呀。錢世儀。你說那裏話。我戴淵一點忠心。九死不顧。王敦篡逆。恨不
能磔殺之以安王室。世儀乃爲彼作說客耶。〔副淨〕錢鳳不爲大將軍。乃爲足下耳。

〔高陽臺〕晉室凌遲。天心厭棄。秣陵王氣消畢。鼎革垂成。大將軍已膺圖曆。你不見前日渡江來時。絡繹紛紛歸附。如不及。獨伊家擁兵抗逆。因此奉恩綸特陳利害。莫終沈溺。〔小生作挹淚介〕

〔前腔〕悲憶日斷金陵。魂栖鐵甕。忍看鹿走宮掖。劍氣扶輿。一心要屠奸慝。

〔副淨〕若思兄。大將軍曾有言。晉室元老舊臣。若早歸降。我自念其助德。布列要位。這般德意不肯仰承。你也太執了。〔小生〕非執。休將腐鼠來駭嚇。爭如我一腔忠赤。整三軍背城借一。再興王室。〔副淨〕

〔前腔〕休惑。大將軍呵。豁達多奇。龍行虎步。天授豈由人力。你叢爾孤軍。當車買勇何益。難得今朝寵命來首錫。掌樞衡口爭旦夕。願歸誠偃旗息鼓。莫虛前席。〔小生〕

〔前腔〕難滌。白鷺洲邊。青溪橋畔。春歸夢裏啼泣。委質爲臣。肯容反面從賊。錢鳳。你看我呵。叱風行雷厲。霆迅擊。〔指內介〕笑遊魂江邊。惕息管功成除兇雪恥。

易如掇拾。叫刀斧手探那賊臣出去。閉上營門。〔衆推出副淨介小生〕始信疾風知勁草。果然世亂識忠臣。〔下副淨弔場笑介〕好笑。好笑。我錢鳳奉大將軍命。好意來說戴淵。天下那有這般古怪的漢子。蠅強的村夫。國家興廢。干我何事。只願做好官罷了。怎麼好官不要做。偏要做什麼忠臣。忠臣忠臣。只怕你性命難存。不聽我也就罷了。一發把我推出轅門。聲聲罵我。我如今到丞相大爺處打個關節。到大將軍跟前攬掇一句。尋個計較。一罟兒殺他娘罷了。只教你臨崖失馬收韁晚。船到江心補漏遲。〔下〕

第十齣 應聘

〔宜春令〕〔旦上〕空房靜。永日幽。笑謀生還如拙鳩。藁砧何在。荆扉盡日無人扣。相公你。賦長門不媿相如。貸監河真同莊叟。且向虛窗閒調針黹。覓消清晝。夫君青雲器。何意常窘迫。三十猶布衣。埋照稱醉客。我相公半世顛狂。一生酩酊。家徒四壁。日缺三餐。雖無蹈海心。卻有踰垣操。幾番勸他出仕。只是不肯。家裏十分艱窘。難以度日。早間爲借米出去。還未回來。只得在此坐待。〔生負米上〕

〔前腔〕山中相。壺內侯。傲乾坤雲暝月疇。不求聞達。枯魚望活。唯升斗可笑。前日錢鳳來聘我。一似喚嬰兒。咄去嗟來。我豈肯學閨秀。呈妍蓋醜。論人生輕身求售。豈如堅守。已到自家門首。夫人開門。〔旦應開門見介生〕借得米在此。夫人收下。〔旦看生介〕

相公。你身上爲何斑斑駁駁。有許多血污。〔生笑介〕偶然耳。還未暇與夫人細說。周伯仁約我講話。夫人且迴避。〔旦〕要自狂夫不憶家。窮途日日困泥沙。紅顏自古多薄命。廚靜空如飯一麻。〔下生弔場外衆上〕

〔前腔〕耕莘野。版築求。信風雲心孚意投。客星何處。晶光夜夜。干列宿。〔衆〕稟爺已到謝爺門首了。〔外〕我有許多騶從。幼輿必然怕我薰灼。左右的且迴避。只在村口相等便了。〔衆下外〕且喜開門在此。不免徑入。〔外進介生迎揖介外〕幼輿兄。你似蓬池侶到處藏名。夷門隱偏難相邁。但願無嫌小就。共襄時繆。〔生〕伯仁兄。小弟與你相處多年。還不知小弟心跡。

〔前腔〕我是魚鰕侶。鹿豕儔。愛閒心已被白雲款留。九重丹詔。休教彩鳳啣來。

就媿禰衡誕傲虛名。〔拱外介〕謝北海慇懃侶奏。只恐怕操竿鼓瑟。慢勞求售。

〔外〕這般時勢。可是你高臥之日。〔生〕伯仁兄。且把今日朝廷的光景。并下顧的緣故。細細與小弟再說一遍。〔外〕

〔梁州新郎〕乾坤鼎沸。皇輿瓜剖。剗地深宮鹿走。小弟與戴若思呵。捐軀圖報。孟明志決焚舟。因此躬擐甲冑。修我戈矛。志在扶陽九。知君多偉略。似留侯。聖上呵。宣室須君促膝籌。憤淚溼征衫袖。韜鈴誰出君家右。望早命駕。莫拖逗。〔生拱手介〕

〔前腔〕謝你個蕭何賢相。無知故友。自愧才能樗朽。青溪碧障。子陵合把絲鉤。則這些藏頭茆屋。濡首糟丘。已覺難消受。浮雲同富貴。似巢由。遠害朝看麋鹿遊。蒙筐篋親相叩。但駑駘豈可充天廐。〔起揖介〕憑知己。謝明后。〔外〕呀。幼輿朝

廷多故。典午運衰。王敦志圖大寶。手移鐘籬。我輩正當覩吳鉤而耳熱。撫漢鼎以心酸。豈可肆志林泉。怡情麴蘖。可不頹盡你志氣來。

〔前腔〕你不見起臥龍。昔日與劉載飛熊。當年伐紂。更有那夷吾忍死。相桓功就。他只爲胸藏繡虎。手握靈蛇。豈肯老死田間。牖況今朝廷多鞅掌。志須酬。豈可懷寶迷邦樂。一丘憤淚。溼征衫袖。安危只在君出否。〔揖介〕休固執。恁拖逗。〔生〕

〔前腔〕伯仁兄。我謝鯤呵。志掀天。擬勒千秋。要浴日功垂九有。肯一丘一壑。拍浮盃酒。但只恐枕戈徒切。負乘貽羞。那時進退多掣肘。感君多意氣。許同仇。〔悲介〕不覺忿激。包胥血淚流。蒙筐篚親相叩。更蒲輪麻詔臨山岫。敢偃蹇。辱明后。〔外拱手〕

幼輿肯出。豈特小弟之幸。實朝廷之幸也。喚賚捧官快將禮幣過來。〔衆捧禮上〕

〔節節高〕丹書下鳳樓。綵雲綢。風雲北闕看輻輳。〔外〕幼輿。請香案來。俯伏聽宣。〔生跪聽讀介〕聖旨到。朕遭家不造。內外多迍。素聞謝鯤深諳韜略。特勅尙書周顛親造其廬。致朕至意。爾其速詣朝堂。朕且側席以俟。特賜白璧一雙。玄纁四表裏。章服一襲。白銀百兩。俟朝見之後。另除官職。謝恩。〔生呼〕萬歲。〔外遞勅書介〕揚仄陋。禮意稠。天心厚。〔生〕豈西京驟駟堪馳驟。只恐遼東白豕貽慚話。〔合〕不達時盡笑許由。非但知音須識鍾期友。〔外〕請幼

興更衣〔生更衣笑介〕

〔前腔〕伯仁兄。你看我貂餘季子裘。態搗搜。沐猴豈識冠和綬。〔外〕你看擎天手。閱世眸。懸河口。驪黃牝牡誰能究。塵埃物色難參透。〔合前外〕叫左右擺道。就此入朝去。

〔尾聲〕哎。歡聲載道人爭逐。盡道皇家結網周。看帶礪勛名誰與侔。

身欲逃名名自隨。

鳳啣丹詔到茅茨。

預知漢將宣威日。

月蝕西方破敵時。

第十一齣 謀竄

〔剔銀燈〕〔丑上〕謝窮鬼真真厭駝。麻蒼蠅見食輒過。並無錢鈔與綾羅。單一

味撚酸嚙唾。思量無可奈何。打落他門牙兩個。凡事不可造次。凡人不可輕視。好笑那

謝窮。日日來闖寡門。閒打哄。我那小鬼頭兒被他引熱了心。再也不肯接人。那窮鬼時常被我凌辱。

只是要來。方纔我到烏家。纔呷得兩碗酒兒。聞得他又在我家。回來時正睡在縹風機下。不覺一時

性起。乘着酒興。就機上拿起梭來。狠死的打將去。剛剛正打在門牙上。血淋淋的把他兩個牙齒打

掉了。他到也不認真。誰想周尙書正來尋他。細問緣故。他竟隱瞞不會說出。幾乎嚇殺老娘。我忙忙的到老烏家去與他商議。只見街上人亂嚷說。周尙書奉旨欽取落星橋謝老爹出去做官。怎麼好。怎麼好。但不知此話是真是假。我今悄然到他門首看個虛實。〔生外衆引導唱前不達時盡笑許由非但知音須識鍾期友。隨即下丑慌吐舌介〕阿呀。嚇死人。那馬上穿紅的可不是他。我的謝爺。我那知你有這一日。早知有紗帽戴的。我頂你在頭上也不多。且住。他今日做了官。明日定來算牙齒帳。怎麼好。快與老烏商議去。〔走介〕此間已是。烏爺快來快來。〔淨上〕是誰是誰。

〔前腔〕樓紅裙朝朝按歌。上青樓時時掇座。風流浪子誰如我。有的是瓦楞奇貨。〔丑又叫介淨〕是何人門前鬧呵。〔相見介淨〕元來是夜叉鬼婆。〔丑〕囚攪的罵老娘。

〔淨〕元媽媽。你爲甚剛去就來了。〔丑〕不要說起。方纔回去。我家縹風坐在機前。機兒下睡着一個人。你道是誰。〔淨〕莫不又是謝窮。〔丑〕着。正是他。又在那裏調戲我女兒。〔淨〕天下有這等不識羞的厭駝。〔丑〕那時不覺性發起來。就機上取過梭兒。擘臉的擲將去。剛剛擦在門牙上。把他兩個牙齒打了下來。〔淨〕暢妙。打得好。打得巧。可惜我不在那裏。不曾助得你一臂。後來他認真不認真。

〔丑〕他到也自知理虧。笑而受之。正廝鬧間。只見有個周尙書來拜他。〔淨驚問介〕可曾見他牙齒麼。〔丑〕見哩。周尙書問起緣故。那人竟支吾不說。〔淨〕可曾曉得周尙書何故拜這樣人。〔丑〕你還不知哩。請他去做官。〔淨駭白〕去也不去。〔丑〕怎麼不去。方纔迎去了。穿了大紅員領。騎着高頭白馬。他在前邊。周尙書在後邊。好不軒昂。老烏。你正不會見。連人物比前也都標致了。〔淨〕我一向說謝老爺好個人物。必定戴紗帽的。不可怠慢他。你不聽我。如今惹出事來。怎麼好。〔丑〕你方纔罵他。又要幫我打他。何曾說他好人物。如今恐他來討賠牙齒。特來與你商議。〔淨〕我有什麼商議。

〔前腔〕我是有名的縮頭老鵝。你沒來由惹場災禍。元媽媽不是我怕事。官府可是好惹的。請伊且向他方躲。休得來招風攬火。〔做走出丑扯住介〕那裏去。〔淨〕我要去。行中覓夥。怎只把衣衫亂拖。〔丑譚打淨介〕

〔前腔〕老烏。你平日間嘴喳喳說開說合。今日裏似燒葱一堆軟躑。你就不看我老身體面。全不想揉兒玉貌如花朵。拚得個珠沈玉破。須念我娘兒折磨。〔拜介〕拜你個親親好哥。〔淨笑介〕這一聲叫得我快活起來。和你商量。元媽媽。這節事終須有日發作。你

這秣陵斷然住不得了。就不說起打牙的緣故。萬一你的女兒被他喚進。你那裏去討。我貨俱發盡。正要算清帳回去。再裝些景德貨來賣。你莫若同我到江西去。好歹住幾時。一來避了老謝。二來你女兒到彼。不怕他不從我。我多與你些茶禮。快活了下半世如何。〔丑拍手笑介〕老烏。事不宜遲。則這幾日起身便好。〔淨〕只愁你女兒不肯去。〔丑〕這那得由他。我鞭杖行中自有規矩。自有法度。你却不要管我。〔淨〕

〔麻婆子〕既如此。你快把快把行裝裏。衣飾與被窩。〔丑〕你火速火速覓輕舸。三板與鷺梭。〔淨〕只愁那妝麼做勢小妖魔。推三阻四恁般那。〔丑〕他若半句兒相推阻。我先把棍來搓。〔淨〕雖然如此。女兒前還不要說起。明日我僱船在江東門相等。來日便是端午。只哄他看龍舟。桃葉渡叫個小船。連家伙盡數裝載了。到江東門來上大船。〔丑〕曉得。

煙花隊裏竊兵符。

風月場中列陣圖。

此去好憑風月利。

平平穩穩過鄱湖。

第十二齣 忠告

〔駐馬聽〕〔生外引卒上〕爽氣澄清。馬首前瞻北斗城。只見燕臺高聳。虎觀嶙峋。麟閣峻嶒。〔外〕須知明主待持衡。可憐赤子方入井。策建良平。西山寇盜。佇看寧靜。〔卒〕稟爺已到朝門外了。〔生〕〔憶秦娥〕瞻廊廟。初志不終堪自笑。堪自笑。猿鶴相嘲。溪山見諂。〔外〕十年握筆稱文豹。一朝仗劍爲雲鶚。爲雲鶚。近邁蕭曹。遠方周召。幼輿兄。聖上尙未陞殿。且在朝房伺候片時。〔雜扮差官上〕

〔前腔〕相府批呈。宣示尙書取次行。爲有清朝高隱。紫詔來迎。卻是白面書生。恐其不諳韜略。不諳兵。龍江關都尉教權領。待後功成。不妨銓敘。另行酌定。小官是相府差到尙書省去。此間是朝房。不免逕入。〔見介揖外生還禮外〕何處差來的。〔雜〕小官奉丞相爺命。有聖旨聘到書生一名謝鯤。恐其未諳軍務。特授散騎都尉。把守龍江關。已奏過聖上。免其朝見。限卽日到任。毋違時刻。〔外〕原來如此。差官過來。朝廷特聘謝爺出來。爲何授了散職。莫非丞相爺有甚麼見怪麼。〔雜〕非關丞相爺事。早間大將軍府打過文書來說。一應陞銓。俱要稟命而行。謝爺職銜。是大將軍定過來的。〔外〕知道了。請回罷。〔雜〕政事懸敵國。高賢處下僚。〔下外〕幼

與朝事如此可笑可笑。此必非聖上之意。下官還要執奏。〔生〕伯仁差矣。東西南北。惟君所使。都尉雖卑。獨非臣乎。但奸臣遙執朝權。舉國盡如妾婦。恐將來誅賞。惟其喜怒。當國者勢必難免。竊爲伯仁兄危之也。〔外〕領教。〔雜扮將官上〕

〔前腔〕帥府威靈。宣示當朝文武卿。爲欲東還姑熟。設宴江皋。聊敘離情。龍旗屯處鬼神驚。驪駒唱徹笙歌盛。傳語叮嚀。定須速赴。莫違台命。小將是大將軍差

官。奉大將軍命。遍請朝臣。此間是朝房。不免逕入。〔相見拱手外生亦拱手介外〕何處差來的。〔雜〕

小官奉大將軍令。後日設宴新亭。遍請衆位老爺相敘。〔外生〕此酒爲何而設。〔雜〕大將軍偶患微

疴。欲還姑熟。故請各衙門老爹們敘別。〔外生〕曉得了。請回。〔雜〕人心原有鳩。盃酒豈生蛇。〔下外〕

我輩可出朝矣。幼輿。且到寒家講句話兒。〔生〕正欲造謝。〔外〕退朝花影亂。〔生〕歸院鳥聲頻。〔外〕

幼輿。此間已是舍下。就請進去。〔進揖介外〕幼輿。小弟薦兄。欲使朝廷以大政相畀。兄亦得大展其

經綸。不意政府模稜。奸雄恣肆。賞罰大柄。悉歸其手。使兄沈抑散局。惶愧惶愧。〔生〕兄以此舉。茂弘

丞相知之否。〔外〕王敦之反。茂弘每每切齒痛哭。彼亦無可奈何。難道是商確而行的。〔生〕兄負江

東人望。原來全無人倫之鑒。茂弘向與王敦同謀。待罪朝堂之日。啣兄不與伸救。必欲甘心于兄。今新亭之宴。未必不爲兄與若思也。自宜謹慎之。〔外〕幼輿何乃爲此不然之慮。周顛雖不肖。是朝廷重臣。他何敢妄有所加。卽伸救一節。周顛何負于茂弘。他難道不知。幼輿不必深慮。〔生大笑撫掌介〕伯仁兄。這等說來。新亭之宴。王敦果欲東歸。果欲殺別乎。伯仁。你道王敦何所聞而來。何所見而去。

〔紅衫兒〕他來。周郊問鼎。六師方銳整。況內有親兄。旣欲圖僥倖。豈容輕謝病。沒來由置酒江垆。集朝廷俊英。我則怕弓影成蛇。便胡行亂逞。〔外笑介〕

〔前腔〕幼輿兄。我識鑒如握鏡。況與王茂弘呵。數十年同朝請。我見他。每每忠誠。早難道首鼠模稜。助邪萌。便做道賣友欺朋。還須念天王聖明。我今就去赴宴呵。縱然是莽操奸佞。亦何端起競。〔生〕

〔醉太平〕伯仁兄。念我謝鯤呵。酩酊半生蹭蹬。感君家物色。分外垂青。我甘爲骨鯁。備籠中藥餌。進爾希齡。須聽。休將七尺狗長鯨。不測事還須寤警。況將傾大廈。

豈伊獨力可任支撐。〔外〕

〔前腔〕堪敬。君言耿耿。豈惡聞逆耳。漫不思省。但身爲執政。自難容長蛇封豕。縱橫生平。捐軀報國。素曾盟。但只願邦家平靜。〔掩淚介〕孤忠自勵。唯圖青史。千載垂聲。〔生〕小弟告別了。〔外〕後日新亭相會便了。

入廁孤忠未得酬。

深慚袖底佩雙鉤。

從來戈戟生盃酒。

鈎曲須知可拜侯。

第十二齣 閨敘

〔卜算子〕〔旦上〕簷牙葵色新。簾額苔痕嫩。深閨盡日兩眉顰。留待張京尹。〔生〕
冠帶二卒引上

〔前腔〕盱食聖情殷。裹革臣心奮。上方無計斬奸臣。空抱孤嫠憤。〔卒〕稟爺已到本府門首了。〔生〕左右。衙門伺候。〔卒應下生入見介〕呀。相公回來了。相公。你歡喜應聘而出。爲何帶悶而歸。〔生〕〔鷓鴣天〕夫人。你不見日月無光天地昏。宮牆生草兔狐羣。六飛久已沈胡虜。九

鼎相將睨楚人。〔旦〕相公隱居志。達身行。從來委質便稱臣。丈夫自有旋乾手。何事眉頭蹙皺紋。
〔生〕夫人。卑人綠螳一生。青氈半世。志存丘壑。夢斷巖廊。感得故人推轂。聖主虛席。一時守志不墜。
草草應命。誰知王敦擁兵江上。遙執朝權。凡公家事體。無大無小。悉用關白而行。至于進退人才。尤
爲掣肘。王敦向日曾聘卑人。卑人不出。啣此私忿。昨日打文書到中書省。止授卑人散騎都尉。把守
龍江關口。局旣閒冷。施展甚難。雖有借劍之心。苦無請纓之路。以此悶悶而歸。〔旦〕相公。妾聞不在
其位。不謀其政。旣然官居下僚。何必越職行事。姑且陸沈金馬。優游歲月。待時而行。未爲不可。〔生〕
夫人言之有理。還有一事。王敦無端設宴新亭。遍請朝士。竊恐此酒必非無爲。苦勸周伯仁隄防。他
全不相信。怎麼好。〔旦〕相公莫管他人。爾赴也不赴。〔生〕如何不赴。只是隨機應變。他定然不能害
我。〔旦〕相公也要小心。這等世界。全身爲上。就去也要見機而作。〔生嘆介〕

〔解三醒〕痛朝廷冠裳倒紊。妖氛遠濁亂清旻。望夷宮鹿馬誰人問。慚無計叩
天闕。千年化碧英傑恨。萬里流丹壯士勳。謾把青萍捫山河易改。豺虎難馴。

〔旦〕相公有一事問你。那日自外回來。身上有許多血跡。口內又失了兩個門牙。卻是爲何。〔生笑

介)待卑人細細說來。只是夫人不要着惱。(旦)爲甚着惱。(生)

〔長拍〕那一日呵。春事闌珊。春事闌珊。芳郊遊衍。銀餅酒已帶微醺。忽驚好女。

〔旦〕在那個所在。(生)卻原來正在東鄰。兩意甫殷勤。可恨他母親呵。走將來惡狠

狠。有許多尋趁。(旦)他是什麼人家呢。(生)他寄籍平康多美譽。(旦)姓甚名誰。生得如何。

〔生〕元氏縹風態軼塵。(旦)既是娼家。爲何廝鬧起來。(生)他笑我衣衫貧窘。向機間

取金梭相擲。打落牙門。(旦)你果然愛此女麼。(生)

〔短拍〕也不過是見景生情。見景生情。逢場作戲。酒杯間作態胡云。夫人那女子

到也可喜。親許結朱陳。似飛鳥依人堪憫。(旦)相公意下如何。(生)怎做得蕭郎陌

路。只恐怕時事兩紛紜。(旦)原來如此。相公膝下尙虛。且徐圖之。但是缺了牙齒。覺欠雅觀。(生)

掩口笑介)

〔尾聲〕夫人。齒性剛。原易殞。嘯歌不廢我云云。誕傲方成我輩人。

齒折寧能廢嘯歌。

酒鎗聊且共婆娑。

休論家國興亡事

話不投機半句多

第十四齣 出關

〔謁金門〕〔占上〕庭陰顫。翠展芭蕉舉扇。聞着梁間雙語燕。畫欄空倚遍。

〔換頭〕暗裏韶華若電。盼望玉郎天遠。佳節端陽蒲艾薦。此情誰與展。綠樹陰濃

夏日長。一簾細雨洗梅黃。落花何處堪惆悵。又見蒲檜泛玉香。奴家縹風。自從謝郎別後。這幾日再
不見面。想爲折齒緣故。啣恨不來。昨日母親說他已做官。不知是作耍奴家。又不知果有這話。心上
甚是放不下。呀。母親來矣。〔小丑上〕心情無定在。笑語便相親。番訝梁間燕。偏依舊主人。昨日與老
烏計議。今日起身。爲此喚下小船了。且把謊話兒對縹風一說。〔相見介小丑〕孩兒起身了。我對你
說。今日乃端陽佳節。聞江頭龍舟甚盛。我已喚了大船。在江東門了。與你同去看看便回。〔貼〕龍舟
有甚好看。孩兒身子不好。不耐煩去。〔小丑〕今年的龍舟不比往年。城裏城外。那一家不去看哩。
〔占〕船裏還有什麼人。〔小丑背介〕乖丫頭。恐我又同那老烏去。來問我。〔搖手介〕並無一人。老
娘曉得你性兒的。怎麼同閒人。只你我母女兩個。本待自去。只是一人沒興兒。不要拗我。同去走遭。

〔占背云〕你看我母親好多心。他怕留我在家。謝郎又來。故此要我同去。〔對小丑云〕既沒有人。便隨母親去。〔小丑〕這纔是。桃葉渡喚個小船渡去罷。隨身衣服鋪陳。都帶了去。家裏沒人看管。〔走介〕擺渡的擺過來。〔雜扮稍水唱歌上〕桃葉渡頭桃花紅。桃花紅時桃源洞。可惜一夜無情個催花雨。只見一片西飛一片東。元媽媽那裏去。〔小丑〕江東門去。〔稍〕上船來。上船來。〔占小丑上

船介〕

〔鎖南枝〕桃葉渡。桃已捐。滔滔東去不記年。直恁流水無情。空孤負落花戀。謝郎。謝郎。這活地獄我意堅。只怕死功夫你心倦。〔稍〕媽媽。江東門了。〔占〕母親。不見有什麼龍舟。就回去罷。〔小丑〕早哩。停回兒少不得來。〔背云〕何故老烏還不來。稍水哥。你把船纜好了。我到崖上去看看。〔稍應小丑立看淨上稍水同上唱吳歌〕江東門。江東門。江東江水忒多情。自從大姑小姑跟則個彭郎去。至今流淚弗曾停。〔淨〕

〔前腔〕爲有桑間約。花下緣。眈眈兩眸望欲穿。爲甚日已將晡。還不見佳音轉。呀。你看前灘上繫小船。〔小丑手招淨介〕烏爺這裏來。〔淨〕來了。來了。恰相逢喜相見。元

媽媽那裏去〔小丑〕老身領着女兒。特來看龍舟耍子〔淨〕有興有興。要看龍舟。請過我大船上去。
〔占〕母親不要許他。羞人答答的。怎麼好到別人船上去。〔小丑〕孩兒又來了。烏爺什麼別人。〔占〕
母親認得他。孩兒不認得他。〔小丑〕兒。我老實對你說。千不是。萬不是。是老娘前日不合打落了謝
老爹的牙齒。如今他做了官。管得我們着的。倘或題起前情。老娘性命可。不是也多的。爲此與烏爺
商議。權到他江西去住幾時。他已備下大船。盤纏我母子去。難得這般好情分。過船去罷。〔占〕呀。母
親這話那裏說起。爲何要到江西去。〔小丑〕兒。烏爺是你娘的好友。就如在家裏一般。〔淨〕我江西
人最撒漫。到得我那裏。穿的喫的使用的。一一包足。不勞大姐費心。〔占〕母親要去自去。孩兒不去。
寧可今日就死。〔哭介〕

〔孝南枝〕咳。縹風縹風。你身如梗。命若懸。嗟我遭際直恁顛。自幼失堂萱。椿庭
又先翦。〔小丑〕兒。你父母死後。做娘的並不會難爲你。〔占〕虧殺恩慈。可憐養育成人。〔小
丑〕怎生教道你。〔占〕相規相勉。〔小丑〕既如此。也該聽做娘的三分話兒。〔占〕跪介。非奴
敢抗娘親。兒自有心頭願。〔小丑〕你心上要怎麼。起來說。〔占〕我欲待言不忍宣。待不

言時恨怎免〔小丑怒挽淨手介〕

〔前腔〕烏爺。你看這賊歪賴。會撒奸。嘴喳喳。一似鵲噪喧。〔擊拳介〕我有鐵打棒兒拳。今日呵領取去閒消遣。〔淨扯開小丑介〕待我來勸大姐。聞得你多才又賢。何事今朝不聽娘勸。我有萬種恩情。常把你做涎兒。嚙。大姐。你把心上人莫掛牽。只這眼前人且方便。〔占不理背云〕縹風。縹風。千死萬死。總是一死。不如就這清江裏死得乾淨。〔作跳介小丑淨〕不好了。不好了。稍水哥救人。救人。〔稍救介淨丑〕稍水哥。一竟扶過大船來。〔稍救過船介〕打發小船去罷。〔淨〕與你青蚨二十。〔稍〕一個白虎翻身。一個金蟬脫殼。雖然近得青蚨二十。也落得大姐奶兒一摸。〔下淨〕元媽媽。如今怎麼處。〔小丑〕只顧開船便了。小賤人還不依我。好隨我前去。今後若違拗我。我手中的粗棍兒。煞也是無情的。〔占哭介〕

〔前腔〕撲通的瓶沈井。支楞的琴絕絃。撒琅的鏡兒墜落顛。生察察把鸞鳳錦窩揪。痛煞煞將鴛鴦彈兒踉。〔小丑〕還要多說。過來跪着。先打一百殺威棒去。〔打介淨附耳介〕不要造次。此間官府最多。激出事來不好。要打還待出關去。〔占拜介〕娘親恕愆。願聽

孩兒一言自辯。〔小丑〕你要怎麼。〔占〕兒願一馬一鞍不入仙音院。〔淨〕好了好了。小生是沒老婆的。正是一馬一鞍。〔占拜淨介〕就求烏爺勸勸母親。〔淨扶介〕折死烏斯道。那裏消受得起。〔占〕我含着淚告上天。帶着羞對那人面。〔小丑〕

〔前腔〕我央了你千千萬。你偏拗我萬萬千。何曾有孫兒不覓錢。你倒想夫婦並頭蓮。直待你喫過蟠桃宴。〔占〕我那娘噯。〔小丑〕伊休淚漣。從來的虔婆誰個是羊兒般善。〔占〕娘饒恕恁孩兒罷。〔小丑〕若要我意轉心回。除是快把降旗展。小賤人。我曉得你與謝窮。一定有誓願了。我這風月寨那裏討節義傳。前門送張郎後門把李郎騙。〔占〕孩兒果然與謝郎有約。誓不從人。〔小丑〕屈屈屈。謝窮有何好處。苦死愛他。〔占〕

〔前腔〕他是玉堂俊。閨苑僊。〔淨〕大姐。小子如何。〔占〕浪包婁難堪入烟月篇。〔淨〕小子容貌略差些。家裏勝他幾萬萬。〔占〕你就是玉碾出鳳凰軒。金壘就鴛鴦殿。也無緣可聯。空做了流水恩情。擲沙姻眷。〔淨〕請問大姐。老謝也有些家事麼。〔占〕他有的是斷簡殘編。花柳中窮原憲。〔小丑〕賤人便依你隨了他。難道呷風度日。〔占〕母親你心放寬。

我情素專便做了餓婢娟亦何怨。告母親要聽孩兒三件事。就隨母親前去。〔小丑〕說來說來。那三件事。〔占〕第一件。從今日爲始。老烏另自顧船。再不許到我船上。〔淨〕是。小子再不敢求見。〔占〕第二件。到得彼處。不許逼勒奴家接客。〔小丑淨〕使得。〔占〕第三件。若有再見謝郎之日。早晚便要相從。〔小丑淨〕也使得。都依你。都依你。稍子哥。快攆過關去。〔淨〕

〔前腔〕把雲帆掛。風纜驚。一似鷗夷載得西子還。〔內掌號小丑淨〕稍子哥。何處鼓聲喧。〔稍〕王敦謀反。江關上好不緊急哩。〔小丑淨〕元來是江關有爭戰。稍子哥。須與我今晚趕過關去纔好。勿得留連。明日開船。好乘風便。〔內又掌號喝開關介淨〕媽媽。關已開了。歇在此罷。〔小丑〕歇了罷。〔占〕母親。老烏爲何不過船去。〔淨揖介〕我就到別船去。也好胡亂眠。只是大姐心腸忒硬些。這等苦低情虧你心不軟。

〔占〕月上孤舟夜半情。

離人怕聽落潮聲。

〔小丑〕洞房燭影今何處。

〔淨〕欲寄相思夢不成。

〔占下淨〕縹風竟到艙中去。把門兒反鎖了。〔小丑〕今晚且不要拘他。你還到別船去睡。前途去自

有法兒〔淨〕說得是。只是今晚放你不過了。〔下〕

第十五齣 陰伏

〔副淨上〕江東臣子似湯雞。活剝生擒任我爲。堪笑書生不解事。此生斷送老頭皮。錢鳳與王公渡江而來。指望先議九錫。徐圖受禪。誰知周顛戴淵。都是癡呆老兒。一些也不惹頭。前日去報這信兒。與老戴。反有許多怠慢我。被我在主公面前搬鬪了幾句。主公着惱得緊。以此暗與王丞相定下此計。只說主公有病要回。設宴賺他來。就酒席上尋個事端。一刀殺卻。絕了後患。有何不可。好笑還有一人。叫做謝鯤。整日喫得爛醉。口出大言。且有虛名。今日也賞他一刀。叫巡邏官。〔雜扮巡邏官上〕朝中天子宣。閫外將軍令。巡邏官磕爺頭。〔副淨〕巡邏官。今日新亭設宴請百官。你可帶領鐵甲軍士五百。衆官未到之先。預先埋伏在後堂。人人要藏短劍一口。不許喧嘩囉喏。飲宴中間。不奉呼喚。不許離次。一聞呼喚。不可遲延。違者軍法。〔雜〕得令。〔副淨〕

〔四邊靜〕聽我號令。偃旗息鼓。如安寢。脚枚持口噤。兔脫莫留停。狙擊要詳審。

〔合〕軍機凜凜。軍容矜矜。奉令疾如雷。莫教有直恁。〔雜〕

〔前腔〕從來杯酒生毒鴆。敢將金革衽。首將旗旆懸。血向刀頭飲。〔合前巡邏官下副淨〕巡邏官去了。下官親領五百勇敢軍士。外廂巡邏去咱。

好去十面埋伏。

須教一網打盡。

第十六齣 赴宴

〔卒引生上〕長江萬里限江東。不數秦關百二重。訊察若還勤着意。何勞瑣瑣一九封。下官奉命把守龍江關。職雖卑微。任卻重大。況王敦擁兵江口。來往尤當盤詰。如今正是放關時候。叫左右傳令開關。一應往來船隻。須要仔細搜檢。有船引的。登記花名冊子。即時放過。如無船引。拿來親問。傳令開關。〔雜應掌號乙通鳴鑼三下喝開關介淨小丑稍上〕稍子哥。開關了。快討關去。〔稍子撐船卒攔問介〕這是什麼船。〔淨〕客人賣了貨回鄉去的空船。〔卒〕有船引沒有。〔淨〕有有在此。〔卒〕取船引來。你叫什麼名字。〔做寫介淨〕商人一名烏斯道。妻一口李氏。女兒一口。〔卒〕什麼名字。〔淨〕縹風。〔卒〕那裏去的。〔淨〕江西豫章郡去的。〔卒〕快撐快撐。〔淨小丑占稍子同下衆喝閉關介〕稟爺。船放盡了。繳花名冊子。〔生取看介〕前邊都是差使馬快官船。後邊卻是民船。〔又看介〕這一名

是商人烏斯道。妻一口李氏。女一口縹風。前往江西豫章郡。〔駭介〕呀。這縹風一定是我東鄰的元縹風了。向來聞得有個烏客人與他母親往來。多應是那虔婆賺去了。可憐這女子到有志向。此去那有出頭日子。左右的。快拿烏斯道轉來。〔卒叫不應介〕稟爺。過關的船。趁着順風張帆去遠了。喚不轉了。〔生〕

〔北仙呂賞花時〕他那裏一篙烟雨一檣篷。俺這裏萬種躊躇萬啣膿。心逐亂雲橫。今宵魂夢。與在一杯中。

〔么〕冷落了青風銅爵宮。間阻了流水桃源洞。此日意無窮。心中作頌。無語怨東風。可惜今日要去赴宴。不暇去訪問明白。左右的。打執事到新亭去。〔下丑上〕某當朝丞相王導。

大將軍兄弟設宴新亭。特來赴席。你道此酒卻是爲何。大將軍不喜歡周戴二老。欲與決一死戰。我勸他只做好事請酒。就席擒之。使其疾雷不及掩耳。二老略不知這機殼。昨去相約。懽然肯赴。此時想將次來到矣。〔外小生上〕某尙書周顛。某尙書戴淵。王大將軍相招。特來赴宴。呀。老丞相先已在此了。〔各拱手道請了內傳〕大將軍有旨。赴宴官不許攙前落後。直待到齊。排班進見。〔外小生〕呀。

茂弘處仲如何妄尊至此。我們來差矣。去罷。〔丑〕既來之。則安之。呀。謝都尉也來了。〔生上〕說話之間。早已來到新亭也。〔相見丑外生拱手介生〕老丞相。二位老尙書。謝鯤見。〔略跪介丑外小生即扶介生〕請問老丞相。令弟大將軍此酒爲何而設。莫不有甚陰謀麼。老丞相一定知道。〔丑〕舍弟患病。思歸姑熟。故設此宴。與衆老先生敘別。並無他意。王導在此。何必多疑。〔外小生〕老丞相在此。一定不差。〔生笑介〕

〔新水令〕老丞相。那裏是大將軍幕府玳筵開。分明是宴鴻門當日的機械。現放着闖轅門的樊噲。老丞相。那裏討舞雙劍的項伯。凶和吉轉難揣。鴉與鵲兩同偕。怕沒有天來大一場兒驚駭。〔內掌號丑〕大將軍升帳矣。〔淨雜上〕孤王敦是也。錢參軍與丞相哥哥勸我于酒席上誅斬周戴兩人。叫旗牌官百官既齊。大開轅門。請丞相大爺先入。其餘挨次魚貫而入。〔衆傳介丑進見淨〕丞相哥哥拜揖。〔丑〕大將軍兄弟拜揖。〔外小生進介〕大將軍拜揖。〔淨〕二位尙書拜揖。〔生見跪介〕大將軍。謝鯤見。〔淨扶介〕此位就是幼輿。久慕久慕。孤前日授卿都尉之職。兩日不蒙卿顧。莫非嫌官小麼。〔生笑介〕謝鯤無志仕宦。豈嫌官小。但新入仕途。親

朋來賀。日日爛醉。正忘之耳。〔淨笑介〕好曠達也。

〔沈醉東風〕〔生〕生長在南岳。則這北岱。醉落在柳陌也。那花街。詩酒債。整日忙。鴛鴦社。逐朝賽。這便是老我生涯。〔淨〕聞得幼輿身在丘壑。志存廊廟。孤方欲嚮用你哩。

〔生〕俺這巧拙賢愚。任爾猜。朝家事半星兒。何曾得解。〔淨〕不曉得朝家事體。曉得甚的。〔生〕大將軍。謝鯤止曉得喫酒。自來家貧。不得美醞。亦不得取醉。今日幸蒙見招。望早賜些。多賜些。〔淨〕看酒來。酒要喫。正事也要講。列位滿飲。孤家此杯。〔舉杯介〕衆飲。介生大叫。大將軍。謝鯤。狂士。不知禮法。願多賜些好酒。聽其自行斟酌。〔淨〕巡宴官。看一大罈好酒來。送謝都尉面前。〔雜〕送酒生取飲。自篩大喊介。好美酒也。好美酒也。伯仁若思同乾此杯。〔外小生舉乾介生〕

〔喬牌兒〕瀉瓊漿。琥珀。過玉蕙光澤。〔淨〕幼輿在孤面前。何無禮也。〔丑〕幼輿。大將軍在上。放尊重些。〔生〕怎好把將軍禮數。椿椿責。可不道遇酒且忘懷。〔淨〕幼輿。近聞得人言云。任達不已。幼輿折齒。我見你果然少了兩個齒。這緣故可使孤聞之應。〔生笑介〕正要說來。奉大將軍一笑。容謝鯤飲乾此甌。起來手之舞之說去。〔飲介〕起逐句演唱。

〔七弟兄〕想那日醉駭。向平康亂歪。見一個女裙釵。那冤家帶笑。心相愛。俏聲兒許結鳳鸞諧。魂飛在九霄外。可恨那虔婆呵。

〔么〕氣吁吁走來。亂紛紛鬧咳。那風婆子似狼豺。恰便是煞神兒降下閻浮界。把門牙打落在塵埃。大將軍。這情理如何奈。〔淨〕你折了齒。甚不好看。〔生〕

〔收江南〕呀。這的是風花隊裏起飛災。抵多少雲陽市上哭聲哀。況從來落拓脫形骸。酸秀才。又何必邊幅好丰裁。大將軍。謝鯤醉也。借席上三尺地。與謝鯤睡覺兒。〔作

睡介淨執杯拱手介〕衆卿在此。聽孤一言。孤之此來。意欲掃除君側。再造王家。然後解卻朝衫。角巾歸第。與卿等爲鄉社之飲。〔生作打盃介淨〕豈意天違人願。衆附親依。如今欲退不能。卽真未可。全仗二三卿相等共成之。今日卮酒爲誓。丞相爲明府。從孤者滿飲此杯。日後相忘。使卿等缺望。有如此酒。負孤者亦同之。〔丑取淨酒對天跪飲復斟酒對外小生〕二位老先生請飲此酒。作成作成。

〔外小生怒介〕茂弘。你身爲晉室元老。原來卻是國賊。國家那些兒虧負你兄弟。願欲反耶。我二人頭頸可斷。此酒斷然不飲。〔淨怒介〕老犍牛。這等可惡。〔背問丑介〕丞相哥。還是如何。〔丑附耳云〕

不殺二人。大事不成。〔淨〕旗牌官何在。〔雜〕有。〔淨〕快把周顛戴淵押付市曹。分付錢參軍監臨梟首。立獻首級。〔雜〕得令。〔外小生〕皇天后土。王導王敦兄弟謀反。今日將我二人誅殺。〔拜內介〕生不能報陛下。死當作厲鬼以殺賊。罷罷罷。人生自古誰無死。留取丹心照汗青。〔雜押下丑指生介〕此人何不一發殺卻。〔淨〕孤另有處。〔丑叫生介〕幼輿好醒也。〔生醒介〕好一覺睡也。

〔折桂令〕黑模糊歷遍春臺。〔丑〕大將軍前這等無禮。〔生〕我不衫不履。不受塵埃。

〔丑〕還不起來謝罪麼。〔生〕本是個支離病叟。風魔傲侶。落魄微才。大將軍飲狂藥。難將人責。筵席上怎起風霾。大將軍寬洪大度。不責微愆。丞相你便滿口胡柴。雙眼全白。〔淨〕如今你還喫得酒麼。〔生〕還喫得。〔淨〕巡宴官再與謝都尉酒。〔雜應介生〕暢好是五斗開醒。饒你便一石也堪篩。請問大將軍。伯仁若思那裏去了。〔淨〕他就來也。你

喫酒罷了。管甚閒事。〔生笑介〕說得有理。喫酒罷了。管甚閒事。〔飲叫乾介卒持二首級同副淨上〕

善有善緣。惡有惡報。未識人倫。焉知天道。〔進跪介〕主公。錢鳳奉旨監斬周顛戴淵。特獻首級。〔淨〕

參軍取去。放在謝都尉面前。幼輿。崛強者看樣。你可陪他喫一杯。〔生〕是。將酒來。我與兩位尙書喫

個上馬杯兒。

〔沽美酒〕伯仁兄請酒。我笑你官八座。列三台。若思兄請酒。你擁材官護九垓。氣概昂昂稱晉宰。全沒有周身之策。老賴子藁懸街。

〔太平令〕空撇下美香醪。甘如沈澀。好杯盤過於齋菜。對着你眼張狂不瞅不睬。問着你嘴都盧不尷不尬。〔淨〕幼興。周戴故意抗孤。你道該殺不該殺。〔生〕他既已死哉合理。何須問合該不該。〔淨〕錢參軍。把二賊屍首號令市曹。不許收葬。如有看視者。即便擒來梟首。〔副淨〕得令。持頭下生。呀。直恁的大驚小怪。大將軍。鯤已醉飽也。有酒明日再喫。仰

天大笑出門去。我輩豈是蓬蒿人。〔下丑〕謝鯤這廝好無禮。不謝酒竟自去了。〔淨〕由他去罷。孤自來不曾見這樣人。〔丑〕大將軍不殺此人。卻是爲何。〔淨〕孤看此人。荒淫于酒。然卻有時名。他齒牙且不能顧。何足畏懼。今方誅二大臣。若并及之。天下以孤不能容人。曹孟德不殺禰正平。正是此意。況周戴之誅。如殺二鼠。何慮謝鯤乎。〔丑揖介〕大將軍神算。非愚兄所及。敬服敬服。雖然朝廷之上。斷容不得。豫章僻遠。又是大將軍管轄地方。愚兄欲打發他出去。還請大將軍尊旨定奪。〔淨〕是如

此孤連日身體甚覺不安。暫回姑熟調理。朝廷之上。全仗丞相哥哥主持。〔丑〕不須掛念。正當正當。周戴已誅。料無異議矣。

〔淨〕顛危欲把一身扶。

堪笑狂夫計太疎。

〔丑〕似我已成生富貴。

笑他先下死功夫。

第十七齣 約社

〔遶池遊〕〔外扮王鑒上〕屏居村落。心賞隨年薄。課桑蔬不分昏曉。犬吠村墟。雞鳴樹杪。問同人何時可招。秋乍來。人遠別。夢斷敲窗梧葉。鴻雁度。蟬姑鳴。音書寄不成。西山雪。東窗月。結伴不嫌吾拙。已焚車。聊讀書。干戈且掩廬。老夫姓王名鑒字公明。豫章九江人也。向仕本朝爲車騎將軍。因見五胡雲擾。中原陸沈。以此棄職歸田。卜居匡廬山下。夫人羊氏。乃太傅公孫女。老夫年老無子。止生一女。嫁秣陵謝幼輿。我這邊到秣陵不過一水上下。向來朝廷無事。道路清寧。或一月或半月。女孩兒音問時時往來。近來王敦謀反。沿江一帶。十分戒嚴。恰有半載。絕無消耗。心上甚放不下。我看謝郎是個人中之傑。不愁他功名不遠大。只愁目前貧窘。又遇亂離。不知何以度。

日且待干戈寧靜。可作道理。老夫自從卜居此山。卻又是數年矣。你看匡廬好山色也。

〔小桃紅〕匡君何日此遊遨。千載青不了也。向幽深中結成一座草團瓢。日對着石門椒。浪誇他紫烟生。紅雨瓢。仙垆淨玉京近也。都收入竹几吟毫。謾說道遠風塵。先已脫險波濤。呀。夫人來矣。〔老旦扮王夫人上〕

〔逍遙樂〕兒女憂心悄。路阻長江信音杳。西風吹夢到江臯。愁依雁字。恨絕魚書。淚盡雞潮。〔相見介老旦〕相公萬福。〔外〕夫人少禮。〔望遠行〕碧砌蛩螢夜夜鳴。柴扉永日鎮

長扃。門前山色送來青。市塵不到小茆亭。〔老旦〕揚子月。秣陵砧。不傳消息。但傳情。漁陽鞞鼓。忽然驚。音書阻絕二毛生。相公。我與你年老無子。止有一女。遠嫁謝郎。向來雖不得時時見面。音問卻也不絕。近來半載。杳不相通。不知爲何。〔外〕夫人。今王敦謀反。道路阻塞。彼此相去千里有餘。那討音問。姑竣少平。我這裏就差人去了。〔老旦〕相公。聞得謝郎資身無策。日缺三餐。待得平靜。知是何時。只恐他夫妻二口。索之枯魚之肆耳。〔外〕夫人。謝郎人傑。江左無兩。焉有長貧賤者乎。不須多慮。中原騷擾。豺虎縱橫。幸得老夫解卻朝簪。釋去重負。此地又僻。不遭兵燹。正好優游蔗境。

〔下山虎〕你看庭深蒿草。闌長藥苗。門靜堪羅雀。絕無市囂。我自向雲賃眠窩。月餘濁醪。攏火時將柏子燒。盡日無人到。環堵蕭然著絕交。蠻觸徒然競不到。我溪前谷坳。一枕羲皇絕夢勞。

〔前腔〕〔老旦〕相公。你雄心枯槁。短髮蕭騷。膝下將誰靠。唯有文姬在遙。痛殺我老景孤單。形隻影凋。千里雲山一水饒。半載絕音耗。烽火連天貫斗杓。生死難存料。心頭火燒。〔悲介〕我那兒。何日重逢慰寂寥。〔雜扮賽社四人一老者爲頭打鼓上〕

〔本宮賺〕社鼓齊敲。中元節屆鄉村鬧。靈神鑒昭。一月月十風五雨年收好。當祈報。牲醴庶羞盡備着。只愁好女難尋討。獅蠻跳。做來一弄兒歡和笑。唱出吳歌羌調。唱出吳歌羌調。〔老者〕我們都是廬山下鄉民。我這廬山有個伊尼廟。廟中有個伊尼

大王。不知是何神道。最是靈顯。方方數百里居民。凡有些小疾病。禱之必應。每歲春秋二祭。卻是上元中元。上元止用燈火鼓樂。烏猪白羊。中元設有燈火猪羊之外。要尋一個童身美女。送進廟中祭享。但是齊整虔誠。又有美女。那年自然風調雨順。五穀豐稔。若但有祭品無童女時。霎時就起雷電。

一歲疾疫歉收。如今又當中元節。屈了夥計。今年輪該王老爹爲首。我們同到他家去問他。可曾有了童女不曾。這不是當要的。轉灣抹角。此間已是。王老爹在家麼。〔外〕誰在外廂。夫人且進去。待老夫去看來。〔老旦應下。外見介〕呀。元來是衆社友。有何見教。〔衆〕王老爹。如今中元節到。伊尼廟中祭賽。輪該宅上劇首。金錢寶馬。猪羊酒果。都不打緊。只是童身美女。一時難覓。須預先定下。省得臨期無措。〔外〕正是。我到忘了。早是諸公見教。

〔章臺柳〕〔衆〕王老爹。神呪屢曾邀。報賽在今朝。寶馬金錢般般妙。只少個女妖嬈。〔外〕諸公可曾到各處坊村問一問。〔衆〕不論村坊與近遼。顛不刺有萬千曹。王老爹。休誤卻這番秋祭。使神焦躁。

〔醉娘子〕〔外〕我聞言轉焦。我當任劇。這佳人難遇遭。衆社友。時日已迫。勞你列位分頭去問。若有美女。身價隨多寡。我都願出。黃金已在腰。向別處遠方相尋抓。得時休

論多和少。〔衆〕我們今日就借宅上敷演社火一番。〔演介〕

〔豹子令〕打鼓如雷震九霄。震九霄。燒香若霧散林郊。散林郊。鬼臉裝成耍鮑

老村姑唱出念奴嬌。〔合〕雞豚濁酒樂陶陶。

〔前腔〕社飯分來香氣飄。香氣飄。春盤簇處味堪嚼。味堪嚼。老翁得酒將聾療。
東方割肉豈蒙嘲。〔合前〕王老爹。我們告辭了。〔外〕還勞列位多方尋訪。有時便來見教。〔衆〕曉得。

千尋古木笑聲中。

此日春風屬社公。

但願三登多快樂。

人無疾病稻禾豐。

第十八齣 哭友

〔一枝花〕〔生同卒持祭物上〕天家嗟隕蹶。國寶亡雙傑。抱琴絃欲絕。月明夜。一代風流。地下脩文籍。妖氛方四徹。國事堪嗟。無奈袖手。勸勸謀拙。〔山花子〕泰山顛倒。哲人萎。白玉樓成似有期。天地茫茫無可問。轉淒其。滿腔忠義只天知。不顧人間事已非。奸臣未滅身先死。淚沾衣。謝鯤生逢厄運。正值晉室凌夷。昨者新亭之宴。不是詐醉佯狂。幾不脫于虎口。可憐周戴二兄。不聽吾言。果然駢首就戮。如今懸頭西市。不許收葬。吾想纓布奏使事于彭越。北海寄

典刑于虎賁。人各盡吾心耳。何暇計利害哉。謝鯤與周戴二兄契結金蘭。誼同臭味。今日之難。彼既殺身以成仁。我寧視顏而事虜。且往西市祭哭一番。聊盡炙雞絮酒之情。素車白馬之義。至于死生利害。姑且聽之。叫左右。可將祭禮到周戴兩尙書號令所在去。〔卒〕稟爺。這所在去不得。〔生〕爲甚去不得。〔卒〕錢參軍統領鐵騎五百。日夜在彼看守。不許人來收葬。就是祭奠者亦俱不許。犯者即便梟首。就是兩尙書家屬親故。盡不敢往。老爺何故去犯他。〔生〕你不曉得。去就罷了。揮淚哭山前。蘭摧自可憐。魂兮如可問。應爲直如絃。〔卒〕稟爺。已到西市頭了。這就是兩位尙書號令所在。〔生〕哭介。呀。伯仁兄。若思兄。你從容就死亦何名。戀國唯君與屈平。從此秣陵烟月夜。杜鵑應作兩般聲。我那伯仁若思兄那。

〔山桃紅〕你身膏草野。日挂吳堞。罵賊皆爲裂。肝腸似鐵。媿殺那屈身頰。媿殺那乞憐舌。說甚子房錐。董狐筆。和那蘇鄉節也。耿耿丹心。昭日月。家國悲俱滅。網摧紀載。〔悲介〕二兄那。何日青城開馬鬣。叫左右。把祭品鋪陳下了。取酒過來。伯仁兄。若思兄。恁謝鯤兄弟家貧無可爲祭。

〔下山虎〕止采得東陵瓜瓞。西嶺薇蕨。泪水清而澈。生芻一捻。二兄那。聊表你行合情同。方操比潔。別有椒蘭手自爇。二兄那。此恨何時竭。看怨氣騰空星斗斜。版蕩誰寧帖。滿目狐蹤鼠穴。恨江左冠紳皆婦妾。

〔蠻牌令〕楚些三意難寫。巫咸在那些。招魂無計也。空自語喋喋。望長天重將酒瀉。對空江滴盡鴟血。何事悠悠中沒話說。但只見澤國迷雲。怒濤捲雪。〔副淨領衆

上〕

〔划楸兒〕元戎號令誰當越。鵠旗懸首正高揭。〔卒〕稟爺前邊有個哭屍的在那裏。〔副

淨〕快拿。〔卒應副淨〕何人自作孽。敢來視閱。賊臣竄竊。毒如螫蝎。若不同謀。何

從涕泣。〔卒〕稟爺。拿得哭屍人在此。〔生〕世儀請了。〔副淨〕呀。元來是謝幼輿。周顛戴淵抗違大將

軍。故梟斬示衆。懸屍市曹。你不見榜文上明明說。有來看視及祭奠者。罪與本人同科。我道幼輿是

知禮法的。何故犯此。〔生〕昔者董卓既誅。懸屍西市。蔡邕哭之甚哀。今日周戴之忠。非董卓比。鯤之

感恩。不減蔡邕。今日之哭。誼自不能已耳。鯤所守者。晉家法度。大將軍榜文。實未睹及。世儀何必苦

苦相迫耶。〔哭介〕伯仁若思兄那。

〔五般宜〕想着你綰銀黃飄飄氣燁。想着你抒文藻翩翩錦繡。想着你俊爽邁前哲。想着你對酒當歌。情輸意協。想着你垂青下劣。想着你茅齋結轍。二兄那。誰知道一卮酒猶溫。咱和伊成永訣。〔副淨笑〕幼輿。你太認真了。晉室分崩。周戴又死。有天下者。非大將軍而誰。你若肯相從。我把今日哭屍的事都瞞過了。何愁不得要位。若不然。恐周戴而後。第三個就是你了。〔生〕謝鯤志在山野。元無濟世安民之才。大將軍要此樗朽何用。犯了大將軍法。該殺不該殺。是在世儀。謝鯤何敢求生以撓法。

〔五韻美〕生長在山林樾。追思盡日耽麩蘖。恨微官不覺就羈縲。平生事業深自媿。么麼瑣屑。但只願新朝寧恢網罟。一任他方外嚴陵。客星夜烈。〔副淨〕這事體錢鳳做不得主。只送到軍中。憑大將軍發落便了。叫左右綁起來。隨我押送軍前去。〔卒應〕生欲下雜扮差官急上。

〔江頭送別〕前營內昨夜裏將星墜裂。早晨間承密旨來投簡牒。參軍好把三

軍撤。莫停留。自干罪決。小官奉大將軍密旨。來報機密事。望乞屏去左右。〔副淨〕左右迴避。〔生

衆虛下雜附耳〕大將軍行至江寧。病勢十分危篤。特差小官請參軍爺到軍前付托後事。時刻不可遲。請即刻起行。〔副淨〕我曉得了。請先行罷。此事切不可泄漏。須要小心。〔雜〕曉得。將軍不下馬。各自奔前程。〔先下副淨〕咳。天下事已就八九分。如何忽有此變。始信謀事在人。成事在天。如今我把謝鯤解去。也沒用了。不若做個人情。釋放了他。後日還可相見。叫左右快鬆了謝爺綁。請來相見。〔生〕世儀何故不把謝鯤解去。〔副淨揖〕小弟細思。幼與篤于友誼。實爲可敬。一時冒瀆。望乞恕罪。小弟軍中有事。就此奉別。誰云謀事在人。畢竟難逃天定。〔下生〕好怪。錢鳳起初要將我解赴軍前。見了報事官。就把我釋放了。此必軍中有變。且待回衙。差人往探。便知分曉。

神交憶昔許相同。

死別生離一夢中。

淚灑西風誰會意。

停雲正在大江東。

第十九齣 魔見

〔北仙呂點絳脣〕〔未扮伊尼大王上〕旰蠶一方。威嚴萬狀。神靈壯。如在洋洋。誰敢

不來享。廟食匡山已百春。威靈顯赫四方聞。從他著論明無鬼。須信空中自有神。小聖伊尼大王是也。本栗陸氏之後裔。祚開中冀。星散瑤光。生長山阿。行遊林麓。每擇晉以爲止。恆走險以爲娛。金母乘以獻環。老聃托而御世。尾促促而狎至。曾陪大舜于深山。體濯濯以馴肥。常侍姬文于靈囿。身上繡文斑駁。分明玉女散天花。額端修角崢嶸。絕似神龍離大海。歷千年而爲蒼。又百年而變白。又五百而成玄。綿綿纏纏。永永遠遠。長生與天地無疆。或稱爲山客。或稱爲仙驄。或稱爲律主。岐岐嶷嶷。烈烈轟轟。令名與日月並耀。啣花出洞。長眠碧岫。閒雲。嚙草來林。時飲清溪流水。鄭人覆蕉葉。悟浮生夢幻之無常。女子采薇。識貧富窮通之有定。惱則惱趙中令。指我爲馬。借以欺君。喜則喜蘇仙翁。稱我爲龍。憑之覲帝。芙蓉露冷。曾在宜春苑裏行。禾黍風生。會向姑蘇臺上走。道士成仙日。衆共躋攀。先生折負時。人爭瞻仰。奈花開後。春光明媚。桃能紅。李能白。灼灼燦燦。燦燦爛爛。伎伎挈伴臥前崗。萃葉肥時。秋氣清高。汀有蘭。灘有蓼。芳芳馥馥。澤澤甘甘。麇麇遊牝。邀明月。似此閱歷年歲。更兼探盡陰陽。遂能變化神通。奇幻不測。喜時慶雲生。和風降。氤氳氤氳。非烟非霧。滿乾坤瑞彩祥光。怒時駕封姨。鞭列缺。慘慘淒淒。若裂若掣。遍世界翻江倒海。前有麇世子。後有鹿夫人。總理內外。整整

齊齊。右有糜將軍。左有厲丞相。分掌武文。鏘鏘濟濟。正是雖無亭毒權。亦有生殺柄。祈禱若誠心。自然能感應。小聖降生張月。來住匡廬。修真煉性。取盡日精月華。胚胎已具。氣候將成。因能呼風喚雨。出鬼入神。土人爲我立廟。名曰伊尼大王。方數百里。水旱疾疫。有禱必應。土人感我敬我。每歲春秋二祭。春祭看燈。秋祭自牲醴之外。要一童身姜女。名曰侑觴。實以備幸。但祭時有了美女。就與他太平福慶。雨順風調。若還無時。登時雷轟電擊。旱澇愆期。田禾不熟。以此百餘年來。遂成永例。目今正是中元。正該秋祭。某待打點飲喜酒。做新郎也。且喚手下人打點伺候者。糜將軍厲丞相何在。〔雜〕二人扮糜厲上。匡山五老拂雲過。留得香煙掛紫蘿。溪谷幽深龍虎狎。巖扉截築鬼神多。大王。臣糜臣厲參見。〔末〕丞相將軍。目今中元節屆。例該秋祭。土人料然不缺。但赴宴之時。須要儀仗鮮明。侍衛嚴整。恐有生人窺覘。不當穩便。〔雜〕臣等已遣糜元帥。糜先鋒。糜參軍。糜校尉。分頭巡邏護衛。大王不必費心。〔末〕丞相將軍。今我等居此。是好受用也。

〔混江龍〕則我這雄威氣象。索強似都天大帥總魔王。用不了長林豐草。看不盡水色山光。居處有琳宮寶殿。簇擁有羽蓋珠幢。護衛有黃幡豹尾。差遣有黑煞

勾芒冷颼颼腰懸寶劍。明晃晃手握金鎗。帶一頂鳳盔高聳。穿一領咒甲昂藏。鎮守着山巖洞口。降伏了地煞天罡。饒你是九頭王。休來輕覷。百眼鬼誰敢張皇。玄丘尉形彰華表。巴西侯夢斷清霜。斑將軍咆哮盡斂。廬山公躑躅徬徨。金磚舉千條蛇走。火輪發萬道霞張。喜時節和風甘雨。怒時節地塌天荒。則除是千手如來能化誨。誰怕你八臂那叱逞陸梁。永坐山堂。雖則如此。魔丞相鎮守廟中。糜將軍還帶領一千魔軍。四下巡邏。小心在意。〔雜應同下〕

第二十齣 鬻女

〔縷縷金〕〔淨扮烏斯道上〕癡妮子。性好狷。我饒涎都嚙盡。落得眼巴巴。眼飽腹中餓。教人惱殺。且安排計較坐喬衙。看他怎禁架。看他怎禁架。小子烏斯道。只爲要娶元縹風。與他母親設計。從秣陵哄到這里。誰知這妮子性格蹺蹊。一路在船上來。我用盡了千方百計。他便有萬阻千推。不從我也罷了。日日要投河落水。我那里看得他許多全。若還死了。可不是眞正人命。那鴛子鱗轉面皮。與我討人。卻怎麼好。連日阻風在匡廬山下。昨晚心上不快。上去閒走。只

見有許多人說。要尋一個標致童身女子去賽社。肯出五百兩銀子身價。我想世間老鴇兒那一個不愛鈔。肯賣亦未可知。一來推掉了這干紀。二來出我心頭一口忿氣。那管他去後死活。船上不好說話。我約元媽媽上埃。這時候想必來也。〔小丑上〕孩兒。我上埃去就來。你好好坐在船裏。

〔前腔〕多生受。恁波查。江間波浪湧。阻天涯。況有癡兒女。千般嬌詫。老娘心下亂如麻。怎生好干罷。怎生好干罷。常言道。男子癡。一時迷。女子癡。沒藥醫。可恨我那縹風。再不肯與老烏做伴。一心只想謝窮。比來老烏何等攪趣。何等幫襯。並不惹頭。打了罵了便尋死。〔歎介〕咳。怎麼好。怎麼好。連日阻風在此。未曾開船。老烏約我到埃上說話。不知說甚話。〔叫介〕老烏那裏。〔淨〕元媽媽這邊來。〔相見介〕媽媽。女兒不肯從我。怎麼好。〔小丑搥胸〕不要說起。這妖精教我。我也沒奈何他。〔淨〕我對你說。自從秣陵到此。日日指望他回心轉意。如今看起來。不能夠了。就到我。家也拗他不過。倘或死了。豈不可惜。昨日我在山邊閒走。只見有許多人。在那邊說。要買個童身女子去賽社。〔小丑〕如何叫做賽社。〔淨〕他說這邊有個菩薩。每年做社祭。他要一個女子送進廟中陪酒。今年祭期已近。那女子還沒討處。我想你女兒這般作乖。不像與你掙錢做家的了。不若賣

與他陪酒去罷。〔小丑〕這妖精怕不肯去陪酒。〔淨〕你莫駭。兌了銀子。交付與他。進廟之後。那菩薩連頭搭腦都喫了。還有什麼肯不肯。〔小丑哭〕這個不成。我那兒那。我從幼撫養起來。怎割捨得做了喫料。可不痛殺老娘也。〔淨〕莫哭莫哭。價錢倒好哩。〔小丑〕肯出多少。〔淨笑〕不與你說。〔小丑〕好哥哥。便說還多少。〔淨〕一口就還五百兩哩。〔小丑拍手大笑介〕好造化。好造化。這般價錢不賣。更待何時。死是死了別人的女兒。可在老娘肝兒上。那人在那裏。和你就尋他去。〔淨〕這夥人說。若有女子。竟到王車騎老爹家來問。前邊黑門樓就是王家。和你就去。〔小丑〕正是就走去。如今長手臂的多哩。〔走介〕巖路穿黃落。〔淨〕人家隱翠微。〔朝內〕借問聲。此間正是王老爹家麼。〔內答〕正是。〔淨〕王老爹在家麼。〔外應上〕誰叫。

〔前腔〕爲賽社。覓嬌娃。村村絕蹤影。好嗟呀。恐犯神明怒。將何報答。門前若個語喳喳。且來早迎迓。且來早迎迓。誰人在此。〔見介淨小丑〕老翁就是王老爹麼。〔外〕在下就是。從未相識。二位何迺忽然下顧。〔淨小丑〕愚夫婦聞得上宅要尋童身美女。特來造問。〔外〕果是有的。莫不二位有在那裏。〔淨小丑〕就是小女。情願出賣。〔外〕生得如何。〔淨小丑〕不敢謙。不像

爺不像娘。變種生的。絕妙絕妙。〔外〕在那裏。可着領去看看。〔淨小丑〕就在河下船裏。要看就看。只是女孩兒家害羞。不可上船。也不要大驚小怪便好。只在埃上遠而望之。不驚動他便好。〔外〕曉得。〔走介〕萬木千山落。〔淨小丑〕孤舟一棹欹。這枯楊底下第三隻船艙裏坐的就是如何。好不好。〔外看介〕人物果然去得。只是還有話要講。請到寒家去。且邀野老過。笑語整盤桓。此間已是寒家。請進。〔淨小丑作進揖介〕王老爹拜揖。〔外還禮〕二位莫怪老夫多口。

〔古輪臺〕我且問伊咱。你是何方人氏。甚人家。緣何到此來歇馬。孤舟停筍。〔淨小丑〕我家住秣陵。積祖在落星橋下。衰薄烏宗。喚名斯道。因逃兵火。泛浮槎。〔外〕你女兒呵。這般幽雅。莫不是接木移花。幾多年紀。喚何名字。因何不嫁。〔淨小丑〕兩口止生他。年十八。縹風未受阿誰茶。

〔前腔〕〔外〕休誇。既然是嫡派根芽。爲甚的賣向他方。將他掙靶。〔淨小丑〕欲說還羞。怎禁得家緣消乏。〔外〕敢還是年少多情。蜂猜蝶覷。穴隙踰牆。被人話。〔淨

小丑〕老爺。你休將人詫。自生來掌上擎拿。一任他花醞柳醞。風前月下。何曾

閒踏〔外〕果是玉無瑕。休言價願將白璧聘茗華。〔淨小丑〕請問老爹。要娶與那一位公子。〔外〕不是。我老實對你說。

〔撲燈蛾〕我豈無端聘玉人。我豈無端聘玉人。說與休驚怕。有神號伊尼。是匡廬山下活菩薩也。按年年祭法。要佳人作配歡洽。客人。這交易要兩相情願。與你講過纔好成。成交後休生牽掛。總塗抹生離死別。只一霎。〔淨小丑哭介〕我那兒那。

〔前腔〕你紅顏當自嗟。你紅顏當自嗟。命裏逢凶煞。不是愛錢財。也非關爹娘恩寡也。〔外〕你休將淚灑。把文書親用花押。銀五百當時賚發。〔淨小丑〕還要再增些。〔外〕休嘈囉。這是常規定價。永無差。〔淨小丑〕既如此。銀子老爹兌准了。明日送女兒到宅上。就把銀子交付我。〔外〕這個自然。但不要送到我家來。立了文契。并女兒竟送到江邊伊尼大王廟裏。我先取了銀子。等在那邊。打發你便了。〔淨小丑〕伊尼廟在那裏。〔外〕你從來的舊路下水去三十里。地名白鹿村。有所大廟就是。〔淨小丑〕曉得了。

〔尾聲〕臨行再說句衷腸話。切莫向小鬼頭兒說絮搭。我自去弄舌調唇閒嗑。

牙。

〔外〕明珠不惜買娉婷。

要與神祇作證明。

〔淨丑〕不是忍將兒女棄。

常言財重六親輕。

〔小丑淨欲下外〕轉來。文契須要開寫明白。說道自賣之後。死生存亡。俱無言論。〔小丑淨應介〕曉得。〔同下〕

第二十一齣 出守

〔喜遷鶯〕〔生上〕鳥啼花落。正萬恨驚心。千愁作惡。鸞鳳摧翎。豺狼當道。空宮霜滿黃蒿。一代風流都盡。千古興亡堪惱。憂心悄悄。媿補天無計。填海徒勞。〔虞美

人〕淮水東邊舊時月。夜夜懸北闕。山河浮動酒杯中。縱有長戈。挽日向誰雄。長江澹泊孤雲沒。伯符霸業空悲咽。暮雲樓閣古今情。一任天荒地老。恨難平。自從王敦兄弟篡逆。大肆誅夷。周戴既亡。朝政盡歸其手。謝鯤雖幸得全于酒。然亦覩顏在位。雖有請劍之心。苦無太阿之柄。昨日錢鳳見我哭奠二公。便要縛送敦賊。不知爲何。輒又中止。今日反升我爲豫章太守。這明明忌我在朝。打發出

去。況豫章又是敦賊所轄。害我何難。我待辭而不赴。恐反生疑。因而惹禍。只得且去到彼。覷便行事。便了。夫人那裏。〔旦上〕

〔七娘子〕雙親數載違言笑。盼庭闈碧天路遙。南浦春生。故山雲遠。今朝欣舉

江干棹。〔相見介〕相公喜得你初列朝班。遂膺峻擢。此去豫章。不惟你素志得展。就是奴家也得與

爹媽聚首。風日頗佳。不知何日起行。〔生〕夫人。王敦王導忌我在朝。故此一麾出守。此去尙未卜凶

吉。但限期甚迫。只就今日便要渡江。不知行李完備未曾。〔旦〕行李完備多時了。〔雜扮卒上〕晴天

開祖帳。落日送征鞍。稟爺渡江船隻俱已齊備在新亭了。〔生旦同走介〕夫人。你看漁笛烟村晚。青

山起暮雲。岸花飛送客。檣燕語留人。就此登舟罷。〔登舟介生〕

〔錦纏道〕汎江臯。片帆衝千層怒濤。愁鬢早彫騷。冷芙蓉窺人暗裏相嘲。我本

是射潮人志豪氣豪。怎教我倚樓船長嘯無聊。回首興滔滔。鼉鼉窟何時淨

掃。〔旦指介〕相公。前邊那座高山是何名。〔生指介〕這是匡廬積翠高。香爐峯烟生日照。

〔旦〕既是匡廬。老父老母向來卜居其下。想已近了。〔生〕是岳父岳母宅上相近了。這些時想

真人睡穩正陶陶。〔旦〕

〔普天樂〕看白雲飛。匡山杪。恩罔極。何由報。何不停帆槳。何不停帆槳。一慰寂寥。到庭闌少展昏朝。〔生〕下官正有此意。叫水手。就此匡山下。呵將船暫泊。且就丈人行話闊今宵。〔雜〕稟爺。船已挽了。〔生〕一壁廂去問王車騎。老爺家。在何處。我這裏就來了。〔雜應下〕

雜扮軍士上

〔四邊靜〕奸雄幸得天誅討。旄頭夜來鑠。急離建康城。疾向大江島。〔呼介〕前邊挽的船。可是謝老爺的。〔雜應〕正是。〔軍〕報去。報事人要見。〔雜報介〕着他上船來。〔雜上介〕那衙門差來的。報甚事。〔軍〕小人是龍江關軍士。前蒙老爺差去打探軍情事。王敦行至姑熟。病發身死。特來報與老爺知道。〔生〕元來這逆賊已死。可喜。王敦既死。錢鳳何在。〔軍〕王敦已勦。錢鳳又燒。〔生〕他屯兵在何處。〔軍〕姑熟據爲巢。軍威動天表。〔生〕叫左右。賞他一罈酒。一錠鈔去。〔軍謝下外老旦雜隨上〕

〔前腔〕嬌兒久矣絕音耗。千里忽來到。春星帶草堂。暗水流花閣。山林可眺。雞

黍有約。今夜醉壺觴。燈前共歡笑。〔雜〕老爺少待。容小人報過上船。〔雜〕老爺差訪王老爺家裏。就在山下。說了老爺在此。王老爺同了老夫人親自來迎。已到船邊了。〔生旦〕快請上船。〔外老旦生迎介〕

〔七娘子〕欣迎泰岳衣顛倒。〔旦〕痛睽違各天路遼。〔外老旦〕何意今朝忽瞻玉貌。〔合〕燈花昨夜曾開爆。〔相見介生〕岳丈岳母。劣婿拜揖。〔旦〕父親母親。孩兒萬福。〔生〕劣婿家貧路遠。久失起居。偶經貴地。正欲登堂。乃蒙左顧。欣甚慰甚。〔外老旦〕豺虎縱橫。江關阻隔。你我音信。兩不相通。不知賢婿現居何職。何便到此。〔生〕岳父岳母聽稟。

〔錦芙蓉〕媿才喬。忝分符豫章長僚。〔外〕元來是豫章太守。可喜老朽也是治民了。〔生〕因之便到山椒。〔外〕朝廷之上如何。〔生〕痛宗周禾黍。陵寢蘇樵。〔外〕周伯仁戴若思如何。〔生掩淚〕苦元公頭顱懸藁。〔外〕呀。元來周戴二公殺了。何事得罪於朝廷。〔生〕那裏是朝廷殺的。是王敦殺的。恨奸賊志願貪饕。他把官家攬。沒銅駝蒿草。〔外〕王敦如今在那裏。〔生〕幸天扶典午。早已翦氛妖。〔外〕王敦元來死了。可喜賢婿不知何時到任。〔生〕

登堂一拜。便赴南昌矣。〔旦〕

〔芙蓉紅〕相公。我與你向日呵。懷思千里迢。如今呵。對面須臾樂。〔老旦〕何不且從容留滯。竹齋蔬酌時澆。磊落樽頻倒。共語漂零燈漫挑。〔外〕況此匡廬嶠。有煙雲五老。正好向飛泉看一飽。〔生〕多謝岳父岳母相留。但恐事勢不能耳。〔雜扮差官上〕

〔四邊靜〕欽承帝命追方召。扁舟到來早。玉帳拜元戎。牙旗統萬竈。〔叫介〕前邊挽的船。可是謝老爺的。〔雜應〕正是。〔差官〕報去。報事人要見。〔雜報介〕生着他上船來。〔差官上〕那衙門差來的。報甚事。〔差官〕奉萬歲特旨。王敦已死。錢鳳又起。拜老爺都督江州軍馬諸軍事。率兵前往姑熟征勦。旨已下在中書省了。小官先來報知。限三日內前赴姑熟界上。說王敦

已勦。錢鳳又饒。星夜往前征。須教淨邊堡。〔生〕曉得了。生受你。〔差官〕將軍不下馬。各自

奔前程。〔下生對外云〕王敦死後。錢鳳又據姑熟。聖旨拜劣婿爲都督。率兵前討。三日內要到界上。稟上岳父岳母。軍中恐不好帶得家眷。令愛權停上宅。等劣婿得勝回朝。就來迎取。又不知夫人意下何如。〔旦〕奴家正欲如此。〔外老旦〕賢婿但努力建功。小女自有老朽夫婦。不勞掛念。〔生〕多謝

岳父岳母劣婿則就今日轉船。叫左右喚三乘轎來。送王爺回宅。我這裏就打點轉船。〔雜〕稟爺。天色已晚。前邊無處停泊。怎麼好。〔外〕此去三十里地。名白鹿村。有所古廟。那裏可以挽船。〔生〕既如此。就此拜別。〔拜介〕

〔尾〕伊尼廟裏權相托。夫人你莫向深閨怨離索。〔外老旦旦〕須覓取封侯上上爵。
陽關別淚爲誰揮。萬里從軍事鼓鞞。

別後相思何處是。

一輪落月滿梁輝。

第二十二齣 賽魔

〔山坡羊〕〔貼上〕風冷衣裳慙慙。霧瑣雲山黶黶。呀呀賓鴈悲關塞。愁暗排。砧聲續斷來。孤舟冷落無聊賴。人在天涯音信乖。形骸。嬌怯怯瘦似柴。頤該。淚涓涓撒不開。〔鷓鴣天〕一夜秋風客棹歇。玉顏初醒帶寬垂。閑殘吳苑千金笑。低損成都十樣眉。纔見面。又分離。別來疑夢復疑非。莫將心向天公語。天上雙星會幾時。縹風隨母親來到匡廬山下。日日停泊在此。可恨烏斯道。每來調戲我。我雖不采他。只這耳根邊終須不得清淨。況別後不知謝郎

消息如何。又不知怎生結果。想我母親好不心偏。縹風雖不是你親生的。你也如何這般待我。

〔前腔〕看他冷臉兒似三冬。凌塊硬鼻凹似七重鐵鎧。口甜蜜鉢心黃蘗。那烏斯道呵。是驚下駘。你貪他萬貫財。把我千金軀老擔看賣。這業確何時填滿哉。我那謝郎呵。堪哀。生察察分開鸞鳳釵。難捱密扎扎難逃狼虎儕。〔小丑淨同上小

丑〕

〔水紅花〕嬌兒心戀那窮胎。意如駮。娘言不睬。〔淨〕眉兒蹙處計兒諧。這安排。神仙難解。〔合〕莫怪我心腸忒狠。還是你命兒該。則算做一百日血光災也囉。

〔淨〕元媽媽。女兒面前。決不可說出真話。〔小丑〕我曉得。不消分付。你這蠢廝。不要露出馬脚來。

〔淨〕諱介。曉得。〔進見介。貼〕呀。母親萬福。〔淨揖〕大姐拜揖。〔貼不理淨背云〕你看這丫頭。死在頭

上。還是這等大設設的模樣。〔貼〕請問母親。爲甚整日坐此江頭。既不往豫章去。回家也好。〔小丑〕

我兒。這邊到南昌都是鬪水。連日頂風。如何開得船。元來江中有個舊規。不會了得。再不得順風相

送。〔貼〕什麼舊規。〔小丑〕此去三十里。地名白鹿村。有個伊尼大王。最是靈顯。往來客船。無不祭獻。

這規矩不會了得。隨你坐守一年，也不得過去。〔淨〕這大王最靈，且最愛童女。〔小丑〕目視淨不說。〔小丑〕我昨日許下了，又虧老烏備下祭品，我兒同去拜拜。〔貼背〕敢又是腔兒。〔對介〕母親自去，我不去。〔小丑〕說道滿船人一個不到，也要作惱。神道是拘得他的。〔貼〕如此同行。〔同行介〕

〔前腔〕江風日夜打江崖，滯天涯。好難佈擺。江神何處露甘澤，鎮江淮。寧辭祭賽，遠望森森松柏。見宮殿出山崖，且辦虔誠叩玉仙階也囉。〔小丑〕我兒這裏已是

伊尼大王廟了。就此進去。〔進看介〕〔小丑〕老烏如何祭禮還不見來。〔淨〕媽媽，我與你到廟門外去等候。〔小丑〕正是我兒，你則在殿上住。拜拜大王，我就與你關上廟門，省得閒人打攪。〔小丑〕淨出介〔貼拜〕大王爺，念縹風身在煙花，志凌貞柏。如今命懸醜類，難以瓦全。伏望大王暗中保佑，得遂初心。拜禱已畢，且就殿後閒坐片時。〔虛下〕〔小丑〕對淨云：怎麼王老爹還不見來。〔淨〕你看那邊許多人來了。〔末〕同三社人一老者上〔末〕手捧朱提銀，來買紅顏女。自家王車騎老爹家屬，主人差到伊尼大王廟去。此間已是列位社友，你們則在村口相等。我先進去停當了烏客人，喚你纔來。〔衆〕是如此。〔下〕末做見〔小丑〕淨末呀，你夫婦二人先已在此了。〔小丑〕淨老兄是那家。〔末〕我是王老

爹家院子。主人有事不得來。特着我拿銀子在此。你女兒在那裏。文書做了不曾。〔小丑淨〕女兒關在殿上。你則就門縫裏張張。不要驚動了他。〔末做看介〕果然在後殿。拿文書過來。銀子在此。〔相換介小丑淨〕五百兩麼。〔末〕一些不少。〔小丑淨〕既如此。大叔隨我進去。收管了人。〔做進介貼虛上小丑淨〕孩兒。你再坐一回。擡祭禮的還不見來。〔貼〕曉得。〔小丑淨對末云〕如今交割過了。是大叔的干紀。愚夫婦告別了。謾言河伯娶婦。絕似鄧尉拋兒。〔下末叫〕社中夥計快來。〔衆打鑼鼓上〕

〔吳小四〕笑哈哈。鬧咳咳。社鼓辭辭鑼又篩。來到廟中清涼界。擺列猪羊兼楮帛。願大王速降階。〔末〕衆夥計。這元家小娘子。還不知緣故。你們進去。不要囉唆。只我與這位老官兒說話就罷了。〔衆〕曉得。〔作進廟介貼〕如何有許多人上殿來。母親快來。〔衆作揖介〕小娘子作揖。〔貼〕母親快來。〔末老者〕可是一位老媽媽。同一個老官。去遠了。〔貼背云〕好古怪。爲何撒下我去了。客官。煩你與我喚一聲。〔末老者〕小娘子。喚不轉了。就喚轉也沒幹。〔貼〕爲何喚不轉。〔末老者〕小娘子。你來得去不得了。〔貼〕爲何來得去不得。〔末老者〕我們說來。小娘子不要害怕。這

伊尼大王最是靈顯。每年秋祭。要送一位夫人與他陪酒。今日中元。正該祭期。前日令尊令堂親到我家講定。五百兩銀子賣了小娘子。方纔交過文書。取了銀子。他自去了。待半夜時分。祭獻大王。就把文書燒化與他。〔貼〕燒化後便怎麼。〔末老者〕這不好說了。〔貼〕就說不妨。〔衆〕就說便了。大王最喜喫生人。常年燒化之後。祭獻已畢。他就喫了。遺下骨頭。次日爲頭的社人來收拾殮葬。今年你造化。爲頭是王老爹。他爲人最忠厚。定然買好棺木盛殮你。倘是你福分大。今年大王不喫你。也不可知。〔貼哭介〕啊呀。這些時好怕人也。娘那。你好狠心也。

〔山羊轉五更〕〔山坡羊〕駭得我魂飛天外。送得我身沈大海。我那娘呵。忍將那骨肉娘兒等閒間化作人醯醢。我弱體材。如何堪餵狼與豺。〔衆〕小娘子不要哭。就是觀

世音來。也救不得你了。〔貼〕叫不徹落伽山救苦的觀自在。〔五更轉〕好一似逢着喪門。撞着弔客。掀翻了風月場。銷繳了花燭期。打抹了鶯花寨。我那娘呵。你是敲人腦髓的活妖怪。我就死在重泉。也饒不過你這般業債。〔衆〕小娘子不要哭。隨了大王。就死也是風流。〔貼哭介〕

〔金梧繫山羊〕〔金梧桐〕我那亡過的親爹親娘呵。你黃泉早瘞埋。恁孩兒呵。患難誰遮蓋。孩兒今日死了呵。一滴香醪誰向你墳前灑。爹爹也是你當先不該娶此繼母。你生前隕家聲。死後誰爲代。咳。左右死了。這話兒又說他怎的。不免望空遙拜我父母兩拜。〔哭介〕我的親爹娘呵。〔拜介〕你罔極深恩。止博得這兩兩深深拜。縹風一生。止有謝郎一人識我愛我。如何不拜他一拜。〔拜介〕我這香腮已拚今生伴草萊。幽懷還望來生上鳳臺。〔衆送衣介〕小娘子不要啼哭。請更了衣。大王爺不喜人穿舊衣哩。〔貼〕我不更。〔衆送帶介〕小娘子不更衣。請束了這帶子。〔貼〕我也不要束。〔衆〕既不要束。把這帶子細縛起來。〔衆縛貼貼叫介〕爲何細我。〔衆〕大王爺喫你時節。恐怕你牽動。不得不然。休怪休怪。〔將紅衣披貼身衆擡下〕

第二十二齣 救女

〔生便服帶劍上〕茅屋疎籬映短莎。江邊高樹夕陽多。白雲不斷溪橋路。留與幽人策杖過。下官承朝命進討錢鳳。昨晚停舟白鹿村。不意惡風陡起。朝來越大了。不能渡江。獨酌舟中。無以自遣。因此更衣易服。閒步江垆。正是楓色滿江人隻影。濤聲入耳客孤舟。一路行來。聞得此間有所古廟。不免

去瞻看一回。〔走介〕

〔漁父第一〕忽聞得隔林禽語。望煙雲遠遮山嶼。杳杳清虛處。點紅塵不留澗曲。呀。前邊果然有座古廟。見琳宮縹緲瓊爲宇。寶樹玲瓏景色殊。好座山門。這廟想蓋造久了。苔侵斷碣經秋雨。松引輕烟遠太虛。看往來倒翻鶴羽。空庭內松聲奏竽。咳。想昆明劫灰飛幾番蠻觸。更槐宮許多蟻聚。我想世人也都是癡。造此大殿。不過祈福耳。朱顏怎倩金丹鑄。寶訣難央玉兔徐。坐到無言覺消慮。便蓬閣何如。不知是何神道。且到正殿上去看。呀。階下排列的許多什麼東西。噯。是了。今日是中元令節。想必土人來此祭獻。

〔刮地風〕無數金錢性醴貯。香煙散滿庭宇。且看是何神道。這般齊整祭他。〔取牌位看念〕伊尼大王神位。〔沈吟介〕我道不是水神。定是山神。什麼伊尼大王。我聞佛書謂鹿爲伊尼。這定然是鹿精。爲甚這般敬重他。豈是秦宮逸出來江渚。如何敢把土人愚。〔內喊介〕頭門要封鎖得好。若還被他走脫。不是當要的。〔衆社人上見生介〕怎麼殿上有閒人在此。〔問介〕

客官何處到此何幹。〔生〕在下從建康來。偶然阻風。在此閒步。請問列位。擺下的許多祭品。祭何神道。〔衆〕你不見殿上高高坐的最靈顯哩。〔生〕這神道姓甚名誰。〔衆〕我們那曉得。就曉得也誰敢稱他名姓。只稱他伊尼大王便了。客官。你莫多口。〔生〕多口便怎麼。〔衆〕多了嘴。大王不相饒你哩。〔生笑介〕笑鄉人敬有餘。仗他爲主。想人生凶和吉。寧關此狐鼠。列位。我對你說。這是邪神。不要敬他。〔衆〕客官。我好意對你說。莫管閒事。少間就有報應的。不要懊悔。〔生〕須知

早把淫廟除。也省伊歲歲修築。〔衆〕那裏闖這閒人來。神道不怕的。敢是活得不耐煩討死

哩。客官好好趁早出去。天色昏黑下來。大王將到了。〔生〕大王來。我也不怕他。陪他喫杯酒兒也好。就有不好處。也與列位無干。〔衆〕你便拚死要喫。竟不知大王來時。最惡生人鐵氣。若攪擾他。我這裏一方一境。一年都不得太平。你是生人。身邊又帶着口劍。正犯他忌。沒奈何。知趣些。請到廟門外去。〔內喊介〕好苦那。救人。救人。〔生〕後殿又是什麼人叫苦。〔衆〕一發不要你管。這是大王的夫人。〔生笑介〕可不又是作怪。大王有夫人的。夫人又是活的。說個明白。我就去。〔衆掩生口扶生出門〕沒奈何。出去罷。閒事少管些。〔生出衆關門作封鎖介〕閉門不管窗前月。分付梅花自主張。〔衆下〕

生弔場〕好笑這夥愚民。把一個鹿兒精這般敬畏他。我如今等在此。定要見個明白。他若從廟外來。我就隨他進去。若在廟內有些聲響。我就打進去便了。〔虛下末扮伊尼大王衆扮廡先鋒麁校尉提燈同上〕

〔出隊子〕笙歌滿路。花燭今宵喜氣浮。羊羔美酒醉糲糊。醉後瑤臺仙子扶。這樣歡娛。想人間絕無。〔生潛上〕看這孽畜來了也。我且躲過一邊。不要衝散他。〔廡麁〕大王。

禍事到了。謝尙書在前面。〔伊〕那個謝尙書。〔廡麁〕是新陞江州都督的。〔伊〕不好了。快迴避。〔欲下生衝上〕慢走。是何邪神。在此作祟。走的先喫一劍。〔作拔劍欲斫伊出打躬不起〕謝大人。請到

廟中講話。〔生〕廟中你敢算我。我也定不怕。〔伊〕誰敢算大人。〔生衆同入廟生正坐介伊〕謝大人。

小聖有一拜。〔生〕免拜罷。你就是伊尼大王麼。〔伊〕小聖就是。〔生〕我聞佛書稱鹿爲伊尼。敢是多

年的鹿精。〔伊〕瞞不得大人。小聖果然是鹿。曾爲王母所乘。蟠桃會上。盜食桃實。謫降下方。元係仙

獸。一應岳瀆神靈不敢收捕。廟食於匡廬山下。〔生〕此廟建於何年。〔伊〕赤烏年間吳大帝建的。

〔生〕廟宇旣是勅建。大王又是仙種。請過來作揖。〔揖介〕只是也不該打攪他方。〔伊〕小聖在此。凡

一方雨暘。小聖得以請之上帝。是以居人感德。春秋報賽。非關小聖擾害他。〔生〕我奉大晉皇帝勅旨。爲江州都督。此間正是我管轄。今後若再騷擾。我就焚爾廟宇。〔伊〕小聖再不敢。若大人肯赦小聖。小聖亦自有報效大人處。酒餚俱備。大人肯用一杯麼。〔生〕這也何妨。將過來。〔伊送酒〕

〔下小樓〕幸然得瞻丰度。羨冰清似玉壺。請大人收過了劍。〔生收劍〕爲何要收了劍。

〔伊〕你威風凜凜透錕鍔。但願杯行無數。開懷暢飲醍醐。應先鋒。麁校尉。都上殿來。參見大人。〔衆上生復持劍擊几介〕這些都是何物。〔伊〕

〔滴滴金〕大人。休猜異類生疑阻。這是麁校尉。雙足能跳舞。這是應先鋒。雙角

兕於虎。〔生〕喚上殿來。敢與下官相持麼。〔伊〕敢相持。非弄侮。〔生〕爲何要他上殿。〔伊〕但

巡杯俎。〔生復坐〕此類大王手下有多少。〔伊〕有二千種類。堪馳觸。日後大人往收錢鳳。願

遣陰隨。佐伊奏膚。〔生〕這是你報效忠心。成功之日。當爲重修廟宇。以答神麻。〔內喊救人介〕

下官到忘了。大王後殿還有什麼夫人。是那裏來的。〔伊〕土人秋祭。買一童女送來陪酒。陪酒之後。

就隨小聖去了。〔生〕殘害生靈。上天所惡。斷斷不可。快與我釋放了。〔伊〕領命。〔生〕大王不可戲言。

取酒灌地爲誓。〔灌酒介雜〕天將明矣。請大王返駕。〔伊〕

〔尾〕萋萋街鼓三通五。看曙色依稀在山谷。天將明矣。小聖告辭。〔生〕下官亦從此逝矣。適纔之誓。不可戲言。若還不放那女子歸家。請認下我劍。〔伊駭介〕不敢。不敢。〔生〕大王還有一言。我意欲渡江。爭奈風兒不便。你須辦一陣東風相送吾。〔伊〕大人只管請行。小聖自當護送。

〔伊〕邂逅相逢意甚慳。

陰陽雖隔話偏親。

〔生〕相逢不用相迴避。

世上于今半是君。

〔生下伊衆弔場伊〕麀校尉過來。謝大人渡江。你作速與風伯處借一日順風相送。你就護送過江去。〔麀〕得令。〔下伊〕麀先鋒。謝大人去討錢鳳。錢鳳必然據采石倚江爲險。一時難以取勝。你可帶領鹿砦諸軍前去。等彼相持之際。令諸軍布滿山谷。恣意觸抵。錢鳳雖兇。自成擒也。不可有違。〔麀〕得令。〔下衆〕請問大王。後殿女子如何發落。〔伊〕這有何難。天明之後。衆社夥自然到廟收取屍骨。見他不死。必然討笞。我與他個謎兒。令王車騎領回便了。此女元係謝大人第二位夫人。後日當拜

一品之封。你諸人須要小心。不可違慢。〔衆〕得令。〔下〕

大抵乾坤都一照。

免教人在暗中行。

第二十四齣

□□

〔雜扮水夫上〕盡日舟橫擘岸風。錦帆高掛豫章東。今朝船尾千層浪。正好乘槎入月宮。小人是謝老爺船上船頭。昨日老爺上埃閒步。分付不許各役隨從。不知宿在何處。至今未回。我們徬徨一夜。天色將明。且挨到前邊去看。〔下小丑上〕人無千日計。老至一場空。見物若不取。休嫌命裏窮。老身與烏客人往來。元只尋常。止因他愛我縹風。指望起發一主大錢。故此與他歪斷纏。遠遠隨到這裏。誰想那丫頭不從。只得設計賣了。我如今還跟他家去則甚。他身邊有千來兩銀子。又是孤身。我多日有心算計他。只礙着那丫頭。又是一人。難以動手。這兩日我與這船家長勾搭熟了。昨晚與他定計。擠那烏斯道在江裏。取了銀子。搖着船。往江湖上做生意。那裏來捱查。半夜裏將船放到沒人所。在來了。趁此天色未明。正好行事。老烏尙睡熟。被我悄悄偷出船頭上來。不免催家長起來。〔叫介〕家長。風息了。開船罷。〔丑扮船家上〕來了。來了。〔低問介〕媽媽。夜來的話如何。〔小丑〕好好。天殺的。

這樣幹事。趁此天色未明，正好動手。只管貪睡呀。你看你看。那邊早有個人影兒。〔虛下水夫上〕那邊船頭上明明兩個人站着說話。見了我用指頭兒點着幾點，就不見了。事有可疑。我躲在黑處。務要看個明白。〔小丑出介〕好了。那人去了。待我賺他起來。烏老爹快起來。〔淨上〕

〔香柳娘〕正昏昏病醒。正昏昏病醒。只爲夜來酩酊。通宵雲雨多高興。〔丑又叫〕老烏快些來麼。〔淨〕爲何事夜驚。爲何事夜驚。顛倒我衣裳。打撓我夢境。且掙開眼睛。且掙開眼睛。〔小丑又叫〕天殺的。快到船頭上來。〔淨〕他那裏頻頻叫聲。我這裏忙忙答應。媽媽。天色未明。正好睡哩。叫我則甚。〔小丑〕來來來。我對你說話。〔淨鎖出丑做推下江淨喊介〕救人。救人。〔下水夫虛上看介小丑〕好了。不則聲了。謝天。謝天。並沒一人看見。我與你悄悄進去。等四下開船。同開便了。〔丑〕正是。正是。〔同下水夫〕奇怪。明明一個婦人。一個男子。哄那船艙裏人出來。擠下水去。我待喊將起來。爭奈孤身在此。恐被他算計。只是站在船傍。天明後與他說話未遲。

〔前腔〕〔生上〕聽神鴉噪鳴。聽神鴉噪鳴。殘星破暝。東方曙色猶埋嶺。我想夜來

所見也甚奇怪。訝山麋降靈。訝山麋降靈。廟貌既崢嶸。旌旗且嚴整。喜狂風乍停。喜狂風乍停。果爾威靈。堪令人敬。做見水夫。什麼人。水夫。小人是船頭。在此迎候老

爺。〔生〕船在那裏。〔水夫〕就在前邊。〔生行介〕你看渡口月未落。雞聲入夢啼。好一派早景也。〔水

夫〕稟老爺。已到船邊了。請老爺上船。〔生上船介水夫〕小人有事稟上老爺。方纔小人在埃上伺

候老爺。只見那邊船上。一個婦人一個男子在船頭上講話。見了小人。就不說了。鑽進船裏去。小人

疑心。連忙躲過黑暗裏。那兩人又復到船頭上。喚出船艙裏一人來。竟把他擠下大江裏去了。小人

不敢不稟。〔生〕有這等事。你該去撈救。〔水夫〕小人要救。奈是隻身。恐爲所算。以此不敢。也不敢叫

破。〔生〕你去拿來。莫不你生事麼。〔水夫〕小人不敢。〔叫介〕兀那船上起來。〔丑上〕誰叫。誰叫。〔水

夫〕老爺喚你。〔丑〕那個老爺。無事喚我則甚。〔水夫〕我那曉得。去就明白。還有個婦人。老爺分付

都喚來。〔丑〕媽媽快來。〔小丑上〕是那個。〔丑附耳〕什麼老爺來喚。莫不這事決撒了。〔小丑〕差人

那裏。我自回他。官差哥是那衙門。〔水夫〕是都督老爺。〔小丑伸舌介〕嚇死人。哥。沒奈何。我這船小

不堪。老爺住坐。送些東道與哥。換了別的罷。〔水夫〕我那要你東西。你夫婦自回話去。〔做拿見生〕

稟爺。船家有了。〔生〕那船戶叫甚名字。從何處來。〔丑〕小人張虎。

〔前腔〕念來從秣陵。念來從秣陵。〔生〕往那裏去。停泊在此。〔丑〕豫章華省。爲東風作惡把船頭頂。〔生〕船中還有誰。〔丑〕有老妻一名。有老妻一名。相倚把船撐。相依共爲命。〔生〕早間你謀死什麼人在江裏。從實招來。〔丑〕啊呀老爺。小人最本分的。那有這事。念從來畏刑。念從來畏刑。有何事可憑。何人爲證。〔生〕你說沒有證據。且住。喚那婦人上來。〔背介〕呀。那婦人儼是元鴛子模樣。婦人姓甚。父母家住在那裏。〔小丑〕

〔前腔〕住秣陵帝京。住秣陵帝京。母家李姓。〔生低云〕元來姓李。幾乎錯認是元鴛子。

〔又看介〕天下那有這般廝像的。秣陵在那一塊住。〔小丑〕落星橋下名偏盛。〔生沈吟介〕

落星橋。又是那人了。你敢是樂戶出身。不是從小跟隨張虎的。〔小丑〕念身非樂伶。念身非

樂伶。李氏舊家稱。自幼從媒聘。〔生又看介〕還則是元鴛子。你在落星橋住。曾認得謝參軍

麼。〔小丑背云〕怎麼問起謝窮來。則說不認得便了。果有參軍共井。果有參軍共井。但小婦

人呵。自幼不出中庭。豈識謝家門徑。〔生〕你果然不認得。〔小丑〕實是不認得。〔生〕你擡

起來看。認得我不認得我。〔小丑看駭伏〕啊呀。爺爺。小婦人該死。小婦人沒有眼。不曉得老爺做天大樣的官。〔生〕往事不須提。則說今早謀死的是什麼人。〔小丑〕爺爺。再不會謀死什麼人。差人來喚。還好好睡着哩。〔生〕船頭過來。與他對證。〔水夫〕小人親見他擠下江去的。〔生〕既如此。連張虎同撈起來。快招。〔做撈介生〕婦人。你方纔說不是樂戶。又說自幼跟隨張虎。一刻胡言。那有半句兒真實。

〔前腔〕恨花言亂聽。恨花言亂聽。謀人錢財。害人性命。元是你花門行徑。莫不是又將子弟來坑穿。快招上來。〔小丑丑〕老爺。再沒有的。〔生〕叫船頭快去打撈尸首。〔水夫〕稟老爺。江水溜得緊。尸首滾將下去。沒處打撈了。〔生沈吟〕尸首既沒撈處。此事如何問得。〔思介低唱〕記龍江驛亭。記龍江驛亭。他有個客同行。今日在何方託形影。那婦人。你過龍江

關時。有個客人烏斯道同行。如今他在那裏。〔小丑〕他回南昌去了。〔生〕他那里是回去。你謀死的。一定是他了。想那烏斯道呵。爲財多命傾。爲財多命傾。婦人那。你頭上有神明。我階前有明鏡。如今招不招。〔小丑〕老爺冤枉。烏斯道回去了呢。〔生〕這也不難明白。叫左右。到他船裏

去搜。前番過江的文引有沒有。〔雜應下即上〕稟爺。搜得文引在此。船上還有許多銀子。〔生〕是了。眼見得爲這銀子。謀他性命。若說他回去了。爲何不帶文引而走。那婦人。且問你女兒在那裏。〔小丑〕女兒死了。〔生〕爲何死了。死在何處。〔小丑〕不肯接客。在匡山下跳入江裏死了。〔生〕這一發難明。叫左右。把張虎李氏并文引銀子都發到南康府問明。就教該府行文沿江一帶所在。挨查滾下尸首。再行文到南昌府。查究烏斯道會回不會。待我破賊回來。解赴軍前發落。從來天網恢恢。畢竟疎而不漏。〔雜應小丑丑同下生弔場〕元來縹風已死。好痛傷人也。〔掩淚介〕

〔紅衲襖〕對着這江浦高秋水碧澄。不覺的淚潺湲怨氣增。我當初只指望同把青鸞凭。誰承望中路里先拋碧玉箏。可恨那鴿子呵。你本是賣風月的活妖精。你本是噉郎君的莽梟獍。到如今一似花開卻被狂風橫也。教我欲化西園蝶。未成。

〔前腔〕縹風縹風。我只待覓飛鴻傳將宋玉情。誰知你葬江魚甘同屈子醒。想當日織錦時曾與你機間並。幽窗下曾與你密訂盟。咳。縹風。你那裏去了。祇教我憶愁。

眉把楊柳憎。思笑口把桃花倩。何時得風清月朗。夢三更也。環佩歸來洛浦汀。

縹風縹風。不是我謝郎情薄。王命在身。杯酒不曾奠得。姑待班師回日。一來作奠。二來與你究死的

緣故。叫左右。快渡江到姑熟去。

沙禽啼斷一江風。

悶倚孤篷惜落紅。

心上新愁難着去。

燈前舊約總成空。

第二十五齣



〔六么令〕〔外扮王車騎同老旦便服上〕昨朝事冗。賽神明未得相從。通宵展轉意忡

忡。須早起赴行宮。階前叩首頻囑頌。階前叩首頻囑頌。夫人。昨日中元祭賽伊尼大

王。因女孩兒初歸。無人料理。不曾親去拈香。通宵不寐。恐是神明見怪。今日特特起早。同你前去補

拜。須再備些香燭。〔老旦〕正該去補拜。香燭俱已備下。就請相公同行。〔外〕還有一事。常年送進童

女。大王用後。次日為頭社人收拾他骸骨。今年是我家為頭。須要買口棺木盛殮他。〔老旦〕這女子

最是可憐。棺木須用買好些。我與你先去收拾起來。買亦未遲。〔外〕呀。許多社友都來了。〔衆社人

〔前腔〕傾翻社饗。社叟歸來喜氣匆匆。人人盡道慶年豐。雨暘若稼禾同。傳神卜瓦爭喧闐。傳神卜瓦爭喧闐。夥計。今年我們賽社志誠。天色朗晴。想是大王喜歡。秋來收成一定加倍。如今我們請了王老爹到廟去。分些福胙酒醴。拿回家去醉飽一回。有何不可。〔見介〕呀。王老爹。老夫人。衆鄰社拜揖。衆人在此請老爹到廟裏分派酒肉。不知可否。〔外〕我昨日家裏有事。不會到得。今日正要去補拜。同行甚好。〔同老旦走念〕千林古木聞喧笑。〔衆〕此日春風屬社公。此間已是廟前。就請進去。〔進介衆〕你看。你看。殿上酒餚狼藉。桌椅傾翻。這把交椅是誰坐的。〔內一人云〕你不曉得。一個大王。一個夫人。正該這等坐。閒話休題。只把存下猪羊果酒分開。拿回去便了。老爹。勞你分一分。〔外〕且待我拈過香。〔同老旦拈香拜介〕

〔前腔〕瞻依心竦。儼若神明照鑑吾衷。念王鑒同妻羊氏呵。仰惟恩庇佑微躬。優老景起龍鍾。瓣香明炬親賚捧。〔外〕拜禱已畢。衆社友請分福胙。〔作分介外〕既分過了。請先

回罷。在下還要收拾女子的骸骨。〔衆〕我們也要幫老爹收拾那女子下棺木。擡出郊外纔回。〔內

喊）救人。（衆聽介）作怪。後殿怎麼有生人聲音。（又聽介內又喊衆）到像昨日那女子叫喊。奇怪。難道不會死。（外老旦）我們大家開進去就明了。（同唱）

〔前腔〕且把門兒輕控。儼似宵來疊疊重封。豈神明未到後宮中。空孤負這花容。教人心下懷疑恐。教人心下懷疑恐。（衆）昨日是我們細進這間房裏的。夥計。如今元

是我與你開進去看。（蹙下卽扶貼上衆）王老爹。好奇怪。那小娘子端然在內。細縛也一些不動。

〔外老旦〕好好扶過來。等我問他。（衆介外老旦）小娘子。你把昨夜的光景說與我聽。

〔前腔〕〔貼〕通宵如夢。寂寂無眠。暗數銅龍。（外老旦）可曾見些什麼來。（貼）但看窗外月濛濛。（外老旦）可曾聽見殿上聲響。（貼）時聞得語喁喁。（外老旦）可有什麼人進房來。

〔貼〕絕無影響來驚聳。絕無影響來驚聳。（外）夫人。這怎麼說。常年不會有饒的。（老

旦）我看此女生得十分美貌。一定還有後福。故此大王不難爲他。（外）夫人說得是。你且鬆了他

縛。（衆攔）不可。不可。那裏是什麼後福。眼見得此女不潔淨。惱了大王。今年地方決然不得安靜。好

好把此女擯入大江。以謝神怒纔是。（貼哭喊）好苦那。老爹救人。（外）不要忙。列位說差了。大王尙

且饒他。你到要害他。況且大王喫了。便不要償命。青天白日。把一個人攬在江裏。沒官府的。誰擔這干紀。〔衆〕也說得是。這便憑老爹作主罷。〔外〕我也沒有主意。〔老旦〕不若等老身領回。養在家裏。日後尋個對頭與他。也是陰德。〔衆〕夫人也領不得。這是衆人湊銀子買的。怎麼好領去。拿來分了罷。〔外〕這驢子。人是分得的。〔內一人云〕有個分法。尋一所空房子。教這女子住下。我們衆人輪流用用。今夜你。明夜我。這叫做不之分。分而不分。〔外〕哇。說什麼話。既然衆友不肯要我領。則得大王前討一答。若許在下領。就討個三聖。〔衆〕這纔說得是。〔外取笞囑介〕大王在上。有烏客人同妻李氏。賣來秋祭的女兒。大王不用。我王鑒夫婦願領回家收養。若大王見許。卜得三聖。〔卜介〕呀。果是三聖。且就壁間看訣去。〔念介〕愛花須是避狂風。欄檻還將錦帳蒙。但願王孫長作主。莫教零落總成空。衆社友來看。大王因我姓王。明明教我作主。〔衆〕大王許了。我衆人還有甚話。但是後日有了人家。請我們喫杯喜酒罷。〔外〕既如此。夫人好好鬆了縛。扶着他回去罷。〔衆〕我們衆人也都相送到宅。〔外〕還拜謝了大王去。〔衆同拜畢外〕都到我家喫酒去。

街坊處處頌神明。

盡賀嬌娘得再生。

猶恐相逢似春夢。

銀缸相對話三更。

第二十六齣 逆節

〔秋夜月〕〔副淨扮錢鳳唐帽披挂卒隨上〕王氣龍蟠。奄有長江半。指日江東應納款。

且將陣勢排鵝鶴。〔笑介〕笑謝鯤見短。好教人氣短。〔朝中措〕一自兵權歸我。滿地盡干

戈。休問吾家社稷。但看姑熟山河。處仲已亡。周戴亦死。誰奈我何。獨恨謝鯤作梗。管教裏革江波。錢

鳳從王大將軍起兵以來。所到之處。勢如破竹。江東王氣。一時都盡。只打點築壇受禪。誰知王大將

軍一病。身死軍中。事體一應都托付與我。我乘此機會。遣人到京。打個關節與王丞相。就拜我爲八

州兵馬大元帥。與王處仲職分一般。一應錢糧土馬。盡屬管轄。眼見得天命有歸。大業可就。好不快

哉。我想晉朝所靠者周顛戴淵。盡皆殺了。王導老頭兒是知趣的。只有謝鯤那厮。強不服。懊悔當

初不會殺得。如今統領豫章一枝入馬。昨日打過戰書來。要與我廝殺。正不知我這姑熟。外有長江。

內有采石。進可以戰。退可以守。況他那裏兵少糧微。我這裏兵精糧足。何足爲慮。今日且與他廝殺。

倘或有些不利。再打關節與王丞相。教他收回便了。且喚衆將官出來。整頓迎敵。則個衆將官那裏。

〔雜扮二將上〕仗劍倚西風。邊河壯節雄。雲凝八陣外。月照大江中。覆元帥。有何使令。〔副淨〕衆將官。昨日謝鯤打過戰書。要來攻我姑熟。你將陸兵屯於采石。以備不虞。水兵盡上樓船。以備迎敵。奮勇爭先。功成受賞。水軍頭領聽我分付。〔雜應〕得令。〔副淨〕

〔瑣窗郎〕長江萬里瀾漫。勢委迤形屈盤。洗兵飲馬。賴此洪湍。休教險失。令彼長驅江畔。〔合〕把笳聲桴鼓相呼喚。令羣醜抱頭竄。〔副淨〕陸軍頭領聽吾分付。

〔前腔〕從來采石是危巒。四週遭似壁垣。更有奇峯丁據。江水爲鞏。好壘壘砦。莫教遲緩。〔合〕把蒺藜鹿角相塞斷。令羣醜望風竄。〔雜〕稟元帥。營砦已安。樓船已備。就此進兵攻擊。〔副淨〕正是。就此掌號起兵。〔衆走唱〕

〔節節高〕軍聲動地歡。氣桓桓。恩逾挾纊。春風暖。元戎免。羽扇搏。綸巾冠。指揮若定。天花亂。七擒勝策。須臾斷。〔合〕莫教春水走曹瞞。陳屍江上爲京觀。

〔前腔〕貔貅萬竈攢。統材官。長縱利槊。將人貫。天河澗。戈甲完。旌旗煥。亞夫壁壘。蕭曹算。鯨鯢梟獍。誰逃遁。〔合〕莫教春水走曹瞞。他年麟閣聲名滿。〔下〕

第二十七齣 交戰

〔尾犯〕〔生戎裝卒隨上〕轉戰到龍潭。組練萬人。餘艘千纜。淡日淒風。穿營薄艦。登水閣雲隨。征蓋走江干。花迎遠驂。多傷感。深慚衛霍。手把乾坤攬。〔南鄉子〕持節遠橫行。曉度長江。雨洗兵。海畔妖氛方熾。月光暝。何時淨掃虜雲平。神武自天成。不戰功成返旆。旌。佇看胡衣。製帖拜神京。彩纛高於百尺亭。謝鯤承命征討錢鳳。統領三軍。從豫章渡江。扎寨龍潭。與彼遙相對壘。前日雖曾打過戰書去。但彼衆我寡。未知虛實。未敢輕進。昨已差探子打聽去了。待他回時。再作道理。〔雜扮探子上〕慘淡陣雲橫。悲涼鼓角聲。且將敵人信。報入主君營。稟爺。探子回來了。〔生〕探子。把軍情事慢慢說上來。〔探〕

〔駐馬聽〕前渡江南。不避風濤。將虎穴探。只見錢鳳軍中呵。人如彪虎。馬若蛟龍。陣似山巖。更沿江舫舵尾相啣。揭天鼓角聲搖撼。〔合〕勢盛難堪。軍威整肅。破人心膽。〔生〕你會見錢鳳不會。〔探〕小的曾見來。

〔前腔〕他志氣方愁。親倚胡牀。將部伍參。〔生〕糧食多否。〔探〕無窮糧草。絡絡輸來。

馬運車擔〔生〕他多少營砦〔探〕巢營采石險於嵌陣排江岸多勇敢老爺他似食菓春蠶急須征勦無遺後憾〔生〕叫左右賞探子一罈酒一錠響鈔免他一月打差去罷〔探謝

下生〕大小三軍他那裏人馬雖多這裏軍心亦銳就此揚帆渡江殺上前去〔衆應走介〕

〔紅繡鞋〕清秋淨練如藍如藍中流擊楫聲愁聲愁厲短劍列長鑣趨險隘上嶄巖〔合〕擊龍且走章邯擊龍且走章邯

〔前腔〕奸雄肆志貪婪貪婪西征裘帽無慚無慚揮玉塵姿玄談標銅柱表奇男〔合前下〕副淨領衆唱前齣節節高合急上副淨〕大小三軍謝鯤兵已到須要爭先努力殺上前去

落後者斬〔生領兵上唱紅繡鞋合與副淨遇戰介副淨敗下生追下副淨急上〕不好了不好了大

小三軍謝軍整銳難敵快退去據守采石營砦這山週遭大江壁立萬仞飛也飛不上去且待謝鯤食盡退去邀而擊之自然取勝快走快走〔下生急上〕大小三軍錢鳳已敗乘勢快追上去〔雜〕稟爺錢鳳已退入采石這山峻險難以上去〔生〕就此扎駐營壘待我四下觀看〔走唱〕

〔馱環着〕看山形險賺看山形險賺尖削如簪營帶長江滔天波濫大小三軍與

我四下高聲叫喊。響徹空山。管教他走無門。似虎投闌檻。這妙算淮陰不減。笑楚羽聽歌淒慘。把奸雄斬。狐鼠剗。管玉輅重寧。金甌無陷。大小三軍。采石甚險。無路可登。只屯營在此。待時而動。況錢鳳狡計甚多。不可輕進。〔衆應下〕

江間波浪洶。

軍中笳鼓兢。

借問行人。

何如霍去病。

第二十八齣 閨敘

〔金菊對芙蓉〕〔貼上〕已拚珠沈。還愁鏡破。那知天日重瞻。感東君布德。育養恩兼。閒將往事來重儘。千般恨頓上眉尖。是前生少欠。身如桃梗。命比春蠶。

〔浣溪沙〕瘦怯孤身死復生。分明蕉鹿夢中驚。天涯孤苦歎伶仃。厄閨黃楊難茂盛。逢春衰草又敷榮。東君爲我忒留情。縹風爲繼母所賣。幾入虎狼之口。感得上天庇護。祖宗有靈。死裏逃生。一似釜底游魚。再能聚沫。盎中餘肉。猶得更生。至今思之心常凜凜。感蒙王老爹收回。老夫人看待親生兒女一般。似此深恩。將何報答。但屢屢勸我適人。不知奴家已與謝郎有約。寧死豈違初念。又有一位

小夫人他相公也姓謝。看待奴家姊妹一般。奴家此身到也略略安寧。在此只不知謝郎消息。時時在念。幾次欲將此情說向。求他尋個消息。卻又害羞。不好說出。卽今授衣天氣。風景蕭條。砧搗寒溪。蛩吟晚砌。正是道有豺狼梗。書無鴻雁傳。好傷感人也。

〔漁家傲〕這些時斗帳寒生起未忺。簌簌地雨打牕紗。風吹繡簾。謝郎。謝郎。你模樣兒在我心坎上頻頻墊。名字兒時時作念。閃殺人海角天涯。更那堪鴻絕鯉潛。祇教人磨損金錢不敢占。

〔剔銀燈〕金針按時時倒拈。羅帕拭汪汪淚點。又恐怕他人暗裏相嘲玷。只得強支吾陪着笑臉。慊慊羞窺鏡奩。繡牀上聊將綵擗呀。小夫人來矣。〔旦上〕

〔菊花新〕天涯遊子信音淹。幾見天邊滿玉蟾。寒氣入重檐。征衣就剔殘燈焰。

〔見相介〕小娘子。〔少年遊〕朝來秋氣太侵人。獨坐爲誰嗔。〔貼〕夫人。我點檢從前。約略去後。無計

效吾嚮。〔旦〕故園兵火何時斷。夢遶大江雲。〔貼〕偷得餘生。猛添新恨。愁絕秣陵春。〔旦〕小娘子。莫怪我多口。你死裏得生。實不幸中之大幸。正宜日尋快活。每常見你眉頭不展。面帶憂容。卻是爲何。

莫非我家看待不周麼〔貼〕夫人。妾身幸脫虎口。旋蒙收養。再生之恩。粉身難報。爲何說起看待兩字來。但妾心上有事。不好瀆夫人清聽。〔旦〕小娘子。你自到我家。不曾問得你來歷。我聽你語言。不似這邊人聲口。你元是那裏人。爲何父母賣你做鬼妻。今日閒暇。細細與我說一番。〔貼〕夫人聽稟。

〔哭介〕

〔粉孩兒〕若提起舊根芽。不覺珠淚滄。〔旦〕你但直說。不要害羞。〔貼〕對夫人豈敢亂遮胡掩。念妾身呵。生來軋軻多恨慊。經幾多苦辣酸甜。〔旦〕你父母存否。〔貼〕痛椿萱從幼雙亡。〔旦〕前日賣你的是什麼人。〔貼〕須知道後母傾險。〔旦〕他也是好人家出身麼。〔貼〕

〔紅芍藥〕他那裏占籍閭閻。在平康中粉膩脂黏。〔旦〕元來是樂婦。你母親死後。想是你父親娶了他。〔貼〕也是我家君命蠟嶮。入花營險如天塹。那後母自入我家。把家私當做水裏鹽。費盡了書囊琴劍。父親呵。只落得一病懨漸。撇得奴無處逃閃。〔旦〕那

時後母把你怎麼。〔貼〕

〔耍孩兒〕他絮聒聒語言終日聒。處處尋爭鬧。〔旦〕尋鬧些什麼。〔貼〕硬逼做野宿。鵝鵝。〔旦〕你從也不從。〔貼〕爲不從受盡了辛苦。何曾厭。險些兒斷送鬼門槩。今日呵。還只恐魂驚魘。〔旦〕你祖居那裏。〔貼〕

〔會河陽〕祖住京華。秣陵下簾。〔旦〕秣陵在那一塊住。〔貼〕落星橋左小房。〔旦〕卻又在落星橋住。你父親姓甚。〔貼〕姓元。〔旦〕什麼樣人家。〔貼〕論聲名閱舊家無忝。〔旦〕既是落星橋住。你認得橋右有個謝參軍麼。〔貼〕駭介。呀。猛把我心頭檢。〔背唱〕旦做聽介。爲何說出我多才豔。咳。謝郎。嗔甚時再覩我多才臉。〔旦〕如此說來。你莫不是元縹風麼。〔貼〕妾身果是元縹風。一時亂言。夫人休得見責。〔旦〕

〔縷縷金〕你何須用太疑嫌。〔貼〕夫人爲何也認得參軍。〔旦〕參軍你道是誰。就是我家相公。元來我與你似葭與兼。〔貼〕夫人何以知有縹風。〔旦〕記得投梭事風流。曾占他歸來。常把話兒簽。非干我相舔。非干我相舔。你既是元縹風。曉得我相公麼。

〔越恁好〕時常思想。時常思想。佳名兒信口拈。但不知你肯隨我相公否。〔貼〕此是賤

妾素願。但恐夫人不用。〔旦〕說那裏話。兩邊疼熱情脈脈。從今越更黏。〔貼拜介〕夫人請上。受賤妾一拜。今朝何幸。恩雨霑。〔旦〕一言既定。不可再更。〔貼〕奴豈敢言詞獻詔。怪從前虛浪蕩。如風颭。喜今朝沐恩澤。如波灩。請問夫人。相公如今在何處。〔旦〕

〔紅繡鞋〕他恭承王命如炎。如炎。腰間寶劍鋒鈿。鋒鈿。征醜類。把渠殲。〔貼〕幾時可以回來。〔旦〕奏凱日。喜應添。歸相見。笑掀髯。縹風。你志願如此。深爲可喜。今後老老爹再要將你適人。我就將此情回他。你日後不可懊悔。〔貼〕縹風之言。死無更易。

〔尾〕一任天荒地老雲荏苒。〔旦〕喜得你情兒浹洽性兒恬。從今後則當做姊妹相隨。莫太謙。

兩邊遭遇一般心。

忽漫相逢話更深。

但願應時還得見。

果然勝似岳陽金。

第二十九齣 獲醜

〔錦上花〕〔副淨上卒隨上〕采石太嶙峋。采石太嶙峋。軍聲若電。戰士如雲。整二

軍整三軍好擺個團團陣。〔卒〕稟爺怎麼叫做團團陣。〔副淨〕你不曉得。老爺一向不看謝鯤在眼裏。那知他這般兇勇。前日與他交戰。被他殺得片甲無存。如今只堅守定這采石山。你與我團團四下屯扎。教他插翅也飛不上。〔卒〕只恐怕糧食盡了。〔副淨〕我家有的是糧食。他們食盡。少不得到朝廷處請糧。我已打過關節與王丞相。再不要應濟他。一月半月自然走了。那時邀而擊之。無不勝矣。好計好計。〔同走唱前整三軍三句下生領卒上〕

〔哭岐婆〕屯營采石。兵疲糧盡。請兵不發。請糧不運。端的無計叩天闕。包胥怒血如泉搗。謝鯤提兵來與錢鳳交戰。幸而累戰皆捷。他退守采石山去。倚江爲險。一時難以進取。不意軍中糧盡。士有饑色。前日上表請糧。豈意王導這廝。暗與錢鳳交通。升斗不發。且假旨切責下官。勸要剋期取勝。咳。正所謂奸雄在朝。豈容大將立功於外。可歎可歎。

〔江兒水〕暗想朝廷上白日昏。妖氛魑魅公然奮。可惜孤臣長沙恨。番成嫠婦宗周憫。請劍無由堪憤。若論今日時勢呵。似柙虎窮猿。袖手深慚難振。〔雜扮戎裝官

急上〕報報。巡邏官稟事。〔生〕稟甚事來。〔官〕今日該小官巡邏前軍。小官一逕巡到江邊。

〔前腔〕遙見高山上他軍亂透。〔生〕爲何軍士亂起來。敢有救兵到了。〔官〕那裏是救兵。只

見紛紛麋鹿衝他陣。〔生〕有多少麋鹿。〔官〕滿山都是。不記其數。一似鬼遣神差齊觸

狠。他狼奔鼠竄忙忙遁。〔生〕錢鳳如今在那裏。〔官〕他無計支吾先遁。老爺這是天賜

功成。鬪獸遭逢窮困。〔生〕有這等事。〔背云〕明明是伊尼大王助我成功也。〔對介〕巡邏官就

着你領一千人馬。抄過采石山後埋伏谷中。只是鳴鑼擊鼓。呐喊搖旗。令錢鳳見之。不敢走歸姑熟。

定走前門這路。我這裏整備迎戰。鳳可擒矣。〔官應領卒下生〕大小三軍。只看彼軍動移。我這裏就

迎殺上去。走了錢鳳。定按軍法。〔唱〕天賜功成一二句。走一遭。下副淨領卒急上。鹿追上。卽下副淨。不

好了。不好了。天敗吾也。不知那裏走出許多野鹿。整千整萬。把我營壁盡行踐倒。軍士觸死無數。如

今怎麼好。如今怎麼好。叫軍士。不要打前山走。只從後門。且回姑熟去。〔走介內喊介卒〕稟爺。山谷

裏多少旌旗。想是埋伏。〔副淨〕旣如此。從前山衝他陣去。〔生領卒迎上戰介副淨敗逃欲下。內鹿

兵衝上。復與生戰。敗擒介生〕大小三軍。傳下號令。賊首已獲。脅從罔治。帶錢鳳過來。〔副淨〕幼輿。

錢鳳有一言好說麼。晉室之亡。只在早晚。錢鳳姑熟事業。頗頗就緒。你今解我請功。不過封侯拜將。

爲人下執若自王。今幼與若能救我。願把姑熟相讓。鞭鐙之役。自當盡心。〔生〕

〔江頭金柱〕〔五馬江兒水〕呀。怪你如簧唇吻。還向我跟前胡亂云。更不想君恩臣職

自有攸分。恨神奸把周鼎捫。〔副淨〕幼與向日新亭宴上。若非錢鳳。你死久矣。〔生笑介〕記

得新亭宴陳。堪笑你酒間生覺。不是我佯狂佯醉。已做齋粉。還向我嘴渣渣敘

舊恩。把檻車囚下錢鳳。解京獻俘。就此班師回去。〔走介〕〔桂枝香〕喜天心助順。軍前執訊

奏丹宸。道傍野鵲迎金印。馬首郊雲拂畫輪。

〔朝元歌〕奸臣叛臣。指日都消盡。千軍萬軍。此際皆從順。帝室重新。王綱復振。

你本是豺流犬輩。鼠隊狐羣。怎受得天家雨露恩。你無處可招魂。我還朝好泛

樽。志雄纔奮。盡唱出凱歌聲韻。盡唱出凱歌聲韻。

第二十齣 逃避

〔天下樂〕〔丑扮王導便服上〕一國升兮一國沈。升沈何用苦勞心。〔笑介〕若還國

有千年朕。盤古如何不到今。自家王導的便是。我想家國有興。自然有廢。與那臣子什麼相

干苦要奪那邊的與這邊。當做什麼。晉室顛危。我家處仲兄弟乘機而動。到也有幾分就緒了。誰想我命中沒有皂兄福分。一病嗚呼。兄弟既死。我說好朋友做了皇帝。有何不好。因此就幫扶兄弟手下一人。名曰錢鳳。幹起事來。好笑有個謝鯤。每每與我作對。我見他是個酒徒。成不得大事。到着他收服錢鳳。等他敗歸。殺之有名。因此請兵不發兵。請糧不發糧。誰想一戰成功。昨日上表文來。錢鳳竟被拿倒了。且說區區許多奸狡。我想天下有這樣不知趣的漢子。不肯成全人好事。口口要做忠臣。難道晉家的便是官。錢家的不是官。如今班師回來。第一個算計的就是我了。我王導是見機的人。且到揚州去住幾時。待修好了他。再來未遲。出得門來。下此一天大雪。不免躓過江去。

〔皂羅袍〕你看江上寒威凜凜。更彤雲密雪亂灑飛侵。透骨酸風好難禁。一朝失勢成攬轡。〔合〕自笑我當年作事。恩深怨深。今來沒興。災尋禍尋。兩般兒合湊愁偏甚。〔內作鳴鑼鼓吶喊介丑〕你看你看。他們今日渡江。好不豪興也。

〔前腔〕看壯士紛紛衣錦。更歡聲鼎沸似破斧東音。千羣旌旆亂山林。〔歎介〕咳。

我幾年締構徒悲暗。〔合前〕

得好休時便好休。

莫因權勢結深讎。

假饒掬盡湘江水。

難洗今朝滿面羞。

第三十一齣 奠江

〔金蕉葉〕〔生上雜隨上〕痛嗟恨嗟。返香魂慚無計也。奈月落梁空影斜。苦花開

風媒雨蘖。〔眼兒媚〕憶昔相逢春正殘。小立在闌干。一般心事。兩邊眉角。款款低看。玉容何處。尋

覓。灑淚到江關。依稀似恁。盈盈秋水。淡淡春山。謝鯤班師回來。天顏大喜。超拜兵部尙書。兼八州都

督大元帥。錢鳳已戮之市朝。王敦亦剖棺梟磔。周戴收葬已畢。恩恤有待。王導棄職而逃。斥貶可知。

朝廷一時清明。晉室廟貌如故。平生志願遂矣。胸中恩怨明矣。只有伊尼王助陣成功。元縹風守節

身死。這兩件尙未報答。冥冥之中。不免有負。昨日上過表文。請加卹典。且待旨意到來。再作區處。聖

上又憐謝鯤回來落拓。落星橋居址湫隘。特賜甲第一區。在烏衣巷。夫人在岳家。已曾差人去。連岳

父岳母俱迎取過來同住。想必日下到來。今日要到江頭。望空遙奠縹風一番。以盡昔日之誼。叫左

右。祭禮完備未曾。〔雜〕祭禮完備已久。只是外邊風寒雪緊。恐怕老爺不便行禮。〔生〕說那裏話。祭

禮先行我就來也。〔雜應下生行介〕九陌淒風勁。彌天密雪飄。江邊行路客。何處弔兒曹。〔雜〕請問老爺。祭禮擺在何處。〔生哭介〕阿呀。我那縹風。嗷。渺渺長江萬里遙。知伊何處狎神鰲。豕雞絮酒雖陳設。一片香魂不可招。左右的。祭禮隨分擺下便了。我知道你死在那一塊也。

〔小桃紅〕只見滿江雨雪把萬山遮。一似恁當日幽情結也。多應爲錦機中相期。那段舊枝葉。好教我想不迭。祇記得你意兒黏。話兒協。情兒濃。不道你性兒烈也。等閒間做了夢裏蝴蝶。不能勾楚臺雲。早塵暗鳳樓月。

〔山桃紅〕玉梭還在機錦猶疊。誰承望惡離別。則在眉端眼睫。一霎時彩雲滅。一霎時玉釵折。則這些半夜潮。千層浪。都是你冰霜血也。一似抱石捐生浣紗女。轍。這苦何時徹。直待江枯海竭。你在何處悠悠沒話說。

〔五般宜〕好一似鏡中花欲攀怎折。好一似水中月欲撈怎涉。你爲我暗裏受顛蹶。捱盡了無夜無明許多疼熱。老虔婆黃桑棒撿。村郎君鴉青鈔撇。端只爲當不過兩般兒斷送了我賢姐姐。叫左右。取酒來。添上些香。〔雜介生〕

〔山麻稽〕醪醴酌。名香爇。縹風縹風。你是個汨水裙釵。胥江女俠。怎肯隨邪。做了個浪蕊浮花事業。若說你這段貞心呵。頓令人髮毛欲豎。齒牙俱冷。淚滿腮頰。

〔江頭送別〕一杯酒聊當做江頭送別。千行淚盡滴入怒濤捲雪。你重泉靈爽須聽者。我謝鯤呵。定須把你冤泄。〔雜扮公差解小丑丑上雜〕從前作過事。沒興一齊至。小的

是南康府差人。奉本府批文。解送犯人到兵部謝老爺處發落。方才到衙門裏去。說在此江頭。特特解來。〔對雜〕老哥稟一聲。南康府差人要見。〔雜稟介生〕喚進來。〔公差進遞文書生作看介〕元來

正是張虎與元鴛子那一起。下官當時受這婦人許多凌辱。不想他謀死烏斯道時。剛剛與我匡山相遇。可不是惡貫盈滿。上天假手于我。喚張虎上來。〔丑介生〕張虎如何說。〔丑〕老爺。小人雖會動手。實都是這婦人教道。小人如此。小人一時愚惑從了他。該死該死。〔生〕這也是真情。喚婦人上來。你這烟花賤婦。把好人家兒女。逼他爲娼。爲娼不從。直至害他性命。這還是你女兒。烏斯道雖然是個浪子。你哄了他錢財。何忍又謀他性命。今日還有何言說。〔小丑〕小婦人該死該死。〔生〕元鴛子。梟首示衆。張虎絞罪。俱候秋後處決。叫左右都上了枷扭。原差領了回批。帶去南康府發落。〔公差

應出〕生爲萬人婦。死入千人坑。〔同下生〕左右取紙錢來燒化了。〔生揖介〕縹風縹風。

〔尾〕今朝仇恨江邊決。明日封章天外揭。願你及早生天朝帝闕。左右一壁廂去。

請清真觀道官建黃籙大醮追薦他。一壁廂差轎馬到江口迎取夫人上埃。〔雜應介〕曉得。

烟花潑婦太無情。

人命關天那可輕。

欲免孤魂悲耿耿。

從公爲爾辨分明。

第二十二齣 大會

〔傳言玉女〕〔外老旦旦貼同院子隨上外〕消盡寒光梅發幾多佳況。〔老旦〕探春回。

秦淮渡上〔旦〕封侯已遂。喜夫婿榮歸故壤。〔貼〕名重巖廊。身都卿相。〔外老旦〕南

隨越鳥北燕鴻。身似流星跡似蓬。〔旦貼〕只有江峯依舊在。年年不改玉芙蓉。〔外〕孩兒喜得賢婿

成此大功。前日特差人迎取我一家。今已來到龍江關口。聞得已有賜第在烏衣巷裏。不知打從那

一路去。〔旦〕我們風順來速。相公想還未知。少待自然有人出來迎候。〔貼〕請問夫人縹風不知就

該隨進。還該待夫人稟過相公。然後進見。〔旦對外老旦介〕孩兒稟知爹媽。縹風一事。孩兒向年因

見相公折齒。問起緣故。他說祇爲與東鄰女元縹風調舌。被其母將梭投擊而捐。今在伊尼廟中收回的女子。說起來正是東鄰之女。故此孩兒收養在身邊。今尙未知相公意思若何。未可突然而進。爹媽且與縹風在船中少住。姑待孩兒稟過相公。再作道理。〔外老旦〕孩兒說得有理。〔雜扮差官上〕今古長安道。郵亭任往來。〔跪介〕龍江關驛丞奉謝老爺鈞牌。迎候王老爺并兩位夫人。〔外〕起來。尊官請回。轎馬伺候。〔雜應下外〕孩兒。你可同院子先行。等你說過。打發院子到船。我這裏就來也。〔貼〕夫人。萬望委曲。覘便而言。勿使妾爲觸藩之羝。〔旦〕曉得。〔外老旦貼〕故山催去旆。虛館駐征鞍。〔同下旦院子弔場旦〕

〔翫仙燈〕馬隘車填。盡來往平沙堤上。〔院〕稟夫人。此間已是府前了。〔旦〕通報。〔院稟生上〕聽門前笙歌亂嚷。是必德耀來歸。慰我終朝懸想。〔相見介〕乍對還疑。把銀缸今宵照朗。〔西江月〕〔旦〕相公。你門下三千錦帶。營前十萬吳鉤。貂冠綴玉列通侯。灌絳自來非偶。〔生〕夫人。我看取今朝富貴。追思昔日風流。〔掩淚〕美人何處狎盟鷗。江水湯湯如舊。夫人。岳父岳母既到江關。何以不同進府。〔旦〕他有行裝欲整。少留在船。想將次就來也。相公。我與你久

別初逢。況當成功沐寵之日。奴家看你顏色。恰似有事挂心。鬱然不樂。卻是爲何。有話就說與奴家知道。〔生〕卑人從沒有甚事挂心。〔歎介〕夫妻之間。何故隱瞞。〔生〕實沒有甚事。〔雜扮差人上〕小人蒙謝老爺差請法師。特來回話。〔見介〕稟爺。清真觀法師已喚過。請問老爺幾時起醮。〔生〕且在外廂伺候。〔旦〕相公爲何要修設醮事。〔生笑介〕如今瞞不得夫人了。待下官從頭說來。

〔獅子序〕心中事實可傷。記當年尋春興狂。趁東風郊外。爛醉霞觴。〔旦〕相公。你那一日不醉。說他怎的。〔生笑〕提起那一日的浪蕩。見有個少年娘。似花芳如玉。

朗。頻頻回望。〔旦〕那時曾與他講句話兒不曾。〔生〕卻不道兩情願許。一盼心降。〔旦〕他講的什麼話來。〔生〕

〔太平歌〕他紆衷悃悃訴端詳。說道可喜春花還未放。東君有意來相訪。莫等待風雨來飄颺。〔旦〕後來卻怎麼了。〔生〕誰知道武陵人去水茫茫。惆悵錦機傍。〔旦〕這風波從何而起。〔生〕可恨那老虔婆呵。

〔賞宮花〕終朝鬧嚷。逼效野鴛鴦。〔旦〕他從也不從。〔生〕他立志堅如石。不作倚門。

妝覺起投梭來折齒。教他片帆空汎豫章艫。〔旦〕元來不肯接客。竟搬到豫章去住了。到得那邊卻怎麼。〔生〕

〔降黃龍〕他惶惶守志無移。拋卻琵琶。頓成絕響。眠思夢想。望長江。滴盡血淚千行。可恨老虔婆呵。又多方將伊逼強。跳不出冤家磨障。〔掩淚介〕咳。可憐因此上餓身魚鱉。漫隨波浪。〔旦〕這信兒相公那裏得來的。可是真的。〔生〕

〔大聖樂〕當日在江口回翔。那虔婆正在那邊謀死一個客人。恰相逢難隱藏。是他口口親供向。〔旦〕請問相公。那女子姓甚名誰。〔生〕縹風氏骨猶香。〔旦〕當元住在那裏。〔生〕落星橋居止。與我相親傍。〔旦〕相公。想爲這緣故。要追薦他。〔生〕我怎肯做負義虧心薄倖郎。相將薦往。願他脫離苦海。早上天堂。〔旦笑介〕

〔黃龍袞〕相公。你休將雨淚滂。你休將雨淚滂。休聽虛言誑。元氏縹風。且喜今無恙。〔生〕夫人。休得作耍下官。〔旦〕夫婿根前敢將言謊。〔生〕有這等事。如今在那裏。〔旦〕從匡山下便同來在江邊舫。〔生〕果有這事。喚左右。快到江口迎取王老爺大夫人。又有一位小夫

人進府來。〔雜應下生〕夫人且把相遇縹風的緣故說與下官知道。〔旦〕相公不知。匡山下有個伊尼大王。

〔前腔〕他威靈鎮一鄉。他威靈鎮一鄉。報賽從無爽。元來祭享的日子。要尋覓嬌娃。送入銷金帳。那縹風有幸得從釋放。因此我父親呵。領回家付妾身同供養。〔生〕有這等事。可喜可喜。〔外老旦貼同上雜隨上外〕

〔玩仙燈〕大府崢嶸。看人士往來瞻仰。〔老旦〕幸今朝同來相傍。〔貼〕豈意死裏重生。慰從來懸想。〔雜〕稟爺已是府前了。〔作同進生旦出迎介合〕玉潤冰清。喜今日重逢欣暢。〔生揖介〕岳父岳母。劣婿拜揖。〔外老旦〕賢婿少禮。〔旦〕縹風過來拜見了相公。〔貼拜介〕老爺請受縹風一禮。〔生扶看笑介〕果然是我縹風也。可喜可喜。夫人卑人一家會合。縹風九死得生。實是人間盛事。宜整慶喜筵席。〔雜〕筵席完備多時了。〔生〕將酒過來。〔送酒介〕

〔畫眉序〕捧雲漿。謾歌百福受天慶。喜江東新造典午重昌。建殊功麟閣標名。受異寵雲臺圖像。〔合〕自今追憶當年事。休笑酒徒無狀。〔貼送酒介〕

〔前腔〕少婦鬱金香。玉醴斟來琥珀光。笑當年織錦拂拭流黃。感一言結就鸞盟。歷九死終歸鴛幌。〔合前雜扮捧冊官上〕

〔出隊子〕恩從天降。貞女良臣世少雙。一朝殊錫兩褒揚。青簡黃麻麗日彰。共羨恩波湛湛洋洋。〔衆報詔書到外老旦生旦貼同出迎跪介官讀〕聖旨已到。跪聽宣讀。皇帝詔

曰。朕惟蓋臣貞女。人紀攸關。不加褒異。何以示風。朕實不德。遭家不造。王敦錢鳳相繼而起。濁亂乾坤。傾危社稷。匪爾謝鯤忠誠貫日。先斬元兇。江左彈丸幾於不屋。是用特拜爾爲太傅右丞相姑熟郡公。其所奏元氏女守節沈江一事。聞已幸免。鯤妻王氏收養不妬。並可嘉尙。王氏封姑熟郡夫人。元氏一品夫人。王鑒同妻羊氏。賜金幣以彰優老。有司仍歲給粟帛。周顛戴滯捐軀殉國。並贈太師諡忠烈。還着有司築造墳塋。謝鯤焚黃奠祭。伊尼王陰兵助陣。極爲奇異。特賜金五百兩。增修廟宇。改諡忠義大王。播告郡國。用知朕敦尙至意。欽哉。謝恩。〔衆山呼畢起生等〕天使大人拜揖。請少坐待茶。〔官〕聖上立等復命。不勞了。暫辭恩相去。來復至尊言。〔下生等走唱〕

〔雙聲子〕歡聲唱。歡聲唱。和氣滿烏衣巷。恩無兩。恩無兩。特旨拜頭廳相。復建

剏復建剏。威百丈。威百丈。藉鷹揚豹變。江左名將。

〔尾聲〕而今應受恩綸寵。半壁東南莫大功。看來總在區區一醉中。

笑傲當年莫與京。

浮雲功業一毛輕。

醉鄉日月如梭過。

斜對縹風聽曉鶯。

投梭記終

鳴

鳳

目錄

- | | |
|------|------|
| 第一齣 | 家門大意 |
| 第二齣 | 鄒林游學 |
| 第三齣 | 夏公命將 |
| 第四齣 | 嚴嵩慶壽 |
| 第五齣 | 忠佞異議 |
| 第六齣 | 二相爭朝 |
| 第七齣 | 嚴通宦官 |
| 第八齣 | 仙游祈夢 |
| 第九齣 | 二臣哭夏 |
| 第十齣 | 流徙分途 |
| 第十一齣 | 驛裏相逢 |

第十二齣 桑林奇遇

第十三齣 花樓春宴

第十四齣 燈前修本

第十五齣 楊公劾奸

第十六齣 夫婦死節

第十七齣 島夷入寇

第十八齣 林公避兵

第十九齣 鄒慰夏孤

第二十齣 端陽游賞

第二十一齣 文華祭海

第二十二齣 鄒林會試

第二十三齣 拜謁忠靈

第二十四齣

世蕃奸計

第二十五齣

南北分別

第二十六齣

二妻思望

第二十七齣

幼海議本

第二十八齣

吳公辭親

第二十九齣

鶴樓赴義

第三十齣

三臣謫戍

第三十一齣

陸姑救易

第三十二齣

易生避難

第三十三齣

鄢趙爭寵

第三十四齣

忠良會邊

第三十五齣

秋夜女工

第三十六齣

鄒孫准奏

第三十七齣

雪裏歸舟

第三十八齣

林遇夏舟

第三十九齣

林公理寃

第四十齣

獻首祭告

第四十一齣

封贈忠臣

鳴鳳記

明 王世貞 箸

第一齣 家門大意

〔西江月〕〔末上〕秋月春花易老。賞心樂事難憑。蠅頭蝸角總非真。惟有綱常一定。四友三仁作古。雙忠八義齊名。龍飛嘉靖聖明君。忠義賢良可慶。且問後房子弟。今日搬演誰家故事。〔內應〕是一本同聲鳴鳳記。〔末〕原來是這本傳奇。聽道始終。便見大義。

〔滿庭芳〕元宰夏言。督臣曾銑。遭讒竟至典刑。嚴嵩專政。誤國更欺君。父子盜權濟惡。招朋黨。濁亂朝廷。楊繼盛剖心諫諍。夫婦喪幽冥。忠良多貶斥。其間節義。並著芳名。鄒應龍抗疏。感悟君心。林潤復巡江右。同戮力。激濁揚清。誅元惡。芟夷黨羽。四海賀昇平。

前後同心入諫臣。

朝陽丹鳳一齊鳴。

除奸反正扶明主。

留得功勳耀古今。

第二齣 鄒林游學

〔風入松〕〔生扮鄒上〕燈窗十載困青氈。矢志不窺園。禹門一日翻桃浪。那時逞百丈樓船。霧起青山豹變。雷轟滄海龍蟠。〔鷓鴣天〕雄才銳氣丈夫豪。寄跡衡門嘆未遭。袖裏虹霓沖霽色。筆端風雨駕雲濤。業孔孟。志禹皋。不效尋常士子曹。養就經綸康濟策。須教明主躋唐堯。小生姓鄒。名應龍。表字德化。原籍陝西長安人氏。先人任浙江杭州府知事。隨任到此。豈遭不幸。怙恃雙亡。年幼家貧。不能回籍。因此入贅臨安沈氏。僑居附郭村鄉。俊髦雖育芹宮。桃李未榮上苑。然而爛爛錦心。夙寓凌雲之筆。稜稜玉骨。方乘犯斗之槎。志惟定國而安邦。學必升堂而入室。近聞得江西經元郭希顏。因會試便道在我杭州西湖報國寺看書。小生久仰其才學。特欲往從矜式。纔已別過荆妻。不免就道而行。正是欲求他日君臣會。且盡今朝師友功。〔下〕

〔前腔〕〔小生扮林上〕藏修畎畝費精研。未着祖生鞭。春風養就凌雲翅。行看取一舉冲天。筆底風雲席捲。胸中星斗光涵。〔鷓鴣天〕文光瑞氣連天碧。樓閣功勳先世澤。

金闕朝歸笏滿牀。瓊林宴罷花半壁。勉欽承。勤續述。驚世文章大手筆。臥龍驚奮舊精神。咫尺雲霄

應可陟。小生林潤。表字洪澤。祖居福建。本貫莆田。簪纓繼武。相傳二百年。科第流芳。丕著十三省。人稱無林不成榜。自誇有士可希賢。小生求聲影于先範。勵進修于弱齡。未能飛鞚詞林。且學揚鑿藝圃。爭奈蘭省無由踴躍。雲程未遂翱翔。久聞浙省多士。欲尋明師賢友。切磋點化。故此不憚千里之遙。一路行來。已到西湖上了。待小廝看着行李在船。自家閒步一回。果然好個西湖景。

〔前腔〕山光四顧接湖邊。勝概似蓬源。天開圖畫丹青現。那里有個朋友來了。人行處宛若羣仙。〔生上〕不禁無邊風月。常留有興英賢。這個是遠方朋友。想亦是鴻門之客。老兄拜揖。〔小生〕長兄失瞻了。〔生〕請問老兄高姓。仙鄉何處。〔小生〕莆田林潤。晚學書生。老兄想就是本郡。乞示尊姓。〔生〕鄒姓應龍。臨安弟子。請問到此貴幹。〔小生〕久仰大邦文獻。特來游學從師。〔生〕正是寸心千里。不約而同。〔小生〕老兄亦有此意。乞示明師。同侍研席何如。〔生〕本郡師友雖多。學生不敢謬薦。止有江西經元郭希顏。偶在此報國寺看書。小弟正欲往彼相從。〔小生〕小弟亦久式其文。望挈同去。〔生〕如此就請。〔小生〕年有長幼。兄先請。〔生〕地有遠近。還是兄先請。〔行介生〕那個就是報國寺了。林兄。你看湖水淨而長。天碧。煙光凝而暮。山紫。斷崖磧石磊磊然。似

我打不破的堅心。古柏蒼松森森乎。如我凋不殘的大節。濃淡烟霞。堪比仕途清濁。參差花木。猶如甲第後先。蟲天寶刹凌雲氣。吞日瑤山噴火光。到此地來。實添我壯懷也。〔小生〕鄒兄。你看巖穴崎嶇虎踞。溪流旋遶龍蟠。禪關寂寂。鎖住了一點聖賢心。嵐氣騰騰。變化着萬種風雲態。坐來時吟弄光風霽月。閒觀處徘徊雲影天光。好鳥枝頭亦朋友。落花水面皆文章。當此之時。豈不助我文興乎。〔生〕早上送過柬帖。想只在此山房。

〔阮郎歸〕〔小外扮郭上〕師顏祖孔究淵源。斯文一脈傳。紅雲紫霧路三千。浮名等曉烟。〔朝中措〕湖光激盪接晴空。山色有無中。宇宙皆吾度內。江山暫寄行蹤。文章班首。揮毫萬字。一灑成虹。待學蟠溪兩截。樂堯見舜同功。我郭希顏經學。忝魁江右。行裝暫寓西湖。惟求學足三冬。豈望朋來千里。不想今早有個柬帖來。說鄒朋友要相訪。不免啓扉等候。呀。請進了。〔生小生〕不敢。〔相見介小外〕豈有文章驚海內。謾勞車馬注江干。〔生小生〕神交向恨關山遠。今日相逢幸有緣。〔小外〕那一位是鄒兄。〔生〕學生就是鄒應龍。〔小外〕此位。〔小生〕學生是莆田林潤。〔小外〕如此遠勞。請問二位。武庫未窺。旌旄先指。有何見教。〔生〕某等井蛙眇見。樗鷲庸才。先生負山

斗之望。抱天人之學。敢撤虎皮而就正有道。願爲假館以矜式大方。〔小外〕鄒兄。默契當如周子。豪傑豈待文王。大才能自心師。學生豈堪相長。〔小生〕先生立言必宗聖門。觀水必於滄海。某等一貫未究乎淵源。六經徒得諸糟粕。倘蒙時雨之化。如坐春風之中。〔小外〕林兄。南金不須豔冶。卞玉何俟良工。師卽在爾同行。學豈待吾辭見。〔生〕先生不必過辭。受某等一拜。〔生拜介〕

〔玉芙蓉〕才猷壓衆賢。德望膺高薦。喜吾邦有幸。聿增文獻。道山學海功非淺。孔思周情文可傳。〔合〕平生願。必伊周始踐。預擬經綸。待時同對帝王前。

〔前腔〕〔小生〕行雲舒卷篇。止水清明見。喜吾儕相遇。出谷喬遷。夔龍禮樂承先範。班馬文章勸墨鉛。〔合前〕

〔前腔〕〔小外〕雙雙竦鼎元。來中青錢選。論功名須是。趁此芳年。二位學不在章句之間。文正公秀才時就以天下爲己任。你先憂後樂師忠彥。由義居仁效昔賢。〔合前〕二位高才。不必拘弟子之禮。請回寓所看書。三六九日會文便了。千聖本無心外訣。六經須拂鏡中塵。〔下生〕林兄。小弟有言相告。〔小生〕願聞。〔生〕千里相逢。是非偶然。小弟欲與尊兄拜爲兄弟。況

兄客途少伴。就在家下作寓。朝夕相資。三六九日到先生處會文。未爲不可。〔小生〕承兄厚情。只是
愚意不安。恐攪擾未便。〔生〕斯文一脈。何如此峻拒。況舍下離此不數里。舉足可到。〔小生〕如此從
命就去。〔生〕請了。〔行介小生〕闖越江山異。鄉村風景同。〔生〕小橋臨曲澗。冷淡是儒風。此處就是
家下。得兄光顧。蓬華生輝。先去打掃草堂迎候。

〔阮郎歸〕〔旦上〕春風吹水日銜山。停針倦倚欄。落花狼籍興闌珊。無心整翠

囊。〔生見旦介旦〕呀。官人。你早間纔去從師。緣何就回了。〔生〕有個莆田林友。同志相孚。欲要拜爲兄
弟。因請來到此。〔旦〕如此請過相見。〔小生見旦介小生〕率爾造謁。愧乏執見之儀。〔旦〕知子之
來。慚無雜佩之贈。〔生〕林兄請坐。〔小生〕鄒兄。小弟與兄結義。非止外交面友而已。須要死生患難
相扶。事業功勳共建。然後不負初心。〔生〕小弟正是此意。小廝取香燭過來。就此對天同拜。〔丑笑
上〕心締交情結。何須歃血盟。官人香燭在此。〔二生同拜天〕

〔玉交枝〕〔生唱〕神明默鑒。爲尋師喜逢大賢。天風吹下鸞凰伴。棘林暫爾棲
閒。從今後呵。應知管鮑重金蘭。不孤闖越攜書劍。〔合〕慶相逢千里有緣。如始締

百年姻眷〔小生〕請問鄒兄貴庚。〔生〕學生二十有三。〔小生〕小弟方年二十。兄長三年。從今後兄爲長兄。小弟執爲弟之禮。長兄請上。小弟有一拜。〔二生拜介〕

〔前腔〕〔小生〕身離海甸。爲論交得親範顏。襟懷醇酒春風面。鰕生幸有依瞻。從今後呵。遊江休掛杖頭錢。聞雞共舞燈前劍。〔合前旦〕奴家相見叔叔。亦有一拜。〔小生〕嫂嫂豈敢。〔小生旦拜〕

〔前腔〕〔旦〕家居清淡。謝英才不嫌素寒。門題鳳字承留戀。且須養晦林泉。願叔叔與我官人呵。瀛洲同泛濟川船。伊吾共仗屠龍劍。〔合前生〕賢弟到西園書舍中安歇。叫小廝去舟中取行李上來。

〔生〕湖海蛟龍未出潛。〔旦〕蓬窗結義勝桃源。

〔小生〕要將赤膽成匡濟。〔合〕且向青燈共勉旃。

第二齣 夏公命將

〔副末上〕鳳閣龍樓位鼎台。朝朝輻輳滿庭階。全家並受君王寵。總是書中讀得來。自家是夏太師

府中院子。姓朱名良。原籍杭州城內一個裁縫。向年夏老爺起用。在我敵地經過。喚我去做衣服。不想段正裏面都是金皮包裹。我竟送還了夏老爺。因此老爺信我誠實。帶到京中。用我掌管出入。呼爲朱裁而不名。正是不戀故鄉生處好。受恩深處便爲家。只是我老爺到京。不以承家繼嗣爲心。惟以恢復河套爲事。竊恐嚴家妬忌。不能成功。咳。爲人臣者固當與君之難。但恨我爲人僕者不能分主之憂。如何是好。道由未了。老爺已歸朝矣。

〔瑞鶴仙〕〔外上〕林壑悠閒地。怪當朝僚友推尊宣諭。君恩載隆日。效阿衡左。右。傅巖霖雨。丹辰赤鳥。恐誚南山瞻具。會芝田失種。不堪回首。謾縈心緒。〔鷓鴣

天〕金闕岩曉殿影重。殊恩常錫未央宮。爵崇一品思君寵。祿享千鍾愧我榮。登紫閣。拜丹楓。鳳凰池上集夔龍。越裳未奏來重譯。願展東山破斧功。下官華蓋殿大學士夏言是也。原籍江右。別號桂洲。官居九鼎之尊。位列三公之首。向因桑榆暮景。蘭桂無芽。乞骸骨于江西。樂優游于林下。何期薦章累上。豈容臥謝安于東山。詔命頻加。終至召寇老于南海。遂作下車之馮婦。竟忘解組之兩疏。再受君恩。重叨國柄。非敢謂斷斷休休。聊以盡洞洞囁囁。追想河套之地。淪于土木之災。虧祖宗之洪

圖實臣子之大罪。敢此運籌。潛圖恢復。昨已差都御史曾銑總制三邊。自謂得人。但恐內有嚴嵩忌功。外有仇鸞負固。不能成就大功。反使藉爲口實。朝夕憂懣。寢食皆忘。夫人易氏。憐我無子。前在揚州娶一女蘇賽瓊。用作偏房。以圖後胤。又恐他未閒婦道。不免請夫人訓誨。正是常將國事兼家事。安得愁心易喜心。朱裁請夫人賽瓊出來。〔副末〕老夫人瓊姐有請。〔老旦貼上〕

〔點絳脣〕〔老旦〕紅杏飄香。柳含烟翠。拖金縷。小樓朱戶。門掩黃昏雨。〔貼〕燭影搖紅。一枕傷春緒。歸不去。維揚何處。芳草迷歸路。〔老旦相見介〕相公萬福。〔貼〕老

爺叩頭。〔老旦〕相公憂國憂民。固大人之任。宜家宜室。亦人道之常。旣當退食委蛇。何故臨風長嘆。〔外〕夫人無官一身輕。我爲有官所累。有子萬事足。我爲無子所牽。旣歎報君之忠。又失承先之孝。觀此白駒彈指。豈堪華髮蒙頭。〔指貼介〕況此妮子本爲繼嗣。倘失教于今日。恐貽悔于它年。望夫人早晚訓誨。予心始安。你聽我道來。

〔桂枝香〕我功名韁繫。身心萍寓。自憐倦鳥思還。誰念孤鴻天際。這愁懷怎除。這愁懷怎除。賽瓊。願你習閒母諭。保全節義。謾思之。趨庭未見斑衣舞。勒鼎翻

成墮淚碑。

〔前腔〕〔老旦〕相公。邊陲驚異。雲山迢遞。應知望重招讒。須要急流勇退。把愁眉且舒。把愁眉且舒。賽瓊。望你早傳麟趾。永錫賢裔。謾思之。願將樛木連枝舉。早見螽斯振羽飛。

〔前腔〕〔貼〕柳眉攢翠。花容憔悴。慚非金屋嬋娟。誤作玉堂姻契。願箕裘永垂。願箕裘永垂。相公夫人。從此見星入侍。脫簪待罪。謾思之。除非夢協熊羆日。不負恩同魚水時。〔副末〕稟老爺。曾都御史來見。〔外〕請進來。夫人賽瓊迴避。〔老旦〕苑內鶯簧方引調。〔貼〕門前車馬又喧騰。〔老旦貼下〕

〔夜行船引〕〔末上〕萬里干城膺重寄。拜元戎威權極矣。嵩洛腥羶。關河鼎沸。願挽天潢一洗。下官右副都御史曾銑是也。蒙差總制北邊。特來拜辭內閣。纔已報過。不免進見。

〔相見介末〕職任三邊懼不勝。〔外〕胸蟠萬甲素稱英。〔末〕國家重地淪亡久。〔外〕捲土重來在此行。〔末〕曾銑一介書生。遂叨重任。九邊將士。並聽飛符。誠一軍之皆驚。愧六韜之未熟。若不先參帷

輓。豈能出掌貔貅。敢此拜辭。并求方略。〔外〕曾先生。國家大事。韋虜爲憂。況此河套。原爲我地。不意
己巳之變。遂淪左衽之區。上厪宵旰之憂。下混華戎之辨。誠臣子枕戈待旦之時也。此去膺長子帥
師之任。慎上兵伐謀之機。小則效蠶食以復其疆。大則奮鷹揚以搗其穴。倘能雪恥酬先王。除兇耀
千古。不惟功在社稷。抑且澤及生民矣。先生勉爲之。〔末〕謹領教。學生就此拜辭。〔拜介〕

〔二學士〕親總皇師辭帝里。旌旗動鬼泣神啼。破胡必用龍韜策。積甲應將熊
耳齊。〔合〕看取單于來繫頸。將功烈鐵柱題。

〔前腔〕〔外〕暫解金龜掛鐵衣。展胸臆萬甲光輝。北門鎖鑰萊公在。西夏威名
范老齊。〔合前〕〔末〕老大人。學生還有一言相告。自古內無權臣。然後外有良將。學生此去。倘或中
制外監。有謀無用。區區一身。固不足惜。竊恐有負老大人報國之心。〔外〕闔以外將軍制之。先生不
必過慮。

〔前腔〕〔末悲介〕我白面書生蒙薦舉。當國難何以家爲。老大人。我只怕過河忽聽
金牌召。分闔空揚織字旗。〔合前〕但願中朝無遠制。文和武免猜疑。

〔前腔〕〔外〕你擊楫中流志莫移。恢土宇復整華夷。曾先生你須要闕氏血濺中原馬。可汗頭梟太白旗。〔合前〕

〔外〕塞北干戈戰血紅。

〔末〕專征一面拜元戎。

〔外〕長城萬里君須寄。

〔末〕管取天山早掛弓。

第四齣 嚴嵩慶壽

〔夜游朝〕〔丑上〕博帶峨冠身顯耀。登甲第始趨朝。富貴情懷苞苴志量。那管

經綸廊廟。金榜臚傳姓字題。從今脫卻破藍衣。滿堂金玉重重富。誰信當年一腐儒。自家趙文華。浙

江慈谿人也。名登黃甲。官拜刑曹。只是平生貪利貪名。不免患得患失。附勢趨權。不辭吮癰舐痔。市

恩罔寵。那知瀝膽披肝。且是舌劍脣鎗。有一篇大詐若忠的議論。更兼奴顏婢膝。用幾許爲鬼爲蜮

的權謀。陷害忠良。如稱鉤打釘。拗曲作直。模稜世事。如蘆蓆夾囤。隨方就圓。不學他一榜三百人。賽

過那八關十六子。我想起來。若不乞哀于黃昏。怎得驕人于白日。惟有謹身殿大學士嚴介溪。權伴

人主。位冠羣僚。公子嚴東樓。總攬朝綱。裁決機務。四方貢獻。多歸其府。滿朝顯要。半出其門。京中有

大丞相小丞相之稱。家內有真兒子假兒子之號。爲何有假兒子之號。但是大小官員。拜他爲父。卽加顯擢。故此門下乾子頗多。下官久有此心。無由進見。且進見之時。必有贊禮。若不投其所好。怎得重用。因此費盡心機。訪得今日是他生日。預差人澆成一對壽燭。外用金皮包裹。雕刻五彩龍鳳。內用奇方制度。暗藏外國異香。點上燭時。百鳥皆來。香烟結成福壽二字。豈非無價之寶。又訪得他新造一所萬花樓。極其華采。止少一條鋪單。被我買囑匠人。量了他尺寸。前往松江打一條五彩大絨單。鋪在他樓上。實爲曲盡人情。那嚴東樓。豈無所愛。又將上好荆金打一個凜器。用珊瑚寶玉箱嵌。妝點奇異春畫。私奉與他。咦。不要說嚴東樓。就是泥人也要歡喜起來。他家書房內羅龍文。門上牛班頭。又各送銀一百兩。求他爲先容之地。亦可謂周到矣。前項禮物并羹果。昨已差人送過。今日竟去把盞。不免就行。迤邐行來。此間已是嚴府前了。把門大叔在麼。〔副末應上〕呀。趙先生拜揖。〔丑背云〕怎麼不謝我。待我問一聲。牛大叔。昨日小禮到了麼。〔副末〕吓。我做公人的極怕倒賊。昨日送得些東西。今日就要倒了。〔丑〕不。我問小禮曾送到否。〔副末〕這個有了。只是少些。〔丑背云〕這一個戲丫麻。一百兩銀子還嫌少哩。〔副末〕你怎麼罵我。〔丑〕豈敢罵大叔。我慈谿鄉語。但是敬重那

人就叫他戲丫麻了〔副末〕如此多叫我幾聲。折了銀子罷。〔丑〕這個就叫戲丫麻。戲丫麻。嗟娘戲丫麻。〔副末〕怎麼有個娘字在裏面。〔丑〕娘者是好也。〔副末〕罷罷。我不計較了。〔丑〕多謝大叔扶持。我且先問一個消息。昨日送七寶盪器。大老爺歡喜麼。〔副末〕大老爺見了大惱。說道他是奉承僚子。不奉承我。〔丑〕如此怎麼了。〔副末〕趙先生不要慌了。被我解說得好了。我說道別人送禮。不過口內喫的。身上穿的。耳中聽的。眼前玩的。也不爲十分奉承。這個東西纔是呵卵拋的樣兒。〔丑〕老老爺見了大單子也喜麼。〔副末〕老老爺把那單子鋪在樓上。只見一寸也不多。一寸也不少。那時不勝踴躍。脫下了朝靴。光光里打了十七八個大滾。〔丑〕這是個赤脚光棍了。〔副末〕不是個赤脚光棍。那里稱得這樣大鋪。〔丑〕大叔。今日老老爺壽誕。特來祝賀。煩你通報一聲。〔副末〕如此少待。〔下丑〕弔場作醜態。跪介淨扮嚴嵩。副淨扮世蕃。末扮羅龍文。副末持壽燭酒上。

〔寶鼎兒〕〔淨〕變理陰陽調鼎老。感荷皇恩深浩。〔副淨〕瑤池日暖。環珮風輕。御爐香裊。〔末〕棨戟門全家天祿。〔副末〕平沙堤獨行坦道。〔合〕看人在花前。花語人意。同歡同笑。〔副淨〕爹爹今日壽旦。孩兒聊具春酒。以介眉壽。〔淨〕今日是家宴。分付門上。倘

有各衙門官來賀。止收禮帖。免勞進見。〔副末〕刑部趙郎中跪門久了。〔副淨〕爹爹。這個且容他進來。〔淨〕請進來。〔丑〕進見淨介淨。昨蒙寶炬。如錫百朋。〔丑〕竭盡寸忱。仰祈萬壽。〔副末〕厚取重。拜嘉愧赧。〔丑〕庸才瑣瑣。幸賴提攜。〔丑末〕相見丑。〔羅〕先生。英豪幸聚一堂。〔末〕趙大人。喜起共期千載。〔丑〕老大人。我趙文華一則爲大人華誕。聊稱壽觴。一則欲拜大人爲嚴父。少伸孝道。〔淨〕多謝。多謝。〔副淨〕昨日趙榮江見惠鋪單。已知曲體人情。這對壽燭。想亦非常。〔淨〕如此就點上。〔副末〕應點燭介衆看介淨。呀。怎麼異香滿室。百鳥皆來。香烟上結成福壽兩字。果是無價之寶。〔丑〕可見老爺福壽天成。故壽燭中亦顯此祥瑞。〔淨笑介〕果然奇異。〔丑〕老爺請上坐。待兒子送酒。〔丑〕送淨酒。

〔錦堂月〕〔丑〕鳳蠟光搖。龍涎瑞靄。華堂恍如仙島。南極祥光。當筵喜臨高照。慶春風橋梓齊榮。樂晚景椿萱同操。〔合〕齊祝禱。願與國同休。萬年壽考。

〔前腔〕〔副淨〕送酒。自小。身拜龍樓。名班鳳闕。同歡月夕花朝。重慶堂開。孫枝更喜克肖。荷中朝誥捧黃龍。喜東海音傳青鳥。〔合前〕

〔前腔〕〔末送淨酒〕祈保天壽彌高。皇恩克鞏。永爲策勳元老。鶴算綿延。流年暗中重造。喜瑤池王母增桃。看仙仗安期遺寶。〔合前淨〕斟酒來。待我敬了趙羅二位老爺。〔前腔〕〔淨〕垂老華髮蕭疎。韶光荏苒。漸看不同年少。廣集英豪。只指望輔車相保。喜一門六貴同朝。羨五色全家封誥。〔合前〕

〔醉翁子〕〔丑〕聽告。從今效螟蛉子道。望恩相維持。仁兄引導。〔淨〕歡樂會風虎雲龍。羽翼相從。膽氣豪。〔合〕樽傾倒。看海屋籌添。旭日雲高。〔副淨〕承教。論吾翁是當朝顯要。且竭力趨承。盡心倚靠。〔末〕堪笑。那戇士狂生。獨立無親。枉自勞。〔合前〕

〔僥僥令〕〔丑〕花香沾繡襖。〔淨〕酒色映宮袍。〔合〕但見躋躋黛眉吹鳳管。連袂奏鸞簫。舞楚腰。〔副淨〕春花雖易老。〔末〕春景任遊遨。〔合〕直飲到興盡酒闌歌舞罷。明月上花梢。轉斗杓。

〔十一時〕謝天謝地謝皇堯。冀默佑無疆壽考。惟願甲子循環轉一遭。〔淨〕趙榮

江。我門下惟有鄢懋卿最幸。今日你又在他上了。明日就陞你爲通政。一應奏章都是你執掌。〔丑〕
多謝老爺。

〔淨〕筵開相府勝蓬萊。

〔丑〕壽比岡陵位鼎台。

〔衆〕海外奇珍爭獻納。

〔合〕君王又進紫霞杯。

第五齣 忠佞異議

〔高陽臺〕〔生扮楊上〕司馬清曹。郎官節鉞。微名已序鴛列。光岳攸鍾。須知要守全節。聞雞蹴起英雄志。看手中逆豎頭裂。怕爲臣尸位忘言。未成功業。〔滿江紅〕

執笏彈冠。相慶處九重恩渥。凝望眼。豺狼當道。謾繫心曲。鬻雪常持蘇武節。埋輪要挽張經轂。恐須臾白了少年頭。愁眉蹙。遇時艱。何須卜。事君數。何愁辱。笑談揮羽扇。掃盡塵污炎酷。三策驚分邪佞膽。一言寒卻奸回肉。看那時自在解朝簪。歸山谷。下官楊繼盛。直隸容城人也。忝中李春芳榜進士。除授兵部車駕司主事。夙秉精忠。素明大義。近日夏太師欲恢復河套。差都御史曾銑督兵前去。爭奈總兵仇鸞。素蓄不臣之心。每挾和戎之計。不肯發兵相助。反欲交通馬市。又將銀三千兩。買囑權

臣嚴嵩內外同謀。陰排會銜。下官目覩巨奸。豈容不奏。先把仇鸞一本。就將此揭帖。明告嚴嵩。使他知我假途滅虢之計。消彼得隴望蜀之謀。豈非一舉而兩得乎。正是要爲天下奇男子。須建人間未。有功。此間已是嚴府門上。通報兵部楊主事要見。〔內應〕奉老爺鈞旨。道我門無私謁。楊主事免勞進見。〔生〕有公事相稟。再報一聲。〔內應〕既有公事。明早入朝共議。不必在此纏擾。〔生〕好個納言宰相。是了。昨日本到通政司掛號。想趙文華報知。故把我峻拒也罷。就到趙文華家去。使他轉達嚴嵩。有何不可。迤邐行來。此是趙家門首。待我進去。看他何言。門上報兵部楊爺要相見。〔內應〕老爺要去嚴府議事。楊爺下次來罷。〔生〕哇。如此無禮。再去報。〔內應〕楊爺不要惱。老爺出來了。

〔番卜算〕〔丑上〕尺蠖欲求伸。卑污須自屈。昨陞通使與參謀。職在司喉舌。〔生〕

趙老先生拜揖。〔丑〕楊先生失迎了。請坐。小廝看茶。〔副淨應送茶上丑〕請了。〔喫茶介丑〕楊先生。這茶是嚴東樓見惠的。何如。〔生〕茶便好。只是不香。〔丑〕香便不香。到有滋味。〔生〕恐怕這滋味不久遠。〔丑〕楊先生到舍。有何見教。〔生送揭帖介〕老先生看這帖兒。就見其意。〔丑〕是送禮了。何勞厚賜。〔作揖介生〕不是。〔丑〕敢是請喫酒。不當厚擾。〔又揖介生〕不。這是學生上本的揭帖。

〔丑背云〕鬼魂又來了。〔生〕老先生請賜覽。〔丑接介〕如今不叫做本。叫他是蟋蟀鳴。〔生〕那有此說。〔丑〕今人處世就如蟋蟀一般。閉口深藏舌。安身處處牢。若還開口。就是催死了。〔生〕人孰無死。寒蟬鳴古木。便死也清高。蠅蚋墮泥坑。那閉口的只覺死得污濁些。〔丑〕這本且謾看。請問所奏何人。〔生〕是仇鸞。〔丑〕仇總兵是個好人。常有禮物送到嚴府。帶挈我們也是有的。先生如何劾他。〔生〕他按兵不舉。交通馬市。叛逆顯然。〔丑〕咳。先生管甚麼閒事。如今做官若要保全爵祿。還是淹
慎爲上。〔生〕老先生說那裏話。我楊繼盛呵。

〔高陽臺〕性秉鋼堅。心貞冰潔。豈因五斗腰折。〔丑〕不爲爵祿。爲着甚麼。〔生〕我祇爲那當道豺狼。無人抗疏能說。〔丑〕先生又不是諫官。這本也儘罷得。〔生怒介〕中熱。奸臣賊子須誅討。豈必定拾遺補闕。〔丑〕他也沒有甚麼好處。〔生〕還說不好。看斯人和戎易馬。行同陵律。〔丑〕楊先生待我打個關節與仇總兵。教他多將金帛送你。這本不要上罷。〔生〕老先生如此小覷下官。莫說金帛。就是三公之位。此心斷然不易。

〔前腔〕休說貨餽兼金。賂遺荆璧。教我怎移忠節。〔丑〕就受了些貨餽。也沒有人知。

〔生〕清白流風。暮夜四知難滅。〔丑〕差別卻衣凍死誠細事。羨昔日郭家金穴。你要盡忠。慕虛名空言無補。笑伊愚拙。楊先生。你既不爲利。也要避害。那仇總兵與我嚴相公最厚。此本一上。咳。我到不好說得。恐投鼠不着。誤傷其器。畫虎不成。反類其狗。那時悔之晚矣。

〔生〕不要說有害。就死也何辭。

〔前腔〕轟烈六尺微軀。一腔忠義。肯使行虧名缺。〔丑〕人生在世。也不要太輕生了。〔生〕爲國捐生。何慮粉齋骸骨。〔丑〕迂闊爲臣。豈必烹五鼎。笑狂直比于宗絕。楊先生。你急回頭。休思逆耳。謾勞饒舌。〔副淨〕稟老爺。嚴府相請。〔丑〕如此不得款留了。

〔尾聲〕〔生〕我呵。封章明日朝金闕。從頭細將邪佞列。〔丑〕只怕未信君心。你也空自說。〔生〕你念念不忘嚴府。恐被他人笑罵。〔丑〕笑罵由他笑罵。好官還我爲之。請了。改日相晤。

〔生〕咳。安得上方斬馬劍。盡教斬卻佞臣頭。〔不別下丑弔場〕這畜生。揖也不作一個。竟自去了。小厮。他口裏說些甚麼。〔副淨〕他說要斬佞臣頭。〔丑〕哇。可惡。這厮買乾魚的放生。不知死活。〔副淨〕老爺還是送流年的沒春。不識好歹。〔丑〕不是我老趙誇口。只消我略把口來一動。先斬那忠臣頭。

郭碌碌滾將下來〔副淨〕老爺凡事不可預料。倘若朝廷准了他本陸了他一個大的官。那時卻怎麼。〔丑〕那時我就撥身轉來。就如奉承嚴家一般奉承他了。〔副淨〕若如此。太覺勢利了。〔丑〕當今天下皆尙勢利。我就做一個勢利的頭兒。有何不可。〔副淨〕正是富貴不可測。時勢須當識。〔丑〕人前放個屁。也要看風色。

第六齣 二相爭朝

〔鳳凰閣〕〔外上〕官居台鼎。廣集衆思。同輔政。謾憂朔漠。有王庭。還懼朝端。添
愴。佞衷心耿耿。保天府萬載無傾。〔謁金門〕愁脈脈。忽見塞鴻飛北。旁午羽書盈案積。悶懷
堆幾尺。不憚汗流終日。豈作中書伴食。朝內奸雄除不得。誰人同着力。我夏言志存報國。力恢河套。
前日差曾銑督兵。幸他紀律嚴明。謀猷練達。可謂文武全才。爭奈仇鸞這廝。按兵負固。不肯相助。曾
銑屢請援兵。又被丁汝夔等以固守城池爲辭。若再不救援。前功盡棄。想是嚴嵩怪我老夫執政。又
忌曾銑成功。致令邊將寢兵。英雄喪氣。如何是好。今日特請老成部院商議。且看嚴嵩議論若何。
〔副末〕禮部李爺都院周爺來了。〔小外末上〕

〔宰地錦檔〕〔小外〕邊城塵土暗滄溟。勒石燕然未有人。〔末〕謾勞臺閣費經綸。補袞分憂志可矜。〔小外〕下官禮部尙書李本是也。〔末〕下官左都御史周用是也。蒙夏太師相招議事。不免進見。〔相見介外〕救時無善政。〔小外〕坐鎮有清風。〔外〕願借匡扶力。〔末〕同收擊楫功。〔外〕二位請坐。〔小外末〕不敢。〔副末〕嚴爺到了。〔外〕請進來。

〔菊花新〕〔淨上〕親臣密邇佐明君。順旨承顏稱上心。邊塞羽書聞。但幸中原平靜。〔相見介淨〕下官有事來遲。仰祈恕罪。〔外〕介溪公釋政而來。足叙盛情。〔淨〕二位勞待了。〔小

外末〕學生輩禮應伺候長者。〔外〕三位請坐。〔衆〕告坐了。〔淨〕啟太師。兵部丁汝夔。下官委他點盤軍器。不得進見。望太師鑒原。〔外〕今日是他職分之事。也該來議。既是介溪公有所委托。也罷了。〔淨〕請問老太師有何見教。〔外〕介溪公。你還不知胡虜犯邊。烽烟不息。督臣待救。帷幄無謀。皆我與你兩人之罪。如何是好。〔淨〕老太師。醜虜陸梁。自古有之。三皇不能化悔。五帝不能程督。故漢室和親。唐家納幣。典午當衰。五胡雲擾。靖康失計。二帝蒙塵。觀此虎狼之威。終是犬羊之類。今日之禍。必是梟悍守臣。不遵朝命。效甘延壽之開邊。蹈馮奉世之生事。致使虜騎長驅。犬戎犯順。然小醜盜

弄潢池。終無能爲也。爲今之計。不過戒嚴將士。固守城池爲上。若使戀戰貪功。必致喪師辱國。何如明先王荒服之道。峻四夷出入之防爲長。太師以爲何如。〔外〕介溪公差矣。先王守在四夷。謂彼此各有界限。王者不治夷狄。謂華夷不可相侵。未聞中國淪喪。置而不較者。故石敬瑭獻地契丹。罵名萬代。金國主捐燕蒙古。遺臭千年。況此河套一方。沃野千里。我祖宗披荆帶棘。開創何難。到子孫束手閉門。委棄甚易。赤子蒼頭。悉爲左袵。玉容粉面。盡被腥羶。迢迢古道。積橫屍。凜凜朔風。飄怨血。此誠我臣子所不忍見聞者。秦襄僭春秋之一國。尙欲復九世之仇。賈誼爲洛陽之少年。猶思繫單于之頸。我和你旣事聖朝。忝爲宰相。固宜滅此而後朝食。乃甘于喪師失地。天下後世。謂我等爲何如人也。〔淨〕太師。大抵建功立業。也要度德量力。趙有李牧。匈奴不敢近邊。蜀有孔明。南人不敢復反。苟非其人。必難成事。況河套之失。咎在前人。今旣沒于北虜。卽爲朔漠之鄉。得其人不足。得其地不足守。故牛僧孺不受悉怛。賈捐之請棄珠崖。古人所爲。必有定見。我國家四海盡屬版圖。何在彈丸黑子。百萬日增戶口。那須屑爾蒼生。若追踰垣之賊。必引斬關之盜。曾銑白面書生。未開軍旅。前旣輕爲。以取其敗。豈可重發而喪其功。以下官處之。先斬曾銑。鞞虜自退。〔外怒介〕

嚴介溪。你如此說。南朝可謂無人矣。大抵子不能爲親承家。卽爲不孝。臣不能爲君開國。卽爲不忠。故獻納二字。富弼強爭。睢陽一城。張巡死守。忠臣賢將。何代無之。顧用與不用耳。道濟若存。胡馬豈容南牧。李綱見用。趙家豈至北轅。若中有忌功之臣。則外無建奇之將。盧杞用而懷光叛。秦檜相而岳飛死。豈非孤忠被誣之故與。今曾銑有樂羊子之忠。不免謗書一篋。仇鸞有姚令言之悍。反加錫命三章。忠邪莫辨。用舍不明。時事可知矣。我老臣不能爲玉燭于光天。豈忍見銅駝于荆棘。明日奏過聖上。親總六帥。鞠躬盡瘁。死而後已。不必再議。〔淨〕太師且不要發惱。自古道順天者存。逆天者亡。皇上久厭兵革。方與邵真人修延熙萬壽清醮。太師要興兵。先已逆天了。〔外怒立介〕二位看他言語。就見心迹。正所謂長君之惡其罪小。逢君之惡其罪大。皇上修真打醮。必自小人導之。你就是個閉門修齋的王欽若了。〔淨〕這是聖意。與我何干。我不打緊。你且不要謗毀聖上。

〔北端正好〕〔外怒介〕恁說是俺謗毀明君。違了天命。不知是那一個詔佞公卿。把君權侮弄乾綱。案間沮了忠勳。俺這裏兀登登按不住心頭忿。〔小外〕老太師

且息怒。〔外〕劾微忱拚死捐生。做不得拂鬚參政。俺待要對天朝明訊于君聽。

〔淨〕我與你同爲宰輔。只是未遠一間耳。也不要太欺侮人。

〔倫秀才〕〔外〕俺這裏持身剛正。你說甚麼太欺人。誰知是你們作釁。俺和你矢天日辨個忠誠。〔末〕老太師此心。表表可見。〔外〕俺待學會澶淵提着過河兵。俺待學擒元濟安着淮蔡民。祇爲那金甌破損。你不救那會銑呵。卻不道把檀道濟壞了長城。〔小外〕足見老太師憂君爲國之心。〔外〕俺只是一心分破了帝王憂。兩條眉鎖江山恨。祇看俺的雪鬢星星。〔淨〕你是忠臣。我倒是奸臣。〔外〕還說不好。

〔滾繡毬〕你闢私門。賄賂行。半朝臣。皆從順。你狼吞虎噬。傷殘了萬民百姓。害得那有功臣百事無成。你是個老秦丞。再生奸佞。私寢邊兵。迎合着君王性。何異那守天雄。束手無門。〔末〕老太師且息怒。嚴太師必無此心。〔外〕則教你一時富貴如朝露。萬古奸回遺臭名。仔細評論。〔淨〕罷罷。我自去了。讓你忠臣多做幾年。要爲匿怨求名士。且做吞聲忍氣人。〔下外〕南渠白川二公。你看這奸雄竟自去了。我明日親自面君。先除奸佞。然後行師。〔小外〕老太師。自古道去河北賊。易去朝中朋黨難。忍耐些罷。〔末〕老太師。二虎不共鬪。相

如所以屈廉頗。兩賢不相戾。王濬所以讓王渾。還是慎重爲上。〔外〕二公曉得我平生剛介。倘有不虞。何惜一死。

〔煞尾〕我夏言呵。猛拚捨着殘生命。不學他覩覩依回苟祿人。接踵奸雄與日增。翹首邊塵何日清。怕聽嘶風胡馬鳴。忍見中原戰血腥。誰犯龍顏願剖心。誰向燕山去勒銘。追想高皇萬苦辛。可惜了一百年的基業無人整。呀。將俺赤惺惺的一片丹心化成灰燼。

〔外〕籌邊無計問如何。

〔小外〕忠佞由來是兩途。

〔末〕酒逢知己千鍾少。

〔合〕話不投機半句多。

第七齣 嚴通宦官

〔探春令〕〔淨上〕入朝劍履寵光鮮。滿皇都爭羨。暗通奄豎借威權。看指日龔家殄。恨小非君子。無毒不丈夫。夏言這廝侵我朝權。反加斥辱。昨與衆官商議。一心要援會銑。因我

執意不從。他要面奏聖上。爲此連夜回來。賄通內監。打聽上方欲修醮。他本已不敢進。前日被我心

腹劾奏會銑剋減軍餉。妄動失機。聖旨已批拿解來京。斬首無疑矣。夏言舉薦非人。誤國大事。上方在震怒。我欲乘機再托心腹劾奏。夏言假圖復地。每歲逼取邊軍常例銀二萬兩。以致將士離心。喪師辱國。謗毀聖上。謀立東宮等事。咳。夏言夏言。此本一上。你不知死所矣。只是他是個老臣。未必加刑。訪得皇上兩個謹身太監。素惡夏言。剛直不通貨賄。今日乘他落班。特請他來用幾句言語打動。再將些金銀啖他。教他以漸譖愬。激怒聖心。必然處斬。好計好計。〔老旦丑扮二監上〕

〔西地錦〕〔老旦〕貂帽時瞻仙仗。黃衣日染天香。〔丑〕權傾司禮驚東廠。不比以下中常。〔相見介〕老太師拜揖。〔淨〕二位老中貴拜揖。〔老旦〕老太師賀喜。〔淨〕老夫何喜可賀。〔老旦〕老太師還不知。上位正要罷兵。見你的和戎本。不勝歡喜。正要打醮。見你的修齋本。一發大喜了。明日就來召你監齋。道場完日。封蔭三代。豈非大喜。〔淨〕承見報了。請問二位原籍何處。〔丑〕俱在大同地方。〔淨〕近日有家信來否。〔老旦〕便是沒有。〔淨〕我也報你一信。又恐驚了二位。〔丑〕但說不妨。〔淨〕近日鞏虜攻陷大同地方。殺了無萬生靈。千里已絕無烟火。想二位宅上俱被害了。〔二監悲介〕身爲刑餘。又絕宗族。豈不苦殺人也。〔淨〕這都是夏桂洲要用兵。以致如此。〔老旦〕若

如此。洒家宗族。是夏言滅的一般了。〔丑〕平日不採洒家。今又害洒家一門。後有會期。就是洒家親父。也不饒他。〔淨〕老夫過蒙二位扶持。無以為報。小廝擡禮過來。〔二末應擡金上〕輸得自己財。贏得他人首。老爺黃金在此。〔老旦〕這是甚麼。〔淨〕荆揚好金二千兩。送與二位買小菜喫。〔老旦〕生受多次。這厚禮決不敢受。〔丑〕嘆。好金子。好金子。你不受我自受了。打一個金人跳一跳。〔老旦〕金人怎麼跳得動。〔丑〕你不曉得。如今的世界。錢會擺。銀會度。有了金子。豈不跳將起來。〔老旦〕只是受之無以為報。〔丑〕左右把老夏出稍了。〔淨〕小廝。竟擡到二位私宅。教管家收下。〔二末應下〕

老旦丑〕多謝多謝。不知太師還有見教否。〔淨〕若有人勅奏夏言。事無不實。全仗二位因風吹火。〔老旦丑〕這個不須叮寧。自有擺佈的手段。〔淨〕二位聽我道。

〔泣顏回〕那老賊呵。一旦擢高官。恃君恩。獨掌朝權。況他性存剛愎。把汝輩土視塵看。微功動虜烟。害良民肝腦塗荒甸。且覩他謗訕君言。豈容他骸骨歸田。

〔前腔〕〔老旦〕聽言。賢相免憂煎。我私讎欲報。厚貺相兼。天顏喜怒。暗地裏消息來傳。這傀儡苟延。須有日疏奏君王面。那時呵。仗胸中百煉飛鏢。管教他七

魄歸泉。

〔前腔〕〔丑〕老年富貴不歸園。反相排同道。侵奪人權。驕情傲態。欺凌咱狗尾
蝴蝶。看危亡眼前。恨不得一刺魚腸劍。老太師。不須你貨餽金錢。管教他血濺
京川。

〔淨〕當朝夏桂洲。

〔老旦〕堪笑沒來由。

〔丑〕天晴不肯走。

〔合〕直待雨淋頭。

第八齣 仙遊祈夢

〔副末上〕琴劍相逢浙水東。孤帆江上掛秋風。經綸功業匡時志。盡在仙游一夢中。自家是鄒秀才
家裏一個小童。我官人自從與莆田林官人結義。兄弟相從。郭相公講書會文。今郭相公已上京會
試。林官人要辭別歸家。聞得福建有個仙游地方。其神靈應。凡富貴功名未來之事。俱在夢中預報
先機。朝內公卿。江湖商賈。到彼祈夢。無有不驗。兩位官人亦欲往祈一夢。以下終身。且是林官人回
家便道。我官人并要送他。一舉兩得。行李已備。着我雇個船兒。遠遠聽見歌聲。想是有船來了。〔丑

唱山歌搖船上。山外青山樓外樓。西湖歌舞幾時休。只是我個船家犯子個徒夫命。一世麻繩拽到頭。〔副末〕搖過來。我教你福建地方去。〔丑〕弗見了地方。教我怎麼去。〔副末〕福建仙游縣去。〔丑〕載甚麼寶貨。〔副末〕止有兩個秀才。〔丑〕去賣醋了。〔副末〕是秀才官人要去祈夢。〔丑搖頭〕阿咳。不去不去。〔副末〕怎麼說了秀才就不去。〔丑〕他要賴我的船錢。〔副末〕那見得。〔丑〕秀才是一個儒者。書上說道。先儒以爲賴也。〔副末〕撐船的也要通書。〔丑〕我浙江文獻之地。蝦蟆也是會讀子曰的。不要說我是詩禮船家。〔副末〕一去一回。你要許多船錢。〔丑〕仙游去路遠哩。也得三年回家來。〔副末〕那裏消許多時。〔丑〕你不曉得由也爲之。比及三年。〔副末〕不要通書了。我與你直講。〔丑〕直講也賣三分一部。〔副末〕就是二兩銀子。我就搬行李來了。〔下〕

〔鵲橋仙〕〔生上〕閩山越水畫圖間。人聚散愁眉難展。潮平增闊舊江邊。頃刻見帆花飛電。〔小生〕鄉心縈繹。朋情留戀。從此雲山隔遠。〔合〕明朝同問九姑仙。試說向何年高薦。〔小生〕長兄。經年厚擾。兼領教益。雅愛高情。何時補報。〔生〕賢弟。無限別情。不勝悽愴。關山迢遞。後會難期。〔小生〕但願同登金榜。共序鴛班。那時相親有日。〔生〕榮枯有命。富貴

在天。全憑此去一夢。〔丑〕相公。船家拜見。〔生〕你的船寬大麼。〔丑〕好致廣大而盡精微。只是船底略有些漏。如今相公下去。也沒事了。君子居之。何陋之有。〔生〕且少待。

〔霜天曉角〕〔末上〕文場鏖戰。未遂登庸願。爭似白鷗江上。忘機正好閒眠。〔相

見介二生〕先生拜揖。〔末〕二位兄長拜揖。〔生〕請問先生高姓。仙鄉何處。〔末〕學生姓孫名丕揚。

陝西富平人氏。客歲忝領鄉薦。今春敗北禮闈。因家叔在貴處爲商。隨來游翫湖山勝景。以遣悶懷。

偶步江邊。得接二兄。但不知貴姓。并欲何往。〔生〕學生臨安鄒應龍。此友莆田林潤。千里從師。一心

相契。茲因功名未遂。特往仙游祈夢。〔末〕如此大志。必然高捷。但學生有一句不識進退的說話。不

知二兄容否。〔生〕願聞。〔末〕當今小人得志。季女斯饑。學生雖得僥倖。未知究竟如何。亦欲附舟去

祈一夢。望二兄見帶何如。〔生〕四海之內皆兄弟。就請同去。〔小生〕先生請下船。〔末〕煩二兄少待。

學生到寓所說一聲就來。〔下丑〕這個相公。我的船你做人情。我不去載他。〔生〕這是一個舉人相

公。怎麼不載他。〔丑〕呀呀。敬鬼神而遠之。便好歹招引他在船裏。是青白日裏撞鬼了。〔小生〕你不

要說。我加你一兩銀子罷。〔丑〕若如此。再搭得二三十人還好哩。〔末上〕二兄勞待了。〔丑〕三位

相公坐定。待我開船。你看我的船。也不要搖櫓。也不要扯撐。又不要使風。千里之程。頃刻就飛了去。
〔衆〕那有此事。〔丑〕相公到不曉得書中云。然非歟。曰非也。〔生〕不要胡說。快行路。

〔朝元歌〕〔末〕蒼茫遠天。霞映湖山掩。潺湲淺川。風急江湖濺。盼望家鄉。雲低隴甸。身似天涯飛雁。暮北朝南。功名豈隨蝴蝶翻。愁蹙兩眉間。魂勞一夢牽。

〔合〕仙游非遠。咫尺遇鬼神先見。鬼神先見。〔丑笑介〕這相公唱得好。我也唱一個山歌何如。〔衆〕也使得。〔丑〕相公今日上仙游。要做官時再去夢裏求。只是我個船家命裏當悔氣。教我灣塘拽撐幾時休。休回首。欲斷魂。數聲啼鳥不堪聞。〔衆〕好。到是歌頭曲尾兒。

〔前腔〕〔生〕萬里江拖素練。雲飛嶺欲顛。山側月難圓。輕泛孤蓬。縱橫水面。心似清波一線。千頃汪洋。陽臺豈思雲女仙。養就性中天。憑伊夢裏傳。〔合前丑〕鄒相公也唱得好。我也再唱一個歌頭曲尾兒。我替相公一樣年。我做船家你要去做官。世間多少弗平事。弗會做天沒做天。天將晚。日已曛。一聲殘角斷譙門。〔衆〕也好。

〔前腔〕〔小生〕滾滾浪花雪捲。歌聲起白鷗。檣影亂青天。野樹江雲。相隨同轉。

名似浮漚江上聚散茫然。高宗豈知良弼賢。欲棹濟川船。先期夢卜言。〔合前

丑〕林相公又會唱。我也再唱一個。相公祈夢要做官人。行子山程又水程。看看來到仙游縣。我只怕欠子船錢無處尋。尋宿處。行步緊。前村燈火已黃昏。三位相公。此間已是仙游了。請上埃去。待我扎住船兒。在此等候。總然一夜風吹去。只在蘆花淺水邊。〔下末生小生〕果然好個聖迹。待我先作一揖。然後去尋廟主。〔叫介〕廟主有麼。〔旦扮道士上〕洗硯魚吞墨。烹茶鶴避烟。洞門深鎖處。別是一壺天。三位公相拜揖。想來祈夢了。〔衆〕正是。〔旦〕公相。有其誠則有其神。有是心亦有是夢。先說姓名鄉貫。三位拜禱。然後待小道讀疏。〔末〕富平孫丕揚。〔生〕臨安鄒應龍。〔小生〕莆田林潤。〔旦〕請三位拈香。〔拜介〕

〔皂羅袍〕〔合〕幼負觀光深願。敢同心千里。拜謁先賢。〔末〕劉蕡初下對庭箋。

〔生小生〕仲舒未吐天人見。〔合〕功名富貴雖云在天。吉凶休咎須知預占。清

宵顯應華胥殿。〔衆跪介旦〕伏以寶鼎兒玲瓏七犯。青玉案燭影搖紅。行香子拈上綺羅香。尉遲

杯灑下沽美酒。堂上奏起大聖樂。庭前唱動普賢歌。全憑玉女傳言。須用金人捧露。奉請天仙子江

城子八六子降臨。遠佛閣。相迎瑞鶴仙。臨江仙。鵲橋仙。同坐慶春宮。老廟主作四朝元。小道士奉五
供養。字字雙念出歌頭調。聲聲慢聽我訴衷情。茲有信士孫丕揚。鄒應龍。林潤等。倘秀才初入青門
引。南鄉子未得御街行。日日鎖南窗。十二時用功不息。夜夜剔銀燈。千秋歲志願不休。步蟾宮要折
桂枝香。謁金門欲去朝天子。爭奈事業猶如風中柳。功名好似浪淘沙。雖嘗望遠行。未能好事近。依
憑卜算子。來見菩薩蠻。同過小重山。願入華胥引。乞差二郎神。到高陽臺。顯一如夢令。庶使三學士
應南柯子。皆得錦衣香。錦纏道上歸朝歡。晝錦堂內齊天樂。伏願洞仙歌。東風齊着力。三位公相。你
金錢花送入我門來。〔衆〕師父有勞了。〔旦〕三位就在此小房歇宿。晚間必有報應。〔旦下〕三人隱
几作寤介。淨扮金甲神上。天地大公。鬼神明鑒。報往知來。昭昭如見。看得鄒應龍等三人。夙抱經
濟之才。素懷忠義之氣。他日誅佞除奸。安邦反正。皆賴此三人之力。今來祈夢。上界差我預顯靈應。
不免將他終身事業。口占十二句。教他各人牢記四句。孫丕揚聽首四句。三人名一在內。千一來。高
山退。鄒應龍聽中四句。高山退。功爲最。八丘同。南北異。林潤聽末四句。南北異。木之川。郡無君。諸不
言。你各人牢記着。後必有驗。正是大抵乾坤都一照。免教人在暗中行。〔下衆作醒介〕

〔如夢令〕半熟黃梁方戀。數點殘鐘敲斷。奇哉奇哉。果有異夢。〔道士上〕神仙明要訣。卿相得先機。三位公相賀喜。請問孫相公有何吉夢。〔末〕學生夢一金甲神。贈十二句口占。教我記首四句。〔旦〕甚麼四句。〔末〕三人名云云。〔旦〕好夢好夢。鄒相公有何夢。〔生〕亦夢金甲神。教學生記中四句云云。〔旦〕好奇夢。林相公有何夢。〔小生〕就此金甲神。教學生記末四句云云。〔旦〕三夢相同。諒必俱是大貴人也。〔衆〕請師父解一解何如。〔旦〕這是仙機。直待後日自有應驗。凡人斷解不出。總是做官的吉兆。〔衆〕多謝多謝。〔旦〕還有一句話。若是讀書。便能做官。若不用功。只是做夢。三位請到後房素飯。〔衆〕不勞罷。就要下船去了。

〔末〕孤舟同泛到南瀛。

〔生〕止爲周公道未行。

〔小生〕蝴蝶夢中家萬里。

〔旦〕杜鵑枝上月三更。

第九齣 一 臣哭夏

〔謁金門〕〔小外上〕朝命降。不覺重裋流汗。心訝奸謀。緬懷忠鯁。幾迴腸欲斷。〔末上〕十載功銘鼎鉉。一日遽罹刑典。凜凜朔風天際暗。葵心飛散亂。〔末〕李

大人拜揖〔小外〕周大人拜揖〔踏莎行〕〔小外〕帝室堂堂。王臣蹇蹇。孤忠自立誠難免。豈堪螳臂挽車輪。徒思仗劍除奸險。〔末〕秉正萊公。嫉邪王旦。十年欽若藏深怨。李膺誅僂范滂囚。紛紛國事知時變。李大人。今日聖旨倒下。將夏太師付市曹處斬。我和你既有僚友之義。不免狐兔之悲。欲同大人到法場上與他一永訣何如。〔小外〕咳。周大人。元臣誅戮。國事反常。耳且不忍相聞。目豈容于親見。下官今早已差聽事官去打探消息。大人只在小寓待他回報。再爲之處。〔末〕李大人。自古未有首相典刑之理。夏太師雖在危迫。豈無一忠直之臣。保救元老。以全國家體統。〔小外〕周大人。嚴介溪交通內臣。譖愬已入聖心久矣。況今文武臣僚。多是他家羽翼。言路官員。箝口結舌。尙恐禍至。誰敢捨身力救。〔末〕若如此。桂洲公休矣。老天那。如何是好。〔小外〕他也自有些不慎密。〔末〕卻爲何。

〔紅衲襖〕〔小外〕他恃着屠龍手氣冲天。誰想道騎虎勢行山險。他做了蕭望之逢石顯。他做了趙宣子遇屠奸。他做不得亡家遠竄的窮張儉。怎學得辟穀歸山的松子仙。早知道功高望重招讒也。爭似桑田十畝閒。〔末〕李大人。夏公也只

是不識人。

〔前腔〕他只指望並鷓班馳後先。誰想道獨飛鴻遭冷箭。那嚴老呵。他是個李林甫腹中劍。他是個李貓兒笑裏奸。他待學妨賢病國的盧藍面。何異那平生奸僞的老曹瞞。夏太師呵。可惜你當朝倚重元臣也。卻被牢籠入死關。〔小外〕周大人。

夏公雖有小過。亦有大功。今日朝廷處得太過了些。

〔前腔〕他也曾鳳池環珮賜經筵。他也曾龍樓著作修墳典。他也曾和羹妙手調金鉉。他也曾舟楫宏材濟大川。縱然使蕭相國拘獄犴。難道比淮陰侯付市塵。今日呵。亮工補闕俱忘也。須信爲臣難上難。〔末〕李大人。聞言興慨。觸目驚心。夏公一死不打緊。

〔前腔〕驚得我戰兢兢歪了鐵豸冠。驚得我荒忙忙失了白象簡。驚得我氣漫漫冲倒了朝陽殿。驚得我鬧炒炒踢綻了皂靴尖。做甚麼持風裁烏臺憲。那裏有敢回天青瑣言。今日呵。擎天柱石俱頽也。一死須教輕泰山。〔小外〕周大人。此

時尙未有消息。或者夏公得生了。〔末〕若如此。不惟全了朝廷體面。我輩亦與有光。〔小外〕只是一件。夏公尙未有子。倘有不虞。是忠孝兩忘了。〔末〕李大人還不知。聞桂洲幼妾蘇賽瓊有娠。倘生得一子。亦不絕了忠臣之後。〔小外〕可喜可喜。若果然生子。是夏公爲我朝之趙盾。嚴老爲當世之岸賈。但恐程嬰杵臼無其人耳。這也是身後之事。萬一不免。妻孥就該流徙。皇上方在震怒。這屍骸誰與收葬。〔末〕這也不難。下官當以身任之。彭越死而季布哀。董卓亡而蔡邕泣。各盡其心而已。何禍患之有。〔小外〕此際已是午牌時分。如何還不見回報。〔小生扮聽事官上〕駭聞破膽驚天事。來報同心輔國臣。聽事官叩頭。〔小外〕你回來了。夏老爺事情何如。〔小生〕小的一言難盡。〔小外〕你且起來。謾謾的說個詳細。

〔東甌令〕〔小生〕承鈞旨親視閱。〔小外〕那時卻怎麼。〔小生〕小的到教場中。只見人馬重圍。鎗刀密布。被我撞將進去。萬刃叢中穿破穴。〔小外〕曾見夏老爺麼。〔小生〕小的見夏爺呵。赤身綁縛鬢蓬鬆。領後旌旗插。〔小外〕還見甚麼人。〔小生〕見兩旁立着劊子呵。虎狼開吻同蛇蝎。膽落心驚裂。〔末〕卻無人救他。〔小生〕咳周爺。

〔前腔〕畏奸雄言路絕。〔末〕可有人惜他麼。〔小生〕小的只見監斬官與衆人呵。面面相看
聲痛咽。〔末〕那夏老爺卻是怎麼。〔小生〕那夏老爺呵。低頭惟願早歸泉。淚滴湘江竭。
〔末〕那時怎麼結果了。〔小生〕那時只見一騎飛馬前來。小的將謂是留人。卻說時辰已到。監斬官
不得久留。霎時間只聽得喧聲震動。刀飛雪斷。卻常山舌。〔小外末哭介〕夏公果然斬了。
好苦殺人也。〔小外〕周大人。有這等非常之事。

〔四邊靜〕太山頽陷梁木折。憑誰挽傾轍。憂國更思臣。衷腸大刀折。〔合〕傷心
事切。淚珠難徹。萬里接天江。長流怨臣血。〔末〕人孰無死。只是他死得不明。

〔前腔〕孤忠此恨何時滅。無辜死繯綫。朝濟亂南山。妖氛蔽忠烈。〔合前小外〕夏
太師這一死呵。

〔前腔〕啣冤負屈心千結。無由告金闕。〔小生〕二位老爺。小的見夏老爺死時呵。怨氣滿
乾坤。今生與誰雪。〔合〕吞聲飲泣。故人永別。荒草暗愁雲。啼鶡帶歸血。〔末〕時事
如此。吾輩做甚麼官。

〔前腔〕兔亡鳥盡良弓絕。空勞盡臣節。〔小生〕二位老爺。夏爺臨刑。還有一句說話。〔小外〕他說甚麼。〔小生〕他說道寄與後男兒。休將簡編閱。〔合前〕

〔小外〕元老孤忠節義高。

〔末〕誰知中卻笑中刀。

〔小生〕身騎箕尾歸天上。

〔合〕氣作山河壯本朝。

第十齣 流徙分途

〔副末上〕〔菩薩蠻〕晉誅趙盾情何刻。楚逐伍員須滅迹。冤淚逐江流。閒花滿地愁。客散西堂別。燕語空梁月。患難去相投。何人是孔褒。我朱裁隨夏老爺到京。指望終身倚靠。不想我老爺爲收復河套。因與嚴家不合。被他陷成案獄。竟至典刑。昨日成殮。已停柩在城外西寺。又被嚴家羽翼。奏請罪人妻孥該流五千里外。今早旨下。將我老夫人并家小流到廣西全州安置。爲此家奴侍婢。個個逃竄。所存惟管家老媽與我朱裁夫妻而已。觀此淒涼風景。不容不淚出痛腸。〔悲介〕還有一節大不堪事。我小主母賽瓊姐懷娠五月。倘得生一子。亦不絕了夏氏一脈。但恐嚴家曉得。或在路途用謀。或在地方陰害。那時節。連我兩位夫人性命。俱尙不可保。豈能復存後嗣。爲此已定下一計。且待老

夫人出來與他商議。

〔霜天曉角〕〔老旦占泣上老旦〕來俟成案。災禍重重見。〔占〕堪悲死別在黃泉。

又苦生離荒甸。〔副末〕老夫人小主母。朱裁叩頭。〔點絳脣〕〔老旦〕鳥去巢危。未知飛止于誰屋。

〔副末〕飄零骨肉。生死同臣僕。〔占〕揉碎胭脂。滿地污香玉。〔副末〕分飛去。萋萋芳草。誰唱陽關曲。

〔老旦〕朱裁。相公既遭刑戮。我等即該流徙。但不知流在那裏地方。幾時解去。〔副末〕稟老夫人知道。在廣西全州。限明日起程了。〔老旦〕天那。苦殺人也。〔抱占哭介〕

〔哭相思〕〔老旦〕骨肉一朝皆拆散。分崩五內添悽愴。〔副末〕老夫人小主母。左右是

苦了。且不要啼哭。小人還有一言告稟。〔老旦〕有話但說。〔副末〕老夫人。人無遠慮。必有近憂。今日

我老爺雖死。幸得小主母懷五月之孕。倘生得公子。是謂不死。只是那嚴賊既結那殺身亡家之仇。

豈無去草除根之念。此去全州有千餘里。路途遙遠。難保無刺客奸人。弱質衰年。焉知不中傷受禍。

倘有疎虞。我老爺後嗣從此絕矣。海天大恨。何時得雪。〔老旦〕我也慮及于此。只是無計可施。〔副

末〕小人有一計。不知老夫人聽否。小人原是杭州。頗有故鄉親戚。老爺在日。嘗問我托妻寄子。待

我小人與妻子。今夜三更。先領小主母逃出。潛歸杭州。尋個仁厚長者。僑居幾時。待生公子徐圖復歸江西。老夫人明日權奉皇命。帶領管家媽。竟到全州。嚴賊見老夫人年老。又無侍妾相隨。必不加害。後遇天恩大赦。待小人與小主母迎歸老夫人。庶可再得團圓。豈非兩全之計。〔老旦〕此計雖好。但他州遠徙。舉目無親。我與賽瓊方將相倚爲命。豈可又作分離。〔占悲介〕我與老夫人願同生死。決不忍相離。況夫人年老。奴家幼弱。若然兩地艱難。左右同歸于死。朱裁。不如待我死于一處罷。〔副末悲介〕小主母差矣。生離死別。何人無之。不幸適在吾家耳。且患難之際。也要識禍之輕重。家破人亡。兩人又要拆散。豈非至苦之事。然不過狼狽憂思之苦。後日諒有相會之期。其禍還小。若同到廣西。見得一時相倚。恐中他奸計。覆宗絕嗣。此誠莫大之禍。老爺臨刑之時。我小人豈不欲死節也。欲留此身做個程嬰耳。小主母豈可爲無益之死。使老爺爲無後之鬼。早早分別爲上。〔老旦〕朱裁。忠心大義。只得要從他了。賽瓊。

〔尾序犯〕雙壁種藍田。舊燕新昏。恩情非淺。雨潤雲溫。忽遇他妖虹驚電。滿承望蘭芽瑞茁。誰料道江沱流散。分明是鶻鳩同處。一矢盡驚殘。

〔前腔〕〔占〕數載見星還。感荷仁慈。情同排雁。飛鳥依人。今做了喪家之犬。嘆
今夕難留信宿。知明日何方投竄。從今後雲山兩地。一樣落風烟。〔老旦〕朱裁事

勢如此。我兩人定是各分了。但我相公柩在西寺。此後再無一陌紙錢矣。今日將一盃別酒。待我與
賽瓊對此靈坐一拜。少盡其心。〔副末〕足見老夫人恩義兩盡。管家媽將酒過來。〔丑持酒上〕人生
有酒須當醉。一滴何曾到九泉。老夫人酒在此。

〔黃鶯兒〕〔老旦遞酒悲介〕殿閣老忠賢。爲讒邪落塹淵。一家零散如飛霰。形分
鏡鸞。恩離枕鴛。訴衷情不見生前面。恨綿綿。何時同穴。重締再生緣。

〔前腔〕〔占送酒悲介〕俄爾太山顛。望中堂散冷烟。花殘玉病愁何限。血流草川。
人離故園。長江瀉不盡。今生怨。淚漣漣。萬般哀苦。腸斷夜啼猿。〔副末〕小人也送老

爺一杯酒。〔悲介〕

〔貓兒墜〕我那老爺呵。官居清白。無有買山錢。可惜蓋世功勳未入鐫。楚峯雲斷
驟風前。追奠望耿耿英靈庇我歸園。〔丑〕我也拜老爺一拜。

〔前腔〕陰靈雖遠。忠義在人間。只有寡鵠孤鸞。苦棄捐。明朝楚越兩情牽。休怨。願夢寐相隨。永作雙鴛。〔內叫〕夏家大叔。我是刑部典差解官。差我解送老夫人等往廣西去。的上覆裏面收拾行裝。限明日起程了。〔副末應〕曉得了。明早伺候。老夫人小主母。事已危迫。請就此別了。各辦行程罷。〔老旦占抱哭介〕天下那有這等樣的苦事。

〔棹角兒〕〔老旦〕恨豺狼勢惡滔天。悲鸞鳳並遭危蹇。〔對占〕賽瓊。你爲亡夫愛惜花鈿。〔對副末〕朱裁。你到杭城潛居鄉甸。〔對天拜介〕告穹蒼并亡靈。同默佑早誕麒麟。〔合〕離情相戀。淚眼相憐。嘆一家冰消瓦解。曷勝悲怨。

〔前腔〕〔占拜老旦〕荷深恩得侍幃前。蒙大難各思飛遠。老夫人呵。念娘行未歷塵烟。〔對丑〕老媽媽呵。望維持保全釵釧。〔對天拜介〕告穹蒼并亡靈。同默佑永慰慈顏。〔合前副末〕拜別了老夫人。

〔前腔〕遇衰年善保慈顏。〔對丑〕老媽媽。你念恩母路途須眷。〔丑對占〕小主母。你育嬰兒節操須堅。〔丑對副末〕朱大哥。你效程嬰始終勿變。〔末丑同拜天介〕告穹蒼并

亡靈同默祐早返家園。〔合前〕

〔尾聲〕〔合〕痛分離腸裂斷。今生未卜見儀顏。夢裏除非可再圓。

〔老旦〕嫡妾相離別故鄉。

〔占〕未知棲止在何方。

〔副末〕此行不敢高聲哭。

〔丑〕恐怕猿聞也斷腸。

第十一齣 驛裏相逢

〔玩仙燈〕〔生扮楊上〕鐵面魚頭骨鯁志難酬。嘆神龍暫居涸蘄。萬里孤臣似風

飄柳。〔看指介〕只恐這手足皆疲。股肱非舊。一封朝奏九重城。夕貶宜山萬里程。折指不忘匡

濟手。丹心還是股肱臣。睜怒目。切朱唇。嘗懷按劍上彤庭。咳。我有朝感悟天王聖。把那誤國奸臣一

掃清。我楊繼盛。只因劾奏仇鸞逆賊。卻被奸臣威逼。問官將我手指拶折。脛骨夾損。必欲置之于死。

幸蒙皇上薄賜降謫。貶我爲口外邊城典史。又被當道不容。改爲廣西宜山驛丞。數月之間。奔走一

萬五千餘里。孤身到此。不覺踰年。幸喜上司說我是謫官。不必往來迎接。只是遐想朝中權臣奸黨。

終爲國患。近日驛中傳言。夏桂洲被嚴嵩誣陷。監禁在獄。不日處斬。我想起來。自古朝廷未有元臣

就慘。當朝臣子謾無保救之人。但我職卑。未見朝報。是以快快于懷。今日頗暇。不免到驛前閒步一
回。〔行介〕

〔月雲高〕風塵奔走。愁腸與誰剖。追想我昔日糾劾仇賊。豈是沽名干譽也。只要三策安邦國。一劍誅豪右。今日一事無成呵。憂國憂民悲傷兩傷憊。這貶竄之苦。也自甘無怨。榮辱皆由命。豈怨數遭陽九。但我平生不願與奸臣同朝。不斬元兇志不休。不到烏江不盡頭。那裏有一個男子。領着兩個婦人來了。不知是何處人。且待前來。便知端的。

〔掛真兒〕〔外扮解官同老旦丑上〕

懊恨風霜催老朽。長途顛沛多憂。〔丑〕吉網羈

縻。羅鉗掣肘。〔外〕西出陽關誰救。老夫人此處已是宜山驛了。聞知兵部楊主事。謫在此做

驛丞。老夫人且暫駐。待我進見。與他討個脚力。〔外見生〕楊老爺叩頭。〔生〕你是何處人。那裏認得

我。〔外〕小的是刑部典差解官。解送夏老夫人。流徙全州。在此經過。〔生〕是那個夏老夫人。〔外〕就

是當朝宰相夏太師的夫人。太師爲軍國重情。前已處斬。今特解妻小前來。〔生驚介〕天那。有此大

變之事。可不駭死了人。想此位就是夏老夫人了。請進驛中相見。〔生〕仙鸞儀範。何期邂逅途中。

〔老旦〕司馬威名。豈意遭逢客裏。〔生〕請問老夫人。老太師爲何遭此大變。

〔宜春令〕〔老旦〕吾夫主剛過柔。〔生〕爾介乃立朝之本。有何不可。〔老旦〕爲權奸攢成

寇讎。〔生〕朝中臣子。豈無一人救元老。〔老旦〕青蠅會聚。毫端無計。祈天祐。〔生〕老太師既

死。一家都被拆散了。〔老旦〕飄零我世澤箕裘。〔生〕老夫人得何罪。〔老旦〕風波我暮年

箕箒。〔生〕那奸賊果是不共戴天之仇。〔合〕這冤情石爛難忘。海枯不朽。

〔前腔〕〔生〕聽伊語不共讎。不要說親受其禍。使人聞心傷眉皺。這老太師呵。暮齡遭

難。況無令子承君後。老夫人。你平日呵。本是個天上鸞凰。今日受此大難呵。反做了風

中塵垢。〔合前外〕老夫人一路行來。萬般辛苦。特與楊爺討個脚力。望求方便。〔生〕這個定有。且是

小事。老夫人。廣西乃荆蠻之地。不比江南富貴。此去舉目無親。恐難存活。下官有個朋友。姓張名狎。

乃馬平縣人。前年已中鄉舉。會試京師。因與下官相厚。況馬平相近全州。待我修書。喚他周濟老夫

人。此人平生好義。決不失信于我。老夫人且權居幾時。諒必回鄉有日。〔老旦〕多謝恩官。〔丑〕這老

爺就是重生父母了。〔生〕老夫人請到後堂茶飯。待下官修書起來。〔老旦丑外〕貴人擡眼看。便是

福星臨〔俱下生〕叫驛卒取文房四寶過來〔副淨應上〕難中一紙書。勝賜千金惠。四寶在此。

〔一封書〕〔生寫介〕京師憶舊游。遇相知信義周。誰想別後兩年。京中有此大變。元臣陷死囚。痛全家復遠流。佐命忠勳應可惜。莫逆深交更轉求。到全州。望容優。存沒沾恩感不休。侍生楊繼盛頓首拜。鶴樓張先生厚契門下。書已寫完。叫驛卒速備肩轎兩乘。官馬一匹。送夏老夫人到全州去。〔副淨〕老爺驛中缺少轎馬。留待要緊官員。這老媽是失時人了。奉承他怎麼。〔生〕哇。你小人勢利。但知錦上添花。我砥柱中流。偏喜雪中送炭。快備過來。請老夫人出來上轎。〔老旦丑外上〕自憐送別無杯酒。誰信陽關有故人。恩官告辭了。〔生遞書介〕這是一封小柬。這是五兩俸銀。但恨官卑祿薄。不能厚贈。少助路途之費。〔老旦〕重蒙華翰。如錫百朋。這厚禮決不敢受。〔生〕老夫人。患難之中。不須過辭。解官收下。〔外接介〕多謝恩官。

〔鎖南枝〕〔老旦拜介〕遭命薄被徙流。喪家栖犬空奔走。盛德感賢侯。相逢信非偶。恩官。我今生報你的恩不成了。嘆今生事已休。效啣環怎能勾。

〔前腔〕〔生〕老夫人呵。潭潭府金作甌。一朝喪在奸雄手。你暫爾寓他州。時乖且

須守。倘有一日聖心回悟。那時呵。遇天恩早回頭。我楊繼盛倘有復見天日之時呵。到朝廷當保奏。〔對外〕解官。你一到全州。就將我書送與馬平張舉人相公。〔對丑〕老媽媽。路上好生伏侍。

老夫人。

〔前腔〕〔外丑拜生介〕蒙君惠惠難周。春風雨露沾枯朽。楊老爺。你鷄隊屈鸞儔。迤邐諒非久。〔合〕望天朝早召留。俾忠良同輻輳。

〔老旦〕骨肉凋零實慘傷。

〔生〕驛中邂逅意彷徨。

〔丑〕一時忠義相悲愴。

〔外〕千載芳名共勒章。

第十二齣 桑林奇遇

〔六么令〕〔旦攜筐上〕幽棲缺掌。遇良人暫困寒窗。尸饔薪水意彷徨。勤職業採繁桑。春風幾度添惆悵。春風幾度添惆悵。〔海棠春〕流鶯窗外啼聲早。睡未足把人驚覺。

翠被曉寒輕。羅帶東風裊。曲欄轉過。侍兒報道。架上春蠶就巧。試問後園桑。枝上存多少。奴家沈氏。幼適鄒郎。我官人學業雖成。功名未遂。且喜他暮習朝溫。不放白駒過隙。師嚴友益。須教黃鵠沖霄。

只是男攻經史。婦主蘋蘩。也要各盡其道。奴家幼習紡績之勤。頗識蠶繅之務。宅外有桑園一所在。于西郊。兩日蠶事匆忙。家無閒婢。不免自採一回。就此小路行去。

〔一江風〕〔攜筐行介〕謾攜筐。緩步蒼苔壤。泥軟鞋痕嵌。怎麼有許多狂蜂浪蝶。逐遊蜂。抖住小桑條。扯得雲鬟亂。〔採介〕綠葉應青衫。綠葉應青衫。纖纖素手忙。這是甚麼鳥鳴。聽倉庚兩兩聲嘹唳。方採得半筐。不覺手足皆倦。待我暫歇片時再採。我想起來。奴家採桑。不過爲蠶績之備。與我丈夫讀書成功的何異。

〔前腔〕嘆才郎。苦志學文章。似繭絲同樣。讀書的須要積學。就如蠶績的須要預備。趁今時收拾化工春。預作經綸釀。看他繡口錦爲腸。繡口錦爲腸。終成補袞裳。古人嘗有以此教子者。羨斷機教子功無量。那裏有一個背包男子來了。待我避在一邊。

〔六么令〕〔末上〕歸途勞攘。怕逢人愈覺匆忙。枯蓬斷梗去何方。雲漠漠。樹蒼蒼。投身無地難尋向。無地難尋向。我朱裁夫妻。自從伏侍小主母出京。受了萬千辛苦。已到臨安地方。且喜杭城相近。但我小主母弓鞋脚小。不能前進。只得慢慢引道。待我妻子隨他後行。

〔回頭看介〕還不見來。想他又走不動了。好苦也。不免在此少待。〔立介〕

〔一江風〕〔副淨扮朱妻隨占上占〕到村鄉。悽慘情千狀。渺渺魂飄蕩。苦窮途歷盡了風霜。瘦損了花模樣。一日幾迴腸。一日幾迴腸。如禁萬刃芒。別離愁都撮在眉尖上。奴家一路行來。萬般苦楚。不知前到杭州。還有許多路程。又不知到此地方。投向何人棲止。行到這裏。更覺腰疼脚軟。且在桑林下少坐再行。〔坐介旦〕好古怪。我看這女子相貌幽閒。情懷淒楚。那男人遠遠站立。老嫗不敢同坐。似有主僕之分。且是遠方來的。必有不得已之事。待我試猜他一猜。

〔步步嬌〕莫不是荆釵節婦投江上。莫不是塞上寒衣嬾。豈是個桑間游冶娘。莫不是曾母踰牆。緹縈訴枉。思忖這悲傷。教人疑慮難消暢。我就問他也不妨。〔相見介旦〕小娘子。你是何家宅眷。爲何到此。〔占〕一言難盡。

〔前腔〕我不爲着春山憔悴思張敞。不爲着鵲渡銀河朗。豈爲着陽臺夜夢寒。不爲着南浦雲飛。西廂月上。提起這災殃。教人未語先斷腸。〔旦〕小娘子。不須啼哭。你

且說個詳細〔占〕奴家蘇養瓊。是當朝宰相夏公之妾。不意我老爺被奸臣嚴嵩誣陷典刑。妻小俱流廣西。我老夫人憐我懷孕五月。欲延宗祀。恐同到遠方。被仇謀害。故此身當其難。着我潛地南還。〔指末介〕此人姓朱。原是杭州裁縫。我老爺知他可以托妻寄子。恩養數年。今日果不負所托。夫妻二人。領我到此。欲投個仁人長者。僑居幾年。且待仇家疑釋。徐歸江西。但不知從何去向。不免在此恹惶。〔末淨見旦〕有失迴避。萬望恕罪。〔旦〕難得你兩個好人。小娘子。我家丈夫鄒應龍。雖爲草茅章布之士。常懷渡蜩還帶之心。見你狼狽。必思安集。況家下幽居桑柘之地。絕無塵囂之染。宅外桑園之內。正有空房一所。你且權居于此。待我着老嫗朝夕陪伴。朱裁夫妻自到杭州營生。常來看顧主母。未爲不可。你意下何如。〔占〕過蒙厚情。足占大德。但我未亡之婦。不可投非戚之家。窮途固知顛沛。大節必要始終。恐萍水相依。有妨禮義。〔旦〕小娘子。守經行權。各有其時。撫孤恤寡。存乎一念。若非公孫杵臼。焉得趙氏孤兒。旣以遇難避仇。不必膠柱鼓瑟。況我官人忠義自持。別嫌有道。恐捨此而去。未必有可投之家。就在舍下權住罷。〔副末〕重蒙大娘子盛德。我主母只得借居于此。留我妻子伏侍。小人自到杭州做些生理。薪水之費。都是小人送來。〔旦〕這個也不須你的。我家自有粗

淡之需。〔副末〕小人送到宅上。拜見了鄒相公。然後敢別。〔占〕多謝恩母。

〔玉胞肚〕乍離閨幌。遇飄零其實可傷。嘆一門飛絮風狂。念孤身弱草濃霜。今日幸遇我恩母呵。相依撫字。如同漂母庇韓王。慰我顛連在異鄉。

〔前腔〕〔旦〕裙釵雅淡。在流離動止有常。小娘子你縱含着讎海冤山。應須有玉萬芝之香。今日我見你呵。相逢如故。公孫重見太平莊。永保孤兒育遠鄉。

〔前腔〕〔副末副淨〕大娘子。你情懷慷慨。荷相留大義怎忘。苦長途永宿淒涼。幸今朝萍跡安康。只是我老夫人不知下落。〔悲介〕天涯翹首。斷雲衰草在何方。安得

同歸返故鄉。

〔尾聲〕〔合〕遇艱難休悲愴。依人飛鳥暫相將。勿憶京華富貴場。〔旦〕家下就在

此間。小娘子請進。

〔占〕身家飛絮逐東風。

〔旦〕京國烟花總是空。

〔副末〕一葉浮萍歸大海。

〔淨〕人從何處不相逢。

第十三齣 花樓春宴

〔菊花新〕〔副淨上〕家君近喜破奸仇。柱國威權獨自收。機務與誰籌。朝命盡經吾手。斬蛇須斬蛟。獵獸須獵虎。除卻萬人雄。天下惟有我。嚴世蕃蔭藉家君。位同卿相。陰險勝如蔡

卜智謀遠過王雱。前日夏言老賊與我父親爭權。被我家直致典刑。妻孥盡皆流徙。我父子背始帖席矣。且喜君王寵眷。獨掌朝綱。兒孫滿堂。並食天祿。我父親嘗自題家慶曰。有我福。無我壽。有我壽。無我夫婦同白首。有我夫婦同白首。無我子孫七八九。有我子孫七八九。無我個個天街走。〔笑介〕我父之樂如此。我爲子者可知。到此地位。富貴極矣。但前日擺布夏言。多賴羽翼趙文華爲通政。沉捺保救之章。鄢懋卿爲御史。阻塞直言之路。二人之功尤大。今日父親分付。着我置酒萬花樓上。請二人同飲。并賀仇亡恥雪之樂。且朝中直言無隱之士。難保必無。倘有人再來干犯我家。還要二人協謀用力。不可就拔短梯。且把酒食來啖他一啖。纔已差人去邀。想就來也。〔未報〕趙鄢二位老爺到了。

〔前腔〕〔丑上〕官居樞要並王侯。全賴趨迎有智謀。〔淨扮鄢上〕屈膝一時羞驄

馬威風無右。〔丑〕下官通政司使趙文華是也。〔淨〕下官監察御史鄒懋卿是也。蒙東樓公招飲。

不免赴席請了。〔相見介〕副淨楊邊驅馱睡。〔丑〕海外獻奇珍。〔淨〕要賀重重喜。〔合〕花前對酒杯。

〔副淨〕小廝將酒過來。〔末〕盃擎紅瑪瑙。酒泛綠葡萄。老爺酒在此。〔副淨〕二位請上坐。〔丑淨〕大

哥在上。我二小弟焉敢。〔副淨〕今日敝賓主之禮。不論兄弟之情。請坐了。〔丑淨〕如此告坐了。〔副

淨送酒介〕

〔二犯傍妝臺〕賓主意綢繆。展開懷抱。同賞萬花樓。趙兄。我與你風雲會人罕有。

鄒兄。我與你魚水遇。永相投。我不效象賢匡太戊。且向歡娛學蔡攸。〔合〕喜逢

仇滅。還荷寵優。玉盃謾酌紫霞流。

〔前腔〕〔丑〕卑職久淹留。猥蒙提挈。得與廟堂謀。〔副淨〕這大單兒還是兄見惠的。〔丑〕

愧微禮休掛口。賴親德重如丘。四美二難真際會。九棘三槐盡我儔。〔合前〕

〔前腔〕〔淨〕愚弟荷相周。職居風憲。權壓衆公侯。這洪澤叨庇久。〔副淨〕承兄見惠

白玉盃。尚未有報。〔淨〕儀菲薄願難酬。我二窟成謀無限樂。九尾藏機不復憂。〔合

前副淨〕趙鄆二兄。今日我三人聚會。俱是心腹。各把心話講一講。大抵人生在世。如白駒過隙。既處富貴。必要及時行樂。請問二兄在家。有何受用。〔丑〕大哥。實不相瞞。小弟有兩個愛妾。一個叫憂人富。一個叫自怕窮。一夜之間。教他輪流伏侍。上半夜憂人富。下半夜自怕窮。豈不受用。〔衆笑淨〕若如此。一夜都不睡了。那得受用。不若小弟。也有兩個愛妾。一個叫忘恩。一個叫負義。終日教他侍立在跟前。左顧右盼。正是轉眼忘恩。回頭負義。豈不快活。〔副淨〕二兄都不是真樂。我家有個美人。喚名解語花。乃是平江伯送來的。絕色無雙。且善于音律。待我叫他出來。以爲侑酒之樂。左右。請美人出來。〔占〕舞低楊柳樓頭月。歌罷芙蓉帳底風。三位老爺。解語花叩頭。〔丑淨〕果然天下絕色。〔副淨〕今日要你吹彈歌舞。各顯所長。你先試歌。然後彈舞。〔占〕待奴家送酒就唱。〔占送酒丑淨〕伸頭作醜態。介副淨〕二兄敢是骨鯁了。〔丑淨〕不是。咽唾。

〔香柳娘〕〔占〕詠新詞勸酬。詠新詞勸酬。輕開檀口。白家樊素甘低首。轉清音。謾謳。轉清音謾謳。高調遏雲頭。陽春並先後。〔合〕且頻頻斟酒。且頻頻斟酒。聽鳳管齊鳴。鶯簧迭奏。〔衆〕唱得好。〔淨對丑〕你家憂人富。自怕窮。也有這等風致麼。〔丑〕你且

彈一曲〔占〕三位老爺請酒。奴家就彈。

〔前腔〕〔占彈琵琶介〕把琵琶掩羞。把琵琶掩羞。冰絃在手。翠眉蹙恨。毛延壽看。纖纖指頭。看纖纖指頭。飛電疾如流。明珠滿盤走。〔合〕且頻頻斟酒。且頻頻斟酒。看撥盡相思。消殘清晝。〔丑淨〕彈得尤好。〔丑對淨〕比你家忘恩負義的情趣若何。〔副淨〕

你且舞一舞。〔占〕老爺請酒。待我舞一回。〔丑淨立起看舞介〕

〔前腔〕〔占〕把霓裳斂收。把霓裳斂收。展開羅袖。腰肢袅娜。風前柳。任雲鬟驪頭。任雲鬟驪頭。珮玉響裙榴。花容汗香透。〔合〕且頻頻斟酒。且頻頻斟酒。看高下鶯飛。翩躚鶴驟。〔淨〕舞得尤好。〔丑〕酒闌興盡。日已將晡。〔衆〕望收了筵席去罷。〔副淨〕既如此。撤去了。

〔前腔〕〔衆〕把嘉筵且收。把嘉筵且收。歡娛良久。賞心樂事。緣非偶。嘆人生寄漚。嘆人生寄漚。一刻恣風流。黃金直千斗。且姑留美酒。且姑留美酒。待月夕花朝。酣歌依舊。

〔淨〕歌舞醉樓前。

〔丑〕當空月色懸。

〔副淨〕不照逃亡屋。

〔合〕常照綺羅筵。

第十四齣 燈前修本

〔緜山月〕〔生上〕天步有乘除。仕路如反掌。豺狼盈帝里。筆劍須誅攘。〔訴衷情〕

三年宦興落風塵。事業曉雲輕。昨將舊冠重整。義氣滿乾坤。悲栖楚。羨溫生。笑楊城。萬言時事。千古高風。一片丹心。我揚繼盛向爲諫阻馬市。謫貶萬里邊城。今因仇賊奸謀敗露。欽陞孤臣爲兵部武選司員外郎之職。竊喜不死逆鸞之手。以爲萬幸。而又轉遷如此之速。則自今以往之年。皆聖上再生之身。自今以往之官。皆聖上特賜之恩也。旣以感激天恩。敢不捨身圖報。目今蜥蜴雖除。虎狼入室。嚴嵩父子秉政弄權。妬賢嫉能。誅戮上下首相。賣官鬻爵。取利下盡錙銖。以刑餘爲腹心。招羣奸爲子弟。若不早除賊黨。必至大害忠良。向日王宗茂徐學詩沈煉等雖嘗劾奏。不過止言其貪汚而已。若其大逆無道。聖明尙出未知。下官目覩其奸。豈容坐視。今晚就此燈下草成奏章。明早上瀆天聽。倘蒙見准。朝野肅清。在此一本也。叫直書房的。取文房四寶過來。〔末持紙筆硯上〕太平無以

報願上萬言書。老爺四寶在此。〔生〕點明了燈。你自去罷。不須在此伺候。〔生執筆看本介〕這賊臣僭竊多端。正所謂罄南山之竹。書罪無窮。決東海之波。流惡難盡。這一幅有限奏章。教我如何寫得盡。〔寫介〕

〔解三醒〕恨權臣協謀助黨。專朝政顛覆乾綱。我寫不出他滔天的深罪樣。我寫不出他欺罔的暗中腸。他罪惡顯著的。那個不曉得。我只寫他一門六貴同生亂。更兼他四海交通貨利場。還思想。畢竟是衷情剗切。面訴君王。〔停筆看指介〕我這手指。前日已被拶折。終不免有些傷損。纔寫得數行。就疼痛起來。莫說疼痛。就死也何辭。

〔前腔〕嘆孤臣溝渠誓喪。祇爲那元惡猖狂。〔又寫介〕我楊繼盛雖非諫官。我若不言。更無人言矣。〔嘆介〕怪當朝無肯攀庭檻。又誰個敢牽裳。又寫得兩行。這手指就流血了。也由他。我只是一心要展擎天手。管不得十指淋漓血未乾。還思想。只須這淚痕血迹。感動君王。〔副淨扮小鬼上。隱燈下。作叫介。生聽介〕四面絕無人迹。敢是個鬼兒。

〔太師引〕細推詳。這是誰作響。我曉得了。是我祖宗的亡靈。恐有禍臨。教我不要上這本了。

心中自忖量。敢是我亡親垂念。咳。我那祖宗。你只願子孫做得個忠臣義士。須教你萬古稱揚。大抵覆宗絕嗣。也是一個大數。何慮着宗支淪喪。〔鬼又叫介生〕你不要叫了。縱然恁哀鳴千狀。我此心斷易不轉。怎能阻我筆底鋒芒。我就拚得一死。也強如李斯夷族趙高亡。〔燈下鬼現形介生〕呀。不惟聞其聲。抑且見其形。

〔前腔〕這是幽冥誰劣像。你在此現形呵。似教我封章勿上。你雖然如此。怎當我鬻言方壯。〔鬼作悲狀介生〕你自去罷。休得要在此恓惶。我理會得了。你也不是甚麼鬼。想是我忠魂游蕩。到死時也做個厲鬼顛狂。人生在世。左右一死。生如寄死誰曰難。須知安金藏剖腹屠腸。〔鬼滅燈下生〕可惡那鬼兒。竟把這燈兒打滅了。此際已將三更時分。小廝們俱已睡去。〔叫介〕小丫鬢點燈來。

〔生查子〕〔旦秉燈上〕良人素秉忠。封事頻頻上。清夜謾勞神。幽閻添悲愴。〔生〕呀。緣何夫人自家秉燈。〔旦〕此際已將夜分。丫鬢輩都睡去。妾聞相公在此喧嚷。故特秉燭而來。

〔點燈在臺介生〕夫人。有這等奇事。下官方在此寫本。只聽幽冥之中。漸作鬼聲。少頃忽見燈下。

現出一鬼。披髮赤身。滿面流血。似有悲切之狀。竟把燈兒打滅去了。〔旦〕此事奇怪。恐非吉兆。請問相公寫何奏章。〔生〕此乃國家大事。非夫人輩所宜知。你問他怎麼。〔旦〕妾聞臯夔稷契。優游無事。謂之良臣。龍逢比干。因諫而亡。謂之忠臣。妾願相公爲良臣。不願相公爲忠臣。〔生〕夫人。忠良本無二理。顧臣之遇與不遇耳。臯夔稷契。遭逢堯舜。故得吁咈一堂。設使當龍逢比干之遇。敢不竭忠盡諫。〔旦〕妾聞君子見幾。達人知命。陳平不爲王陵之戀。卒至安劉。仁傑不爲遂良之直。終能祚唐。王章殺身。忤王鳳也。鄴侯寄館。避元載也。況相公職非諫官。事在得已。縱然要做忠臣。養其身以有待如何。〔生〕夫人。食人之祿。當分人之憂。苟利社稷。死生以之。呂奉先爲國而殺董卓。鄭虎臣爲民而誅似道。匹夫尙然有志。直臣豈容無爲。我自草茅韋布之時。常恨不能見用。今見用矣。猶曰彼非我職而不言。是終無可言之時也。況今言路諸臣。不過杜欽谷永者流。捱拾浮詞以塞責耳。若我坐視元奸大惡。豈能除去。〔旦〕察言觀色。洞見其中。相公此本。想是要劾嚴老了。但投鼠必忌其器。毀檀恐傷其珠。嚴嵩寵固君心。賄通內監。夏太師且受其殃。曾御史並遭其毒。今上旣信他大詐若忠。必罪你居下訕上。倘觸犯天顏。恐禍有不測。鬼形悲泣。未必無爲。相公請自思省。〔生〕你還不知我平

生心迹。貪生害義。卽非烈丈夫。殺身成仁。纔是奇男子。況爲臣死忠。乃我之分。今日之本。我非僥倖不死。沽名干譽。多將頸血濺地。感悟君心。倘能剪除逆賊。得與夏曾二公報仇。我楊繼盛就喪九泉。亦瞑目矣。夫人何必苦苦相勸。〔旦〕相公堅執如此。夫婦死無葬身之地矣。

〔啄木兒〕〔旦悲介〕聽哀告說審詳。自古道從容就死難。念曾公忠義遭傷。痛夏老元宰受殃。看滿朝密張羅雉網。前車已覆須明鑒。相公。你休得要無益輕生絕大綱。

〔前腔〕〔生〕夫人。你何須泣不用傷。論臣道須扶綱植常。罵賊舌不愧常山。殺賊鬼何怯睢陽。事君致身當死難。你休將兒女情縈絆。我大丈夫在世呵。也須是烈烈轟轟做一場。

〔二段子〕〔旦〕相公。你此心何壯。矻睜睜銅肝鐵腸。我這苦怎當。哭哀哀兒啼女傷。〔生〕夫人。你譬如杞梁戰死沙場上。其妻哀泣長城斷。卻不道千載賢愚總堆黃壤。

〔歸朝歡〕〔旦〕兒夫的兒夫的節重義堅。頓忘了終身依仰。今朝後。今朝後未卜存亡。是伊家自詒災禍。倩誰祈禳。

〔尾聲〕〔生〕我明朝碎首君前抗。我那妻兒我死之後。你將我屍骸暴露休埋葬。〔旦〕卻爲何。〔生〕古人自以不能進賢退不肖。既死猶以尸諫。下官亦是此意。須再把義骨忠魂

瀆上蒼。

〔生〕赤心爲國進忠言。

〔旦〕休觸天威犯御顏。

〔合〕此去好憑三寸舌。

再來不值半文錢。

第十五齣 楊公劾奸

〔點絳脣〕〔末上〕斗轉參橫。玉壺傳點天階曉。鐘鳴長樂。仙仗千官遶。甲帳徐開

殿影齊。三更津吏報朝雞。風回上苑爐烟裊。日上瑤天雨露低。萬國衣冠春共育。五雲環珮曉相攜。

瑣闥禁闈重重閉。郎吏何須上諫書。自家乃本朝黃門官是也。身親丹陛。職侍紫宸。力贊經綸。功歸

機軸。雙龍地望。見許多舟楫濟川才。九虎天規。知無數鹽梅調鼎手。從容青瑣。躬承稷契近唐天。咫尺

尺黃袍。心切蕭曹依漢日。都俞吁咈。榮名動百僚。進退周旋。治道期千載。化行禹貢山川外。人在周官禮樂中。如今正是早朝時分。聖上已升寶殿。恐有表章傳達。只得在此伺候。道由未了。奏事官早上。

〔小重山〕〔生〕金殿峒嶢紫闕高。龍蛇盤結處。動旌旄。朝陽鵲壓雲濤。緋烟擁咫尺。赭黃袍。漏滴葵心亂。鐘敲蝶夢驚。滿懷憂國事。今日見明君。此處已是午門了。不免進去。

〔末〕奏事官不得擅入。就此拜舞。

〔神仗兒〕〔生舞蹈介〕揚塵舞蹈。揚塵舞蹈。手持文表。對彤庭拜了。遙望重瞳高。照尊殿陛。肅官僚。尊殿陛。肅官僚。〔末〕是何衙門官。所奏何事。〔生〕臣乃兵部武選司員外

郎楊繼盛。上啓天聽。

〔滴溜子〕微臣的。微臣的。職具兵曹。微臣的。微臣的。僭言直道。〔末〕你致是越職言事。〔生〕念微臣官卑職小。捐生報聖朝。欲除奸老。干瀆天威。望乞恕饒。〔末〕

有何文表。就在此披宣。

〔入破第一〕〔生〕具官臣繼盛啓。仰荷皇恩旨。陞臣爲署郎官職。干冒天威。臣謹誠惶誠恐。稽首頓首。伏念微臣。初登甲第。選兵司。爲劾仇鸞逆侶。遠謫邊城。地傷足脛。折手指。甘心爲棄人而已。豈想銓曹不限卑微。常例到京畿。特賜殊恩。復叨郎署。

〔破第二〕剩此微軀。皆賴天恩庇。捨身圖報。如何敢逡巡迴避。切惟元老嚴嵩。僭竊權侔人主。誤國殃民。奸謀久矣。

〔破第三〕那更上天垂象。降爾多災異。日下赤光。雷陰噎星墜地。又見崩山溢水。太史曾占。云是權臣所致。最可悲。他調燮無功。恐食祿有愧。

〔歇拍〕濁亂朝綱。逆天大罪。臣又訪得世蕃子。同票本。掌中書。乾子文華。協助奸雄之計。昔虜圍束手藏兵。誤殺汝變。

〔中滾〕賊嵩享厚祿。掛朱紫。出入承明地。惟肆苞苴。失人心。壞風俗。變成規。妄捏長孫效忠。從事江西。許冒軍功。世襲錦衣。

〔煞尾〕他總典樞機密構中常侍。恃五奸蒙十惡鬼神知。仇賊死猶遲。陛下優容。臣恐禍貽非細。視朝歸。親問二王。始知詳備。

〔出破〕若念老臣不加刑。遠惡州望安置。庶使權奸惡黨悉驅除。臣無任瞻天仰望。激切屏營之至。〔末〕楊先生此本好生利害。事已到此。只得與你進上。移步上金階。封章

達帝台。午門欽候旨。禍福自天來。〔持本下生〕今日之本。我豈不知有禍無福。但一則要報皇上再生之恩。二則要展生平忠義之氣。三則要與四海萬民除害。四則要與忠臣義士雪冤。正所謂鞠躬

盡瘁。死而後已。成敗利鈍。豈能逆觀。萬一僥倖不死。得除元惡。亦千古必無之事也。待我禱告上蒼。

〔滴溜子〕天憐念。天憐念。孤臣拜禱。今日的。今日的。死生未保。天那。可惜君恩難報。一封奏九重。知他聽否。我楊繼盛的斧鑕。圈圍都在這遭。本已進去多時。不見回

報。想是拿問了。且到朝房少待。

〔前腔〕〔末捧本上〕署郎臣。署郎臣。越班進表。干天聽。干天聽。龍顏怒了。道小臣居下訕上。把大師來輕誚。罪難恕饒。見有玉音午門聽剖。〔末〕聖旨已到。跪聽宣讀。

〔生跪介末〕聖旨道。楊繼盛這廝。因謫官懷怨。捱拾浮言。恣肆瀆奏。本內故引二王爲辭。是何主意。着錦衣衛好生打問。從重擬罪來說。〔生〕萬歲萬歲萬萬歲。

〔前腔〕〔校尉上〕奉聖旨。奉聖旨。旗牌宣召。到錦衣。到錦衣。依律問拷。〔衆扶生介〕楊爺。你無事休將言造。今日呵。災禍自家招。怎生是好。到我錦衣衛時。定無榮賞。惟有明條。

〔生〕忠臣不怕死。

〔衆〕怕死不忠臣。

〔生〕錦衣甘擬罪。

〔衆〕青史永標名。

第十六齣 夫婦死節

〔北混江龍〕〔外上〕丹書飛電。只爲那忠言逆耳。怒龍顏。三章定典。一劍橫天。看怨氣撒成千里雪。愁雲捲起萬家烟。訴衷情。冤深海樣寬。望長安日暗天還遠。舌吐了六曹兵馬。汗淋了五府牌官。執笏垂紳滿帝京。誰人能掃宇寰清。權奸未滅身先死。長使英雄淚滿襟。下官錦衣衛都指揮使陸炳是也。昨奉皇命。着我會同刑科都給事鮑道明。監

斬諫官楊繼盛。下官自忖職掌錦衣二十餘年。不知拿問了多少官員。羣臣雖上奏章。未有如楊椒山之激切。皇上雖嘗責問。也未有竟置之于典刑。只爲他尋差了對頭。今早內監口傳聖旨道。如有大小官員奏饒楊繼盛者。一同處斬。這便知楊公必無可生之路也。咳。楊椒山。楊椒山。夏太師且不免。何況于汝乎。你到今日呵。正是滿身是口不能言。遍骸排牙說不得了。〔衆報〕鮑爺到了。

〔粉蝶兒〕〔末上〕朔雪翩翩。看同雲四郊飛遍。聽金門上命初傳。把忠良如草菅。有言難辨。駭得俺毛骨竦然。最堪悲一封書斷送了三生夙願。下官刑科都給

事。鮑道明是也。奉命監斬楊繼盛。不免到此法場。呀。陸大人已先在此了。〔外〕下官已在此伺候。

〔相見介末〕十月天飛雪。多爲楊公泣。〔外〕杜宇聲悲咽。叫落枝頭月。〔末〕陸大人。今日雖蒙聖旨。

勅俺兩個監斬。萬一楊公有救亦至幸也。〔外〕鮑大人還不曉得。今早內監傳出聖旨。若有保救者

同斬。〔末〕口傳聖旨。未可盡信。〔外〕總然是假。誰敢再奏。〔末〕若如此。楊公命盡此刻矣。我和你

惟不能救。且監斬他。于心何忍。〔外〕皇命使然。無可奈何。〔內催介〕奉皇爺聖旨。嚴府鈞旨。着監斬

官速斬犯人回話。〔外〕既如此。左右。帶楊老爺過來。〔衆扮旗牌官劊子押繼盛綁上〕天作孽猶可

遠自作孽不可活。老爺斬罪犯人聽候。〔外末悲介〕

〔耍孩兒〕〔外〕楊先生你罔罔桎梏皆天譴。把事付東風休嘆怨。你鐵肝石膽真堪羨。邊城萬里方遭貶。邊城萬里方遭貶。嘆今日兵曹又受顛。少微月犯多災變。你本是個王朝柱石。埋沒在相府塵烟。

〔前腔〕〔末〕椒山兄羨君家立志堅。爲朝廷欲去奸。讜言直犯君王面。號神泣鬼驚讒詔。號神泣鬼驚讒詔。正氣漫漫塞兩間。貴戚權收斂。你本待要名標青史。先投下沒底黃泉。〔小外小生上小外〕靴尖踢倒鳳凰樓。〔小生〕怒氣沖翻鸚鵡洲。〔小外〕海

天冤忿憑誰訴。〔小生〕太白旗懸忠義頭。〔小外〕下官禮科給事吳國倫是也。〔小生〕下官監察御史王遴是也。今日我楊年兄被奸臣誣陷。在此典刑。特來與他永訣。〔左右報〕兩位科道老爺來了。〔相見介小外小生〕二位大人。生殺在手。可謂有權。〔外末〕二位大人。感慨在心。不得已也。請問掌科道長可曾保救楊先生麼。〔小外〕聖旨既下。誰敢再救。〔小生〕下官輩不過與他永訣。少盡同年之義耳。〔小外小生見生抱哭介生〕二兄不必痛傷。

〔前腔〕〔小外〕念吾兄節義全。衆流中獨挺然。歲寒松柏當朝選。忠臣要剖葵心獻。忠臣要剖葵心獻。折檻無功反受冤。吞卻魚腸劍。俺非是江州司馬也。落得淚溼青衫。〔小生〕老年兄。你當此大辟。又遇此大雪。一發苦了。

〔前腔〕嘆遭逢命運艱。更臨刑遇雪天。囊頭三木刑何慘。你足疲指折猶難免。你足疲指折猶難免。須與地下龍逢作比肩。血濺朝陽殿。俺非是蘇州刺史也。須知惱亂愁腸。〔小外〕老年兄。我和你從此一別。今生再無相會之期矣。小弟有挽詩一首。以備

我兄他日青史之助。〔出詩誦介〕食祿分憂士。憐君獨處難。囊頭追孟博。斷舌繼常山。雪映心猶赤。風吹骨愈香。傷心千古恨。揮淚洒斜陽。〔小生〕小弟次吳年兄韻也。贈一首。聊表吾兄忠烈之氣。

〔出詩誦介〕仗節多臣子。從容就死難。忠懷吞瀚海。義氣壓衡山。魂斷關河杳。名存草木香。丈夫無別淚。含笑赴雲陽。〔生〕過蒙謬贊。但死不足以塞責。終無益于朝廷也。天下事尙可爲。二兄好爲之。

〔左右報〕楊宜人來了。二位老爺請方便。〔小外小生〕好苦也。左右是一死了。只得去罷。正是見

君且斂湘江淚。恐逼愁人速斷魂。〔對外末〕二位大人請了。〔外末〕刑法所在。不敢送了。〔小外小

生下且手攜酒帛哭上

〔哭相思〕當日封章未上曾頻勸。何期此地遭迍難。

〔耍孩兒〕〔放酒壺在地抱生哭介〕我那相公呀。你纓冠束髮塵生面。似縲絏俘囚同

執轡。奴家今日在此呵。也是鬼門關上空留戀。你一腔忠義惟天鑒。你一腔忠義惟

天鑒。嘆六尺微軀無計全。千古興長怨。今日呵。將臨刑別酒斷送了合巹前緣。

〔內催介〕奉皇爺聖旨。嚴府鈞旨。着監斬官速斬犯人。毋得違誤。〔末〕曉得了。王法固不可留。私情

也要少盡。〔旦〕相公今日死後。奴家存亡未卜。雖有一陌紙錢。無人燒化。今日將一杯別酒。聊盡夫

婦之情。望容鑒納。〔遞酒介外〕左右。與他送一送酒。〔旦跪讀祭文介〕奴家自製祭文數句。以表

相公平日忠義之心。不免宣讀。維皇明嘉靖歲次乙卯十月朔越九日。未亡妻張氏。謹採首陽之薇。

挽汨羅之水。致祭于忠愍夫君奉直大夫椒山楊公之靈曰。於維我夫。兩間正氣。萬古豪傑。忠心慷慨。

壯懷激烈。奸回斂手。鬼神號泣。一言犯威。五刑殉裂。關腦比心。嚴顏稽血。朱檻段笏。張齒顏舌。夫

君不愧含笑永訣。耿耿忠魂。常依北闕。嗚呼哀哉。尙饗。〔外末左右劊子皆悲介旦〕雪中遭此大慘。

真個苦上加苦。

〔前腔〕看愁雲怨滿天。痛生離死別間。須臾七魄無從見。牽襟結髮今朝斷。牽襟結髮今朝斷。腸裂空山哀月猿。劍不出傷心劍。我那相公本是個飛黃千里。今做了帶血啼鴉。〔內催介〕奉皇爺聖旨。嚴府鈞旨。犯人不得久留。如遲并罪。〔旦〕一刻也不容。可

不苦殺人也。相公。你有家事欲言。說與奴家知道。〔生〕哇。婦人好不曉事。我平生那有家事。我浩氣還太虛。丹心照千古。平生未了事。留與後人補。〔外〕楊宜人。你且對天祈禱。一祈禱。你丈夫有人救他。未可知也。〔旦對天拜介〕天那。願少須臾無死。〔劊子作斬衆推生下。旦哭倒地。介外末驚作悲狀介〕楊宜人還未甦醒。可憐可憐。此際不好着人扶。你校尉們且叫聲。〔衆叫旦漸醒介〕

〔江兒水〕天那。我魂離體。魄喪泉。痛思鴛侶遭飛箭。我那相公。你一點丹心明素願。翻成白刃流紅茜。禍比史蘇尤慘。仇海冤天。對着誰人悲怨。〔外〕楊宜人。死者不可復生。請自寬慰罷。〔旦〕我未亡人還有一言相告。

〔前腔〕再啓吞聲慙。重開染血箋。〔懷中出本介〕粉身猶要將尸諫。大人。此本乃未亡

人代夫明志。尸諫感君之本。煩大人轉達天聽。倘得剪除權奸。我夫婦萬副甘心。〔外〕咳。楊宜人。椒山且如此。你一女人。濟得甚麼事。不如息了這個念頭罷。〔旦〕我兩兩哀鳴如鳥怨。人之將死其言善。〔外〕你情雖切。此本決不敢與你上。〔旦〕我苦只苦萬里君門難見。大人不肯與未亡人上本。請略觀一觀情節。〔外〕既如此。左右接過來。〔外看本旦出刀痛哭介〕我回到烏江。免使亡夫心眷。〔自刎介外驚介〕呀。楊宜人也自刎了。可憐可憐。

〔前腔〕我看他。夫爲綱常重。妻能節義全。雙忠九烈誰能先。光岳千年鍾氣鮮。君明臣直孤忠顯。萬古清名不殄。這些碌碌奸庸。顧此獨無覩覷。叫手下擡那屍首。好生成服。與楊爺同厝西城外。後日必有旌其忠節者。朝廷有旨道。楊繼盛斬後。卽將妻孥流徙居庸關外。今宜人已死。又無人與奏免。只得將他幼子與家奴流去罷。

〔末〕臣爲君亡實可傷。

〔衆〕妻因夫喪重綱常。

〔外〕憑君莫話糾彈事。

〔合〕一個忠臣九族殃。

第十七齣 島夷入寇

〔番卜算〕〔淨扮汪上〕五島並欽從。一言招寇叛。男兒志氣欲圖王。敗則依山險。海島經營二十年。中原激我上番船。從今仗起龍泉劍。霹破東南一半天。自家姓汪。原是通番主人。出沒江洋。招引來船去棹。埋藏島嶼。貿遷寶貨奇珍。瓊崖儋萬是家鄉。日本流球爲傳舍。五島倭夷。並皆欽服。因自號爲汪五峯。不想近年以來。大明宰相嚴嵩當國。賄賂公行。故此沿海守郡官員。競來索我外國奇珍寶玩。貢奉權奸。多不償價。有等門下貪污黨與。謀降福浙等處鎮守。意圖滿侵東南海利。將我商人屢次腰斬。既奪我生涯。又絕我歸路。我大丈夫不能流芳百世。亦當遺臭萬年。昨日分付頭目徐明山等。打造戰船數千。率領倭夷數萬。整備五鬚槍。鉛錫銃。燕尾箭。福清刀等器械。一齊舉發。逕到福浙蘇松等處。攻劫城郭村鄉。擄掠子女玉帛。滿載而歸。勝做一生買賣。頭目們何在。〔衆扮倭夷上〕科頭跳足學蛙鳴。跳梁跋扈干天憲。大王有何鈞旨。〔淨〕戰船兵器。可曾完備麼。〔衆〕完備多時了。〔淨〕如此。逞風先到福建等處。攻殺前去。

〔豹子令〕〔淨〕跨海攻城星斗戰。星斗戰。鯨川交刃浪波穿。浪波穿。寰宇橫行。誰禦我虎賁何足數三千。數三千。〔合〕諒無充國守屯田。大明從此震山川。

〔前腔〕〔衆〕兩兩飛刀追走電。追走電。搜搜羽箭混飛烟。混飛烟。城郭村莊燒毀遍。金銀婦女載歸船。載歸船。〔合前〕

〔淨〕豪傑潛居海島中。

〔衆〕一朝兵動滿江紅。

〔淨〕江南金帛千千窖。

〔合〕大笑一場天地空。

第十八齣 林公避兵

〔傳言玉女〕〔小生上〕乍折秋香。疑似蟾宮初降。步雲衢扶搖直上。行看那咫尺玉階仙仗。這階梯經史如何撇漾。〔南鄉子〕人樂豔陽天。百轉鶯聲醒醉眠。樹杪斜陽影裏

掛鞦韆。隔水遙聞笑語喧。倦倚綠窗前。吟就新詩又斷聯。惹得梁間雙燕舞翩跹。飛遠青雲復入簾。

小生林潤。幼入鴻門。賴師友之功。荷祖宗之澤。今科添領鄉薦。平生志願。少伸萬一。且喜聞得我恩

兄鄒蘭谷亦中本省高魁。不勝踴躍。昨日修書寄去。少表微忱。且待會試將期。預到杭城敘闊。約他

同上京師。是所願也。兩日塵事碌碌。簡編久廢。今日稍暇。不免到書房把舊文點檢一檢。〔看書介〕

〔駐馬聽〕靜几明窗。積案文章翰墨芳。只見千般月露。萬種風雲。筆勢熒煌。文

字也各成一家。多有不同。有一等大羹玄酒味難忘。有一等長江一瀉翻空浪。仔細端詳。滿前錦繡皆師範。兩日中酒不覺神思困倦。纔看得幾篇文字。就要睡來。且隱几少臥。〔臥介〕

〔步蟾宮〕〔貼上〕綠鬢仙郎膺重望。時不遇珠韜夜光。今朝桂子發天香。幸作月中仙匠。〔南鄉子〕曉日壓重簷。斗帳春寒起未收。天氣困人梳洗懶。眉尖淡掃。春山不時添。悶把繡絲擲。認得金針又倒拈。陌上游人歸也未。厭厭滿院楊花不捲簾。奴家王氏之女。林郎之妻。金屏繡褥。生成紈袴之家。韋布荆釵。暫作糟糠之婦。窗前相夫子。惟知舉案齊眉。架上勤女工。不學迴文織錦。且喜我相公新中鄉舉。已有登第之階。只怕他學病于自足。力怠於名成。終爲小就而已。兩日在外應酬世事。今日想在書房看書。不免去勸勉一回。正是不用紅妝牽李靖。且將機杼激蘇秦。此處已是書房。〔聽介〕

〔駐馬聽〕悄步書堂。怎麼不見書聲。不聽得吟哦誦典章。待我觀他一觀。只見他一似宰予晝寢。孟軻隱几。夢熟黃梁。莊周蝴蝶正顛狂。周公事業成何望。謾且思量。

想是他酒醒春色生微恙。〔叫介〕相公。〔小生醒介〕娘子何來。〔占〕特來探你看書。〔小生〕娘子請坐。卑人神思困倦。隱几而臥。得一午夢。十分奇異。〔占〕願聞其詳。〔小生〕娘子。你聽我道。

〔素帶兒〕方成睡夢。一夥強徒仗劍芒。只見他裸形披髮。不似我中國衣冠模樣。他攻殺來時。英雄似虎狼。又見許多婦女盡皆擄去。見幾處悲號欲斷腸。還思想。這夢兒呵。非常災異不比高唐。〔占〕相公。晝之所爲。夜之所夢。相公連日飲酒。神思不寧。致成此夢。

〔昇平樂〕惆悵君心未靜。感塵囂碌碌。世務忙忙。〔小生〕世事雖接。我也絕無感動。

〔占〕游思妄想。難保必無。你或念着干戈搶攘。和那年歲凶荒。〔小生〕何曾念及于此。〔占〕終不然夢見許多婦女。敢在花街柳巷。有所感動。堪傷少年司馬易輕狂。牽惹得精神

莽撞。〔小生〕這個一發沒有了。〔占〕相公不須疑愴。卻不道十二巫峯夢斷襄王。〔小生〕

娘子。古人有言。寧爲太平犬。莫作離亂人。我和你際此承平。可謂福矣。近聞得海島倭夷造亂。倘或有變。應了我夢中之事了。如何是好。你聽我道來。

〔素帶兒〕家居在海邦。城垣非壯。承平久。怎驚鼓動漁陽。若有此變。未免漂流別境。那時呵。冷風宿水鄉。恐破甌生塵。愁范丹。到那時我雖要去會試。如何放得你下。只求沒有此變便好。須祈禳。願清平郊野並見鸞凰。〔占〕相公。你有此誠心。故有此奇夢。倭夷之變。妾未嘗聞。不須過慮。

〔昇平樂〕才郎少年經緯。當匡扶宇宙。何憂離亂。巨舟弘楫。應須駕龍門春浪。休傷太平有象。樂春光。豈妄憶無端春夢。還期觀花上苑。勿作喪家情況。

〔神仗兒〕〔林相上〕倭夷作亂。倭夷作亂。人民逃竄。官軍難阻當。把城池盡攻陷。男和女盡淪亡。鄉和邑盡燒殘。相公娘子不好了。不好了。數萬倭夷盡登海岸。擄掠金銀男

女。燒劫城郭鄉村。烟焰障天。哀聲載道。漳泉二城已被攻陷。不日就到我興化來了。城郭不完。守禦無備。不可在此待死。早尋避兵之計。〔占悲介〕天那。有此大變。果然應了相公的夢了。敢只是死也。

〔小生〕娘子且不要煩惱。如今只要性命。顧不得家了。倭夷入寇。不過在我沿海郡縣。杭州內地。必然安堵。我有恩兄鄒蘭谷在彼。且是嫂嫂賢慧。我與你同到那裏。僑居幾時。再作區處。〔占〕此計固

好。但奴家從來嬌養。安能遠涉江湖。況此行囊橐蕭然。豈可久依親戚。〔小生〕娘子事已至此。無可奈何。只是免死而已。〔副末〕相公娘子。事不宜遲。既有此意。早早去罷。〔小生〕林相。你快去收拾幾兩盤費。只帶些隨身細軟。其餘都撇了罷。頃刻就要下船了。快走快走。〔副末〕小人就去顧船了。相公娘子。再不可遲。正是棟梁遭突厥。燕子各分飛。〔下〕

〔排歌〕〔小生〕家世莆田箕裘永常。無端海寇猖狂。百年桑柘嘆淪亡。千里萍蕪傍那方。〔合〕青山古綠水長。江河舉目異風光。途中味客裏腸。豈堪回首望家邦。

〔前腔〕〔占〕金屋嬋娟。漂流異疆。何曾歷此淒涼。愁眉一帶蹙春山。淚滴千行。洒夕陽。〔合〕夫攜婦。子喚娘。江天烽火斷人腸。千江月。一葦航。堪嗟黃鳥寄他邦。

〔小生〕兄弟當年會浙西。

〔占〕今朝患難欲相依。

〔小生〕鸞鳳本是同聲鳥。

〔占〕天借風雲一處飛。

第十九齣 鄒慰夏孤

〔臨江仙〕〔旦上〕閒堦和煦花如擁。柔風簾幙搖紅。轆轤聲轉粉牆東。寶猊烟未冷。山枕夢成空。〔青玉案〕一年春事今來幾。早過了三之二。綠暗紅嫣渾無事。鶯啼深院。燕穿疎幕。晝永人憔悴。花間日影方纔計。又見三分移去矣。試問閒愁知幾許。瓊苑春光。瑤臺夜思。總是傷情處。奴家自歸鄒郎以來。夙興夜寐。淺泳深舟。薪水勤供。春山懶畫。刺繡添燈。每伴讀書過夜半。採藥烹釜。更思繼晷惜春殘。且喜我相公已中鄉舉。只是林家叔叔遠隔千山。未知可曾中否。向南安集夏家小夫人生子已經七歲。正可就學。但我家園清素。無力延師。如何是好。且待相公拜客回來。與他商議。

〔前腔〕〔生上〕金門射策文星拱。洋洋意氣如虹。他邦同契慶登庸。一朝雲霧起。兩處並飛鴻。〔青玉案〕人生南北如岐路。世事悠悠等風絮。錦瑟年華皆暗度。三分春色。二分風雨。添一分愁緒。伊周功業難憑據。不學江東百六吏。用舍行藏隨所遇。玉堂金馬。竹籬茅舍。總是無心處。〔相見介〕旦呀。相公回來了。〔生〕卑人訪客纔回。〔旦〕相公爲何面有喜色。〔生〕娘子。我

今早入城。偶遇福建商人。說我林弟得中高魁。見有書寄此。〔袖中出書介旦〕既有書。請相公讀一遍。〔生誦介〕莆田通家契弟林潤頓首拜啓。大恩家蘭谷長兄先生大人侍下。向者輕攜笥笈。遠荷箴規。德學兼醉。乃心教養。遂銘諸骨。一別跡拘南閩。幾迴夢遶西湖。恭聞吾兄先點朱衣。已陟雲梯之上乘。竊幸小弟謬知青眼。遙分月桂之餘香。夙昔之願少伸。彼此之情允愜。但願同登紫闕。共展丹心。逐盧杞以除君側之隱憂。弔屈原以舒泉下之忠悃。建業當如韓范。締交不替陳雷。豈非千載之奇逢。一時之盛事。第念賢嫂尸饔。未遑結草。所賴仁兄引道。準擬觀花。聊附便鴻之箋。慚無拜使之敬。伏惟尊照不宣。〔旦〕且喜林家叔叔果得高中。也不枉了昔年結義之願。〔生〕他日立朝匡濟。不患無助也。娘子聽我道。

〔賀新郎〕自昔交情重。每相期挾持抱負。天朝同用。夜半燈前追往事。今日呵喜遇春雷齊動。秀才不中也罷了。我既有進身之階。須要展胸中操縱。近聞得朝中奸相弄權。朋黨誤國。此正臣子撥亂反正之時。錯節盤根須利器。看冰山終怕陽光瑩。況我與林弟俱得僥倖。這功業豈讓與他人。安社稷我昆仲。〔旦〕相公除佞驅奸。撫孤恤寡。本同一理。

相公與林叔他日立朝忠義。固不待言。只是夏家母子在我西園。亦望相公令終。如始可也。

〔前腔〕向日蠶桑動。忽相逢。孤鴻寡鵠。無門投控。飛鳥依人情可憫。今日呵。幸

喜天生雛鳳。夏公子已年七歲。相公必須扶持他就學。庶可他日有成。須要使荆瑜成用。大

抵天生忠義。多是患難相扶。相公若居當道。須是正色當朝。明往事。把冤情泣向君前

誦。且林家叔叔又與相公同心相輔。翊有昆仲。〔副末換白鬚上〕數年蒙難離京華。望斷雲山不

見家。萍梗他鄉棲未定。城頭又聽奏悲笳。相公夫人朱裁叩頭。〔生〕朱大叔何來。〔副末〕相公夫人

有天大一樁奇事。特來相報。〔旦〕甚麼奇事。〔副末〕聞說通番主人汪五峯。招引數萬倭夷。攻破福

建漳泉興化等處。以漸殺入內地。恐杭城也不免到來。〔生〕此事真的。〔副末〕三司府縣各衙門俱

有報了。〔旦驚介〕這等如何是好。〔生〕我家鄉居難保。必要遷在城中去了。只是夏家母子撇他在

鄉。不免狼狽。與他同居。又涉嫌疑。將如之何。〔副末〕小人有一言相告。不知相公夫人聽否。〔旦〕有

話但說。〔副末〕昔年與主母來時。本欲暫依棲止。待生公子徐歸原籍。興復夏氏。幸遇洪恩。育養數

年。今公子長大。豈無故鄉之思。但感恩未報。不能忽然而去耳。今遇倭夷之亂。諒江西內地必安。待

小人伏侍公子主母。歸尋夏易二家宗族。一則可以避兵。一則可延宗祀。不知相公夫人意下何如。
〔旦〕此見雖好。但我與汝家母子數載相處。一時難別。〔生〕娘子。朱裁之言。最爲有理。倘我亂離之際。不能周旋。可不反負了所託。〔旦〕望相公善始善終。〔生〕我理會得了。朱大叔。江西郭修撰是我恩師。今正丁憂在家。待我修書。把你家母子轉托與他。必然得所。一應路費。俱是我備。〔副末拜介〕如此多謝。始終大恩。我夏家宗祀復振。實在此行。小人就收拾行裝起程。但相公夫人無限恩德。不能少報。異日公子成就。啣環結草。尙有日也。

〔錦衣香〕〔生〕朱大叔。我爲兵戈驚恐。諒桑林難久。永念彼萍絮他邦。又經風送。此行輕別。豈由衷。怕相耽誤。寄託無終。你到江西去呵。安居故土。仗忠良轉相倚重。〔合〕有日皇風動。黎民懽頌。那時呵。看潛蛟困鳳。終須騰踊。

〔前腔〕〔旦〕望江城烽烟冗。看錢塘橫屍湧。把我昔日相逢。又成悲慟。此情未語。淚先落。自今別去。目斷飛鴻。朱大叔。你此去呵。須尋一脉。轉維持宗祧。繼重。〔合〕

〔前副末〕小人就此拜辭了。〔生〕說那裏話。明日待我整備盤費。親送你主母公子。豈可就行。〔末〕

相公夫人大恩。小人一言難盡。

〔漿水令〕〔副末拜介〕賴洪恩周旋推重。荷餘情始終相送。寒崖枯木幸春逢。再生仁德。重造天功。深稽首。頻祝頌。啣環犬馬。常存寐夢。〔合〕相辭去。相辭去。未知誰共。離情苦。離情苦。嘆飄蓬。

〔尾聲〕〔生〕從今分袂慇懃送。〔旦〕回首桑園似夢中。〔副末〕滴淚如流浙水東。

〔生〕難中母子正相依。

〔旦〕誰料江干動虜夷。

〔末〕應是夏家宗不絕。

〔合〕故教天送到江西。

第二十齣 端陽遊賞

〔出隊子〕〔淨上〕蟬吟涼杪。蟬吟涼杪。燕遶疎簾。日色高。〔副淨〕忽驚時屆。遇端陽。又見皇恩賜扇搖。〔合〕堪笑。汨羅忠魂誰招。〔淨〕五月初晴日正長。〔副淨〕水晶簾捲

午風涼。〔淨〕官中御賜金樽酒。〔副淨〕歸與妻孥共飲嘗。〔淨〕孩兒今日艾虎懸庭。龍舟競渡。又是

端午時節了。浙江等處。不見進貢鯉魚。不知何故。〔副淨〕想已進過上位。敢是爹爹不知。〔淨〕豈有

此理。常年進貢未到尙方。必先到我府裏。今年必有其故。〔副淨〕且待孩兒查究。只是韶光易老。好景難逢。昨日分付管家人預備酒席。在御河樓船上同爹爹去看那龍船。〔淨〕我心正要游賞。〔副淨〕叫打轎。〔內應〕擡酒羅上衆隨行。〔副淨〕你看好個端陽時節。帝都景致也。〔南柯子〕山與歌眉斂。波同翠眼流。〔副淨〕游人都上十三樓。〔合〕不羨竹西歌吹古揚州。〔淨〕菰黍連葦歎。瓊彝倒玉舟。〔副淨〕誰家水調唱歌頭。〔合〕聲遠翠山飛去晚雲留。〔副淨〕此是御河船上了。將酒過來。
〔送酒介〕

〔金索掛梧桐〕〔副淨〕梅林雨乍飄。處處蛙聲鬧。角黍包金滿。切瓊香小。玳筵羅列也。奏雲璈。暗度荷風過小橋。看紛紛兒女纏絲綵。帝里繁華景物饒。須歡笑。〔淨〕孩兒今日倘未盡情。明日可再來也。〔副淨〕賞心樂事日日有明朝。〔合〕遇佳時最要逍遙。且莫惜金樽倒。〔丑扮舍人上〕老爺報軍情事的。〔淨〕岸上跪的是甚麼人。〔丑〕小人。是福建巡按差來的。上本舍人。爲數萬倭夷殺入內地。漳泉興化等城並皆攻陷。擄掠男女無數。燒毀民居殆盡。本處官兵不能拒敵。特來上本請兵。先送揭帖到府。〔淨〕咄。這廝好可惡。我國家一統

無外便殺了幾個百姓。燒了幾間房屋。甚麼大事。不看我這裏游賞。輒敢大驚小怪。拿那廝去鎮撫司監候。〔丑〕啊呀。急驚風。撞子個慢郎中。〔衆押丑下〕副淨〔送酒介〕爹爹請寬飲。

〔前腔〕〔淨〕新篁翠葆搖。簾動南薰遠。紈扇長閒。汗透香肌少。凭欄凝盼久。謾

遊遨。看幽鳥高低戲柳梢。笙歌斷續歡聲沸。何處龍舟競畫橈。開懷抱。〔副淨〕爹

爹。便是海寇也與我何與。〔淨〕那知鼙鼓海上起波濤。〔合前外上跪介〕通政司差官見老

爺。〔淨〕爲何事。〔外〕浙江蘇松等處。奏稱倭寇漸入內地。請兵勦捕。已到本司掛號。趙爺差小的預

報老爺知道。〔淨〕你去教趙爺分付各處奏本舍人。不得妄進。驚動天威。待我入朝。選將本到我閣

下。我自自有處。〔外應下淨〕樂飲一日。我已醉了。收拾回去罷。〔衆〕畫船簫鼓人羅綺。十里橫塘載

月歸。稟老爺。已到府門首了。〔淨〕那一簇是甚麼人。〔衆〕是衆官作晚揖的。〔淨〕分付他散去罷。

〔內應介〕

〔出隊子〕〔老旦扮內臣贖本上〕邊塵驚報。邊塵驚報。親閱丹書下九霄。東南土宇

盡漂搖。傍午徵書已頻到。要選能臣勦逐海妖。旨下。〔二淨跪介老旦〕聖旨道。據南京

科道奏稱。倭寇攻陷城池。殺戮萬姓。此非小變。何不早聞。着大學士與該部會同推舉文臣總制督兵勦滅。毋遺後患。〔一淨〕萬歲萬歲萬萬歲。〔老旦對淨〕老太師。此非小事。不可再緩。〔淨〕欽依旨命。〔老旦〕告辭了。盡我蟬冠傳內命。任他虎節去專征。〔下介淨〕可惡這些科道。把本兒逕到御前。我正好快活。教我及將此事縈心。倘舉薦非人。不能成功。如何是好。〔副淨〕爹爹。千里專征。責任非小。倘薦一智謀勇略之臣。成功回來。皇上必加殊遇。爵位既尊。必不受制於我。並寵爭權之日。難保必無。以孩兒之見。不若就勅趙文華總制浙直等處。督兵勦賊。幸而成功。是我腹心爪牙之士。將相同心。永無後患。不幸無功。他有應變之才。必善彌縫之計。或廣求些首級。或偽報些軍功。朦朧奏上。着他班師。豈有舉薦非人之慮。且還有一件好處。〔淨〕甚麼好處。〔副淨〕江南富貴繁華。趙公一去。可保金銀寶玩滿載而歸。少不得一半是我家的。〔淨笑介〕孩兒。明日就陞我趙文華爲兵部尙書。勅他總制江南水陸。遠近官兵。聽憑調用便了。

〔鎖南枝〕聞兵燹選俊豪。文華特命仗旌旄。心腹作爪牙。威權屬清要。只願他去之時呵。風從虎。雨助蛟。奮英雄。展天造。

〔前腔〕〔副淨〕爹爹他無方略非勇驍。喜他才智彌縫好。赤子弄潢池。何須命龔老。只願他班師早功績高。那時呵沐恩光並榮耀。

〔淨〕丹書飛下選賢能。

〔副〕保薦同心一體人。

〔淨〕謾說獻俘歸海上。

〔淨〕且看金帛入吾門。

第二十一齣 文華祭海

〔喬八分〕〔丑領衆上〕腰懸金印氣英豪。耀日旌旗間寶刀。長驅水陸駕波濤。先聲後實直搗向倭巢。少壯曾無汗馬功。止因權要拜元戎。提兵且玩江南景。那管民財盡劫空。

我趙文華素無龍韜豹略之才。邊統蟻集蜂屯之衆。人皆道我任大責重。不堪其憂。卻不知我隨機應變。自得其法。我聞得海上倭賊利害。自去廝殺不成。只是調兵遣將。罰罪賞功而已。幸而成功。歸功於我。不幸無功。當廣求些首級。亦可塞責。況我朝內有人。邊功易奏。豈有他虞。衆將官聽我號令。〔衆應介丑〕隊伍務要齊整。器械務要鮮明。糧草務要接濟。先聲務要驚人。沿途迎接將官。贊禮重者容他相見。輕者發在軍前聽調。驛中所備供帳鋪陳。動用酒器。不整齊者以爲不敬論。百姓犯我

軍令者梟首起程前去。

〔金錢花〕貔貅百萬雄驍。雄驍。轅門號令聲高。聲高。金戈鐵馬出王朝。〔合〕弓上矢。鞘離刀。颯颯避鬼神號。颯颯避鬼神號。〔衆〕稟老爺已到蘇松地方了。〔丑〕且扎住人馬。待我行牌到各府州縣。弔取金銀。先賞三軍。然後出兵。〔衆〕稟老爺官軍利於海戰。故將官出兵。必先祭東海龍王。自然取勝。老爺到此。也要祭海。〔丑〕祭海用何禮物。〔衆〕用豬羊四十副。金銀酒器一箱。誦經和尚一名。〔丑〕祭過了。這東西何用。〔衆〕豬羊分賞衆軍。酒器留在老爺公用。〔丑笑介〕有理有理。且到杭州去祭了罷。〔衆〕就要出兵。等不得到杭州。〔丑〕你不曉得杭州近我家裏。這些豬頭羊頭好醜。回去當菜蔬吃。〔衆〕老爺。這個是小事。不如快祭了。多取得幾個倭頭。少不得每顆值五十兩銀子。〔丑〕說得有理。快備祭禮來。〔衆〕祭禮已備完多時。和尚也在轅門外聽候。〔丑〕換進來。〔二末抬祭禮淨扮和尚上〕送祭禮官告進。〔淨〕祭海誦經僧人見老爺。〔丑〕起來。既已完備。就此起程到海上去。

〔前腔〕悠悠旌旆飄搖。飄搖。聲聲金鼓齊敲。齊敲。艨艟巨艦駕雲濤。〔合〕登海

岸祭龍蛟。星斗戰。岳山搖。星斗戰。岳山搖。〔衆〕此處已是海船上。祭卓已擺完了。〔丑擺

作跌介左右扶丑介淨〕請爺爺拈香。小僧禱告。〔丑拈香介淨挽誦子〕雲淡風輕近午天。將軍出

海駕樓船胸中不識韜和略。祭告龍神只靠個天。南無東海大龍王。八萬金剛佛菩薩。〔內吹波鑼

吶喊介丑〕這是甚麼聲。〔衆〕倭船上會哨。〔丑驚介〕好怕人也。〔末〕請爺爺拈二炷香。〔丑

拈香揖介淨挽誦子〕三月殘花落更開。三軍結束出兵來。平生不習得刀鎗法。只願倭頭滾得來。

南無東海大龍王。八萬金剛佛菩薩。〔內鳴鑼吶喊介丑驚掩耳介〕這是甚麼響。〔衆〕是倭船上

殺人。〔丑〕不殺到這裏來麼。〔衆〕尙遠。在此老爺放心。〔淨〕請爺爺拈第三炷香。〔丑特落香介

淨挽誦子〕金爐香燼漏聲殘。聽得波羅陣陣寒。來時弗見個倭夷面。只要金銀滿載還。南無東海

大龍王。四萬金剛佛菩薩。〔衆〕這和尙方纔念八萬金剛。如今念四萬。如何少了一半。〔淨〕你不曉

得這一半是冒支官糧的虛兵。恐怕爺爺點名。故不敢念。〔衆〕祭告已畢。請老爺回船。〔丑〕既祭畢

了。把那老和尙開刀罷。〔衆綁介淨喊〕爺爺。小僧是有功之人。怎麼到把來開刀。〔丑〕常人有言。

未過江要做千僧功德。過了江把和尙就煮來喫。今日海又祭了。不殺了你。要你做甚麼。且把你頭

來充做倭頭。也值五十兩銀子。〔淨〕爺爺饒了小僧。有個大好處。〔丑〕甚麼好處。〔淨〕小僧是戒壇上住持。管下五百雲游和尚。待小僧率領前來。充作倭兵。幸而取勝。不要說起。若不勝。那時獻首盡作倭頭。到有一萬五千兩銀子。〔丑〕說得有理。快放了。〔笑介淨〕爺爺。若把我和尚上下兩頭算起來。到滿了三萬兩。也不可知。〔丑〕哇。好無狀。〔淨〕好無恥。〔下丑〕衆軍士聽我分付。水兵停泊東海大洋。且待倭寇劫掠滿載。那時邀截。可以人財兩得。〔衆應丑〕陸兵沿路巡哨。遇倭斬倭。若無真倭。就殺幾個疲費殘疾面生可疑的百姓。亦可假充要賞。〔衆應丑〕我兒。只是一件。不要殺蘇州人。〔衆〕爲何。〔丑〕他有記色。頭髮都是空心的。那裏像個倭頭。且收船入港去。

〔前腔〕天生當世雄豪。雄豪提兵不用心勞。心勞從今一祭息風濤。〔合〕看夷虜退。喚回朝。金滿載。任逍遙。金滿載。任逍遙。〔內奏樂衆齊下〕

第二十二齣 鄒林會試

〔副末上〕閩南才望。越州文養。翻凌霄已數春。海甸清風今始順。飛騰直上帝王城。自家是林舉人家。僮林相。我相公向因倭寇攻陷本郡。避難杭州。幸蒙臨安鄒相公重金蘭之契。同移入城。寓居一

所炊爨雖分彼此。朝夕實賴周旋。且喜邊烽稍息。道路清寧。我相公家業分崩。已無南還之志。試期迫促。方懷北上之思。今早着我買舟。與鄒相公同上京師。我想雖則漂流外境。舉目無親。幸得二位相公相倚同行。亦可少舒旅況。二位夫人同居相傍。亦且內顧無憂。實不幸中之幸也。船已僱下。不免回覆相公。收拾行李。早辦登程前去。〔下旦占同上〕

〔一剪梅〕〔旦〕才郎將玩上林春。絮舞空庭。花謝閒庭。〔貼〕連枝花底促分襟。觸景關情。覩物傷情。〔玉樓春〕〔旦〕綠楊芳草長亭路。年少拋人容易去。〔占〕樓頭殘夢五更鐘。花底離愁三月雨。〔旦〕無情不似多情苦。一寸還成千萬縷。〔占〕長江無盡水悠悠。比我愁腸短幾許。〔旦〕嬌嬌裙釵遭變亂。邂逅江關。夫婿爲功名。同游上苑。當此別離情況。焉能止淚交流。〔占〕伯母萍梗寓他鄉。過蒙招集。鴛鴦棲梁石。又見分飛。言及傷心事情。添我斷腸隱痛。〔旦〕今日也無可奈何。只得要送他行了。〔占〕看他行色匆匆。諒不可挽留矣。

〔前腔〕〔生〕桃香浪暖正春晴。雷動龍門。魚躍龍門。〔小生〕扶搖萬里奮鷗鵬。直上雲程。同步雲程。〔玉樓春〕〔生〕風光豔冶侵簾幙。辭別春閨啟朱戶。〔小生〕牆頭紅杏雨餘花。

門外綠楊風後絮〔生〕朝雲望斷知何處。應作巫陽春夢去。〔小生〕紫騮今日逞行蹤。嘶過畫橋東
畔路。〔相見介旦貼〕二位相公。行裝雖整。情意牽縈。少緩半日何如。〔生小生〕二位娘子。行期已
迫。道路尚遙。不得久留也。

〔二犯傍妝臺〕〔旦〕行色向神京。垂楊影裏馬嘶落日兩三聲。惹得我心添悽
慘。〔悲介〕愁似織淚如傾。我半幅鴛衾悲乍冷。你一舉鰲頭願早膺。〔合〕江山跋
涉。賓鴻遠征。那堪蹤跡等浮萍。

〔前腔〕〔生〕自昔蘊經綸。憂民念國。此行端不爲微名。大丈夫非無別恨。言及
處淚難禁。我京國有花須縱眼。你筐篋無柔要矢心。〔合〕孤幃寂寞。花鈿自矜。巫
山休得夢朝雲。

〔前腔〕〔貼〕南浦話離情。自今別後。告君須記屢屢人。嘆兩處飄零他境。〔悲介〕
腸欲斷淚先零。你上國並翔雙舞鳳。須念我異地愁聞對語禽。〔合〕江山跋涉
賓鴻遠征。那堪蹤跡等雲萍。

〔前腔〕〔小生〕名利線牽人。此行勉強。豈思朱紫佐朝廷。詩書債須當還盡。情脈脈淚紛紛。我客邸怕添魂夢遠。你鏡裏休嗟形影分。〔合〕孤幃寂寞。花鈿自矜。巫山休得夢朝雲。〔副末〕朋友相待多時。請二位相公落船去罷。〔生〕你搬着行李。我就來了。

〔旦〕相公。你如此忽然就去了。〔生〕娘子。大軍之後。繼以凶年。家園清素。桂玉關心。別後情懷。萬望自遣。林家弟婦。遠來避難。早晚維持。必須寬慰。〔旦〕相公。家事不必叮嚀。但恐荒村雨露。野店風霜。旅況愁懷。幸君自愛。〔小生〕娘子。黃鳥已寄他邦。青鸞又分破鏡。興言及此。腸斷心崩。但既欲名遂功成。未免遠離久別。鄒家嫂嫂。重蒙周恤。你可分勤代勞。事之如母。〔貼〕奴家職分。不須分付。但願相公驚頭早占。雁足先傳。使尊嫂寡妻。同沾雨露。那時握手相歡。不似今日別離之苦也。〔生小生〕我二人就此別了。〔旦貼〕奴家有送。

〔玉山頽〕〔旦扯生衣泣介〕離情添恨。謾牽衣頻說誓盟。願珍防野店山村。〔附耳低語〕還須念玉消香褪。〔生泣介〕你蘭情蕙性。休害得愁眉蹙損。〔合〕返旆期難訂。淚盈盈。願封書早早報泥金。

〔前腔〕〔貼扯小生手介〕叮嚀須聽。未登程先問歸音。縱君家駟馬高登。〔低語介〕休學做虧心短行。〔小生〕芙蓉帳冷。望娉婷寬心待等。〔合前內催介〕潮水已平。請二

位相公登舟。〔生小生〕滿懷離別恨。盡在不言中。二位娘子就此拜辭了。〔對拜介〕

〔鷓鴣天〕〔生〕兩兩分飛痛此行。〔旦〕相攜無計破愁城。〔小生〕空山化鶴舒長

翼。〔貼〕寒夜啼鴉泣短檠。〔小生〕二位娘子請回。〔並下二旦弔場旦〕人去矣。不留情。〔貼〕

雙眸凝注枉叮嚀。〔旦〕倚樓謾把長江盼。〔貼〕漸遠孤帆欲斷魂。

〔旦〕淚隨流水去。

〔貼〕愁逐野雲飛。

〔旦〕願取歸期速。

〔貼〕明朝也是遲。

第二十二齣 拜謁忠靈

〔上林春〕〔小外上〕思遠風雲。光依日月。經筵罷仙班。方徹公門桃李芬芳。總是

同心豪傑。〔菩薩蠻〕翰林聲價南金重。禁中曾賜金蓮送。屬草墨淋漓。承恩在鳳池。昨將虎榜閱。同

契名登列。濟濟入絲綸。何愁有佞臣。下官翰林學士郭希顏是也。職居鰲禁。名重鸞坡。黼黻皇猷。繼

先王之統緒。文章潤筆。爲後進之規模。只是權奸當國。常勞青瑣精神。諂諛成風。久厭黃梁富貴。且喜我門生鄒應龍林潤。今科並登進士。此二人夙抱經濟之才。素懷忠義之氣。若天不欲轉危爲安。不使二人聯捷。今日戮力同心。共獎王室。信有人也。昨日殿試已畢。想今日必來見我。不免少待。

〔紅林擒〕〔生小生上〕十九人中名列。解卻藍袍結。〔小生〕宴罷曲江酣悅。金勒馬嘶風。烏帽宮花插。〔合〕天街隨步朝金闕。從此把忠誠竭。〔末持帖報〕鄒林二進士老

爺要相見。〔小外〕請進來。〔見介生小生〕恩師大人拜揖。〔小外〕二位老弟恭喜。西湖別後雲山隔。

〔生〕柴桑今日沾新澤。〔小外〕雙鳳喜齊鳴。〔小生〕皆蒙樂育恩。〔小外〕與君重話舊。久旱甘霖驟。

〔二生合〕慶幸共登庸。相逢喜氣濃。〔小外〕二位賢弟請坐。看茶來。二位到京。本當寄居小寓。因有

閱卷之責。恐涉嫌疑。不得相請。今蒙下顧。足見不忘故舊之情。〔二生〕學生輩舍館未定之初。本當

先見長者。聞恩師大人入與場事。不敢請見。拜遲有罪。萬望海涵。〔小外〕桃李已入公門。鸞鳳並歸

羅網。但願二位不愧科名。不負天子可也。〔生小生〕謹領教。

〔畫眉序〕〔小外〕三策獻君前。頭點朱衣聖恩眷。慶朝廷明盛。羅網英賢。你報

王家須効伊周。明素志當卑管晏。〔合〕百年豪傑興文獻。重新造舜日堯天。

〔前腔〕〔生〕數載困寒飈。遭遇明揚簡微賤。喜昔年同契。並列春官。幸科名選

中青錢。展所學功崇紫殿。〔合前〕

〔前腔〕〔小生〕禮樂盛三千。瑣院掄才遇青眼。似洛陽年少。前席君筵。謾誇他

鳳沼瓊林。且學做魚頭鐵面。〔合前生〕恩師大人。學生二人久仰。當時夏太師忠義高風。死于

非罪。恨吾生也晚。不能與他同死。臣節今雖掉尾縉紳。瞻拜儀容已無及矣。聞得他柩尙在城外寺

中。欲去少伸一拜。以慰鄙私。〔小外〕足見忠誠默契。下官就陪同去便了。〔行介〕〔憶秦娥〕〔小外〕

行寂寂。長安道上西風急。〔生〕西風急。烟花繚繞。塵沙浙澀。〔小外悲介〕遠看白鶴巢蒼柏。老臣此

處理忠骨。〔小生〕埋忠骨。淒涼古寺。殘燈破壁。〔小外〕這是寺前了。請進。〔生〕呀。停柩頗多。不知那

個是。〔看介〕桂洲夏公之靈位。這是了。就此同拜罷。〔拜介〕

〔二〕段鮑老催。〔合〕元勳大賢。仰休風未瞻範顏。王臣盡蹇。遇讒邪疑生陛簾。

皋陶明典原非犯。蕭何相業翻成陷。痛關河杳。丘隴頽。桑田變。天涯和鶴空悲。

咽。長安古道芳草芊。游人淚滴流紅茜。太師既已拜謁。請出寺門去罷。正是傍人忍作鴛

蟻食。暫替兒孫哭夜臺。〔丑扮瞽婦上〕老爹奶奶呀。聽求乞的唱個曲兒。〔蘇州歌〕瞽目哀求淚滿

腮。瘦骨如柴。記得當初花正開。遇喬才。在陽臺。魚水和諧呀。魚水和諧。腰肢摟抱對胸懷。着意摸揣

呀。着意摸揣。露滴枝頭牡丹開。墮金釵。寶髻歪。飛散魂魄呀。飛散魂魄。不覺春去又秋來。鶯老花衰

呀。鶯老花衰。百媚千嬌忘我愛。朝不揣。暮不來。撇在塵埃呀。撇在塵埃。冤家把我目來害。抄化長街

呀。抄化長街。懨懨氣息苦難挨。罵天災。告官家說個明白呀。說個明白。〔生〕你那婦人。緣何有此怨

聲。〔丑〕奴家原是揚州商人李氏之女。父親在京開個段疋官店。嚴世蕃在店前經過。見奴姿色。強

逼爲妾。父親既死。家財盡被擄占。今世蕃有一十六個愛妾。見奴色衰。萬般凌虐。他正妻懷恨昔日

寵愛。將奴刺瞎雙目。趕出抄化。〔衆〕有這等事。他既無君臣之義。又乖夫婦之倫。真禽獸不若也。

〔生〕你那婦人。此處已無家矣。揚州有親戚在否。〔丑〕雖有親戚。無目難去。〔生〕婦人。我下處在貢

院西首張家。你明日到我下處暫住。倘有南歸鄉里。央他帶你回去。〔丑〕多謝老爹。正是救人一命。

勝造七級浮屠。〔下小生〕恩師大人。聞楊椒山夫婦權厝西城外。學生二人也要去拜一拜。〔小外〕

此去不遠。再陪同往。〔行介〕〔憶秦娥〕〔小外〕思臣節。關門西出音塵絕。〔生〕音塵絕。西風殘照。漢家宮闕。〔小外〕你看壘壘孤塚。狐狸穴。猿聲哀斷空山月。〔小生〕空山月。愁雲衰草。封顏馬鬣。此處已是他墓所。好淒涼風景。就此荒草地拜一拜罷。〔同拜介〕

〔二段鮑老催〕〔合〕椒山公。你名高泰山。挹天潢。曾濯肺肝。老宜人。你心如冰鑑。勸堅貞。叔姬並賢。羣奸隊裏孤忠顯。黃沙泉下清風現。聽子規啼。流水泣。高山怨。同心未遂鑄功願。長安古道芳草芊。游人淚滴流紅茜。〔衆〕拜墓已畢。且回去。另日

再來拜掃。黃壤千年埋恨骨。白雲平地結愁陰。〔外扮乞丐上〕老爺。求乞些。〔打蓮花落介〕一年去了。又是一年來。哩哩蓮花。哩哩蓮花落也。又見梅花雪裏開。哈哈蓮花落也。人生在世就是一熟黃粱夢。哩哩蓮花。哩哩蓮花落也。我想富貴英雄都是命裏排。哈哈蓮花落也。我乞兒本是豪家子。哩哩蓮花。哩哩蓮花落也。與嚴家大相。自幼往往來來。嘻嘻哈哈。同眠同坐。相親相愛。就是一個人相交。不放下懷。哈哈蓮花落也。今日他做官來我貧苦。哩哩蓮花。哩哩蓮花落也。就是一個升天一個落在地塵埃。哈哈蓮花落也。特到京中尋故舊。哩哩蓮花。哩哩蓮花落也。又見他烈烈轟轟。呼呼喝

喝。大模大樣。前遮後擁。把那街上閒人盡打開。哈哈蓮花落也。費盡盤纏不相見。哩哩蓮花。哩哩蓮花落也。害得我來不來去不去。只得打下一回蓮花落也。求乞些米糧齋。哈哈蓮花落也。〔生小生〕你那抄化的是那裏人。〔外〕小人原是江西袁州人氏。姓胡名義。自幼與嚴東樓爲挽角之交。他父親未貴之先。多虧我家。今因他父子權勢。管家人郭宜橫行鄉郡。將我田地吞占。小人無門控告。尋了盤費上京。往訴東樓。望彼有故舊之情。或可還我。不意到此半年。不得相見。盤纏使盡。口食不週。欲得自盡。妻兒懸望。欲得還鄉。路途遙遠。只得做個乞兒。暫度幾日。再爲之處。〔衆〕那厮朋友之倫也絕了。罪惡貫盈。諒不爲天地所容也。〔小生〕我寓所在貢院之西。你那乞兒到此暫住。倘我同年中有先選江西者。央他帶你還鄉。〔外〕多謝老爺。正是着意種花花不活。無心栽柳柳成陰。〔下生小生〕恩師大人。學生二人本來拜謁忠魂。不意見此二奇事。忠義關心。奸邪觸目。莫非感慨。只得且回寓罷。〔行介〕迤邐行來。已入城了。〔內作樂介〕〔生〕這是那裏作樂。〔小外〕這是嚴家的園亭。想有人在內飲酒哩。〔生看介〕好壯麗也。

〔滴滴金〕〔衆〕看他樓臺掩映連畿甸。珠玉塵輕賤軒冕。黛眉歌舞歡聲遍。剝民

脂充私苑。窮奢不悛。終須有日。天開鑑。天開鑑。商君車裂難免。〔丑末扮二吏上末〕朝爲田舍郎。暮登天子堂。問道因何故。家中有孔方。〔丑〕小小休勤學。金銀可發身。君看嚴宰相。必有用錢人。郭老爺拜揖。二位老爺賀喜。〔小外〕你是那衙門來的。〔丑末〕是嚴府大爺貼身的聽事吏。〔生〕到此何幹。〔末〕特與二位新老爺說個私房說話。〔生〕所言公。公言之。所言私。我二人無私。〔丑〕實不相瞞。吏部每一開選。必來請問我大爺。不拘大小官員。若有禮到我家者。必有好選。二位老爺若要好官與好地方。早早來通關節。〔生〕這等有權。〔末〕不惟有權。且是有價的。〔生〕胡說。難道朝廷官爵。把與你家做買賣。〔丑〕你若不信。現有大爺親筆細帳在此。〔出帳送生介丑〕你看兩京十三省地方。都有在上。某處要銀多少。某處要銀多少。〔小生怒介〕這廝賣官鬻爵。大傷朝廷體統。長兄看他怎麼。〔奪帳扯碎介丑〕屈。屈。好大膽。大爺的親筆。敢擅自扯碎了。〔小生〕扯碎了便怎麼。〔生〕賢弟太性急了。留他上本纔好。〔丑〕要上本。夏禿頭。楊無頭。有樣在那裏。〔小生〕打這廝。〔打丑介丑〕打得好。打得好。不要也短了一尺。〔小外〕二位不要與他養口。〔對丑末介〕你兩個好不識人。還不走哩。〔丑〕去。去。少不得到我嚴府前來。大眼睛拳也釘他一個。〔並下生〕恩師

大人時事如此。做官也難了。〔小外〕功名成敗。自有天數。

〔雙聲子〕〔合〕功名會。功名會。造物從公典。胸襟展。胸襟展。事業期宏遠。驅奸
佞。驅奸佞。須黽勉。須黽勉。效夔龍匡贊。斯無主玷。

〔餘文〕〔合〕謨明啓沃黃金殿。從今効帝臣黎獻。看取奇勳振兩間。

〔小外〕十年埋沒少年豪。

〔生〕虎榜欣同姓字標。

〔小生〕草就驅奸二三策。

〔合〕應搖山嶽鬼神號。

第二十四齣 世蕃奸計

〔阮郎歸〕〔副淨上〕椿榮桂茂冠當朝。威權肅百僚。金堆玉積富雄豪。尤誇軒冕
高。金盈郭況穴。錢積鄧通山。自誇天上客。人道地行僇。我嚴世蕃荷皇上之恩。藉家君之勢。威權第一。

寵幸無雙。家有敵國之資。朝無抗顏之士。人生至此。富貴極矣。只是俗諺云。兒多儘惜。財多儘要。假
如有八九個兒子。那少得一二百萬金銀。爲此設個賣官鬻爵之計。不拘大小官員。要選美職者。
上等要他二三千兩。下等也要八九百金。若不求我者。置他苦寒地面。昨已差聽事吏去尋幾個富

家主兒。且待他回報。聯名送去吏部便了。〔末丑上〕爛羊都尉無心做。伴食中書望眼穿。聽事吏叩頭。〔付淨〕你回來了。可有幾個好主兒麼。〔丑〕不要說起。有兩個新進士。鄒應龍。林潤。不來參謁老爺。反去拜那夏言楊繼盛的魂靈。〔付淨〕敢如此無禮。〔末〕老爺還有無禮哩。小人說起選官的事。一個扯碎了老爺細帳。一個把小人一頓拳頭。〔丑〕又作謠言譏諷老爺。說道。此時父子二閹老。他日一家盡獄囚。〔付淨怒介〕這畜生好不知死活。須出計擺布他。快請我心腹鄒御史來。〔末應下〕

〔趙皮鞋〕〔淨扮鄒懋卿末隨上〕臺省位清高。趨奉日心勞。笑裏藏刀勝李猫。偏宜相府爲牙爪。下官監察御史鄒懋卿是也。蒙東樓公相招議事。不免進見。〔末報介〕鄒爺到了。〔見介淨〕天上碧桃和露種。〔付淨〕日邊紅杏倚雲栽。〔淨〕五侯權勢如山拱。〔付淨〕不懼乘驄二鮑來。道長賢弟請坐。〔淨〕長兄大人有何見教。〔付淨〕你曉得吏部開選。必來請問我家。故每次選官。少不得靳銀幾萬。〔淨〕這是相府舊規。再不可缺的。〔付淨〕正是。可惡那新進畜生鄒應龍。林潤。打我差人。壞我體面。看他十分強硬。若不早除了他。後日難保不受其害。你與我尋思一計。結果了他。省得他人看樣。〔淨思介〕這個有何難哉。古人云。將欲取之。必固與之。目今北邊鞏虜強盛。軍

士乏食。就以急缺風憲事例。選鄒應龍爲巡邊御史。賚銀五千兩大賞。二十萬邊軍。人衆賞輕。必然生亂。那時待我劾他。尅減國課。激變軍心。豈不結果了他性命。林潤選他行人。就差安集雲南久反土官。必然遇害。倘幸回朝。再差往琉球日本。永無還鄉之理。外人見此美選。又不相疑。此是兩處中傷之術。不知大人以爲何如。〔付淨〕妙哉妙哉。此計不惟朝廷不知。抑且鬼神莫測。就把我帖兒送到文選司去。教他依此而行。〔丑末應介〕

〔大牙鼓〕〔付淨〕慇懃赴吏曹。分付那文選司官。教他勿依資格。超選英豪。鄒生御史巡邊道。行人林潤撫南徭。〔合〕若有文憑。卽遣出朝。

〔前腔〕〔淨〕你疾忙到選曹。諒他承言順旨。不紊分毫。管教他北軍跋扈難安勞。南蠻未附易生撓。〔合前〕

〔前腔〕〔丑末〕明公命我曹。去吏部時呵。叮嚀告戒。掌記須牢。那窮酸呵。昨朝性氣還施傲。他年管取受風濤。〔合前〕

〔付淨〕術中藏隱禍。

〔淨〕巧內用深情。

〔丑末〕美選無人識。

〔合〕機關是殺人。

第二十五齣 南北分別

〔賣花聲〕〔生上〕豪傑氣冲天。鸚薦鵬搏口銜天命勞三邊。管教安集軍民也。萬里威權。聖主崇儒術。賢才翼帝躬。立朝防觸豸。行路避青驄。筆底甘棠露。臺端古柏風。邊塵期掃盡。回劍斬奸雄。我鄒應龍身際五雲。臚傳三甲。昨蒙吏部以急缺風憲事例。選我爲山西道御史。勅巡視三邊諸衛。近年資格。旣無如此之速。一榜之中。又無如我之驟。正在疑慮之間。朝廷降勅。着我賈銀五千兩。賞勞邊軍二十餘萬。天下難處之事。莫甚於此。我想起來。前日爲因扯碎嚴家細帳。那斷懷恨。故爲陽與陰排之計。致我激亂邊軍。那時就墮其計了。欲待上本劾他。奈我新進之士。素行未孚於君。且從王命。逕往三邊。死生禍福。自有天數。不遇盤根。誰別利器。倘天不助惡。使我生入玉門關。我與奸雄未知死誰先後也。我林弟亦選行人之職。奉使雲南。安輯土官。正是兩處中傷之計。勅命已下。今日就要起程。不免待他出來分別。

〔雙勸酒〕〔小生上〕英雄少年。經綸初展。玉音下傳。皇華遠遣。分飛鴻雁。意留連。

望雲山。淚眼空瞻。〔相見介生〕五更初聽報朝鷄。〔小生〕丹詔親承走馬歸。〔生〕華館蘭臺雖寵遇。〔小生〕燕山蜀道兩睽違。〔生〕賢弟。我和你同登高第。共濟時艱。方幸致君之有階。竊擬誅奸之在邇。何期觸犯權臣。選此遠任。雖躍龍門。實探虎穴。自今南北分離。須各要立功而歸。不墮奸計。再得相見可也。〔小生〕長兄。小弟因無涵養。觸怒奸雄。并累吾兄。兩處狼狽。望兄到此委曲操心。罷勉自愛。養此有爲之身。以待歸朝之用。小弟此去。敢不臥薪嘗膽。他日南還。共建大業。豈非至願乎。〔生〕賢弟。但我與你旣分鸞鏡。又別鴿原。使命危疑。離情苦楚。好傷人也呵。

〔江頭金桂〕〔生〕自幼苦青燈黃卷。勵躬行景聖賢。幸喜遭逢堯舜。不孤所願。把葵心來靖獻。〔小生〕長兄。我輩欲盡忠心。爭奈奸臣間阻。〔生〕自那日拜謁忠賢。佞臣

窺覘。卻被奸謀巧術。命遣巡邊。飄飄一身等曉烟。〔小生〕他雖用計。也是有天命。〔生〕

諒天開明鑒。諒天開明鑒。此身不殄。〔小生〕望長兄善撫邊軍。早圖歸計。〔生〕倘有回朝之

日。那時呵。進危言。撥開妖霧。懸秋月。蕩去邪氛。見晚天。〔付末持帖上〕嚴府差官送禮。多拜上二位老爺。大爺有事。不得親送。〔小生〕這廝口蜜腹劍。正所謂慝怨而友者也。傾他的

禮在外面〔生〕賢弟。且不要使性氣。鴛鳥將擊。卑飛斂翼。況彼以禮來。當以禮往。把個回帖與他去。只說例不敢領便了。〔付末應下〕

〔前腔〕〔小生〕自小負王臣蹇蹇。幸登庸志可堅。指望民安風善。讒邪草偃。俾明王宗社奠。〔生〕這是我和你素心。不意今日俱遭蠻荒之地。〔小生〕既爲王事勞賢。敢辭荒甸。只得向邊城萬里。各履風烟。將燕沙嶺雲都遶遍。〔生〕從此別後。望各加勉。勵。〔小生〕願相須黽勉。願相須黽勉。功勳早建。〔生〕下官此去。歸期未卜。但愿賢弟早南還。〔小生〕待南還。先將豺虎傾巢穴。謾把忠良付鼎鑊。〔付末持帖上〕禮部董爺。工科吳爺。設酒在都門外。請二位老爺餞行。〔生〕你拜上二位老爺。王事匆忙。不得登領盛情了。多拜上罷。〔付末應下生〕賢弟。我與你兩處分飛。家鄉絕無音信。如何是好。〔小生〕只教林相回去。慰安嫂嫂與荆妻便了。〔生〕既如此。就此拜別。〔拜介〕

〔憶多嬌〕〔生〕悲哽咽。眉似結。悠悠旌旆傷遠別。望斷衡陽音問絕。〔合〕命途多折。命途多折。遭此顛連阻節。

〔前腔〕〔小生〕愁蘊結。心似裂。孤飛兩處風與雪。腸斷驪駒聲慘切。〔合前〕

〔鬪黑麻〕〔生〕身只爲朝端虎狼共穴。不念我孤臣瀝肝濺血。〔生〕賢弟。那賊臣

呵。隆勅命豈心悅。我此去縱然有功。也被他蒙蔽。萬里君門怎知情節。〔合〕山川歷

越。橫雲遮帝闕。此去迢遙。此去迢遙。鱗鴻怎覓。

〔前腔〕〔小生〕心竊幸吾兄矢心似鐵。還堪慮孤臣未諳使節。長兄。從此一別。未知

何時得會。辭別去轉悲切。到此地位。家也顧不得了。空把鄉心魂飛楚越。〔合前〕

〔生〕鴻飛塞北雁飛南。

〔小生〕兩處堪悲總一般。

〔生〕回首鄉關悽慘處。

〔小生〕越江流淚溼吳山。

第二十六齣 一妻思望

〔念奴嬌〕〔旦上〕野棠花落。漸殘紅飄盡。暮春時節。上苑才郎頻入夢。一枕銀

屏寒怯。曲岸持觴。垂楊繫馬。此地曾經別。樓空人去。舊時飛燕能說。〔浪淘沙〕簾

外雨潺潺。春意闌珊。羅衾不耐五更寒。綠鬢不歸魂夢冷。望斷長安。獨自莫凭欄。無限江山。別時容

易見時難。流水落花春去也。天上人間。奴家自從鄒郎赴選之後。眼望旌旗。耳聽消息。且喜他與林家叔叔二龍競奮。雙鳳齊飛。高科少年。天從人願。前日府縣已送過旗扁。但不知我相公該選何職。官居何地。歸期未卜幾時。正是上國觀光。雖慶雲龍風虎。幽閨離況。難禁寡鵠孤鸞。且待嬌嬌出來。與他排遣。

〔花心動〕〔貼上〕曉夢驚殘。聽流鶯幾轉。銜花聲咽。寶鏡羞臨。綵線慵拈。對春

風欲語無言。僊郎已逞看花眼。怕糟糠不似初年。願琴聲瑟調。常無間歇。〔浪淘

沙〕蹙損遠山眉。幽怨誰知。羅衾滴盡淚胭脂。春色上林遙望處。千里鶯啼。惆悵阻歸期。人在天涯。

清風頻動小桃枝。正是消魂時候也。撩亂花飛。〔相見介貼〕伯母。孤蒲弱柳。久寓他鄉。紅杏碧桃。

喜攀上苑。但婦順雖供乃職。夫榮未測其心。名繯利鎖。常留遠塞孤臣。楚館秦樓。易動少年司馬。情

或遷於少艾慕君。信必負乎死生契闊。我等雖慶春闈之捷。難逢畫錦之游。不免愈添愁思。〔旦〕嬌

嬌。良人同貴。薄命有依。奴輩既非買臣之妻。二郎諒無王魁之行。玉音在邇。海誓難忘。但身既列於

縉紳。情難戀乎衾枕。古人四月取塗山。未免八年治洪水。竊恐他灑泣登舟。征帆遠託。澄清攬轡。合

劍無期。只得忍耐而已。〔貼〕伯母看幾點落花聽數聲啼鳥。當此暮春天氣。真個好傷情也。〔旦〕嬌嬾剩半窗明月。留一榻清風。縱然獨坐香閨。借此自能排遣。〔持帕拭淚〕

〔香羅帶〕〔旦〕歸鴉噪夕陽。柴扉乍闕。此時風景添悽愴。天涯游子未應歸也。臨晚鏡。覩花鈿。昨宵淚迹還存半。倦看梁上也。燕墜泥巢落碎香。

〔前腔〕〔貼〕窗櫺漏晚陽。月斜半山。黃昏寂寞愁懷滿。畫眉人去景蕭疎也。腰瘦損。帶圍寬。玉容不似當初樣。忍看窗外也。蝶帶餘花撲細香。

〔生查子〕〔付末上〕魚書慰好音。客路多勞攘。昨日水雲鄉。今日錢塘上。〔見介〕二位奶奶。林相叩頭。〔旦貼〕呀。林相回了起來。〔付末應介旦〕二位老爺客邸安否。〔貼〕選官曾未。

〔付末〕聽小人告稟。

〔刮鼓令〕〔付末〕京師慶履康。荷天恩開選場。蒙吏部超遷資格。不泥平時選士方。〔旦〕二位老爺可曾選麼。〔付末〕雙鳳喜翱翔。〔旦〕我大老爺選何職。〔付末〕大老爺呵。

乘驄衣繡親承勅獎。〔貼〕我二老爺選何職。〔付末〕二老爺呵。行人天使館華皇。〔旦〕既

如此緣何着你先歸。〔付末〕爲泥金報喜特還鄉。〔旦〕林相我大老爺今在何處。〔付末〕大爺選山西道御史。卽差巡察北邊諸衛去了。〔貼〕我二老爺今在何處。〔付末〕二爺選行人也。差去雲南安輯土官。〔旦〕他兩個又分別了。〔付末〕便是。

〔前腔〕〔旦〕好苦也呵。郎官應上方。爲羈留名利韁。撇下了寒衾冷帳。苦風塵侵鬢霜。一榜也有許多進士。偏差他去巡邊。王事獨勞賢。登山采芑。教人凝望。〔悲介〕相公。

你幸然叨沐聖恩光。又堪嗟駐驛在羶鄉。〔貼〕林相。二位老爺幾時可歸。〔付末〕諒在二

三年間

〔前腔〕〔貼〕好苦也呵。聞言使遠荒。頓教人增慘傷。自當日袂分南浦。苦晨昏魂夢涼。我那一日不望着京師。極目望衡陽。鸞簫聲斷。頻添悒悒。〔悲介〕今日呵。幸一朝身顯姓名揚。又空悲寂寞滯他鄉。〔付末〕二位奶奶不須煩惱。諒二位老爺不出于二年之間。同建大功回朝。那時節共享富貴。須有日也。

〔前腔〕〔付末〕不須用感傷。聽微言說審詳。二位老爺在京呵。逢際會同沾雨露。

仗旌旄分雁行。二位奶奶。他才略足勤王。忠心義氣。比昔年益壯。此去呵。料應不久滯邊疆。看雙雙畫錦共歸鄉。

〔旦〕春色榮華憶上林。

〔貼〕那時鸞鳳久離分。

〔末〕須知愁思盈千斛。

〔合〕未必家書抵萬金。

第二十七齣 幼海議本

〔瑞烟濃〕〔末扮董傳策上〕憤發丘園。遭遇早登天府。傳世文章。幸無負。立朝忠

義。會禁闈。未開言路。休誤。還須把嘉猷匡佐。〔鷓鴣天〕年少曾耽萬卷餘。幸然身到鳳凰

池。每懸玉珮聽鷄入。曾戴宮花走馬歸。三尺劍。萬言書。要誅奸佞轉清時。直從宇泰收功後。始信天

生我不虛。下官禮部主事董傳策是也。庚戌榜中。最爲年少。春官署內。頗信知名。紈袴膏粱。恆患弗

堪大任。錦衣玉食。每思難報皇恩。爭奈奸相嚴嵩。父子濟惡。自夏太師典刑之後。大臣無不戰兢協

服。自楊椒山被禍以來。諫官盡皆屏息忘言。邊上總制之臣。朝中直言之士。不知被他害了多少。近

日鄒林二進士。頗有風力。朝野方倚爲重。卻被遠逐去了。下官目覩其奸。不容不奏。豈不知直言取

禍。只是忠佞不兩立。甘爲楊椒山的下稍耳。昨已約兵部張鶴樓。工科吳惺齋。聯名劾奏。諒他必來議本。

〔菊花新〕〔小生上〕胸懸鸚鵡佩銅符。名列黃門職掌科。奸佞未消磨。封事條陳細數。下官工科給事吳時來是也。昨約董部長同劾奸臣。今日到他家議本。那來的想是張部長待他同進。

〔前腔〕〔外上〕班隨郎署沐恩波。誅佞曾將寶劍磨。憂國鬢蕭疎。何日朝廷清妥。下官兵部郎中張翀。特來董部長處議本。呀。老掌科。你先在此了。〔小生〕下官在此拱候。請同進去。〔未接見介〕請了。〔揖介〕〔浣溪沙〕〔小生〕青瑣初開散御香。〔外〕掀髯長笑入朝陽。〔未〕觸邪自信有神羊。〔小生〕枕上夢魂因甚散。〔外〕鏡中華髮爲誰班。〔未〕憂民憂國減容光。〔小生〕請問董兄。本會完否。〔未〕略已草完。但未知二兄主意如何。〔小生〕那厮罪惡。不能悉數。下官要把他父子盜權。欺罔朝廷。陷害忠良爲主。〔外〕下官要把他樹立朋黨。私賣官爵。實跡開後。〔未〕下官正是此意。請二兄賜覽。〔出本看介小生〕正所謂三人同心。其利斷金。就此聯名進去便了。

〔三換頭〕〔小生〕忠懷寫訴。喜得辭情俱可。爲勳臣元宰。陷奸雄佞徒。況生賊子。壞朝綱成病蠱。我若不除那賊臣呵。夢魂中難消怨魔。〔外〕吳兄之直諫。何異吳競之春秋。〔小生〕直筆思吳競。誅奸作範模。〔合〕爲國捐生。未卜君王意若何。

〔前腔〕〔外〕犯顏糾謬。養成平素。心盟盡吐。想天教吾輦。殲除豺虎。這詞章眞泣訴。進本雖由於我。聽言則在於君。願重瞳明彰罪罟。〔末〕張兄之犯顏。卽唐太宗之張玄素也。〔外〕抗旨追玄素。當爲烈丈夫。〔合前〕

〔前腔〕〔末〕人生禍福。皆由前數。況君恩感激。肯私心自誣。羣狐期掃滅。孤臣甘鑽斧。今我三人心。惟天可表。遇同心忠言幸符。〔小生〕董兄如此忠鯁。也不愧董宣之強

項了。〔末〕立志希強項。何愁貴戚多。〔合前末〕二位長兄。今日之舉。死多生少。下官孤

身在京。無父母妻子之累。慷慨赴死。不足爲難。吳掌科萱堂暮景。不免烏鳥之情。張部長幼子嬌妻。

恐有鴛鴦之念。倘赴死之時。少有勉強留戀。不免取譏後世。二兄也要斟酌。〔小生〕幼海兄。此身未

仕。乃父母之身。委實爲臣。卽朝廷之身也。遭逢不偶。忠孝怎能夠兩全。況我老母節義持身。忠誠教

子。若聞我剖腹當朝。他必含笑入地矣。歸富拜別老母。明早入朝。諒無牽掛也。〔外〕幼海兄。五倫之中。君臣爲重。夫婦爲輕。古人烹童殺妾。莫非爲君。下官雖不能取法古人。決不爲妻子所累。今晚卽將荆妻犬子。送歸本鄉。縱有慘禍。不使他見聞。明日暴屍市朝。亦何足惜。〔末〕旣如此。同拜告天地。

〔一封書〕〔合〕同心奏遠謨。爲朝廷愴壬多。君心恐未孚。望神明默祐扶。稂莠芟除嘉穀長。鴟鵂殲夷鳳鳥和。息風波。固皇圖。願見康衢擊壤歌。

〔外〕心志相孚義氣投。

〔小生〕皂囊親捧入龍樓。

〔末〕事君不懼頻加辱。

〔合〕不剪奸雄死不休。

第二十八齣 吳公辭親

〔金瓏璫〕〔老旦上〕桑榆方暮景。那堪半世孤燈。希孟母。教曾參。堂前叢駟馬。囊底乏贏金。兒郎惟願達承明。〔虞美人〕春花秋月何時了。往事知多少。小樓昨夜又東風。故

國不堪回首。月明中。斷機投杼心猶在。只是朱顏改。問兒青瑣有何言。報道一封朝奏九重天。老身周氏。幼適吳門。夢斷兩鬢。已經廿載。教傳孤息。不憚三遷。且喜我孩兒吳時來。一舉成名。謬知青眼。

三年滿秩。榮擢黃門。但恐他少年英氣。不知憂國憂民。尸位素餐。徒負有言有責。若得他犯顏廷諍。立身揚名。也不枉了我平生教子之功。正是不圖鼎食三牲養。惟願芳名千古知。

〔前腔〕〔小生上〕班衣思定省。何期言責羈身。烏鳥愛。忍難分。淚流還自止。心痛

暗吞聲。斯須辭別向楓宸。〔老旦〕孩兒回來了。〔小生〕孩兒今日與同僚議事。定省歸遲。望母

親恕罪。〔老旦〕孩兒。仕則慕君。正當以公務爲急。但不知今日爲何面帶憂容。〔小生〕母親。孩兒職掌工科。爲朝廷興造。差委點計王木。明日早朝之後。就恐不得回來。視膳問安。恐有缺失。爲此而憂。

〔老旦〕甘旨之奉。乃是小孝。但願孩兒匡濟國家。名揚於後。顯我生身所自。豈不勝於奉養。〔小生〕雖如此。孩兒此去。諒有幾日不歸。今晚將一杯酒與母親少叙。釵將酒來。〔丑應上〕三盃和萬事。

一醉解千愁。〔小生送酒介〕

〔梁州序〕〔小生〕孤幃堅守。三遷慈訓。節苦冰霜寒凜。劬勞難報。兒今幸喜登瀛。但只慮莠蒿非美。餅壘俱傾。晚景黃花另。〔老旦〕孩兒到此地位。我也心安意足了。

〔小生〕高堂衾枕冷。倩誰溫。〔老旦〕孩兒休說此話。亦不須下淚。〔小生〕捧檄難全毛。

義名〔合〕母與子相依命。爲奪情國事。須廷諍。思戲綵。怎承順。〔老旦〕孩兒。看你
勝悲痛。不是差點王木。想是要犯顏諫君了。〔小生〕母親。沒有此事。請自寬慰。〔老旦〕孩兒。你聽我
道。

〔前腔〕〔老旦〕貞孤高節。清風家慶。世守相傳忠悃。天恩始受。應知便罄葵心。
但只願神羊利角。天馬長鳴。舉筆除奸佞。〔小生〕孩兒。縱要諫君。豈不爲母親自愛。〔老
旦〕君親原一體。漫留情。絕裾當成溫嶠名。〔合前小生〕母親。孩兒有一言告稟。〔老
旦〕有話但說。〔小生〕孩兒不敢相瞞。今早與同僚相約。要劾奸臣嚴嵩。倘聖上不准。必加斥辱。恐
驚惶老母。不敢明言。今見母親忠言誨勉。特此告知。但父母遺體。不敢毀傷。今爲君忘親。罪不容於
死也。〔悲介老旦〕豈不聞王陵事漢。其母自刎以成其忠。范滂臨刑。其母婉辭以勵其節。孔融之母。
爲子而欲當其辜。尹焯之母。雖貧而不思祿食。我老身雖不能取法古人。平生教子之心。實欲你做
個忠臣義士。今日你爲國除奸。齊名李杜。吾事畢矣。死亦何憾。〔小生〕母親賢德。遠過古人。但爲人
子者。未報深恩。反貽伊戚。欲盡事君之節。難逃棄親之名。當此兩難。不勝腸斷。

〔前腔〕〔小生〕親朝中獸迹狐形。忘膝下烏情鳥性。恨平生忠孝。不能兩盡。卻羨那陳情歸養。採甚供親。先範真堪景。細思腸欲斷。淚沾襟。教育空勞孟母名。

〔合前〕

〔前腔〕〔老旦〕歎藁砧一卷遺經。幸綵服名登臺省。這乾坤清氣。當存性分。你休爲着柏舟飄泊。菊徑荒蕪。章奏無心整。袖中誅佞策。勵精誠。避禍休思徐庶名。〔合前小生〕孩兒此本縱有譴貶。諒無大禍。望母親不必掛心。〔老旦〕孩兒你不須念我。且把死

生父母置之度外。好好去做個忠臣。〔小生〕丫鬢收了酒席。就此拜別了母親。〔拜老旦介〕

〔節節高〕〔小生〕蒙親慰好音。謹欽承。明朝玉漏聽鷄進。爐香燼。羽扇分。鴛班定。曙光浮動金龍影。一封親瀆重瞳聽。〔合〕只恐西山日影斜。愁深一夜霜添鬢。

〔前腔〕〔老旦〕爲臣要矢志。勿憂親。鞠躬盡瘁承先訓。三牲進。五鼎陳。晨昏定。算來爭似清名勝。顯親萬古須忠鯁。〔合前〕

〔餘文〕〔合〕古今青史如明鏡。做男兒拚死捐生。留取丹心照汗青。

〔老旦〕爲國辭親志欲堅。

〔小生〕官居諫議敢忘言。

〔老旦〕若還內省除奸宄。

〔小生〕益顯高堂有母賢。

第二十九齣 鶴樓赴義

〔翫仙燈〕〔外上〕攬轡登車。王事盡驅馳。厭元規塵污當世。激濁揚清。怎成吾志。回首家園。妻孥休繫。〔長相思〕朝金闕。補玉闕。明朝封事從頭說。豺虎須殲滅。荆妻別。嬌兒別。贏得啼鵲紅兩頰。誰知腸欲裂。下官約董吳二兄同奏權奸。正是累卵擊石。犯之必碎。飛蛾投火。觸之必焦。在賊窩固有五奸十惡之名。在獅等豈無萬死一生之慮。倘我臨刑就戮之日。使我妻子見聞。那時豈能爲情。昨已分付家僮收拾行裝。送我嬌妻幼子還鄉。明日含笑赴死。豈不脫然無累。叫小廝。〔付末上〕堂上聞呼喚。塔前聽使令。相公有何鈞旨。〔外〕教你預備棺木。可曾完否。〔付末〕已完備了。〔外〕行李可曾收拾麼。〔付末〕也完了。〔外〕請夫人公子就行。

〔前腔〕〔旦扮夫人貼扮公子上〕和水諧魚。封誥寵鸞書。俄爾間輕拋鴛侶。〔貼〕膝

下承歡。養成麟趾。此去雲山。瞻依何自。〔相見介旦〕相公無故作凶器。君子稱不祥。妾聞相公分付家僮。要備棺木。將何所用。〔外〕昨見街坊老者凍死。憐其無棺。欲要送他。〔旦〕這也是好事。相公他人凍死。尙在見憐。這等寒天冷月。不知爲着甚麼送我母子還家。〔外〕我也不爲甚麼。只是考績將滿。當補外任。爲此送你母子先去。下官不久就歸。〔貼〕爹爹父子不忍相離。關山又難遠涉。旣當補外任。待有地方。同回何如。〔外〕你不曉得。大抵爲官要避嫌疑。不可挈妻帶子。〔旦〕相公縱要奴家回去。也須預擇歸期。今卒然之間。必有個緣故。爲何不明白說與奴家知道。

〔紅衲襖〕〔旦〕你莫不是在鵷班名見遺。〔外〕下官曾無過舉。難道見遺了。〔旦〕莫不是爲同僚爭忿氣。〔外〕下官和以處衆。豈有此事。〔旦〕你莫不是受征書差往蠻荒地。〔外〕也不

是。〔旦〕莫不是思尊菜專意掛冠歸。〔外〕也不是。〔旦〕旣不是惹禍招非。難道是矯情干譽。如今曉得了。敢則是董卓袁隗贈個金屋嬋娟也。把我舊日糟糠棄土苴。〔前腔〕〔外〕夫人。我本是一個老窮經素服儒。荷天恩欽崇到此榮多矣。點朝班幾度聞鷄起。觀當道羞我問狐狸。夫人。我豈學做重婚王允愚。豈溼着司馬青衫

淚〔旦〕相公何不將送歸家的事明言一言〔外〕夫人我祇爲着燕老巢危三年廬舍荒蕪也只得割捨分飛遣恁歸。

〔前腔〕〔貼〕爹爹我本是幸瞻依髻鬢兒今日裏向關河獨自回。豈孩兒不是屬毛離裏。豈孩兒未曾恭敬桑梓。爹爹你旣道是外補他歧。又慮着室家荒廢。〔外

拭淚占看介〕卻緣何言語參差暗中流淚吞聲也。不吐衷腸稚子知。

〔前腔〕〔外〕我那兒我做爹行爲朝廷恁怎知。你做孩兒從母氏須相倚。〔對旦介〕

夫人你不是怯春閨年少塗山娶。〔對貼介〕孩兒你也不是覓梨栗提抱泣呱

兒。今日呵向家山一心歸去。休得要望京華兩地雲迷。〔貼〕孩兒與母親先歸。不知

爹爹歸期在何日。〔外〕爲甚麼未登程先問歸期也。惹得我淚雨如珠滴兩頤。〔付

末〕稟老爺行李已裝在車兒上。轎馬俱已完備在此了。〔外〕如此請夫人公子就道罷。〔旦〕相公

奴家先歸。有家事可言否。〔外〕家事到沒有。只是夏老夫人在我近處。須要朝夕看顧他。〔貼〕望爹

爹早辦回程。省得孩兒懸望。〔外〕朝中多故。歸期未卜。你且不要望我。只要勤苦讀書。後日做個好

人〔旦〕相公。奴家拜別。〔對拜介〕

〔鷓鴣天〕〔外〕三年攜手寓王畿。〔旦〕一日分襟淚滿衣。〔外〕孤館人離腸愈裂。

〔旦〕香衾身去夢還回。〔占拜悲介〕趨庭教。陟帖思。望斷衡陽季子悲。〔合〕此去

愁懷難自慰。春蠶絲盡燭成灰。〔外〕夫人孩兒。不須回盼去罷。〔旦占拭淚下外弔場嘆介〕

我想朝中衆臣。多是封妻蔭子。下官爲國。反成拋妻棄子。恐非人情也。只是我平生志願。不在妻孥之樂。倘驅除奸佞。使天下夫妻母子皆得安寧。便苦了我一家也說不得。〔悲介〕

〔紅衲襖〕我祇爲着剪荆棘一紙書。撇下了親瓜葛成委棄。我那兒。我非是易

牙諂佞思烹子。我那妻。我非是吳起貪榮要殺妻。端只爲明夙志自分捐軀。因

此上把一家傾廢。我那妻兒。就留你在此也不妨。只怕做不得楊椒山夫妻節義雙

亡也。空使傍人講是非。叫手下。明早把我棺木。先擡到錦衣衛前。倘我打死之時。卽時掩釘。恐

見者生悲。奸臣害衆。〔付末應介外〕準備青衣小帽。到朝房裏伺候。〔付末應介〕

〔外〕割愛分情總爲君。

〔付末〕鐵爲肝膽石爲心。

〔外〕男兒必建回天策。

〔付末〕青史應書萬古名。

第二十齣 二臣謫戍

〔小生扮錦衣衛指揮上〕〔蝶戀花〕鐘動長陽雞報曉。朝政驚心。睡起衣顛倒。碌碌功名人自老。漸看綠鬢都蒼了。塵世猶如風偃草。骨鯁丹心。幾個人知道。昨上封書名表表。天涯又貶雲山杳。下官錦衣都指揮使朱希孝是也。自陸東吳棄世之後。重蒙皇上勅我掌堂。公侯世澤。休誇鐵券丹書。君父新恩。幸攬玉麟銅虎。昨日張獅吳時來董傳策聯名劾奏老嚴。聖旨批下。每人重打八十。發遣邊衛充軍。那嚴老又差人威逼下官。必欲置他們於死地。我的衙門雖掌生殺之權。但念三人皆忠義之臣。豈忍他死於非命。被我好生打個出頭棍兒。救了他性命。吳公原籍僊居。問遣定海衛。董公原籍松江。問遣金山衛。這都是以近就近了。惟有張公是個本頭。皇上親批榆林邊衛。即時起解。可惜他俱是忠悃危言。求榮反辱。正是云不可使得罪於天子也。

〔越調鬪鶴鶉〕俺想那幾個書生。燈窗勤敏。宇宙胸襟。乾坤性分。抱負平生功勳志銘。養就的是丹心。靖獻的是葵誠。磊磊睜睜。巍巍耿耿。

〔紫花兒序〕俺想他們將進本之時呵。哭哀哀拜辭了萱親。淚盈盈送歸了王孫。嬌滴滴搬下了鴛衾。曉夜無眠。惕勵憂勤。端的是烈轟轟鐵膽銅心。恨不得將奸回兒吞進。敢則是一言難盡。望斷了萬里君門。

〔柳營曲〕俺想他入朝之時呵。耳聽着那搥鼓聲。眼望着那庭燎明。入朝班緊緊兒將衣整。看楊眉樹日。鬼動神驚。猛可地那奸臣覷着失三魂。俺昨日在武弁班

中。遠遠望見東長安門進來時呵。

〔么篇〕祇見那張兵部老成強鯁。執牙笏面訴衷情。吳黃門欽依了那新王命。抖擻了舊精神。一定要重把綱常整。又覷着小後生。祇見那官兒年紀不上二十四五罷了。卻不曾聞姓名。人道是仲舒孫。他逞少年洛陽心性。至誠痛哭王庭。長歎息。涕交零。恰便是漢朱雲把檻兒攀損。俺想起來。楊椒山之後。卻還有這三個臣子。這三個攬丹誠。都學盡瘁報君。頭一個是老魏徵不怕瀆了君王聽。第二個鐵睜睜打破了堅城。第三個恨不得舞吳鉤掃了奸黨盤根。他有這等爲國忠心。俺將謂

聖上越格超遷。今日呵。

〔小沙門〕張兔網反羅了雉兒清耿。擊魔天反打了護法真人。駭得俺雙股輕搖寒凜凜。一個個向邊城口吐冤聲。這也不是聖上斥逐忠良。都是奸臣蒙蔽之過。

〔聖藥王〕他不爲着逆耳忠言進。爲奸謀石固淵深。欺君父狼行狐媚會逢迎。惡狠狠斂着那不露牙的吞忠吻。黑漫漫藏着那不掘地的陷忠坑。密圍圍將忠良兒一網都打盡。去匆匆不回頭誰作捲堂文。可惜那三臣貶竄。朝中能有多少個人惜他。

〔尾聲〕只是咱惺惺的自古惜惺惺。望天涯魂消魄冷。空留着青瑣闥諍諍虛名。怎能勾紫凌烟功雕彝鼎。

忠臣爲國效三仁。

斥逐遐荒萬里塵。

此日暫爲金革戍。

他年還作縉紳臣。

第三十一齣 陸姑救易

〔光光乍〕〔淨付淨同上淨〕尊爵獨巍巍。逞英雄志未灰。古今相業無吾對。〔付淨〕嚴君聲勢震如雷。縱橫予奪。何求不遂。〔淨〕赫赫威名震四方。〔付淨〕區區文武莫爭強。〔淨〕與兒共建千年計。〔付淨〕宗社無疆福壽長。〔淨〕孩兒我齒爵俱尊。兒孫共貴。人稱我爲半朝天子。可謂不謬所言矣。只是易家與我世讎。他有肥田三千畝。在我北莊相近。可奈他恃強負固。不肯投獻。正思用計害他。何期那易弘器這小畜生。又中了新科解元。昨日到京。特來參謁。我見他一貌堂堂。必然高貴。若不早除了他。如虎生翼。後日我子孫難保不受其害。孩兒可有擺布他的計策麼。〔付淨〕孩兒定下一計。正要告與爹爹知道。昨已發帖請他。今日飲宴。哄他盡歡沈醉。留在書房歇宿。那時鎖着門兒。孩兒房中有個使女秋蓉。顏色頗醜。要他無用。教家奴彭孔。認作妻子。約至三更。先殺易弘器。後殺秋蓉。天明就叫彭孔執兩顆首級。到兵馬司首告易弘器乘醉狂強。姦良婦。并妻殺死。那時彭孔不惟無罪。抑且有賞。那厮一死。田產不患不是我家的。〔淨〕孩兒此計甚妙。但不知他來否。〔付淨〕孩兒已着人去速他。諒必來也。

〔前腔〕〔付末扮易弘器上〕文省幸掄魁。到皇都赴禮闈。因參相府蒙深惠。鸞箋

寵召自天來。黃扉紫閣。潭潭如海。小生江西解元易弘器便是。昨來會試。因參嚴府。今日幸

蒙招飲。不敢不領其命。此已是他府前了。門上通報。〔丑上報介淨〕請進來。〔相見介〕〔錦堂春〕

〔淨〕畫棟樂賓綵燕。瑤臺留客明花。〔付末〕重樓疊宇聞歌舞。疑是帝王家。〔付淨〕篆鼎猊香擁碧。

流珠鳳蠟紅斜。〔付末〕候門不厭柴桑士。寵渥慶無涯。老太師。老大人。學生輕率晉謁。執贊無儀。猥

辱寵招。侍食有愧。〔淨〕易先生。我和你英豪會聚。何必謙恭。故舊相逢。勿存形迹。老夫舊年閱各省

鄉試錄。見先生獨占高魁。不勝雀躍。愚父子亦與有光。今春諒必大魁天下矣。特着小兒聊薦豈觴。

少壯文場之興。老夫又爲入朝議政。不得相陪。待小兒陪過素絲堂寬坐。正是倦飛柳絮慚頭白。故

讓東風舞落花。〔下付淨〕請了。這是素絲堂了。請易先生寬衣少坐。〔脫衣坐介付淨〕將酒過來。

〔丑上〕甕頭春酒熟。江右故人來。酒在此。〔付淨送酒介〕

〔玉交枝〕〔付淨〕春風和藹。慢論交酒斟玉杯。鬱金潑灩光生彩。請君寬飲開

懷。笙歌奏處意和諧。黛眉舞罷盃還再。〔合〕喜共游皇宮御臺。須沉醉肉林酒

海。

〔前腔〕〔付末舉酒介〕寒微自揣。荷恩榮光生上台。玳筵開處頻加愛。兩情豈復疑猜。錦堂春暖肆徘徊。玉樓人醉生狂態。〔合前末〕奉老爺鈞旨。請易相公不要拘束。移席到後園萬春亭樂飲。以盡一日之歡。〔付末〕學生量不勝酒。告辭了罷。〔付淨〕老父有命。請易兄到園中。〔行介〕這是萬春亭了。將酒來。易兄請樂飲。

〔羅帳裏坐〕〔付淨〕啼鶯語燕。聲如勸盃。明花媚景。爲君留在。〔付末〕雖蒙盛情。但學生盡醉。必要告辭。〔付淨〕一定要留宿。且無處去。你看這梅梢月上。豈容不待。〔合〕人生笑口甚難開。須欠些酒錢詩債。〔付末〕學生醉得緊了。再不能加一盃矣。〔醉唱介〕

〔前腔〕飲酣興盡。紅生杏腮。花眠柳倦。日長力怠。〔付淨〕再請一盃。一定要盡情。〔付末作醉狀介〕教我峨冠不整。禮儀終懈。〔合前付末醉倒介付淨〕小廝。那易相公果然醉了。扶他書房裏睡罷。〔扶付末作睡介付淨〕他既睡了。鎖上了房門。正是斷送一生豪氣。已消半

熟黃梁。〔並下老旦執鑰匙上〕善哉善哉。手似扶人杖。心如活命丹。救得千人傑。勝燒萬炷香。老身陸氏。乃嚴太師的表妹。嚴世蕃的表姑。婦居無靠。暫依親戚。世蕃姪着我教小姐們針指。因此得宿

臥房。纔聽得世蕃與妻兒商議。說道易解元已鎖在書房內。少待三更。教彭孔先斬他首。并殺秋蓉。嚇得我汗透重裘。我想易解元是少年豪傑。秋蓉亦非有罪。頃刻之間。可不送了兩條性命。天幸世蕃睡去。被我竊得匙鑰在此。先救了易生。秋蓉自然不死。呀。書房門果然鎖在這裏。待我開着。〔開介叫付末介〕易解元這等好睡。還不知死在頭上哩。〔拖付末介〕冤家快起來。〔付末驚起介〕

〔奈子花〕〔付末〕問娘行昏夜何來。〔老旦〕爲郎君卒犯飛災。〔付末〕老媽媽。小生醉後不知天地。敢問有甚麼飛災。〔老旦〕你還不知。我世蕃姪兒要謀殺你。故將酒醉倒。少頃就教彭孔斬首。并殺秋蓉。我爲此奮身力救。恐遭毒害。〔付末〕老媽媽就是我再生的母親了。如今卻怎麼好。〔老旦〕尋徑竄逃生莫待。〔付末拜老旦介〕深賴銘心。鏤骨曷勝感戴。〔老旦〕前面已無去處。後園門匙鑰我也竊在此。送你出去。〔行介〕

〔前腔〕〔老旦〕戰兢兢脚步難挨。〔付末〕小生還未醒也。行不動。爲酩酊欲去還來。老媽媽。若無你救我之時。險些兒做了粉齏肉醢。〔老旦〕好了。園門也開了。〔付末〕方幸得餘生猶在。〔老旦〕行快。須防後虜。追來莫解。〔老旦〕易郎。後面人聲。想是追趕來了。快走快走。

我欲去不能。欲回不可。這裏有一口枯井。待我投下自盡罷。〔投井介下付末〕苦老媽媽爲我而死。後面追來。我又不能在此救他。只得且逃性命。正是撥開泉下路。跳出鬼門關。〔下丑持刀上〕欲存豫讓心。先試荊軻劍。我彭孔奉大爺鈞旨。去殺易弘器。我看這個小官兒少年美質。怎捨得殺他。只是大爺許我。殺了他時。重重加賞。常言道。殺不得貧家。做不得富家。且把心腸硬了這一次。下次再不去殺人了。呀。書房門已開在此。莫非那個先殺了奪我的頭功。且把床上摸一摸。好古怪。那裏去了。莫非在床底下。待我開窗瞧瞧看。呀。去了去了。一隻鞋兒落在這裏。想打從後園門去了。待我追上去。〔行介〕一發不好了。園門也開在此。去了。湯正滾時。狗又走了。教我把甚麼來弄。想他性命不該死。反是我家裏人救了他了。

〔前腔〕歎書生否極泰來。遇家人脫離危災。如今教我怎麼回報。做不得樊期獻首。鉏麴觸殆。這也是天理。他又無罪。如何害他。諒皇天暗中庇蓋。我大爺如今也惶恐。羞害。陰謀枉使。卻被他打開機械。只是一件。我大爺明日早上。就要這兩個頭兒來解官了。如今教我那裏去尋他來討賞賜。想他去也不遠。待我叫一聲。易解元。易相公。拿了頭來。你自去罷。吓。又叫他

不應。趕又趕他不着。罷了罷了。正是得放手時須放手。得饒人處且饒人。〔下〕

第三十二齣 易生避難

〔風入松〕〔小外上〕少年高折桂花枝。行旆駐京師。昨蒙相府留深意。還未審是和非。且去尋消問息。燈前準擬歸期。奸佞嫉吾曹。謀深益見高。腹中原是劍。笑裏總成刀。香餌魚吞釣。機弓鳥失巢。秦姬裘未獻。關客恐難逃。我郭希顏有鄉親。易弘器。新中解元。昨來會試。今日嚴府卽來招飲。我想嚴家素與易氏有隙。豈有不生妬忌之心。反加過愛之理。況兩京十三省解元俱在京師。焉能獨宴一人。爲此心生疑慮。倘加謀害。如何是好。此際已將二更時分。纔着家僮到彼寓所訪問。且待回報。〔外上〕匿情吐哺留賢士。誰識當朝王巨君。稟老爺。小人到易相公下處。說道午間赴宴。尙未回來。〔小外〕咳。罷了罷了。易生必落圈套矣。小廝。你隨我暗中去嚴家門首打探消息。〔外〕老爺。他家相府潭潭。縱然有謀。外面也不曉得。〔小外〕你不知道。事有偶然。倘天幸逃出。亦可接濟。不幸被害。亦必乘此黑夜。埋滅屍首。倘見之時。就此叫破。明日也好上本。快走快走。〔行介〕此是前門。絕無人跡。再到後園門去。

〔醉落魄〕〔付末急上〕忘機誤入迷魂地。幸然脫殼金蟬去。回頭恩母向枯泉。欲報恩無計。〔小外〕那暗中有一個人來。莫非就是易解元。且上前一看。〔付末〕那裏兩個人來。莫非嚴家巡更的。不免就此小巷躲避。〔小外〕那人荒荒張張。事有可疑。且追上去。〔付末回頭認介〕果是易兄。〔付末哭介〕

〔哭相思〕虎吻狼牙幾陷矣。何期此地重相遇。〔小外〕恐有人追來。快到小寓去。〔行介〕此處是了。易兄請進。小廝閉上了門。易兄喘息定了。慢慢說個害你情由。

〔皂羅袍〕〔付末〕奸相心懷毒意。〔小外〕他請兄去怎麼相待。〔付末〕命東樓賊子。款曲羈縻。〔小外〕飲酒之間。有甚話說。〔付末〕玳筵歌舞恣歡娛。金杯酬勸忘猜忌。〔小外〕正

是奸計。兄何不識。〔付末〕花前月下。又將席移。〔小外〕兄何不告辭。〔付末〕酒闌更盡。豈容謝辭。〔小外〕那時怎麼。〔付末〕沈酣中卻牢籠計。〔小外〕兄既沈醉。就中其計也不知了。

〔前腔〕〔付末〕不解其間就裏。〔小外〕他何計害兄。〔付末〕待夜闌深睡。鎖上黃扉。〔小外〕那時何所作爲。〔付末〕持刀彭孔斷微軀。他把秋蓉並斬成姦罪。〔小外〕這等如

何得脫了。〔付末〕天教姑氏私竊鎖匙。〔小外〕聞嚴世蕃有表姑陸氏在家想就是他救你。
〔付末〕重門引出迷途指歸。〔小外〕難得這個好人教他如何回去。〔付末〕言之痛心。他欲
逃不能。欲回不可。須臾投井歸泉世。〔小外〕咳。可憐可憐。婦人女子有此大義。況爲嚴氏親
戚。且肯捨身救人。益見奸賊之惡。下官雖無言責。明早將他罪惡。併殺兄致姑死節的事情。詳奏一
本。就死也何辭。

〔催拍〕〔小外〕聽說奸雄禍機。頓驚心覺涕洟。天下有這般婦人。追思救你時。何異那
吳女投江。先脫子胥。我明日呵。旌表亡靈。大義捐軀。〔付末〕如今本也難上。大人也要自
愛。〔小外〕臣子道願竭衷愚。掛冠去復何辭。

〔前腔〕〔付末〕荷得皇天鑒茲。離虎口幸脫災危。只是那奸雄呵。一不做二不休。雄心
恐未灰。小生當此之際。京國固不能容。歸途又恐遇害。旅邸難居。遠道難歸。正是四海無
家。張儉誰依。〔小外〕請自寬慰。〔付末〕鄉關杳雲樹重迷。回首處轉添悲。〔小外〕易兄。
你在此會試。諒不能容。復歸江西。又恐遇害。下官有門生鄒應龍。見任塞外巡邊。素有忠義。你去那

裏投他。只說代我通問。相見之後。言及實情。他必安慰着你。待他復命同歸。料無人測識。下官明日捨身力諫。倘有不虞。諒鄒生回朝。必與我報讎也。〔付末〕重蒙大恩。又辱指教。只恐日裏難行。就此夜間告別。〔小外〕此際城門未開。且到後堂茶飯。待五更時分。下官少助盤費。差人送出城去。

〔川撥棹〕〔付末拜介〕蒙君語。向邊城求暫止。〔小外〕須有日同賦歸與。〔付末〕怕回來奸雄未除。〔合〕怎教人勿痛悲。不由人不淚垂。

〔餘文〕生離死別何足慮。但願得早旋旌旆。氣壯山河金戈挽落暉。

〔付末〕天地如此大。

一身不能容。

〔小外〕暫爲袁紹客。

回建破曹功。

第三十三齣 鄒趙爭寵

〔窳地錦襠〕〔淨扮鄒戀卿上〕牙牌紫綬兩垂腰。鐵豸金章逼貴豪。二年鹽鐵考

功勞。品秩加封日漸高。收盡歷年鹽鈔。做成一等人家。千倉萬庫實堪誇。不在陶朱之下。自家

天下都巡鹽鄒戀卿是也。〔捋鬚介〕堂堂相貌。堪爲宰相乾兒。凜凜威風。克稱僉都御史。只是平生

受了趙文華的虧。我拜嚴介溪爲親父。他也來做兒子。我認嚴東樓爲長兄。他也來做兄弟。我送得白玉盃。他就送金盞器。我苦苦裏諍得一個都巡鹽。他烈轟轟到做了都總制。人稱我是個附勢的小人。不知他卻倒是個趨時的老吏。近日班師回來。倭子不會見面。陞了尙書之職。昨嚴家會席。公然僭我坐位。爲此忿忿而歸。必須尋個人間未有的至寶。奉與嚴家父子。奪他的寵幸。方遂我平生之願。小廝那裏〔未上〕一身非己有。半世爲人忙。老爺有何鈞旨。〔淨〕我官豪家富。皆是嚴家所賜。不想被趙文華奉承太過。僭在我上。倘若漸漸寵衰。教我置身何地。我欲尋取寶物。投他父子歡心。那時的寵眷。又是我爲第一也。你與我尋思一計。就割我的肉奉他也情願。〔末〕他家富比皇宮。無寶不備。除非所求者壽。所怕者死耳。聞有僊人赤肚子。餐松臥雪。煉長生不老之丹。現在西山小茅菴內。老爺不要使人知道。明早更衣獨步。竭誠而去。求些僊丹。送與嚴家父子。保他長生。豈不是他至願。〔淨笑介〕有理有理。〔末〕老爺還有好處。若求多得些。自家喫了。萬年千載。得與嚴氏同享富貴。〔淨笑介〕一發有理。明早就去。正是夜眠清早起。須防還有不眠人。〔並下丑上〕帷幄雖無謀略。金銀滿載回朝。尙書名比斗山高。不是昔年老趙。可惡那鄢懋卿。昨在嚴府會席。忿忿先歸。想是忌

我官高。必要尋取計策。奪我權位。幸得嚴鴻嚴鵠潛地報我。說他祖父只少長生不老之丹。爲此欲求西山赤肚子僊丹奉他。只是此行斂些光彩。不可喝道而去。只得微服私行罷。〔行介〕

〔前腔〕徐徐緩步出西郊。學做東方去竊桃。〔笑介〕我想着那老鄢雖善趨迎。終沒有這

樣心機。笑他無計枉心勞。〔淨暗上〕同去山家走一遭。〔丑驚介〕呀。鄢老弟何來。〔淨〕

趙賢弟拜揖。〔丑〕嚴家繼拜。惟我爲先。如何呼我爲弟。〔淨〕諸子之中。我爲最幸。如何你要爲兄。

〔丑〕我是二品尙書。你是僉都。豈無大小之分。〔淨〕我是他嫡親鄉里。你是浙江。豈無親疎之別。

〔丑背云〕那廝好不讓人。卻不知到此何幹。待我哄他一哄。鄢大人。我和你旣爲兄弟。就如親生。不

可尙氣。請問大人何往。〔淨〕要到山前去訪友。趙大人何往。〔丑〕也要山後去訪友。〔淨背云〕好古

怪。待我少避。看他那裏去。如此請各分路。請了。〔各走各回頭看介〕請了。〔淨下丑急走介淨暗上〕

趙大人山後去。如何對着小茅菴而走。〔丑〕兄要山前去。如何也到這裏來。〔淨〕實不相瞞。學生

爲老母有疾。特求赤肚子僊丹。〔丑〕學生不敢隱諱。亦要求僊丹以救幼子之病。〔淨〕足見同心。就

此同去。菴中有人麼。

〔西江月〕〔小生扮道童漁鼓上〕明月杖頭懸。弔清風扇底招搖輕。將漁鼓簡兒敲。眼看蜉蝣笑倒。〔丑淨〕小師父拜揖。〔小生〕二位大人稽首。〔丑〕我二人特來求見赤肚大仙。望乞通報。〔小生〕我師父聞忠臣林潤遠使雲南。恐他嵐瘴。特往護持他去了。〔丑〕那個林潤。〔淨〕就是向時衝犯東樓的小鬼頭兒。〔小生對丑云〕大人高姓何職。〔丑〕你既是仙人徒弟。不必明言。說個聲勢與你猜。

〔駐雲飛〕奉勅王朝。曾向江南仗節旄。文武聽吾調。生殺憑吾造。唵。金鼓動龍蛟。海翻山倒。你看梟首轅門。血遍三吳道。屠滅江州似小曹。屠滅江州似小曹。〔小生〕是趙大人了。〔丑〕你那裏就知。〔小生〕我師父說道。趙公領兵。有詩爲證。〔丑〕願聞。〔小生誦介〕戰血流紅白骨枯。江南春燕已無窠。元戎恐怕明君怒。就馘流民奏凱歌。〔淨對丑介〕惶恐。惶恐。〔小生〕此位大人何職。〔淨〕我也說與你猜罷。

〔前腔〕利析秋毫。四海關津過幾遭。商賈皆輸鈔。帑藏無虛耗。唵。國富與家饒。古今稱道。便遇孔僅弘羊。未必他能到。賚海吳王讓我曹。賚海吳王讓我曹。

〔小生〕是鄢大人了。〔淨〕那裏見得。〔小生〕我師父說道。鄢公巡鹽。亦有詩爲證。〔誦介〕監司昨日興常例。煎膏炊骨民無計。從今炙盡水中渣。五湖四海皆無味。〔丑對淨介〕你也大慚。〔小生〕趙大人尙勢。鄢大人尙利。我師父有言。大人聽道。

〔前腔〕處世論交。忠孝當全道。誼高。〔對丑介〕勢大難依靠。〔對淨介〕利重非公道。嚟。王凱石崇豪。後須難保。你看鷓蚌相持。終有漁人到。勿效韓彭赴市曹。勿效韓彭赴市曹。〔丑〕我二人一爲母疾。一爲子病。特來求令師仙丹。若有在此。萬望少賜。〔小生〕

仙丹到沒有。有一個口傳藥方。待我誦與你去罷。〔誦介〕藥按君臣我備知。先培國脈用參芪。伏仁附子須防己。官桂茴香要蒺藜。吳越倭膏休服用。江淮血竭量情施。一鍾早早虛心服。雖不長生也免誅。〔丑淨作赧顏介〕承教了。只得去罷。告辭了。正是踏枝不着空歸去。三匝無依烏夜啼。〔下小生弔場笑介〕好笑這兩個奸雄。明明要奉嚴家。反說爲母子求丹。天下那裏有長生不老之丹。可見奸臣固寵之心。無所不至。我師父有先見。常說鄢趙二人當遇楊椒山陰靈而死。不久皆爲何鄢也。到此還不省哩。

〔沽美酒〕我笑文華枉智高。那懋卿計也徒勞。勢利冰山遇日消。讒罔極。罪難逃。空惹得神噴鬼惱。我師父常說。嚴家此時父子二閹老。他日一家盡獄囚。諒不虛言。他食天祿全家不道。誅善類。朝野冤號。千歲藥不醫奸老。九華丹來尋遲了。休休。你孽也自招。禍也自招。商鞅有下梢。須信是好還天道。嚴介溪。嚴介溪。好心癡。縱有仙丹誰

與伊。善惡到頭終有報。只爭來早與來遲。〔下〕

第二十四齣 忠良會邊

〔醉扶歸〕〔左右喝道生上〕望荒烟衰草迷郊甸。仗旌旗驄馬遶邊關。聽胡笳千里斷魂時。正鴻聲暗度寒雲畔。威行燕趙勢傾韓。還憂未落奸雄膽。〔漁家傲〕塞上秋來風景異。衡陽雁去無留意。四面角聲從地起。西風裏。長安落日孤城閉。濁酒一樽家萬里。燕然未勒歸無計。羌管悠悠霜滿地。人不寐。將軍白髮征夫淚。下官鄒應龍。向年違忤權臣。差我遠巡邊衛。自分激變軍情。罪犯非小。豈意忠誠感動。將士安心。正所謂投醪共醉。挾纊忘寒也。今日巡視已畢。復命還朝。一路行來。風塵歷久。不知是那地方了。〔衆〕前面是居庸關了。〔生〕天色將晚。就在

關上繳牌。明日再行。〔衆應介淨領衆上〕居庸關守備帶領將士接爺爺。〔生〕起去。〔淨〕請爺爺到察院裏坐。〔衆〕此是衙門裏了。〔生〕衆手下且退。止留直日門子在此伏侍。〔衆應下生立關看介〕我看這關上隊伍整齊。器械精好。堅堡有聯絡之勢。溝塹得險固之方。城頭栽樹似疑兵。斥堠烽烟如走電。此皆昔年曾石塘親建。我朝有此人。可爲文武全才矣。惜其爲奸臣間阻。死於非命。今日人亡功在。豈不覩物傷情。

〔普天樂〕意懸懸。望孤臣渺渺魂無見。石塘公。你曾把忠誠兩字金精煉。公之生死。俱是上天留意。既生公文武才全。又付與完節歸天。下官不經過此地。那知你有這等大功。追思你功非淺。我國家此後恐無人繼你。還堪嘆。無人再整天山箭。下官此

回。定當表白前賢。喜入朝相慶彈冠。應須頌當年蓄怨。把遺忠棄節。圖繪凌烟。

〔淨捧茶上〕本關守備獻茶。〔生〕起來。你曉得昔年有個楊員外之子。流徙在此關外麼。〔淨〕莫非

楊繼盛之子麼。〔生〕正是。〔淨〕在此七年。今已長成。入在大同府學。〔生〕你與我請來相見。〔淨〕鄉

試未回。〔生〕到此地方。不能恤忠臣之孤。吾有餘愧矣。也罷。取紙筆過來。〔末捧紙筆上生寫誦介〕

憶昔鴟鴞覆爾巢。天涯何處羽翎焦。哀鳴且向朝陽殿。草木江山恨始消。你把這詩封好。等楊公子回來。可寄與他。〔淨應下〕

〔轉山子〕

〔外青衣小帽付淨扮解子上外〕

自恨孤臣空諍諫。謫戎伍遐邊。烏紗帽

換做朱纓。白象簡更爲長劍。

〔合〕歎功名反覆多艱。

〔外〕昨解朝簪別鳳池。〔付淨〕燕

山道上掛征衣。〔外〕陽關西出休回首。〔付淨〕恐去荆南雁足遲。張老爺。此處是居庸關上。聞鄒御史老爺在此。必要到他衙門掛號。這是察院前了。張老爺。沒奈何。大家去跪一跪。〔生〕喚那跪門的進來。〔進跪介付淨〕小人是解軍犯的。〔生〕你是那裏人。問到那衛。

〔羅江怨〕〔外〕馬平是故鄉。榆林戍邊。

〔生〕爲何問此邊衛。〔外〕爲因戇直違奸佞。

〔生〕你何等人。敢違奸佞。〔外〕曾游瓊苑聽臚傳也。

〔生立起介〕原來也是個黃甲。曾選何

職。〔外〕職署兵曹。瑣闥將言獻。

〔生〕是前輩老先生了。〔外〕隨朝已有年。隨朝已有

年。〔生〕願聞尊名。〔外〕張翀幼忝名登選。

〔生驚介〕呀。就是張鶴樓老先生。失瞻了。請起。討衣

巾來。〔末持巾服上外換衣巾相見介生〕

海內英名仰泰山。〔外〕自慚戍服出函關。〔生〕一朝縲

纔非公罪〔外〕萬里戈矛畏膽寒〔生〕張大人請坐〔外〕大人在上罪人豈敢〔生〕大人說那裏話爲國受冤於心何愧他鄉遇故方欲聚談請坐了〔外〕如此告坐了〔生〕閉門〔衆應介生〕下官會見朝報知大人與董吳二公糾劾奸臣反遭貶謫不意在此相遇且把朝廷事體細講一番

〔前腔〕〔外〕朝廷具衆官誰披義肝〔生〕正是寡不敵衆忠不勝邪之時〔外〕車輪螳臂留難挽〔生〕下官出京以來想國事日非矣〔外〕奸風成癖黨盤根也〔生〕大人你三位可

謂中流砥柱〔外〕砥柱中流不避延陵劍〔生〕今日受冤與昔年楊椒山無異〔外〕何愁

抱極冤何愁抱極冤丹衷竊效椒山愿〔生〕大人不須到衙下官自有知會文書去開了

門喚解子進來待我分付〔末〕開門〔付淨跪介生〕伺候在外日下就有批回了〔付淨應下〕

〔似娘兒〕〔付末上〕跋涉一空囊容瀟洒形影淒涼雲山縹緲蘭臺遠不知甚日

得同還小生易弘器幸遇慈姑逃生鋒鏑又蒙恩友指示邊城一路行來已到居庸關上聞鄒御史

在此不免跪門而進〔跪介生〕着那跪門的進來〔付末進跪介〕小生是江西舉子易弘器〔生〕我

昨見試錄易弘器是江西解元敢就是你〔付末〕不敢〔生〕請起來說爲何到此〔付末起介〕

〔孝順歌〕〔付末〕非常事難盡言。間關此身遭沛顛。〔生〕卻爲何。〔付末〕仇寇老嚴奸。田園冀吞占。〔生〕他用何謀。〔付末〕邀歸繾綣。〔生〕那時又怎麼。〔付末〕沈醉中間。潛加刀劍。〔生〕如何得生了。〔付末〕伊姑氏救我回旋。郭老加恩眷。〔生〕莫非翰林郭學士救你。〔付末〕正是。郭大人既救小生。又恐歸途遇害。特着小生投告臺下。就此避難。仗公義欲雪冤。望鏡臺作明見。〔外在傍云〕那廝可惡。日甚一日了。〔生〕易先生。此位是兵部張大人。也爲糾彈嚴賊。譎戍在此。〔付末見外介〕小生雖仰忠節。未覲德容。尙容拜見。萬望恕罪。〔外〕易先生大難不死。後祿可占。請問夏老夫人易氏。是先生同族否。〔付末悲介〕

〔前腔〕〔付末〕承公問心痛酸。親姑向年遭禍端。〔生〕原來是令姑娘。〔付末〕流徙在西邊。今生諒難見。〔生〕先生不必痛傷。令姑流徙全州。與家下相近。向年蒙故友楊椒山見托。一應布衣蔬食。俱是我張翀供應。諒他晚景平安。況荆妻在家。必時常看顧。〔付末〕大人不說。小生怎知。莫大之恩。謝不能盡。〔拜介〕蒙公見憐。轉死爲生。洪恩無限。〔生〕先生既是夏老夫人令姪。向年朱裁送歸小夫人公子。不知今在何處。〔付末〕俱在家下。重蒙大人撫養恩德。小生避難

倉惶未及拜謝〔拜介〕來投告失措顛連。未罄銜環愿。張大人撫我先姑。鄒大人成我幼弟。今日俱在此會。兩遇主各有緣。這相逢數非勉。〔生〕奇哉奇哉。今日之遇。若天使之也。張大人無譎戍之行。何以知夏夫人消息。易先生無逃難之事。何以知夏公子存亡。想是好雄大數將絕。夏家母子重圓。故天遣二公臨難而免。至於此地。明日下午官回朝。盡言極諫。誓不與此賊俱生。易先生可同張大人到廣西慰安令姑。諒天恩大赦。卽在指日。那時同歸故里。多少是好。

〔榴花泣〕〔生〕邊城偃蹇。盡霧氣迷天。思返旆進微言。應將一木去支顛。諒天心厭亂。否極泰還旋。〔合〕愁懷萬千。望南山草滿朝雲暗。挽天潢碧水清泉。看消殘妖火狼烟。

〔漁家燈〕〔外〕思前事撇棄家園。悲往日斷送妻賢。當此際誓喪幽泉。豈料微軀還見。今日歸家呵。屠龍未遂憎覩覩。〔合〕愁無限。怕奸雄難遣。歎從今又分異甸。彼此悒悒對誰言。

〔別銀燈〕〔付末〕恨流離如風飄霰。望同心復仇舒怨。此去呵。天南地北情相

戀〔合〕口只恐孤忠有功難建。須期個地轉天旋。要使離人得再圓。〔生〕分付關上備酒。〔衆應下〕

〔生〕明朝南北兩分程。

〔外〕姪見姑兮。臣面君。

〔付末〕但願朝中誅首惡。

〔合〕何愁塞外未歸人。

第三十五齣 秋夜女工

〔薄倖〕〔旦占同上旦〕玉露生寒。金風欺柳。看小池荷敗。香消顏瘦也。知又是仲秋時候。〔占〕雙蛾皺。歎鳳管吹殘楚調。何日見塔前輻輳。〔醉春風〕〔旦〕北望天涯近。

雲深何處問。倚樓終日盼旌旗。悶悶悶。回雁峯前。躍魚波上。難尋芳信。〔占〕夜永蘭膏盡。幽況何曾穩。枕邊珠淚幾時乾。恨恨恨。惟有窗前。過來明月。照人方寸。〔旦〕嬌嬌。邊疆羈宦。已及三年。閨闈懸思。難忘一日。不知二位相公。可會復命還朝否。〔占〕伯母。我和你既有望思之情。他那裏豈無睽違之念。正是身離二處地。腸繫四人心。〔旦〕今夜月色溶溶。深閨寂寂。我欲對此寒檠。做些針指。不知嬌嬌意下何如。〔占〕奴家之意。正欲如此。一則少盡女職。二則可遣悶懷。〔旦〕叫丫鬟。取衣服針線。

過來〔丑應上〕佳人心線雖千丈。難繫雙飛紫闕雲。衣服針線在此。二位奶奶。今夜是中秋。這等好明月。閒耍一耍倒不好。苦苦裏做甚麼針指。〔旦〕你自去睡。〔丑〕我沒有個男子漢。教我怎麼睡。〔旦〕還不走。〔丑下旦占做針指介〕

〔集賢賓〕〔旦〕黃昏暝色烟侵柳。冰輪溶澹初浮。花底金貌蘭篆紐。正寂寞蕭條朱牖。金針在手。繡不就雙頭蓮藕。心自剖。爲塞北飛鴻無有。

〔前腔〕〔占〕初更鏡月懸畫樓。清光掩映簾鉤。紙帳芙蓉方冷透。欲睡去還羞無偶。孤燈自守。聽幾處搗衣聲驟。心似剖。爲隴外魚書無有。〔旦〕誰樓上已打二鼓了。〔占〕伯母手中。做甚麼衣服。〔旦〕做我相公的裏衣。他三載巡邊。諒必客久裘敝。預備幾件。待他回來更換。也少盡女工內助之心。

〔鶯啼序〕〔旦〕二更月皎雲斂收。寒衣乘此裁就。我欲待要動金刀。恐怕剪斷綢繆。那玉尺兒又怨量不到他。此衷長短新舊。別去三年。不知他近日形體何如。欲把衣服做小了。時。恐怕他養移體豐厚非常。若做大了呵。又恐怕他憂國難腰肢消瘦。心似剖。怕鶯

老花殘難又〔占〕不覺又是三更了〔旦〕嬌嬌你繡着甚麼花〔占〕繡我相公袍上的補兒諒他復命回朝非科卽道預繡幾副鸚鵡瓣豸少助他烏臺青瑣之威。

〔前腔〕〔占〕三更月午光四流殘絨吐了還繡且待我拭乾了眼淚落得我淚痕斑血染針頭恐污了茜紅顏色難剖欲將此補寄到京師又恐怕繫住他補袞忠心忘卻我結褵恩厚心似剖怕香褪紅嬌難又〔旦〕殘燈燭盡想是四更時分了嬌嬌請停了針指罷。

〔琥珀猫兒墜〕〔旦〕四更停繡心線猶掣肘別盡銀燈空待久子規啼罷月痕瘦〔占〕相守幾時得言韞綸繩執箕攜筭〔占〕鷄聲亂唱天已將明縱然憔悴已不成夢矣。

〔前腔〕〔占〕五更雞唱憔悴已良久玉倦花愁猶病酒修容無主嘆搔首〔合前旦〕叫丫鬟收拾了衣線〔丑應上收介〕

〔唐多令〕〔小外上〕不用仲舒謀權回范蠡舟舊江山都是新愁追想十年前在

此今不是少年游。下官爲嚴家謀害易弘器。盡言極諫。不想奸賊將本沈捺。爲此挂冠長往。今已來到杭州。我想鄒林二夫人同居在此。必不知丈夫消息與朝中事體。便道經過。與他口傳一信。使他心安。此是鄒家門首家僮通報。〔付末報介〕翰林郭老爺京回。要相見二位奶奶。〔旦〕想是我兩位相公的業師。只得要相見他了。〔付末〕老爺請到裏面。〔相見介〕〔浣溪沙〕〔小外〕昔日曾叨駐柳橋。〔旦〕幸逢車駕過江皋。〔占〕鳳城佳報入東郊。〔小外〕羽扇乍揮江上棹。〔旦〕旌旗常望北來標。〔占〕三年消息在今朝。〔小外〕二位夫人。下官歸家。便道造拜。

〔黃鶯兒〕〔小外〕名忝寄瀛洲。爲英才遭寇仇。〔旦〕英才是誰。〔小外〕易解元。被嚴家要謀死他。下官呵一封逆耳當朝奏。如今朝政又不比昔日了。鴉蟬亂啾。豺狼並游。把忠良一網無遺漏。時事如此。做甚麼官。覩朝綱天昏日暗。因此上身泛五湖舟。〔旦〕老人在京。可知我相公巡邊消息否。

〔前腔〕〔小外〕鄒夫人。你相公呵。承命已二週。向邊城運紀籌。澄清貞肅聲名驟。〔占〕老人在朝。亦有雲南信息否。〔小外〕林夫人。你相公呵。人豪挺秀。邈焉寡儔。定應荆楚

旋歌奏。想二位也只在近日回來。諒回朝刻期指日。因此上信附一箋舟。〔旦〕重蒙大人見報佳音。但恐奸黨縱橫。我相公輩縱得還朝。難保後患。

〔簇御林〕〔旦〕朝雲亂。夜雨愁。嘆危疑。公與侯。朝門捫魄言非謬。怎能勾他衣錦游清晝。〔合〕省憂愁。天生俊傑。多應使保金甌。〔占〕雖蒙大人附信。但我相公歸期尙未可必。

〔前腔〕〔占〕魚沈杳。雁遠悠。怕將歸。又挽留。豐城去劍難回首。問蒼天人到也。何時候。〔合前小外〕二位夫人請自寬心。下官告辭了。〔旦占〕多慢大人。不勝惶愧。〔小外〕故人南

北天涯杳。聊附佳音到浙東。〔旦占〕無限心中不平事。一番清話又成空。〔並下淨扮舍人背勅上〕是非只爲多開口。煩惱皆因強出頭。自家是京師賣勅舍人。爲何說此兩句。可笑那翰林郭希顏。將陸侍郎之職。安然做個美官倒不好。也去把嚴家父子盡言一本。棄職歸山。不想聖旨批下。郭希顏誣謗大臣。私自逃匿。着彼處巡按。竟自梟首。傳遞京師。爲此着我賣勅前往江西巡按開讀。聞得他纔在杭州經過。想到家未久。不免躡行前去。正是松菊方娛彭澤令。鐫鏤又賜闔閭臣。〔下〕

第三十六齣 鄒孫准奏

〔點絳脣前〕〔生上〕紫陌雞鳴。未央鐘動天旋斗。朝衣抖搜。步急環聲驟。郎官下應列星辰。鐵面銅肝石作心。從今抽出除奸手。一掃塵污海宇清。下官監察御史鄒應龍是也。巡視邊衛。復命還朝。可耐嚴嵩父子濁亂朝政。殺戮忠良。且聞他私自票本。口傳聖旨。爲此諫官多受其害。今日下官將他罪惡。一一條陳。必要痛哭君前。感動天聽。倘有不虞。何惜一死。此是午門了。入朝尙未有人。

〔點絳脣後〕〔末上〕爲國忘眠。午夜聽傳漏。君知否。贊襄前後。忠骨潛消瘦。顛衣起問夜何如。錦阜囊中有諫書。當道豺狼還未翦。何須郊外問狐狸。下官刑科給事孫丕揚便是。爲嚴嵩父子奸黨盤根。罪惡盈貫。故此日夜勞心。訪得真情實跡。將他一一詳奏。倘蒙聽信。天下國家除大害矣。已到午門。想天氣尙早。朝班未齊。呀。這是鄒道長。〔生〕這是孫掌科。朝服在身。不敢施禮。〔末〕老道長幾時回朝的。〔生〕下官昨日纔回。今早復命。請問老掌科言責在身。奏何急務。〔末〕爲嚴家事情。〔生〕實不相滿。下官亦是此舉。〔末〕可見賊臣爲天下公惡。〔生〕恨吾輩面君之晚。

〔老旦扮內臣上〕繡帶蟬冠服皂衣。天顏喜怒早先知。中常自古稱高貴。不犯當年劉瑾誅。自家是上位爺跟前傳命太監。昨日爺幸經筵聽講。夜深勞久。今早已不視朝。各官俱散去罷。〔生〕臣等二人有疏。干瀆天聽。〔老旦〕也待明日罷。〔末〕臣等俱是機密重情。不容少緩。〔老旦〕如此上前叩頭。與你轉達天聽。〔生〕臣鄒應龍惶恐惶恐頓首頓首謹奏。

〔駐馬聽〕御史班流復命天朝拜冕旒。〔老旦〕爲甚麼來。〔生〕只爲奸邪元老濟惡羣雄。濁亂皇猷。一朝成濟把戈抽。創謀當國將誰咎。懇乞天優宥臣狂罪容臣奏。〔末叩頭〕萬歲萬歲。臣孫丕揚誠惶誠恐稽首頓首謹奏。

〔前腔〕給事班流職主言詞任國憂。〔老旦〕爲甚事來。〔末〕只爲八關賊子九尾狐。敵國同舟。須防涓水泛洪流。燎原不滅難成救。懇乞天優宥臣狂罪容臣奏。

〔老旦〕文表與你轉達。二臣可到朝房聽候。重瞳高照處。諒有玉音來。〔持本下生〕且到朝房去。〔末〕老道長。方纔本未進上。小弟不敢明言。今日之舉。事在必濟矣。〔生〕兄何以知。〔末〕道長忘了。昔年曾記僊游祈夢云。三人名。一在內。由今詳之。一字加內字。是個丙字。小弟與道長林年兄俱中。

丙辰進士已應了首句了。又云千一來高山退。千一是壬字。山與高是嵩字。今正當壬戌之年。諒嵩賊可退矣。〔生〕若如此。謝天不盡。但不知後云八丘同郡無君等語。應在何處。〔末〕僥機不可預測。後必有應驗。且近日奸黨頗覺不利。〔生〕那見得。〔末〕趙文華夜飲歸家。遇楊椒山陰靈。卒然暴死。鄢懋卿忿恨寵衰。疽發背而亡。〔生〕此皆是惡報。下官纔得入朝。未知其詳。〔末〕只可惜令師郭大人亦爲糾彈賊臣。着江西巡按賜死於家了。〔生驚哭介〕我那恩師緣何有此慘禍。〔末〕此非哭泣之所。道長不可失聲。〔內喝旨下生末跪介老旦上〕聖旨道。二臣所奏嚴嵩父子惡迹太多。豈無一實。着錦衣衛親領官校。速拿送三法司逐一究問。嚴嵩係老臣。如有可原。或可放歸免死。嚴世蕃羅龍文嚴鴻嚴鵠等。着從重擬罪。毋得輕貸。〔生末〕萬歲萬歲萬萬歲。〔衆扮校衛持扭具上〕饒他不犯三章法。誰怕當朝第一人。二位老爺。錦衣朱爺請問。去嚴家拿那一個。〔生〕與我合門大小拿來。〔末〕不要遺漏了一個。〔衆應介〕人心不似鐵。王法卻如爐。善惡終須報。神明豈是無。〔下生末弔場內喊介〕平生未了事。今日有人補。〔生末聽介〕空中若有人聲。〔內喊如初介生〕奇哉奇哉。此是楊椒山昔年臨刑之語。想他忠魂不散。今日我輩成功。他愿已遂矣。我等就此望空拜謝。

〔生末拜介〕

〔香柳娘〕〔合〕仰忠魂在幽。仰忠魂在幽。丹心不朽。乾坤浩氣瀾綸久。今日呵。慶平生願酬。慶平生願酬。奸佞悉拘囚。忠良賴匡祐。椒山公。你忠心既白。追贈在指日也。看宸章錫優。看宸章錫優。雨露重親。勳名復舊。

〔生〕昔日忠良志未伸。

〔末〕而今寔字始清寧。

〔生〕不是諸公遭遇蹇。

〔末〕天將完節付斯人。

第三十七齣 雪裏歸舟

〔滿庭芳前〕〔淨上〕侮戇狂生。楊眉樹眼。欺凌數載元臣。誰知弱草顛覆路行人。惹得龍顏震怒。要乘時早辦歸程。堪悲處。銘功繪像。一旦削麒麟。叱咤千人廢。

陰謀萬鬼驚。一朝權不在。有令也難行。我老嚴廿載元勳。半朝天子。自量今生。無人忤我矣。誰想那新進畜生鄒應龍。孫丕揚。撫拾浮言。御前親奏。皇上大怒。將我一家拿問。老身幸有免死金牌。放歸田里。三法司把我孩兒擬成斬罪。諸孫並發爲民。幸蒙皇上憐憫。將世蕃姑問南雄衛充軍。案獄已

成。無從可辨。只得收拾回去也。

〔滿庭芳後〕〔付淨外扮家人占扮解語花同上付淨〕恩榮期享盡。豈堪坦道忽遇車

傾。〔占〕脫冠辭印。俛首向楓宸。〔外〕舊日相趨僚友。到今朝總是矛盾。〔合〕枝頭

上。聲聲杜宇。叫斷別離魂。〔淨〕孩兒行裝既備。早早登程。〔付淨〕只是天色嚴寒。恐有雨雪。

〔淨〕這也沒奈何。〔付淨〕如此就行。〔行介淨〕孩兒。你看張家灣裏。來千去萬。今日之行。教我怎

生見人。〔付淨〕爹爹。別人回去。反有車馬供帳。送出都門。我家回去。揣也不揣。世情其實可惡。〔淨〕

早上不做官。晚上不作揖。如今管不得他了。下船去罷。〔占〕上天下雪。好個淒涼風景也。〔外〕老爺

今日的雪。比楊員外殺的一日猶大。〔淨〕哇。

〔甘州歌〕〔淨〕朔風寒凜。看彤雲連野。雨雪紛紛。〔付淨〕歸途悽慘。難比鳳池熬

禁。〔占潛下外〕稟老爺。解語花私自逃去。雪天無處可覓。〔淨〕巢傾鳥散。理之自然。由他去罷。西

堂已無留客主。〔付淨〕南浦難留。出岫雲。〔合〕藍關遠。秦嶺橫。慚無湘子度韓文。

休嗟怨。勿涕零。復牽黃犬向東門。〔生扮內臣領衆賈勅上〕千里黃麻頒御祭。一封丹詔下

維揚自家是奉勅內臣。爲昔年都御史曾銑受誣。死于非罪。今奸臣驅逐。皇上追思前功。欽賜復爵。差我親費御祭。表揚功烈。將近揚州。不意遇此大雪。如何是好。〔衆〕公公。河內冰凍。不能前進。〔生〕初冰未堅。趁早打去。〔丑〕那裏有一隻內閣牌衙的船。也冰斷在此。〔生〕咄。誰要你揣他。你自用力打去便了。〔衆應介丑作歌頭打號衆打冰介丑〕打開來也。〔衆〕恆耶。〔丑〕再打開也。〔衆〕恆耶。〔丑〕你看萬里冰山。〔衆〕恆耶。〔丑〕漸漸開也。〔衆〕恆耶。〔丑〕想是天公。〔衆〕恆耶。〔丑〕行惡報也。〔衆〕恆耶。〔丑〕凍死那奸臣。〔衆〕恆耶。〔丑〕再不來也。〔衆〕恆耶。〔丑〕一齊力也。〔衆〕恆耶。稟公公。有河路了。〔生〕有河路了。快行前去。正是昔年埋骨江山恨。今日揚名草木香。〔率衆下淨〕這個太監。昔日也有往來。今日略不揣我。可見人情惡薄。〔付淨〕他便不揣我。河冰到虧他打開了。躡行前去。

〔前腔〕〔淨〕人情等曉雲。嘆悠悠歸棹。無人憐問。〔付淨〕斜陽衰草。西風裏悲切。王孫。〔小外奔上〕小人是揚州管典人。嚴冬手下差來的。嚴冬向年打死人命。無人敢發。今因老爺歸了。被人告陷在獄。求老爺一個帖兒救他一救。〔淨〕我自家也管不得。怎救得他。你去。〔小外下

〔淨〕闔門總爲閒內虎。入井難扶泉底人。〔合〕黃扉草。紫府塵。舊時王謝燕何存。思龐老。學邵平。從今辟世杜柴門。〔下末扮董傳策上〕我本蓬萊水。漸作清淺流。青門種瓜人。舊日東陵侯。董傳策向爲糾劾嚴賊。謫戍歸家。今幸奸謀敗露。父子斥逐。在我地方經過。不免去嘲笑他一番。那來船想了。且住。若說是我。決不肯招接。用計哄他便了。

〔前腔〕〔淨付淨外上合〕孤帆過幾村。覩歸鴉落日。頻添愁悶。樓船車馬。知不似

昔日喧騰。〔末〕船上通報。黃如桂要見老爺。〔淨〕黃御史是我故人。請上船來。〔相見淨驚介〕呀。這

是董幼海。先生何來。〔末〕小子向蒙教訓。特來拜謝。〔淨〕已往之愆。悔之晚矣。〔付淨見末介〕董先生。別來丰采倍常。即日諒有榮擢。〔末〕小子戎伍之列。何足掛齒。〔淨〕愚父子乏物表忱。不敢過拜。

〔末〕在敵地經過。本當奉些小禮。奈我松江舊有三般土產。今已無矣。〔付淨〕甚麼三般土產。〔末〕

第一件。我松江出得好墨。但賢喬梓心上。自是墨黑。諒不希罕。故不敢奉。第二。我松江出得好布。近日被江西大夥強盜郭宜收去。與衆手下裏頭。各舖賣盡。亦不得奉。第三。我松江出得好絨單。不知

趙文華的奸賊。向年打那大單子何用。行家折了本錢。此後再不肯打。小子止打得一個紅帽兒在

此送與東樓南雄去帶。〔袖出帽送介付淨〕惶愧惶愧。〔末〕不是黃塊。是一個金勇字。這金子還高。是七寶金盪器的成色。〔付淨〕董先生。勾了。〔末〕小生還有俚語幾句。贈喬梓榮歸。〔出詩誦介〕人心昧。天難昧。報道循環豈無會。文華死後懋卿亡。繼續應知第三位。金山衛。南雄衛。不同先後還同罪。憑君挽盡海洋波。難洗奸名千載愧。〔淨〕董先生。愚父子已知罪矣。〔末〕如此。小生告回。請了。片言誅破奸雄膽。辱撻何須到市朝。〔下淨嘆介付淨〕都是爹爹教他上船。到受了小畜生這一場大氣。〔淨〕開船去罷。省得又有人來。〔合〕柱中幸脫李膺手。廁上須防鄭虎臣。休停轍。莫問津。江東父老面難親。游魂擾旅夢。驚空思待詔。在金門。〔下付末扮朱裁背包上〕十五年前中禍機。孤雛老燕各分飛。皇風清穆天心順。今日當還合浦珠。我朱裁向隨小主母公子。僑居易相公家。今幸鄒御史老爺驅逐權奸。天恩大赦。聞我老夫人與易相公。只在目下同歸故里。不免遠來迎接。已到杭州北新關上。不知他到那地方了。只得沿路問去。那裏一隻官船。有兩個官兒登岸來了。就去問他。

〔前腔〕〔淨付淨外上合〕山程又水程。似行雲追雁。縱橫不定。湖山風景雖如舊。

欲玩無心。〔付末背云〕這兩個是嚴家父子。想他不認得我了。我也只做不認得問他。二位老爺。路上可聞得夏老夫人的歸船麼。〔淨〕不曉得。〔付末〕就是向年被嚴家流徙的夏老夫人。今遇赦回來。可曉得麼。〔付淨〕那裏曉得。〔付末〕想他是女流。路上不知名。可曉得易解元的船麼。〔淨〕一發不曉得。〔付末〕就是向年被嚴家謀殺的易解元。如今也在廣西回來。〔付淨〕那人好可惡。說道不曉得就罷了。〔外掩面羞介〕好沒趣。〔付末〕我且再問一聲。二位老爺想在京回。聞嚴嵩父子問了充軍。此信可真麼。〔淨〕我不管閒事。〔付末〕早是這等不管閒事。那見得有今日。〔外掩面介〕好大慚。〔付淨〕那人行路自行路。如何只管纏擾。〔外〕大哥。我老爺不曉得信。我在路上打聽得夏老夫人就在後面來了。你快去罷。〔付末〕如此多謝了。〔指淨付淨介〕咦。正是相逢恨少魚腸劍。羞與仇人共戴天。〔下外〕老爺。那人就是夏家朱裁。今鬚鬢白了。老爺不認得了。〔淨〕原來如此無禮。不知他一向逃在那裏。〔外〕聞夏公愛妾蘇養瓊有遺肚子。一向是他撫養在江西。〔付淨〕當時一發殺了他便是。〔淨〕往事不可追矣。且登程回去。〔合〕早知此日遭戲侮。悔卻當年勿橫行。雄心老。容鬢星。十分權勢剩三分。除簪笏。服冑纓。羞將旗鼓向軍門。〔外〕稟老爺。

已到常山驛了。只是驛丞躲了。沒有扛夫轎馬。這一衝陸路。不能過去。〔淨〕快拿驛丞來。〔外應下拿丑上〕驛丞拿不着。拿一個夫頭在此。〔淨〕你是常山夫子。〔丑〕小人也。弗是個常山。也弗是個附子。是個草果。〔淨〕怎麼是個草果。〔丑〕老爺近來有些氣食相感。弗是草果。再捉我消食下氣。〔淨〕不要胡說。你驛中可有轎馬麼。〔丑〕沒有。〔淨〕怎麼沒有。〔丑〕轎子是本縣差去接夏老夫人。馬又死了。止剩得馬廐子。如今跳不動了。〔付淨〕這廝好打。〔外〕不要與他賽口。出幾個錢。僱了夫馬罷。

〔尾聲〕〔合〕倩夫丁忙投奔。含羞洒淚出長亭。始媿英雄是夢魂。

〔淨〕龍逢淺水遭蝦笑。

〔付淨〕鳳入荒林被雀欺。

〔外〕記得當朝權在手。

〔丑〕大蟲也有困來時。

第二十八齣 林遇夏舟

〔懶畫眉〕〔小生上〕傳旌仗節劍南歸。忽受丹書整繡衣。洪濤定擬戮鯨鯢。回天幸在同心契。願續前功勒鼎彝。恩洽九重瞻紫闕。時來六翮起青霄。英豪本是天留意。須把

功名竹帛標。我林潤向年奉使雲南。幾遭危險。今幸恩兄廷諫。驅逐奸雄。擢下官爲南道御史。就差江西巡江。我鄒兄欽陞通政司參議。差人前到杭州。取嫂嫂上京。并有書來致意。爲此下官亦差人去接荆妻。同赴江西之任。諒早晚可到也。

〔前腔〕〔占同末上占〕三年鸞鳳嘆分飛。幾度相思入夢幃。豈期經緯轉樞機。恩榮錫命風雲際。始信文章不誤儒。〔末〕稟老爺奶奶到了。〔小生〕請進來。〔相見介〕〔生查子〕〔小生〕憶昔鏡分鸞。兩處遭危困。〔占〕遙望楚雲深。難訴閨中悶。〔小生〕音從別後稀。淚向愁中盡。〔占〕合劍喜相逢。琴瑟添和韻。〔小生〕夫人。下官貪磨蠹之微名。忘枕鴛之雅愛。瓜苦在粟。糟糠下堂。實下官薄倖也。〔占〕相公。你英才濟世。三事賢勞。旣思鐵柱名標。何惜玉關音斷。今黃誥紫封。妾受賜多矣。〔小生〕別後離愁。且細說一番。

〔二郎神〕〔占〕思千縷。望天涯雲迷遠樹。〔小生〕幸有鄒家嫂嫂相依。可以解愁。〔占〕一鳥相依愁對語。〔小生〕但家園清素。如何度日。〔占〕蠶桑早備。絲麻暫抵晨炊。〔小生〕如此清涼。只恨下官歸遲了。〔占〕教我數盡歸期重屈指。〔小生〕今日鄒嫂也封贈了。〔占〕幸

天恩同沾春雨〔小生〕想他亦上京去了〔占〕最堪悲。又分襟雲山兩處睽違。

〔轉林鶯〕〔小生〕鳳鸞昔日輕分羽。正上林花媚忘歸。〔占〕功名之心。人孰無之。〔小

生〕忽蒙天使龍章隊。〔占〕行人之職。是個好選。〔小生〕夫人。你不曉得。佞臣深術。遠塞

是危機。〔占〕今日相公回朝。謝天不盡。〔小生〕蒼穹默相。使微軀不負匡時志。〔占〕鄒大

人榮擢。相公行取。可謂兩利俱全矣。〔小生〕兄和弟。蛟龍得雨。兩處奮灑池。〔外淨上

外〕小的是江西布按差官。帶領門役。卓快迎接老爺上任。〔淨〕小人是兵部車駕司。差送馬船水

手。伺候老爺登程。〔小生〕江西差官先回。馬船水手聽候。〔外應下小生〕夫人內眷俱坐在後船

去罷。〔衆〕開船開船。

〔月雲高〕〔小生占合〕碧雲天際。旌旗蔽江渚。風利飛帆速。聲振清波拂。宣化

承流。明時展經濟。看此去仁風播。俾黎庶咸沾惠。五禱歌謠信不虛。數卷圖書

帶篋歸。

〔前腔〕〔老旦付末丑同上合〕黃沙邊地。孤蹤久淹滯。霜徑秋容老。晚景天休至。

姑姪崎嶇。長途幾滋味。記昔日辭家處。嘆舉目江河異。〔小生率衆上〕前望孤帆

近水堤。此去相逢未審誰。〔丑〕咄。你那船兒不要趕上來。省得抖了繯。〔淨〕咄。我是巡江老爺

的船。誰敢不讓我前去。〔丑〕夏老夫人在船裏。那怕巡江老爺。〔淨〕打這廝。〔打介小生〕水手爲

何喧嚷。〔末〕稟老爺。那船是夏老夫人在裏面。水手爭先。故此喧嚷。〔小生〕既是夏老夫人在此。且

住了船。待我相見。巡捕官報。巡江林爺相見老夫人。〔末報介小生過船相見介小生〕忠義遭遷播。

相逢生感傷。〔老旦〕野花迷舊境。山鳥逐斜陽。〔小生〕家破人猶在。山荒草更長。〔老旦〕壯年悲反

覆。一代語興亡。〔老旦〕林大人請坐。〔小生〕請問老夫人。數年流徙。安否何如。

〔江兒水〕〔老旦〕朋黨戈矛起。忠良頃刻危。一家流徙難逃避。止有侍妾賽瓊。家人

朱裁。又不得相隨。至親轉展皆離棄。〔小生〕可有人看顧麼。〔老旦〕多虧負了兵部張大人。

困危中饑周廩。餼寒添絮。幸免顛連狼狽。今日歸時呵。此後音稀。未審報恩何地。

〔小生〕老夫人雖受苦楚。幸得賽瓊姐生得公子。在我鄒長兄家撫養數年。已送歸故鄉。今日回去。

正是一家骨肉團圓也。〔老旦〕林大人。雖蒙鄒大人夫婦大恩。只是老身不能報謝。

〔前腔〕〔小生〕老夫人。你昔日呵家破人亡矣。相離倍慘悽。烟飛霧散無存濟。最苦是桑榆遭亂世。今日呵天生麟子承先祀。嫡妾從今相遇。須信苦盡甘來。晚節黃花無既。〔老旦〕舍姪易弘器要見大人。因避難回來。不敢拜見。〔小生〕令姪在此。何不早說。請過相見。想此位就是了。〔付末見小生跪介〕公祖老大人。易弘器拜見。〔小生〕還未到任。快不要行此禮。請起。〔付末〕不敢。〔起揖立介小生〕請問易先生。何由與令姑同歸。

〔五供養〕〔付末〕春闈臨試。驀遇奸雄。潛伏危機。嚴嵩父子欲占田產。將酒沈醉小生。夜間着人斬首。〔小生〕那時怎生脫了。〔付末〕伊姑生善念。冥夜啓金匙。〔小生〕那時何不就歸。〔付末〕多蒙翰林郭大人。恐我路上遇害。指示邊關。投避鄒公御史。〔小生〕原來在我鄒兄處。如何又到廣西。〔付末〕適遇兵部張大人。亦謫戍在邊。蒙鄒大人呵贈金并釋罪。同去到關西。今日遇赦回來。正是落葉歸根。豐城劍回。〔小生〕易先生。奸佞驅除。忠良相遇。今日之會。是天使然也。

〔前腔〕〔小生〕青雲偉器。豺虎叢中。欣脫禍危。〔付末〕今日大好除去。小生還鄉。亦至

幸也。〔小生〕雖如此，還不足以盡其罪。以下官處之。大奸須赤族，餘黨悉殲除。凡事皆有大數。若賊臣不來害你，那裏便到全州。今日呵，最巧機關，天使攜歸姑氏。以此觀之，夏太師之後必昌。仁人多有後。元宰豈無兒。先生此回，正是缺月重圓，雙還浦珠。

〔尾聲〕明朝巡視洪都地，拜謁先賢表故閭。〔合〕徐把餘奸來斬取。〔小生〕下官告辭了。〔老旦〕舟次多簡慢，幸勿見罪。〔小生〕不敢。〔老旦〕十五年前豺虎橫，今朝始遇鳳凰羣。〔並下小生對末介〕快備路費，暖程送到夏老夫人船上去。〔末應介小生〕傳遞後船上備酒，請夏老夫人少坐。〔末應介小生〕此行愿挽長江水。〔合〕洗盡冤魂怨骨醒。〔下〕

第二十九齣 林公理冤

〔水底魚兒〕〔村淨上〕驛宰風騷，烏紗葉葉囂。趨迎當道，走得脚無毛。自家是醴陵縣祿口驛驛丞。到任以來，銅錢無處取覓。鎮日迎官接府，爲此自做幾句口號，不免誦一番。自幼出身小吏，要錢千方百計。撇清做勢搖手，罰呪只當放屁。守得六年考滿，受了萬千驚塊，朝要接官趕。夜要巡更發掃。河泊已爭我個啜淺，閘官以鎖我個坐位。昨日充撞子一個洗馬，跪子了殺雞弗。

忌朝廷以弗來欽取。吏部以弗來獎勵。〔跌帽介〕仔細思量。我也弗去戴個骨屑。以怕弗像個付淨做戲。方纔起馬牌來。巡江林老爺就到。不免又要去接。〔下〕

〔福清歌〕〔左右喝道小生上〕爲讒人胡行不道。痛黎民顛連無告。巡行省察問知。因鄉民耆老。這孽冤爲民須報。國正天心順。官清民自安。鳴鴉應滅迹。郊外見鸞鳳。下官巡

視江西。訪得嚴嵩父子稔惡不悛。自占鄉民田產。強搶良家子女。縱家奴郭宜等假爲防盜。打劫鄉村。嚴世蕃抗君玩法。不赴南雄。昨袁州府郭推官。已伸他罪惡在本院。但未有實跡。不免到湖廣長沙府醴陵縣與他連界地方密訪一回。便知端的。此處想是醴陵縣了。〔付淨上〕祿口驛驛丞帶領人夫接爺爺。〔小生〕起去。〔付淨〕請爺爺到驛裏坐。〔小生〕叫驛丞。我且問你。此去袁州府內平鄉地方。有許多路。〔付淨〕地之相去也。千有餘里。透說了一半。〔小生〕只五百里。如此相近。你可知嚴閣老家的行惡麼。〔付淨〕知之爲知之。不知爲不知。這個不敢調謊。〔小生〕你曉得。可細說一番。

〔下山虎〕〔付淨〕大人聽告。嚴府官豪。一自歸江右。勢惡似鴉。縱使護衛家丁。遠方爲盜。白占田園無控告。奸淫事知多少。閭巷呻吟兒女號。〔小生怒介〕聽說

教人怒情難恕饒。須奏金鑾勸爾巢。驛丞且退。叫左右快擡放告牌出去。若有告嚴家冤枉事情。不拘時進。〔衆應介付淨下〕

〔字字雙〕〔淨扮告狀人上〕吾家積祖來溫飽。稱饒田地被人白占了。煩惱與他爭執。逞官豪打倒。關天人命非爲小。來討。〔跪介〕爺爺告狀。

〔前腔〕〔丑扮婦人上〕吾家兒女年紀小。乖巧體態娉婷。又娜嬾真好。何期撞着貴家豪。拖倒紅羅帳裏作鴛交。壞了。〔跪介〕爺爺告冤枉事。〔左右喝〕不要亂嚷。爺爺要面

審。唱名進去。〔淨進跪介小生〕你是何處籍貫。姓甚名誰。〔淨〕小人知名不具。〔小生〕咄。從直說來。

〔淨〕小人叫名趙出來。狀告占產殺命事。小人有二千畝五升民。〔小生〕是田了。〔淨〕價錢真直來千去。〔小生〕甚麼樣田。價直萬金。〔淨〕水已種得海洋強。旱又種得頭暈眼。〔小生〕是花稻兩熟的

了。〔淨〕撞子嚴世蕃個宿積老。挽同子個賣藥郎。虛寫子個二十四。〔小生〕既有文契。是買的了。

〔淨〕爺爺。索成籍子我個黃金白。一網罟子我個鼻涕眼。〔小生〕賴了銀子。收討花利。那時卻怎麼了。〔淨〕小人便上渠個雙扇牆。替渠算個梅花紙。觸子渠個有頭無。就反轉子個京都地。背絲巾子

我個黃冊書。懸空高子。我個青絲細。萬里長便。心悅成子金頭銀。剔鎗弄便風吹浪個金華火。登時吐出了個嫡親骨。幾乎送子個殺豬華。〔小生〕你受累了。〔淨〕爺爺還有大事。拿個梨祇勞來。玄壇善。滴瀝洒子我個航船埠。〔小生〕你的頭兒見在。〔淨〕爺爺有個緣故。他殺時節。小人怕事。縮了進去。如今告狀。想有了利息。故此鑽頭出來。〔小生〕狀子准了。本府伺候。〔淨應下小生〕喚那婦人進來。甚麼姓名。〔丑〕小婦人是刁潑氏。〔小生〕刁潑婦人。必是造言生事。推出去。〔丑〕爺爺。我只愛推進來。弗願推出去。〔小生〕男子那裏去了。要你來告。〔丑〕乞個丈夫死子了。〔小生〕既如此。從直說來。〔丑〕告狀婦香柳娘。年甲十二紅。係八聲甘州籍。狀告風流子強姦好姐姐事。有女似娘兒。生得眼兒媚。鎮日懶畫眉。未曾花心動。豈被薄倖嚴世蕃。經過傍妝臺。窺見點絳脣。自恃太史引勢。喝令醜奴兒。捉過三仙橋。竟到鳳凰閣。只待四邊靜。拖入銷金帳。上除女冠子。下除紅繡鞋。脫下紅衲襖。解開香羅帶。襯着玉胞肚。做個剗猷兒。七犯忒忒令。直到滴滴金。意圖蝶戀花。占做七娘子。見有虞美人。瑣窗郎等知證。切思念奴嬌。哭得青衫溼。乞差蠻牌令。拘捉一千花犯。親奏一封書。驅除下山虎。庶使普天樂。有此上告。〔小生〕狀子准了去。〔丑應下內喊介〕爺爺救人救人。〔小生〕那裏嚷。

〔衆〕稟老爺。嚴家差人四路阻截。搜捉告狀的。有一個老兒。被他拿去了。〔小生怒介〕有這等事。在我衙門首。敢如此無狀。叫巡捕官快拿。〔衆拿付淨同外上外〕爺爺救命。方才小人來告狀。被他拿去。搜了狀子。幾至打死。幸得爺爺差人救了。〔小生〕你叫什麼。〔外〕小人叫張謙。家住袁州府內平鄉。一家俱被嚴府官舍郭宜文攀錦等劫掠殆盡。老身漂流異鄉。今來投告青天爺爺。〔小生指付淨介〕他是甚麼人。〔外〕他叫嚴年。是嚴家第一個豪奴。〔小生〕張謙外面伺候。把那狗奴夾起來。〔外應下衆夾付淨介小生〕你那廝好好把你家裏打劫強姦搶占等情。一一招了。饒你性命。〔付淨〕爺爺待小人招。〔小生〕取紙筆過來。寫他口詞。

〔蠻牌令〕〔付淨〕望鏡臺。苦哀告。饒刑罰。愿供招。〔小生〕詳細說來。〔寫介付淨〕官舍

郭宜文攀錦。眞劫掠逞雄鴟。〔小生〕你嚴世蕃在家。何所作爲。〔付淨〕恣荒淫窮奢歡

樂。〔小生〕記得吞占許多田地麼。〔付淨〕信知吞衆產盡民膏。〔小生〕他姦搶許多婦女。卻怎

麼說。〔付淨〕這姦情莫逃。聽申明早典刑曹。〔小生〕且放了。押這廝醜陵縣監候。〔衆押

付淨下小生〕一面去外邊收衆百姓狀子。一面去喚聽差舍人進來。〔衆收狀子上〕稟老爺。共有

二百八十五張狀子〔小生〕封好在卷箱內。〔末上〕聽差舍人見爺爺〔衆應介〕進來。〔小生〕可恨那嚴家父子。罪惡滔天。遠近受害。我連夜寫本。你明早兼程上京。速于天聽。急救生靈。起來聽我分付。

〔雁來紅〕〔小生〕豺狼毒未消。痛蒼生適際遭。一封再瀆重瞳照。巢穴須傾倒。願轉悲號盡樂郊。〔合〕居當道。應除勢豪。望天誅須到早。

〔前腔〕〔末〕羣黎久竄逃。幸觀風省四郊。除奸須替天行道。民命期重造。看取光天玉燭調。〔合前〕

〔小生〕帶罪歸來惡未除。

〔末〕又勞節使上天書。

〔小生〕閉閣已無思過日。

〔合〕闔門應有滅宗時。

第四十齣 獻首祭告

〔一枝花〕〔小外扮推官雜扮二吏奉文書首級上小外〕猛虎渡河深避。鱷魚馴性無虞。江右喜逢清白吏。直把妖氛盡掃除。〔合〕黎民頌允釐。商於富足秦人泣。回首咸陽

車殉裂。自古奸回報不輕。慘禍由來自作孽。下官袁州府推官郭諫臣是也。昨奉王命。同御史馬文健兵馬陳潤抄沒嚴嵩全家。腰斬世蕃示衆。江院林公要世蕃之首。祭告郭侍郎大人。故此將抄沒文書。并他首級。送到察院門。尙未開。不免在此少待。

〔前腔〕〔小生率衆上〕天道好還如寄。人心公論難違。蟬遇螳螂方捕取。又見黃鸝宿柳枝。〔合〕英雄總是愚。〔衆開門吏報介〕府官告進。〔小外〕袁州府推官拜見。〔小生〕

請起。〔小外起揖介又跪送文書介〕這是抄沒嚴家的數目。〔小生〕請起來說。〔小外立介〕稟老人。嚴老已押去養濟院。討了收管了。〔小生〕雖則如此。尙不足以報夏會楊郭諸公之冤。〔小外〕妻孥俱沒入功臣家爲奴。卽日起解。〔小生〕僅可以雪夏家流徙之恥。〔小外〕只有嚴世蕃一女自縊。一媳婦投井而死。〔小生〕此是楊宜人陸姑之報。豈爲節義而亡。〔小外〕諸孫嚴効忠等。皆戍萬里邊衛。〔小生〕此僅足以報張鶴樓等三臣之冤。〔小外〕推官會計他田地。共有八萬六千五百畝。俱已拴訂明白。斷給原主。止存半畝與老嚴做個葬身之地。〔小生〕他做人盡了。恐不爲道路所容。〔小外〕他莊宅共有四十二處。廳堂舍宇三千八百間。俱已拆卸官賣。止留一所。塑夏會楊郭諸忠

臣神像在內。嚴家父子跪于臺下。如岳墳故事。以爲忠佞之鑒。〔小生〕這也處得好。〔小外〕還有抄沒金銀首飾寶玩家私。共計解京者二百軍船。其餘十分之二。給賞與本處受冤小民。其十分之三。奏請代免今年田租之半。〔小生〕這個一發處得好。〔小外〕嚴世蕃已迎過四門。腰斬於市。首級獻在臺下。〔小生〕取過來。〔吏捧上小生看介〕咄。你那賊子。也有今日。英雄那裏去了。叫左右擡祭禮過來。就此設立神主。祭告郭爺。推府在此同拜。吏外面伺候。〔應下衆擺香燭祭禮首級介小生〕看酒來。〔拜介〕

〔北新水令〕〔小生〕自違道範信音稀。爲傳旌久淹蠻地。幸微軀脫禍機。念深恩難報取。我那恩師。你本要別盤根利器。豈知先喪在鎗鋒底。〔小外〕看酒來。〔送酒介〕

〔南步步嬌〕〔小外〕堪傷人。菱山頽矣。嘆枉受了虛名利。枝頭杜宇悲。聲聲叫斷故人愁緒。郭大人。你秋江已有美鱸魚。無端天外飛鎌墜。〔小生〕再斟酒來。〔送酒悲介〕

〔北折桂令〕〔小生〕痛追思。舊日相隨。德業文章。斗重山齊。慶遭逢。身上瑤池。

名登紫闕。御燭迎歸。我那恩師。恁祇爲驅奸賊。一行諫書。把前功半途輕廢。枉卻知幾。誰想道種荳南山。又把恁重做了擊缶楊暉。

〔南江兒水〕〔小外〕說到傷情處。難禁珠淚垂。玉堂金馬輕遺棄。清流投向黃河際。楚歌江上秋風碎。今日鄒林二大人。誅滅奸雄也。與你泉低幽魂舒氣。只恐怕同掩黃沙。佞骨尙欺忠義。〔小生〕恩師大人。嚴世蕃奸賊之首。已獻在靈前。望賜明鑒。

〔北雁兒落〕〔小生〕擺着那躋躋躋躋。獻着那眼睜睜賊首級。望洋洋昭義氣。聽轟轟吞佞鬼。〔悲介〕恨則恨檜雖亡。飛先死。忠和佞兩成灰。拭不乾萬古江山淚。咽不住千年風木悲。恩師。俺念着君親師事同一體。思之。這冤愁千年萬載不盡太平車。

〔南僥僥令〕〔小外〕鼎湖龍遠去。華表鶴歸遲。終古王孫無覓處。徒使涕交頤。怨着誰。

〔北收江南〕〔小生〕呀。早知道禍機隱伏。誰羨着掛冠歸。便做了子陵靖節也來。

追。仕途危殆有如斯。總不如漁樵牧兒。總不如漁樵牧兒。因此上英雄長使淚沾衣。

〔南園林好〕〔小外〕對英靈香消寶甕。挹忠魂言猶在耳。思功績杳然天際。須指日復官彝。追配享永流輝。〔小生〕昭告已畢。且把祭禮收了。

〔北沽美酒〕〔小生〕我那恩師呀。你思歸引更作泣顏回。俺待要巡江渚反做了弔湘悲。功在人亡事已非。空留着墮淚碑。豫章城總是愁城。洪都地皆成怨地。朝政有清寧時節。奸佞有驅除之日。可惜恁爲國忠勳。今在那里。堪悲。悲堪。若要見恩師。除非在簡編中尋些遺語。

〔尾聲〕〔合〕身騎箕尾歸天去。氣作山河匡帝里。願與完節睢陽同勵鬼。〔付末上〕朱裁見老爺。奉老夫人命。求嚴世蕃首級祭告太師老爺。〔小生〕把與他祭過了。還要解京祭會楊二爺。〔付末應下〕

〔小生〕憶昔當朝罪惡時。

〔小外〕今朝赤族也爲遲。

〔小生〕仕途若要觀明鑒。

〔合〕遺臭千年在史書。

第四十一齣 封贈忠臣

〔村末上〕爲問當年素服儒。於今腰下佩金魚。分明有個朝天路。何事男兒不讀書。自家林相便是。我老爺向與鄒老爺結爲兄弟。恩若同胞。共除大奸。各伸所願。今鄒老爺陞授通政參議。告歸葬親。我老爺特差我打探消息。若鄒爺到來。我老爺奶奶也要同歸聚首。聞得他已到姑蘇驛了。只在目下。准到杭州。不免回覆老爺。早歸趨賀。〔下〕

〔排歌〕〔左右喝道生旦同上生〕政自衡平。官如水清。忝膺朝野聲名。〔旦〕休誇上國息讒臣。且慶江南見故人。〔合〕青山路。綠水濱。風光依舊越州城。旌旗耀。鼓吹鳴。歡歌今遂畫游心。〔生〕澤國江山畫景開。〔旦〕雙雙彩燕去重來。〔生〕十五年前荒草路。

〔旦〕而今輻輳滿庭堦。〔生〕且喜已到家中了。叫家僮取帖兒來。打發府縣迎接的回去。〔外持帖衆接介生〕你去多多拜謝。倘有三司府縣來訪。便說鄒爺方回事。兀明日接客。〔衆應下生〕夫人。

我數年游宦。雙親未葬。俱被那功名誤了。〔旦〕驅馳王事。斥逐權奸。可謂忠於君矣。今日榮歸葬親。

鳳詔龍章。三牲五鼎。也不失爲顯親之孝。〔生〕夫人。你曉得念堂林弟。巡視江西。見嚴家肆惡。奏請抄沒。將世蕃腰斬。萬民除害。其功尤在我上。諒亦不日超遷。〔旦〕若如此。忠義功勳。出在一家。不負昔日締交之志。可喜可喜。

〔前腔〕〔小生占付末同上小生〕鯁骨孤臣。芳年俊英。墳篋連奏同聲。〔占〕雲山兩地尙飄零。聚散無常憶故人。〔合〕高車擁駟馬新。此回不是舊時行。交花樹對語禽。江城舉目總成春。〔付末進見介生〕林相那裏來。〔付末〕老爺奶奶俱回在此。〔生〕請

進來。〔相見介〕〔減字木蘭花〕〔生小生相見介生〕昔年分袂。陽關滴斷悲秋淚。〔小生〕今日歸家。故苑同開向日花。〔旦小旦相見介旦〕倚闌臨鏡。常思同望衡陽信。〔占〕怨玉愁香。今幸偕游畫錦堂。〔生見占介生〕鸞栖枳棘。山妻向愧無供給。〔占〕鶴帶飛鳥。夫婿欣逢有琢磨。〔小生見旦介小生〕孤雲飄泊。未遑結草兼啣玉。〔旦〕雙鳳齊飛。焉敢無炊不下機。〔生〕賢弟。歸期相值。足見千里同心。〔小生〕小弟聞長兄歸葬。故夫婦暫回代勞。以盡弟子之禮。〔生〕多謝盛情。不勝欣慰。〔小生〕長兄。久別後且把闊情少敘。

〔一封書〕〔生〕邊回見聖明。爲朝端驅佞臣。蒙恩賜轉陞議參謀。愧此身負米常懷終養恨。聊乞銘旌葬奠砧。〔合〕念私恩。重天親。學做兼全忠孝人。〔生〕賢弟。你把巡江事情少講一回。

〔前腔〕〔小生〕當日出視巡。聽顛連來告民。封章達帝京。幸天誅得早臨。開國承家難兩盡。回首空勞望白雲。〔合前占〕伯母別後。想福祉倍常。

〔皂羅袍〕〔旦〕那日相辭蘭闥。向長途迢遙。幸抵京城。未遑深巷聽蠅聲。忽隨返棹歸鄉井。〔合〕幾年相倚。難忘寸心。三秋相隔。如挨萬春。今朝重會情無盡。〔旦〕嬌嬌在江西。想亦平安。

〔前腔〕〔占〕別後從游南郡。幸舟中相遇夏老夫人。〔旦〕相遇夏夫人。不知賽瓊母子如今安在。〔占〕賽瓊僑寓易家門。此回母子俱歡慶。〔合前生〕賢弟。大抵功名事業。自有天數。追想昔年。仙游祈夢。無有不驗。我與孫立亭在朝房中。始悟出二人名。一在內。千一來。高山退等言。正是二人之名。同登丙辰進士。嚴嵩斥退。乃在壬戌之年。豈非最巧仙機。〔小生〕以此觀之。

後面幾句亦可類推。其曰南北異。八丘同。郡無君。諸不言。丘與八是一兵字。郡去了君。諸去了言。合
成一個都字。或者我三人分掌南北兵權。同授都御史之職。未可知也。〔生〕此地位固不敢望。但爲
朝廷除了元惡。亦不世之功也。

〔生查子〕〔未捧詔上〕君恩豈負人。臣節須持正。龍虎會風雲。朝野咸歡慶。聖旨
到來。跪聽宣讀。〔衆跪介末〕奉天承運皇帝詔曰。繩愆糾繆。臣道爲先。罰罪賞功。乾綱不替。愧朕
涼德。謬纘鴻基。心實未虛。耳方逆聽。以致賊臣嚴嵩父子弄權。黨與亂政。忠良誅戮。閭巷呻吟。宜加
赤族之誅。用雪蒼生之憤。爾巡衛御史鄒應龍。不畏強禦。驅逐大奸。巡江御史林潤。和保黎民。殲夷
大惡。誠曠古之奇功也。應龍妻沈氏。潤妻王氏。並爲宜家之婦。同贊報國之臣。今陞鄒應龍爲巡撫
雲南提督。建昌等郡軍務左副都御史。林潤爲巡撫。應天提督。南京等處軍務右副都御史。沈氏王
氏俱封慧德淑人。再照得二臣一係陝西。一係福建。天使助朕。寄寓杭州。仍賜各歸原籍。着所在有
司治第。俟葬親完畢。速赴乃任。爾其欽哉。同諫孫丕揚。陞授提督紫荊等關軍務右副都御史。其張
紳。董傳策。吳時來。並以忠言受誣。赦罪復職。以待不次超遷。故相夏言。追贈紫金光祿大夫。仍賜遺

腹子襲膺。曾銑郭希顏。並贈榮祿大夫。楊繼盛諡忠愍。太中大夫。妻劉氏。贈節義淑人。配享學官。世以生員奉祀。嗚呼。旌善懲惡。申公匪私。生者享爵祿之榮。死者沐恩光之資。欽此謝恩。〔衆〕萬歲萬歲。萬萬歲。

〔山花子〕〔生〕平生自負經綸蘊。連年播逐風塵。幸微忱敷陳帝庭。一言感悟承明。〔合〕荷天朝褒功錄名。黃麻紫泥傳玉音。仙槎使節來鳳城。四海平康。億兆歡騰。

〔前腔〕〔小生〕明時得展匡扶政。報君何恤捐生。喜郊原妖氛滅形。朝端綱紀清寧。〔合前〕

〔前腔〕〔旦〕荆釵裙布曾孤另。桑麻幸遇娉婷。想當初天教曾盟。何期異地相親。〔合前〕

〔前腔〕〔占〕孤蒲弱柳蒙廝認。自知有愧夔夔。想前生曾結世姻。今朝寵誥同新。〔合前〕

〔節節高〕〔衆〕堂堂命世臣。聚朝廷。矢心重把綱常整。忠魂醒。義氣伸。芳名振。
非干明聖無聰聽。榮枯生死皆由命。〔合〕光岳千年正氣存。車書一統乾坤定。
〔前腔〕〔衆〕凌烟已著名。畫麒麟。撫孤除佞持身正。皇風泐。海宇清。天心順。國
家有道多英俊。從教盛際同堯舜。〔合前〕

〔餘文〕〔合〕皇明聖治稱嘉靖。遇明良喜起同聲。始信朝陽有鳳鳴。

忠臣爲國共除奸。

功在乾坤義燭天。

自是朝廷多有道。

直教萬載樂堯年。

鳴鳳記終

飛

丸

目錄

- | | |
|------|------|
| 第一齣 | 梨園鼓吹 |
| 第二齣 | 訪舊尋盟 |
| 第三齣 | 賞春話別 |
| 第四齣 | 諫拒脫簪 |
| 第五齣 | 交投設戒 |
| 第六齣 | 游園題畫 |
| 第七齣 | 得稿賡詞 |
| 第八齣 | 情恨興師 |
| 第九齣 | 意傳飛稿 |
| 第十齣 | 丸裏緘懷 |
| 第十一齣 | 園中落窅 |

第十二齣 憐儒脫難

第十三齣 代女捐生

第十四齣 故舊存身

第十五齣 明廷張膽

第十六齣 權門狼狽

第十七齣 旅邸揣摩

第十八齣 同宦思鄉

第十九齣 全家配遠

第二十齣 芸窗望遇

第二十一齣 戟戶逢仇

第二十二齣 獨訴幽懷

第二十三齣 堅持雅操

第二十四齣

邂逅參商

第二十五齣

誓盟牛女

第二十六齣

京邸道故

第二十七齣

月下傷懷

第二十八齣

發跡鋤強

第二十九齣

埋輪沒產

第三十齣

客途感慨

第三十一齣

公館言情

第三十二齣

叠合飛丸

第三十三齣

盟尋泉石

飛丸記 目錄

飛丸記

明無名氏著

第一齣 梨園鼓吹

〔西江月〕〔末〕春樹生香易散。浮雲變態無常。洪崖風月景偏長。笑劇場中無恙。身世空中白戰。功名覺後黃梁。肩撐四大頂三綱。萬古聲名影響。〔問答照

常科〕

〔散漫詞〕〔末〕易弘器嚴世蕃。薛滕唇齒。吳越戈矛。念先世之鼠牙。肆當朝之蜂螫。值弘器計偕燕臺。遭世蕃爲穿齊囿。花園邂逅。托屏娃而寄情。綺席牢籠。觸吹沙而難發。未遂當墟。先沾解網。繼發覆於應龍。中埋形於郡實。一充城旦。若待年於江濱。一列鎖垣。得快心於天闕。冤翻恩結。姻聯月下之赤繩。媒倩丸投。事類溝中之紅葉。正是白衣蒼狗多翻覆。滄海桑田幾變更。略道事情。便知顛末。

嚴世蕃挾仇坑士。

易弘器報德諧姻。

嚴玉英守貞霜烈。

叩郡實結義蘭馨。

第二齣 訪舊尋盟

〔臨江仙〕〔生〕秋花早斫吳剛斧。望春花看遍皇都。爭奈豺狼當道遁狸狐。空

有丹心昭日月。浩氣塞寰區。脫卻藍衫換綠袍。還期朱紱立中朝。步凌霄漢星芒動。嘯倚

崆峒劍氣高。自家姓易。名弘器。別號完虛。袁州分宜人也。不幸父母早亡。因此室家未遂。禍與嚴家

世隙。爭奈當今嚴相專權。夏桂州楊椒山銜冤就戮。忠臣喪氣。烈士寒心。況俺與彼世仇。後來毒害

不知怎麼。爲此去歲雖蒙鸚薦。今春欲避虎威。有一故人叩郡實。河南人氏。寄居荆溪。正欲與他商

計行藏。昨日有書相請。不若趁此一行。叫真幻。欲往宜興叩相公家去。你可早些收拾行囊。〔丑上

應科〕明日宜興去。行囊一擔挑。家家添綵勝。處處換新桃。

〔金井水紅花〕〔生〕綵勝添新縷。緋桃換舊符。按轡驟長途。望靡蕪。風烟非故。

是處紅顏小媛。喚客在當壚。唱一聲水紅花也囉。我與叩兄聯牀並轡。說劍論文。已非

一日正是海內黃金看意氣。人間白雪見文章。我想那日與他呵。晨窗問字。夜火分籌。弄槩提鉛。同擬天衢齊步。笑我黔驢蹇足。幸爾先馳帝都。惜他龍門點額。猶然還存故吾。一鞭行色。且問青門路。〔丑〕相公。天色將晚。趨行幾步。

〔玉胞肚〕〔生〕斜陽古渡。問行蹤高陽酒徒。佩奚囊滿貯明珠。負青萍價值論都。〔丑〕早春天氣。草色未齊。〔生〕你看連朝小雨潤如酥。草色遙看近卻無。

〔前腔〕〔丑〕芒鞋飛步。一肩餘山長路迂。迤程途口渴腸枯。聽枝頭相喚相呼。疎林月上撞樵夫。爲問前村有酒無。

〔尾聲〕〔合〕春風料峭天將暮。擾擾歸人爭渡。遙見陽羨溪山儼畫圖。

〔生〕意氣由來排灌夫。平明策馬走長途。

〔丑〕前峰月照半江水。人在荆門客在吳。

第三齣 賞春話別

〔臨江仙〕〔末〕柳眼窺春鶯喚醒。韶華局換青青。長風破浪願難乘。康莊看驥

騁驚塞暫淹停。烟光口吐五雲中。一第無成馬首東。長劍重磨倚天外。神龍未雨墊泥中。時違甘自慚。三釜風送還應上九重。七尺英姿天肯負。莫將眉睫覷英雄。自家姓叩名郡。字郡實。胄出青門。居鄰黃土。祖叨臺省。父列儒林。貫串百家諸子。沈酣五典三墳。誰知額點禹門前。名落孫山外。適有江西易完虛。武陵共業。桃園結盟。去歲已曾得儁。今年不與計偕。未知何故。前日有書去請。只此數日想必來也。叫院子。易相公到。速來通報。〔內應科〕

〔生查子〕〔生〕桃園在何許。西峰最深處。不用問漁人。沿溪踏花去。此間想是叩兄家了。門上可有人麼。〔外〕是那個。〔生〕易相公拜訪。〔外報科〕

〔前腔〕〔末〕夜剔青藜燈。晝拭烏皮几。聞道仲宣來。忙倒中郎屣。〔相見科〕哥哥。和你武陵一別。似隔三秋。〔生〕兄弟呵。陽羨重逢。情盟五內。〔末〕你繩樞甘守。豈揣摩之末精。〔生〕我羽毛未豐。恐網羅之易及。〔末〕嚴世蕃位高。心下芥蒂。諒已風消。〔生〕只恐他忿積謀深。怨毒豈能冰釋。特就仁兄。且圖韜晦。〔末〕呀。哥哥。長安卿相多少年。富貴應須致身早。〔生〕承教承教。

〔末〕舍下有望春樓。頗多野趣。請一登眺何如。〔生〕最妙。〔作登科〕你看夜雨紅胎樹。春風綠孕枝。

叫院子。將酒過來。〔作送酒科〕

〔錦堂月〕〔生〕綠孕枝頭。紅胎樹頂。春妝上林烟景。好鳥啼花。聲聲助人游興。喜居停挈榼提壺。堪破我劍孤琴冷。〔合〕脫囊穎。管取玉勒金羈。五百齊逞。

〔前腔〕〔末〕乘興。欄檻都凭。樓臺歷遍。興酣還拉郊行。況美景良辰。賞心樂事難併。喜林端風日晴和。只恐怕陰晴難定。〔合前〕

〔前腔〕〔生〕尋勝。峻嶺攢青。茂林叢翠。真個山陰風景。正流水觴迎。人醉莫教花醒。喜看他罨畫江山。那禁我故鄉回領。〔合前〕

〔前腔〕〔末〕人競。俠客擎鷹。王孫蹴踘。風流種種爭勝。正錦繡乾坤。人物豪華恰稱。喜看你禹浪揚鬣。那數我濠梁游泳。〔合前〕

〔醉翁子〕〔生〕相慶幸。世界風烟閭靜。看過隙居諸。幾多情境。更請早矚託陽戈。掛住西飛紅日影。〔合〕春將剩。取當下歡娛。現在光景。

〔前腔〕〔末〕君聽。嘆世人似漚浮泡影。笑眼前繁華富貴。可能常定。畢竟紅紫

易飄零。怎賽得松柏偏凌霜與冰。〔合前生〕攪擾仁兄。就此告別。〔末〕日日望故人。故人無處覓。纔得故人逢。豈堪遂相別。〔生〕歸興陡然。似不可遏。

〔僥僥令〕〔末〕春山排檻翠。春草隔簾青。你看兩兩三三人游處。鳥語共歌聲。如勸停。

〔前腔〕〔生〕羣空關雁影。目斷楚雲平。惟有萬山青色隨征馬。綠草送人行。逐旆旌。

〔尾聲〕〔末〕臨行好把朝鞭贈。莫道南風不競。我望你富貴相逢下馬行。

〔末〕灞南高處望長安。
楚水吳山道路難。

〔生〕別後相思何處是。
青山明月夢中看。

第四齣 諫拒脫簪

〔窳地錦襠〕〔淨〕倚雲栽杏映天紅。化日薰陶春色濃。相看沐浴湛恩洪。都屬天家雨露功。
權貴壓官僚。威名震華夏。能喝水倒流。會使鬼推駕。自家嚴世蕃。別號東樓公的便。

是父爲太師。職掌朝綱。吾乃侍郎。權司工部。父子俱登顯要。文武莫不欽承。當今只有我侮人。料沒有人來侮我。只有易家世仇。終難消口。前歲升湯日。新爲袁州知府。意欲藉手以報怨。不料不肯曲護。易弘器這些世濟其惡。我說法宜禁錮。不料宿衛指揮朱士直。他就當面搶白我。如今不免修兩個帖兒。將他送到兵部。都調他雲貴煙瘴地方去。慢慢送殺他。易家事且再圖之。道猶未了。夫人輩早上。

〔越調祝英臺近〕〔貼〕雨初晴。風驟猛。俄頃亂紅擁。〔旦〕游子紛紛。車馬尙相踵。〔丑〕更有蝶拍園翻。鶯簧堤弄。〔合〕好時景。渾如春夢。〔貼〕人生莫作婦人身。百年苦樂由他人。榮華富貴暫時事。江水江花只自春。妾身華氏是也。有女玉英。委托陸姑撫育。喜他溫柔聰慧。雖然屏選無人。畢竟填河有鵲。這也不足慮他。只是夫君招讒怙寵。懷諫嫉賢。久後不知稅駕。今日與女孩兒不免苦勸他一回。〔相見科〕老爹。這兩個帖兒。何處去的。〔淨〕湯日新見面錢少。朱士直議論不合。俱着權要。調他煙瘴地方去。〔貼〕老爺差矣。一人之見有限。居高位者。正宜廣詢博訪。奈何執拗傷人。〔淨〕你婦人家曉得恁事。〔貼〕諫做脫簪。言當採菲。聽稟上。

〔畫眉序〕〔貼〕榮貴壓豪族。羶路從來車馬簇。奈賢豪嫚罵。口箝忠告。〔淨〕太丈夫那聽婦人言。〔貼〕感斷織羊子成賢。悟脫簪周宣興國。〔合〕狠心貪戀銅山富。只怕禍如博陸。

〔前腔〕〔淨〕君恩寵優渥。位柱朝綱權勢獨。想根深蒂固。鞏如磐谷。蕭相能鎮撫東都。武侯好奠安西蜀。〔合〕太平期畫麒麟閣。閩外更希推轂。〔旦〕爹爹。見面錢少。有何大罪。貪財恐致害身。聽兒稟上。

〔前腔〕〔旦〕府庫久充足。遠勝陶朱堪敵國。致貪財壞法。普天側目。傍台星利析秋毫。坐偃月計傾僚屬。〔合〕狠心貪戀銅山富。只怕禍如金谷。〔淨〕吾父掌朝綱。人要做官。也須費幾貫錢鈔。我便得些偏手兒。有何大害。你也來譏誚。

〔前腔〕〔淨〕受用是吾福。總使橫行誰抵觸。〔旦貼〕風帆不可使盡。〔淨〕仗天風帆便。穩無反覆。冲霄起鵬有雙翎。死不僵蟲生百足。〔合〕太平期畫凌烟閣。閩外更希推轂。〔貼〕老爹及早回頭。聽我道。

〔鮑老催〕〔貼〕急當龜縮。你不見果老騎驢常倒足。須防世路多翻覆。使機關。強計較。空碌碌。兒孫自有兒孫福。〔淨〕天生有福須盡福。當權錯過應難贖。

〔雙聲子〕〔旦〕爹折福。爹折福。土珠玉。人魚肉。〔淨〕這等說。你無福享富貴了。〔旦〕兒無福。兒無福。藏金屋。愁顛覆。光景倏。光景倏。笙歌促。笙歌促。只怕月沈星落。良宵難續。

〔尾聲〕〔合〕鼎食全家思覆餗。燕雀堂高懼回祿。祇恐牽犬東門累羞辱。

〔淨〕自是朝中第一人。

〔貼〕只能謀富不謀身。

〔旦〕人生富貴須回首。

〔合〕銅雀荒涼鎖暮雲。

第五齣 交投設械

〔內叫云〕真幻。易相公叫你上京哩。〔丑挑行李上〕真幻真幻。跟隨極慣。急收拾。忙打扮。背了衣包。拿了傘。收緊頭巾條。拔起後鞋襪。快快跑。急急趨。這條路兒行得慣。早起跑到日頭晏。方知百步無輕擔。〔作歇肩科〕暫卸行囊打個盹。〔作立閉眼科〕呀。卻有十分好殺饌。烹風先喫一大甌。啜酒奉

來鹽鴨蛋。雞又肥。肉又爛。鹿脯羊羔醬油蘸。主人意思忒慇懃。勸酒花嬌兩傍站。眼底行來步步嬌。耳邊唱的聲聲慢。滿盆五隻口裏喊。兩說三枚手中甩。好快活。好快活。〔生內叫云〕真幻。快些趕上來。〔丑驚科〕啐啐啐。原來做夢哩。屈也屈也。早知好景不多時。夢中何不都喫辦。屈也屈也。〔笑科〕丑。你們有酒有飯及早吞。總來世事如雲幻。〔生上見科〕還不快走。〔丑〕怪你不知趣的主人公。把我上好的筵席都冲散。好喫好喫。有趣有趣。〔生〕你還在夢裏。〔丑〕啐啐啐。夢裏華筵滿眼。醒來綠草連天。

〔步步嬌〕〔生〕綠草連天春光早。回首鄉閭杳。思親淚暗拋。遙望楓宸。祥雲籠罩。何年赤手繫長鰲。投竿不枉任公釣。紅日上三竿。山僧尙掩龕。嗟嗟名利客。擾擾路途間。我弘器爲與嚴家有隙。因此上絕意仕途。奈因叩弟苦勸。來到京師。我想欲去參見他。又不甘心。欲得不去。他威勢怕人。持其兩難。前面就是京師了。〔丑〕相公。果然是好光景也。

〔前腔〕〔生〕舉目長安風光好。三月花期到。紛紛多士豪。染紙揮毫。各抒懷抱。何愁點額委洪濤。輕雷鼓浪神魚跳。〔丑〕相公。京師已到。嚴宅雖仇。他威勢甚焰。畢竟先

去參見他纔是。〔生〕正是到他簷下過。怎敢不低頭。不免去走一遭。〔下〕

〔掛真兒引〕〔淨〕睚眦之仇期必報。應知雀角難消。陽托招羅。陰懷圈套。腹劍勝藏刀。設繳玉帶緋袍。據要津。羣僚雅拜。望車塵。誰當捧日擎天手。都屬當朝秉軸臣。我世蕃藉父餘蔭。得此美官。仗父威靈。人咸欽服。積聚貲財數十萬。結交權要幾千人。睥睨之怨已伸。睚眦之仇必報。只有易家與吾世仇。爲吾官勢所壓。不敢輕動。不想易弘器就中了解元。今春若聯捷。焉肯釋怨。他來時少不得參見我。我將機就機。定要留他在家。謾謾把這廝一發除了。有何不可。〔大笑科〕好計好計。〔生上〕未去朝天子。先來謁相公。門上可有人麼。〔丑報科相見科淨〕不知兄到。有失迎候。恕罪恕罪。〔生〕不敢不敢。〔淨〕易兄鄉書高薦。可喜可喜。〔生〕一時僥倖。誠爲望外。

〔集賢賓〕〔生〕汙池蛙測知見小。未窺江海洪濤。荷沐恩波身轉掉。希德相提攜開導。〔淨〕不須分付。五府六部翰林科道。俱憑我說話。〔生〕只是先君干冒。雖往事望捐懷抱。〔淨〕小嫌何足介意。鄉兄不必多心。〔合〕修舊好。把芥蒂冰消風掃。

〔前腔〕〔淨〕家君榮幸超人表。坐朝堂震肅羣僚。官重名高心愈小。況咫尺天

顏臨照仇多恩報。容茹處海寬天浩。〔合前淨〕鄉兄可有寓所了。〔生〕還未。〔淨〕舍下何

如。〔生〕不敢打攪。〔淨〕鄉兄差矣。

〔貓兒墜〕〔淨〕與君鄉故。嫌隙已明了。意氣通家何不好。慚非吐沐攬英豪。堪效。須附他劇孟家風。千里車繞。

〔前腔〕〔生〕謬叨羅召。正是刎頸締新交。羞殺金錢饗受了。恩施几杖愧違朝。還告。做不得入幕嘉賓。桃李名號。〔淨〕位高德薄。正欲延攬英豪。況兄才德。更出吾上。不必

多心。一定要住。〔生〕決定不住。〔淨〕決定要住。〔生〕足見盛情。決不奉命。〔淨〕叫福童。收拾後花

園中書房。着他家人先回。你伏侍易相公去。〔生背云〕事勢至此。暫且應承再計。正是情知不是伴。事急且相隨。〔生下淨〕弘器弘器。我也好計。你也悔氣。我怕你乖而不來。不怕你來而使智。呵呵。你只道搏鵬曠野欲升天。今做了跛鱉深缸何處去。〔笑下〕

第六齣 游園題畫

〔憶秦娥〕〔生〕神京近。一丸泥把函關定。函關定。羊腸世路。謾先馳騁。我上京求

取功名。不料嚴家冰釋舊嫌。密投新好。莫不是意在得魚。計先捨餌。正是愁雲萬疊眉峯鎖。心月孤明膽海寬。且拋書卷。把冰絃撫弄。少撥悶懷。〔彈琴介〕

〔解三醒〕〔生〕向南薰鳥啼清晝。且拋着斷簡殘編。似我不窺園的苦把身牢穿。怎如那弄枯桐的落得心圓靜。琴呵。還指望高山流水鍾期遇。休動了寡鵠孤鸞游子情。還思省。怕聽他螳螂蟬捕。絃裏傳驚。冰絃未轉番幽恨。玉軫調成畏殺聲。還不若把龍泉起舞。抖擻壯懷。〔舞劍科〕

〔前腔〕〔生〕聽琴聲愁腸陡動。謾指望焦尾調情。似我弄宮商的惹得心兵競。怎如那控鎖干的舞動我心豪興。劍呵。還想你階前按脫囊錐穎。莫做他客舍歌彈。緜蒯輕。還思省。愁殺他鋒藏魚腹。解贈逃生。何年得遂上方請。折檻明廷斬佞臣。呀。照依我這般撫弄呵。也只是匹夫之劍。你看嚴介溪掌握朝綱。太阿在手。

〔前腔〕〔生〕天上台垣星正炳。嚇得他鞭撻乾坤山斗傾。郭汾陽子壻盡璵玞。蕭相國帶劍上彤庭。嚴相國呵。不羨你瑤冠珠履侯門貴。怎做得犬吠雞鳴狎客

輕還思省。只怕你蝸涎易竭。繭足難行。〔福童上〕天不欲留春。東君暗歸去。碧梧枝上看。

瀟瀟風送雨。易相公。你看滿地落紅風色惡。一年春事又將過了。〔生〕花色催春老。浮光促少年。

〔福〕你曉得我家有個聚春園麼。〔生〕不省得。〔福〕你聽我說其大略。園圃裏異卉奇花。四時不

謝。瓊枝怪石。八景長春。憑虛樓閣。齊天匠。撮巧亭臺。奪化工。曲檻兜欄。閒鎖無邊風月。鹿鳴鶴唳。闌

開無際海天。真可比海藏龍宮。那數他隋隄漢苑。〔生〕何不挈我一觀。〔福〕你將一錢銀與管園的。

就去看來。〔生〕是如此。〔行科〕果然好景致。我不省得。你卻爲我引道。

〔南宮太師引〕〔生〕望前行。這地真絕勝。豔麗處叫我心兒好駭神。儼似他蓬

萊仙境。頓教我對景生情。〔福〕那是鞦韆架。那是飛霞嶺。〔生〕行過了鞦韆曲徑。又是

那飛霞石磴。〔福〕向東是雪洞。向西是聽鶯樓。〔生〕平穿雪洞。登樓還聽鶯。須信道神

仙世界勝丹青。〔福〕不好了。不好了。裏面有人出來了。〔生〕人來怎麼。〔福〕老爹有禁。擅入花園

者。家下人打一百。外人送去老爺問罪。〔生〕何不早說。不來也能。〔福〕且躲在太湖石邊去。

〔雙調夜游湖〕〔旦丑淨同上〕祇曉得深閨女教。那管烟花境界蝶舞蜂邀。〔丑淨〕撚

指流光。只恐怕辜負了年好景。〔旦〕你看客擁香車。馬嘶芳草。俱因此一春晴好。〔淨〕小姐。你看花園中果然開得好花。〔旦〕前日桃花李花開時。還好看些。桃姐姐。這是什麼花。〔淨〕這是牡丹。〔丑〕這個呢。〔淨〕這是芍藥。〔丑〕呀。這些棧上都開起花來了。〔淨〕這叫做茶蘼花。開到茶蘼花事了矣。〔旦〕正是春光堪賞。尤堪恨。纔見花開。又落花。

〔越調鐮兒〕〔旦〕我想榮枯難料。誰道繁華易保。看鶯花可常繪藻。可久鮮嬌。怕春去芳菲。似紅雨隨風亂飄。蜂蹤浩。蝶夢消。聽枝頭蜀鳥。叫道春光去了。春光去了。〔淨〕老爺勢壓當朝。安如磐石。小姐何過慮也。〔旦〕花盛則必衰。月盈還有缺。〔淨張科〕

太湖石邊有人。〔旦〕去拿來。〔拿福科旦〕我家福童打一百。〔丑〕還有一個。〔淨拿生上旦避以扇障面科丑〕你是甚麼人。到我園裏來。好好跪了。饒你。〔生喝科〕胡說。男兒膝下有黃金。〔淨〕好大來頭。索了送去見老爺。〔福〕情願責了小人。聽易相公說個明白。

〔前腔〕〔生〕與你同鄉壤交。那更鳴珂相紹。也曾鹿鳴呼號。奪錦爭標。垂雲六息。覺搏風怒搖。〔福〕桃姐姐呵。休心傲。莫眼高。平地春雷報。轉睫飛騰去了。飛騰

去了。

〔前腔〕〔旦〕碧桃呵。他非干冒。祇愧我閒游自招。原來他是蒼山隱豹。丹穴翥奇毛。塵境裏暫游翱。看扶搖上霄。君毋懊。妾怒消。似雲收月皎。萬里晴空了。晴空了。福童饒了你五十板。好好伏侍公子還去游玩。〔旦下福〕游玩游玩。臂兒打去一半。還要聽你使喚。領人東看西看。〔下生〕福童去了。什麼游玩游玩。靈魂在你身伴。情興減了一半。咄。拚得撇下了。想他也無幹。呀。又在心上來了。好一個小姐。有賢德。有美貌。可嘉可嘉。

〔山桃紅〕〔生〕只道藍橋難到。豈料非遙。一見如花貌。心招目挑。想着他秋波渺。想着他步蓮嬌。那更體態兒轉折兒意思兒尤妙也。那數他掌上輕盈俏。心話無門告。祇廟火燒。咫尺長門閉阿嬌。

〔前腔〕〔生〕他疑嗔疑笑。光景難描。似洛水神姬耀。靈魂暗消。惹得我言顛倒。惹得我思牢騷。誰肯將我意兒他意兒縫合時。若線將針巧也。劉阮天台人未遙。成就姻緣早。合盞同牢。金屋妝成貯阿嬌。

〔尾聲〕〔生〕珮環聲遠香風杳。回首予懷渺渺。不道聚春園做了遇仙橋。這是

鈴山堂。你看錦屏風上美人。出自丹青妙手。雖極媚。還不如玉英小姐呵。此間筆硯也便待我道他幾句。〔題詩介〕〔錦上〕「枝花」一見丹青。眼底春生。美嬌嬌真個輕盈。肯笑笑價值連城。你道我不知音。不惜玉。不是多情。你原何形隻隻。眼睜睜。獨倚圍屏。有何心事。悶懨懨。情脈脈。如醉如醒。密將雅意兒叮嚀。你奈何有耳不聽。有口不應。空叫我枉斷腸拊心撫膺。更欲置汝袖中時展玩。惜不是我囊中物。恨殺我有力也難能。〔集句〕

故國逢春正寂寥。

武陵人去水迢迢。

相思一夜情多少。

腸斷春風爲玉簫。

〔內叫云〕老爹出來了。〔生驚失稿下〕

第七齣 得稿賡詞

〔福童上〕前日小姐遇了易相公。起初羞辱了一場。後來温存了半晌。是非既已明白。號令只宜諱帳。今日定要叫打園公。只怕釀了後來禍恙。領命只得施行。有事不在我心上。不免分付管家得知。

管家何在。〔內應科丑〕把園公要打四十荆杖。〔內應下〕

〔逍遙樂〕〔旦丑同上〕胭脂塗海棠。御柳風牽晴絲颺。馬嘶芳草醉斜陽。踏花歸去。拾翠王孫恨。殺紅妝。〔淨持稿上〕方纔打掃鈴山堂。偶然拾得一片紙。想是老爹遺下有用的。請小姐觀一觀。〔旦細念前詞科〕

〔玉交枝〕〔旦〕何人無狀。謾垂涎娉婷畫嬈。他說道。意慙勸描寫衷腸。謾癡狂惜玉憐香。豈真是心兒貪戀影兒良。緣何托愬丹青像。恁空勞游思幻想。取筆硯來。待我嘲他幾句。〔寫科〕肺腑抽腸。一段牢騷可憫。衷情傾瀉。百般風味堪嘗。

我笑你雉鳴求牡。休認做鳳翥求凰。枉費癡心。翻嘲浪口。呀。我知何人所作。就批人之紙稿。不若搓作紙丸。擲下了。〔土地上〕嚴玉英與易弘器秦晉宿緣。吳越世隙。婚姻怎能自合。不若用箇機關。做個轉折。使他兩下暗托一丸媒妁。造成百世姻緣。有何不可。〔旦搓丸擲科土地接丸下丑〕好古怪。初先一幅紙。還可吹得去。今搓了一個丸。怎麼也被風吹去了。〔作驚科淨〕待我去追他來。〔旦〕果

然好古怪麼。

〔前腔〕〔旦〕風掀雲颺。這丸兒浪飄飄。知落那廂。愁只愁墨髓留香。嗜味魚相親相傍。〔丑〕小姐何故煩惱。〔旦〕一似春光泄漏滿庭芳。游人牆外多翹望。恨無端釀成悒快。恨無端添來惆悵。〔丑〕就落在他人手裏。那曉得是小姐筆跡。

〔尾聲〕〔旦〕蕖開太液香飄漾。綽約輕盈壓衆芳。〔丑〕小姐呵。還是你鶴唳風聲自驚慌。

〔旦〕眼想心思夢裏驚。

無人知我此時情。

總然無限丹青手。

一段傷心畫不成。

第八齣 情恨興師

〔點絳脣〕〔淨扮仇嚴上〕劍戟霜寒。冲冠氣岸。長虹貫。歃血除奸。誰是我同仇怨。怒氣冲霄避斗牛。英雄無計報深仇。靴尖蹴倒崑崙頂。劍氣衝翻渤海流。自家兵部尚書丁汝夔老爺手下一個頭目。喚做仇嚴的便是。前日胡虜犯京師。我主決策於嚴嵩。意欲勦殺。以伸中國之威。以舒皇上之憂。奈爲此賊所阻。及事敗拿問。那賊恐我主招出真情。故將言詞毀哄。以安其心。至臨

刑始知爲其所賣。雖是那老賊的威勢。實是世蕃的主謀。我受主公恩厚。誓不與此賊共天。不免糾集兄弟們。計較一番。〔叫介衆上〕趙襄仇必報。豫讓是何人。將軍有何分付。〔淨〕我主死於非命。你們可有報怨之心。〔衆〕但恐將軍雖有奇謀。難撲騰天之焰。如有計策。一聽指揮。〔淨〕我欲據住中岳嵩山。聲勢若振。誅了世蕃。後殺那老賊。若不振時。埋伏他回家的往來要道。若有賊賄。奔回時。搶他些。與他鬧炒一場。〔衆〕妙甚妙甚。〔淨〕卽日就把武藝演精些。韜略講熟些。後日也要成其大事。〔演武科作陣勢科〕

〔豹子令〕〔淨〕左手彎弓橫撚箭。橫撚箭。能騎駿馬着金鞭。着金鞭。萬里橫戈探虎穴。三杯拔劍舞龍泉。舞龍泉。〔合〕何愁嚴賊勢騰天。勢騰天。

〔前腔〕〔衆〕三略六韜都閱遍。都閱遍。神機妙算百蠻傳。百蠻傳。赤兔追風刀。偃月崑崙踢倒仗靴尖。仗靴尖。〔合〕大明天下我爲先。我爲先。

一枝長戟六鈞弓。

驀地燒天驀地空。

舉旗爲風偃爲雨。

飛揚跋扈爲誰雄。

第九齣 意傳飛稿

〔金蕉葉〕〔生〕侯門肅靜。簾幙搖風。花陰護影。想着他欄杆謾凭。害得我文園渴病。自從見了那小姐。不覺心猿馳騁。盡箇懶拈。恨不得飛向花園裏去。且闔着門謾想一會兒。〔想

科〕好似姑山半峯雪。瑤水一池蓮。

〔桂枝香〕〔生〕姑山雪樣。瑤池蓮放。白花仙女游凡。越地端卿相撞。是前生宿殃。是前生宿殃。凭欄想望。支頤惆悵。細思量。豈是水晶屏上花妖降。恍惚還疑宿阿香。

〔前腔〕〔生〕武陵津傍。藐姑山上。餐風吸露乘雲。那許塵眸相望。看鳩雙燕雙。看鳩雙燕雙。雄鳴雌向。前飛後伉。恨茫茫。春光在眼人空想。何日窺簾竊異香。

〔福上〕我想花園裏遇了小姐。被打五十板子。也罷了。叫易相公去。累他受辱一場。心甚不安。不免向書房中看他一番。〔見科〕相公受了閒嘔氣。不要記憶。〔生〕只是累你打了板子。心上不安。〔福〕

相公雖則受氣。我小姐深居繡戶。不啻嫦娥。前日被你覷着。好生造化。〔生〕只是我

〔八聲甘州〕〔生〕春愁耿耿。奈無端牽繫。意馬心兵。梨花有夢。昭陽飛燕輕盈。三星捲簾當戶靜。一點殘燈滅復明。孤另。但不知。可曾夙世足繫紅繩。

〔前腔〕〔丑〕思省。他總有沈魚落雁。隔牆花何必牽情。〔土地舞九上生〕那邊何人打

下一個彈兒來了。〔丑〕想是王孫公姓。持弓挾彈堪驚。擡頭望處如星瑩。爲瑞爲妖事未憑。〔見紙丸科〕人靜。原來是何方紙繭飛墮中庭。〔生剖丸念科〕

〔不是路〕〔生〕剖破分明。紙繭原來前日情。〔丑〕原來就是相公草稿。〔生〕我想那時呵。

乘騷興。揮毫意托美人屏。〔丑〕如今怎麼樣。〔生〕福童呵。誰相應。把我幽腸暗腹都

描淨。真是流水高山人再生。但不知何名姓。文姬班史真堪並。教我此情那罄。此情那罄。我想那紙稿袖中忽落。一奇也。遺下何人嘲和二奇也。嘲和而復飛到此。三奇也。有此奇事。

能不動心。〔丑〕相公。

〔解三醒〕〔丑〕莫不是漢中郎帛雁贈。莫不是魯仲連書射聊城。莫不是洞庭涇上人求拯。莫不是風度飛瓊緩步聲。〔生〕分明是花陰幽恨無從罄。又恐怕我梅月呈

妖恍惚生疑成病。我將這紙丸呵。做個靈符護法衛此三生。〔丑〕疑心生暗鬼。過虛損精

神。相公。我腿上有些疼。要去睡也。〔生〕你去自在。我在此間耍一回。〔丑下生〕當時御溝題紅。澗泉

流飯。後來俱有結果。我亦裁詩一首。作丸擲去。若是宿世有緣。亦到那人手裏。〔作詩寫科〕

〔前腔〕〔生〕我仗你緘情休露穎。我仗你個裏中情婉轉鳴。我仗你霜紅拾倩供
詩興。我仗你溝水長流返逆行。我願你如箏颺颺天邊趁。我願你若絮空中滾滾
輕心還訂。我願你秦樓楚館更仗風升。我將一腔心腹。托之片丸。不免囑付一回。

〔掉角兒〕〔生〕我憑伊心中事傾。你傳咱心中事明。欲飛時再行再停。欲投時
相尋相認。你須要人眼睜先遁形。人眼清方現影。纔稱使令。間隙須乘。防閒須
另。若相逢夫人韓氏。即便留情。

〔前腔〕〔生〕我雖然七言未精。也到有千般厚情。你雖然心挑未明。那知我風
流慣整。想因是好姻緣前世盟。巧機關今湊成。吾心深幸。巫山兆靈。高唐夢徵。
定不做行雲行雨。一段虛情。

〔尾聲〕〔生〕相逢莫把風流剩。一片雲箋作話柄。但未知花月場何處。從此絲牽十萬程。

殘燈無焰影幢幢。

此夕懷人欲斷腸。

假寐不遑驚起坐。

暗風吹雨入寒窗。

第十齣 丸裏緘懷

〔菊花新〕〔旦〕輕掀簾幕控鈎扳。遠襲香塵勝麝蘭。杜宇叫聲闌。花殘鶯懶。春歸晝永人間。〔丑〕姐姐你看。日豔一闌籠芍藥。風香滿院架茶蘼。好光景也。

〔步步嬌〕〔旦〕芍藥翻紅花飛瓣。楊柳條難挽。海棠絲亂。午風輕。滾滾紅塵。馬嘶人倦。轉眼景將闌。十分春色如飛彈。碧桃和你趁此日長。做些針黹。叫翠梅取了絨線

板兒。你拿棚子過來。〔作做棚介〕

〔沈醉東風〕〔旦〕繡棚兒將纖指謾按。粉地兒將金針頻貫。蜀錦越羅間。更挑刺繁英燦。茉莉素薔薇紅綻。蝶舞蜂攢。桃夭柳亂。巧安排奪天孫樣範。〔旦作睡

科丑 小姐莫非醉酒乎。〔旦〕我何常飲酒來。〔丑〕是醉春了。〔旦〕怎麼叫做醉春。〔丑〕春色惱人眠不得。五更無夢到陽臺。〔旦〕這是不睡。何以言醉。〔丑〕小姐晚間不要睡。故日間要睡了。〔旦〕湖海風波夢不驚。黑甜一枕三竿日。晚間甚是好睡。〔丑〕小姐既不醉酒。又不醉春。是醉心了。打個嚏兒醒一醒。〔淨〕不若且聽枝上鶯聲。消遣一回何如。

〔忒忒令〕〔旦〕我繡房春當刺繡天。爲甚的意慵神懶。豈是睡魔倦鬼苦煩我昏眩。又聽得語燕與啼鶯。枝頭鬧。梁間繞。傾聽懷頓遣。〔丑〕姐姐。黃鶯兒果然叫得好。

〔好姐姐〕〔旦〕金衣出谷。調絃啼宮苑。喜離金彈。挈雙柑斗酒。綠楊堤畔。穿金梭攢。洛陽錦堆真堪玩。多少工夫織得完。取文房四寶過來。待我作詩。以遣睡魔。〔作詩〕

介 春風濃若酒。薰得醉人多。強刺牽愁祟。耽詩戰睡魔。送香花弄影。調管鳥翻歌。眼買窗前景。芳心肯擲他。〔淨〕姐姐。你看鳥啼花落。誰不傷情。

〔嘉慶子〕〔旦〕任芳春百鳥間關。院深沈誰想顧盼。〔淨〕花園裏去耍子。〔旦〕前日惹

了一場是非。還要去。把不出閨門箴休犯。莫傍鞦韆欲上竿。〔土地舞丸上丑〕你看樓屋上滴流流一個團子落下來了。〔旦〕果然。

〔雙蝴蝶〕〔旦〕想是銀河裏星度番。想是傾煉爐老子丹。想是柳書生熊丸。想是游俠郎拋擲黃金彈。想是宜僚丸楚邦驅難。還應是珠辭合浦一朝還。〔丑〕小姐。還是前日飛去的紙丸兒。

〔園林好〕〔旦〕悔昔日人情未諳。爲恁的輕濡彩翰。落衆口登時騰訕。今何幸璧仍完。今何幸璧仍完。〔開丸視科〕呀。又是他人所筆之詩了。〔念科〕西方人念切。嘲語辱情通。月殿疑無變。天台少便鴻。清風非御水。沈墨作流紅。天願符人願。丸中意在中。他話沒來由。着實可惡。筆惹閒非。皆緣自取。我不合。

〔川撥棹〕〔旦〕胡麻流飯。尋徑的隨灣逐灣。笑相如綠綺空彈。笑相如綠綺空彈。爭奈這文君意懶。念懸懸他自儼。謾垂涎空自饑。〔淨〕那人好差。空污紙筆。〔旦〕翠

梅收拾了棚子。

〔錦衣香〕〔旦〕波起瀾。濤箋煥。豹窺斑。毛錐幻。知他錯認天台。空思江漢。詞汚
難點寸心丹。陽臺還隔。雲夢難攀。笑尋香浪蝶。向薰衫。錯認芳蘭。餓眼空相盼。
何郎張敞。難施玉臉。怎畫春山。我丸去無心。他來丸有意。不覺技癢。待我步還一首。〔吟詩
科〕緣海沈沈黑。茫茫路不通。狎人機息鳥。投簡羽輕鴻。雲結天邊白。花消錦上紅。心牽絲萬里。味
嚼此丸中。夙世姻緣。必此人也。詩意投機。誓以心許。什襲收藏。執爲媒証。

〔漿水令〕〔旦〕我本隱桃源。焉知有漢。那想他倩漁郎問津來玩。他那里夢章臺。二
春柳眠。我這里憶王孫。千郊草芊。飛花應惹游絲綰。又誰知徹底冰壺。點染塵凡。
金鈿鑿。玉指環。今生緣結來生絆。憑誰話。憑誰話。雕梁語燕空惆悵。空惆悵。蜀
魄啼殘。

〔尾聲〕〔旦〕姻緣百歲雖云幻。一線情牽萬里山。未知何日相逢共笑看。

獨步紗窗刺繡遲。
驀然春色上花枝。

相思一念從今起。
春夢雖多無處歸。

第十一齣 園中落窠

〔番卜算〕〔淨〕華堂開綠野。珠履紛紛進。朝來有事獨關心。合計謀方盡。前日易弘器籠絡吾家。已作瓮中之鱉。究竟要個收煞。昨請趙大哥鄢三弟計較。我今且卑詞厚意。拉彼同席。作個計兒。灌醉了他。有何不可。叫左右請易相公出來。

〔前腔〕〔生〕情牽昨夜人。事抱當年恨。鯤鵬羈絆幾時伸。獨自縈愁悶。〔淨〕鄉兄在舍。久慢得罪。〔生〕謬辱厚雅。感戴不勝。今日設此盛饌爲何。〔淨〕一向不得與兄相叙。今日稍暇。聊伸寸敬。〔生〕何勞如此。〔淨〕一件稟上。趙科長鄢道長二人與我最厚。今日請來一陪。鄉兄意下如何。〔生〕公友卽吾友。有何不可。〔淨〕已着人去請。想亦就來也。

〔滿江紅〕〔外上〕春老鶯殘。風雨過。催花發信。瞥然見林梢肥紅。尙欺綠嫩。〔小生上〕喚起春郊游冶興。獨添繯鎖人縈恨。〔合〕今朝有酒且聽鶯。春休問。吾乃趙文華與鄢茂卿便是。感蒙嚴府相招。此間已是他門首了。〔相見介〕此位何親。〔生〕小子易弘器。〔外〕原來是秋元先生。〔淨〕是我鄉里。又是至親。特請二位一陪。〔淨附外耳科外點頭科外〕首

席易完虛坐。〔生〕二公前輩。小子焉敢。〔淨〕彼此通家。鄉兄決不失禮。還二公坐。〔衆〕僭坐了。〔淨〕今日要行一令飲酒。〔外〕又是我先行。久僭不好。要各人認一花。把花自家品題。後來待我刷卷。我認的是桃花。

〔錦堂月〕〔外〕玉洞仙根。玄都舊種。公門悉非凡品。他笑口無言。紅塵看人滾滾。呈豔彩蜀錦爭葩。鼓浪暖神魚共奮。〔合〕還須認。有天上奇花。露中紅襯。〔小生〕我認的是杏花。

〔前腔〕〔小生〕更信入市沽春。燒林擬火。描春色妝紅粉。恁着意牢關。一枝牆外難隱。紅映着十里飛驄。色耀他曲江游儻。〔合〕堪題品。看花隱前村。牧童遙認。〔生〕序爵該東樓公了。〔淨〕鄉兄是客。怎敢當爵。〔生〕序齒也不該是小生。〔衆〕有賓主之分。還是易完虛。〔生〕我繼二公之後。認的是芙蓉花。

〔前腔〕〔生〕離羣冷落辭春。憐秋蘸水。西風獨避芳塵。總生在秋江。素襟晚節何損。堪羨他老景含芳。誰管他陽春花陣。〔合〕輕朝槿。爲不向東風。未開懷韞。

〔淨〕我認的是牡丹花。

〔前腔〕〔淨〕花尊傾國堪珍。名題富貴。子孫看到何人。繡輓羅幃。百花自然欽。遜稱上第魏紫無雙。誇獨步姚黃一本。〔合〕薰風近。永日護香霞。賞心偏趁。〔生〕

請老先生刷卷。〔外〕我三人之花。俱當景得時。慶飲一盃。易完虛之花不及時。罰飲三盃。〔生〕小子雖不及時。還有得時之日。告饒一盃何如。〔外〕便讓一盃。只是要告個板兒。〔生〕但憑。〔外〕連違數盃。科生作醉科外。已承命了。還有別事否。〔淨背生科〕都堂會銑欲復河套。不惜數十萬錢糧。違吾父之意。拂衆人之心。你道何如。〔衆〕有何難哉。着刺客刺殺了他。就無主將了。〔小生〕不若多糾幾個兄弟們。上他幾本。皇上作了主。怕他不息兵。〔淨〕有理。好妙計。

〔醉翁子〕〔淨〕休憤。結同門交章叩壺。霎時起波濤。眼花昏暈。〔小生〕若要行刺呵。要隱。當遁跡潛形。翦蔓除根。纔事穩。〔合〕休焦憤。管教他驀地風雷。火熄灰燼。

〔淨〕還有一事。丁汝夔受刑。他部將仇嚴。就認道下官主謀。圖欲報仇。聚兵在我回家往來的要道。勢甚猖獗。〔衆〕着官兵勦除就是。〔淨〕全賴全賴。

〔僥僥令〕〔衆〕仇嚴何太蠢。平地欲興雲。〔生〕不想一木難支將顛運。可惜枉費了精神。志未伸。〔生〕小子敢進一言。

〔尾聲〕〔生〕排賢下石非忠盡。〔淨作驚科〕鄉兄此話牢拴方寸。〔衆〕休把我機關

輕洩人。〔外〕鸚鵡才高卻累身。〔小生〕濟時須仗老成人。〔淨〕如碁世事當先着。〔生〕夢裏輸贏

總未真。〔淨上弔場〕方纔偶爾失言。想必弘器已知了。此事最大。萬一漏泄。禍在滅門。叫趙大哥勸

醉。原爲欲結果他。如今正好動手。只是沒有一個托意的人兒。〔作想科園公上〕稟上老爺。前日易

相。欲覷小姐。俺入園扉。不意撞見。個個皆知。初相見時。番轉面皮。講到後來。癡癡迷迷。因此外面攘

了是非。〔淨〕有這等事。〔怒科〕園公。你也恨他麼。〔丑〕恨得他狠哩。〔淨〕我有一計。只許你知。叫他

今晚宿在園西。悄悄殺他。重重賞你。〔丑應下〕

〔淨〕心上正可惡。又添一重怒。

當死的畜生。佛也不能度。

第十二齣 憐儒脫難

〔丑〕恨小弄君子。無毒不丈夫。弘器花園前日累。我打了四十道。我管園不守家規。擅放閒人闖入。銀子得了一錢。臀片打得流血。叫我氣從何處出。恨從何處泄。我便駕他一場是非。不想老爺原與他有隙。今夜叫了我他世事。喚他西廊房宿歇。正是我雖有悔心。他實無生藥。〔下〕

〔懶畫眉〕〔生〕春來春去幾經過。不是今年恨最多。詩丸消息去如何。可曾卻傍妝臺墮。一段姻緣事怎麼。緣分相須偏湊巧。事情背戾枉機關。丸來投我誠然易。丸去投人亦不難。若天緣有在呵。

〔前腔〕〔生〕丸來丸去兩情和。詩謎堪猜獨自哦。不知落花流水竟如何。若是傳波紅葉機緣輾。坦腹何須另覓何。〔丑上〕老爺請相公後園西書房安歇。此處有客來也。

〔生作疑科〕驀然有此話說。莫不是計行擒虎。密地藏窩。〔思科作點頭科〕正是身世如飄梗。行蹤任轉蓬。〔下〕

〔一翦梅〕〔旦上〕倒影樓臺上薜蘿。寶鴨香疎。別院笙歌。昨夢神言。易生有難。命吾救之。如若不救。災禍立至。想起來他在我家看書。有什麼難。於我何干。我去救他。但夢魂屢夜。囑托再

三。使我念慮暗移。心思默換。事有可疑。

〔前腔〕〔丑上〕無端鴉鳥鬧簷阿。凶吉如何。底事煩魔。〔旦〕你在那里。去這多時。好打也。〔丑〕一件機密事。園公謗了。易相公是非。要害他性命。〔旦〕爲何。〔丑〕爲小姐前日花園裏窺覷。不會迴避。〔旦〕你怎麼曉得。〔丑〕偶爾送茶。竊聽來的。〔旦〕有此事。昨夢有准。神言不虛了。

〔懶畫眉〕〔旦〕堪憐措大忒迂疎。恰似隨風赴燭蛾。知君家世聽鳴珂。可憐爲我微軀也。霹靂青天白地波。〔丑〕那人再無人救得他。

〔前腔〕那人落穿入天羅。想是文章被折磨。小姐呵。你何須佈施念彌陀。吹噓一點靈犀熱。涸轍枯魚沐浩波。〔旦〕我想救他。再無計策。除非着他走了。你去取花銀十兩。與他盤費。再拿些蜜棗火糕。與他路上充饑。就着你去。免人知覺。叫他火速去罷。〔旦下丑〕領了小姐命。只得走一遭。俺小姐呵。

〔金瓏璫〕〔丑〕慈悲方寸地。超生勝比檀那。你看侯門寂寂。萬籟無聲。只有月照庭軒。風來院宇。搖玉樹。蕩銀河。我倉惶提醒夢。他黑甜一枕南柯。門密扣。口輕哦。易相

公起來。〔生上〕是誰。〔丑〕丫鬟碧桃。〔生〕爲甚的。〔丑〕有人要害你性命。你可知道。特領小姐命來救你。

〔啄木兒〕〔生〕嚇得我身如顫汗似波。手足膠臙行怎那。謹承望蟾宮近得覩嫦娥。誰知道蠶叢裏撞着嘍囉。〔丑〕相公早尋個生路去。〔生〕我窮途卒雷難先躲。瞿塘卒風難迴舵。叫我進退無門。罹網羅。小生有何福分。蒙小姐大恩救我。

〔前腔〕〔丑〕花園裏悔叱呵。更有夢裏諄諄神告我。還有花銀十兩。火糕四匣。密棗百枚。有花銀路實盤乾。有糕棗乾餈防餓。相公呵。你逗遛此間難逃禍。急須畫謀尋方躲。努力前程休自蹉。〔生〕從那里去好。〔丑〕跳牆去好。

〔前腔〕〔生〕牆危險似落鳳坡。軟脚如何能跳過。〔丑〕不若往架上扳着葡萄。下衙衙即是平窩。〔生〕前途指迷無摧挫。幸逃大昭巫陽夢。肺腑終身銘翠蛾。〔生〕望空拜謝科。

〔前腔〕〔生〕蒙杯渡念轉多。未繭春蠶絲止夥。謝小姐呵。臨歧贈濟困防饑。只怕

乾坤窄難寄蜂窩。姐姐也拜你兩拜。與我轉達小姐。我此去呵。神龜已離中橋禍。壺漿已克翳桑餓。正是鐵石能消恩不磨。〔作上架科〕多多與我拜上小姐。願他早配公侯。簪纓奕世。我生當啣環。死當結草。〔下丑〕他得命了。救人一命。勝造七級浮圖。這是小姐的大陰果。不免回復與他。〔下旦上〕一點活人心。未知全得否。〔丑上旦〕碧桃。你來了。此事何如了。〔丑〕去了。〔旦〕他有甚言語。

〔二段子〕〔丑〕他說道若爲鬼魔。足羈縻相隨荷戈。若爲犬騾。掛絲繯荒郊展莎。小姐他去時的光景可憐。只見他寒驚赤膽。英風挫。愁消白面。雄心懦。這段倉惶。豈爲小可。〔旦〕正是驚魚脫卻金絲網。擺尾搖頭再不來。〔丑〕他望空拜謝小姐四拜。謝我兩拜。轉上小姐。道小姐恩德呵。

〔前腔〕〔丑〕感深潤河。望長江茫茫浩波。景行玉雉。望泰山巍巍翠峨。他願你公侯匹配。隨金舸。子孫奕代陪青瑣。只爲你恩過當熊。情非擲果。

〔尾聲〕〔旦〕今朝幸喜逃凶禍。來日還知好結果。將俺這活水些些。解釋冤家。

無限火。你們各人謹閉春風口。切莫輕吹草。不知悄悄回去。不得驚動了老奶奶。

〔丑〕夜半無人私語時。

東方明星亦不遲。

〔旦〕堂前雖有三千客。

明日報恩知是誰。

第十三齣 代女捐生

〔貼上〕受恩深處親骨肉。諾重千金死亦輕。吾乃嚴世蕃之表姑陸氏是也。孀居早歲。感蒙嚴府提攜。將女玉英。委托老身撫育。及今年已十五。與我情親意篤。猶如母子。且喜他仁心義氣。不類父親。往常先我而睡。今晚原何不見他來。年紀長大。必須要檢束他。恐做出勾當來。未必不罪及於我。不免去尋他一番。正是付托情于己。休戚自相關。〔下旦提燈上〕一時錯信夢。思量禍不輕。爹爹要害易生。必有一個緣故。明日舉理。是誰放的。必定牽三扯四。不知打死多少人。爲着一人。害及多人。造孽無量。不若拿了鎖匙。自盡於園門之上。定知是我。不枉他人。卻不是好。〔貼上叫科旦〕姑媽來了。如何是好。不免撲了燈。躲在僻處。待他去了再處。〔貼〕原何幾重門都開了。那壁廂什麼光。〔見

旦科〕呀。你好大膽。使女也不喚一個隨身。做出事來。莫說累及我。不怕玷辱祖父麼。〔旦〕姑媽。你

是我母親一般。有事不敢相瞞。父親要謀易生性命。奴家放他走了。恐累衆人。我要自盡。〔貼〕爲何放他。〔旦〕夢中神言。救他則生。不救則禍。恍若心同意。肯因此救他走了。〔貼〕他的信。誰送的。〔旦〕碧桃。〔貼〕叫碧桃來。〔叫科〕

〔玉胞肚〕〔貼〕癡迷可晒。夢中言何須認真。似琴心撥動文君。是非中真假誰分。你捐生未必便成仁。我就木甘心代爾身。〔旦〕奴家做事。焉敢害及姑媽。〔貼〕惜爾青年。富貴有日。我受你家恩厚。故以此報。你拿鎖匙來我。〔旦〕哭科

〔前腔〕〔貼〕你損軀隕命。出無辜令人痛呻。借天年換我長春。忍拚伊瞬息離分。歸來脈脈度重閨。刻骨難忘代死恩。〔貼〕欲下科〔旦〕扭哭科。姑媽。和你朝夕盤桓。叫我怎生過得。〔貼〕事以密成。語以泄敗。不要嚷。恐人知覺。〔旦〕又扭哭科

〔小桃紅〕〔貼〕不須嗚暗。急搵啼痕。倘若機關洩。不論真和假。玉石一齊焚。〔旦〕姑姑呵教我晨昏眠食靠何人。從今後向誰嚶。傍誰伸。憑誰懇也。翻悔施恩忘自忖。到爲萍水閒人。害瓜葛姻親。〔貼〕碧桃。好好伏侍小姐。〔作下科〕〔旦〕又扯科。姑媽。教我

一刻也過不得。你斷然不可死。不如我死了還好。

〔下山虎〕〔旦〕痛心如割。焦憤如焚。霹靂從空起。折覺鷄兩處飛分。懊恨着奴起冤根。反累姑姑隕身。喘息徒延與死鄰。〔貼〕只願再來重相認。依舊相看母子親。〔旦〕總做重生母。難報厚恩。一度思量一斷魂。一度思量一斷魂。〔丑〕姐姐。只怕此人未得逃脫。姑媽又空死了。明日舉理起來。了不得哩。〔貼〕且再計較。〔背云〕我若要死。那人決不留我死。我若不死。此事斷然不妥。不若賺脫了二人。後面有一古井。尋個自盡。〔對云〕小姐。我有一計了。如今各自去睡。明日舉理起來。一口招成是我。就死也不招出別人。那時節圖個僥倖。倘不死也不見得。〔旦〕也有理。〔貼〕況如今夜深了。各去睡罷。〔各下科丑急上〕小姐不好了。不好了。姑媽投井死了。〔旦哭科〕罷了。我的姑媽呵。

〔蠻牌令〕〔旦〕你拚骸骨自經。愁波害累他人。只是我卵翼勤劬難割捨。剩得我眞慘感好傷神。〔丑〕小姐呵。可憐他飄泊孤魂無主。有誰來一滴澆墳。〔旦〕碧桃呵。我丹心蒼蒼鑒臨。空教我淚淋淋血染羅巾。〔丑〕小姐不要啼哭了。倘若人知。你我都是死。

命。不如只做不知。悄悄去睡。苟延殘喘再處。〔旦〕千日提攜。一朝永訣。教我怎生過得。

〔尾聲〕〔旦〕霎時月落天昏。生。死分離一瞬。苦殺我地角天涯無處奔。〔旦〕

他生未卜此生休。〔丑〕好月那堪獨上樓。〔旦〕一度思量一惆悵。〔丑〕淚珠時傍枕函流。〔下園公

持刀上〕一時心氣不足。老爺面前一簇。簇起老爺火來。就教我去殺戮。那時勉強應承。如今二四

五六。殺他覺道慘人。要罷又怕老爺礙礙。因此十步九回。漸漸鐘聲斷續。如今只得硬了心腸。〔看

刀科〕摸着他頸邊一截。〔入摸科〕呀。眠牀便有一張。人不知道望南望北。〔思科〕可惱當當教我

摸來。怎生歸去回覆。咄。正好想必他已逃生。只說不知何處投宿。〔下淨上〕一事若關情。惺惺到五

更。園公夜來事。未審可曾成。〔丑上淨〕園公來了。此事何如。〔丑〕難言難言。就是個神仙。老爺分

付殺他。我生怕他桃之夭夭。悄悄張他進去。輕輕把鎖連牽。等到三更時分。唧唧開門向前。慢慢步

到牀北。好好揭他幃幙。將刀枕邊一截。〔淨〕那人死了也未。〔丑〕耳邊啞咯一聲。〔淨〕什麼東西。

〔丑〕原來枕上板木。〔淨〕那人何處去了。〔丑〕也不知從天直上。也不知從地屈曲。四壁團團一摸。

止剩一間空屋。〔淨〕呸。你這廝不中用。〔丑〕非干我不用心。只恨人先指呢。〔淨〕既他何處逃宿。

叫我恨心益毒。定然去路尙促。着城門上盤詰火速。城外快張榜牘。分付鄉村市鎮着實捱捉。他道是漏網之魚。我視他兀上之肉。咳。弘器弘器。時運忒利。瓮中跛蟹。爬了出去。〔丑〕老爺。不是這樣說。〔淨〕怎麼樣說。〔丑〕弘器弘器。你那裏去。定要拿來。了你世事。〔淨〕好好好。定要拿來。了他世事。叫快分付城門上盤詰。火速城外快張榜牘。鄉村不許留宿。城市畫圖捱捉。大笑科。他道是脫網之魚。我視他兀上之肉。

第十四齣 故舊存身

〔滿庭芳〕〔生〕夜色蒼茫。愁雲滉漾。夢中喚醒徬徨。孤鴻離塞。罟網四圍張。微惠商王祝網。幸恩寬三面高翔。超畫地如登天上。肉骨德難償。死中得活心偏幸。難裏施仁感倍深。我回首嚴府。如鳥入密羅。虎羅深窠。今日得生。實小姐玉英所賜。焉可忘也。此時天色未明。關防正緊。只得潛伏街巷。以待開關。

〔駐雲飛〕〔生〕匿影幽埃。霧靄橫空。陰草萊。愁殺關防礙。悶殺人顛沛。燐。月影掛樓臺。柝夫催代。記得孟嘗君逃關。門下有雞鳴之客。早脫關津。我如今呵。誰學雞鳴。早脫

秦關外風翰何年度九垓。〔作車馬人行共譚下丑上〕走了殺人強盜易弘器。城門上盤詰仔

細。〔淨〕已放一班去了。〔丑〕快寫榜文。張掛在城門街坊鄉村市鎮。有人獲住者。賞銀百兩。正是網

細魚難脫。機深虎必擒。〔下〕

〔前腔〕〔生〕梟獍狼豺。誤觸髭髯戟兩腮。蜜口生茶蕒。笑臉藏蜂蠆。喙。駭汗苦

難揩。離坑脫寨。當時子羔逃難。不徑不竇。我。嚼殺羔柴。徑竇何妨邁。喙息奔馳路怎

捱。〔仇嚴上〕何人這樣好大膽。到我山前不小心。〔生〕小子是嚴。〔仇〕正是我的對頭人了。叫兄弟殺。

〔作鬪科生〕大王。爲何說起嚴字就叫殺。〔仇〕屈殺我主。今卻爲他報仇。〔生〕告大王。我是易生。

爲嚴家謀害。逃出來的。〔仇〕這是賺我的話。邀你在家讀書。你與他是好的。借你臘臀打張遼。只是

殺。〔又殺科生作勝下仇〕好漢子。讀書人怎麼這等有勇。放他走了罷。正是今日讓他些。後來好相

見。〔下生上〕這仇嚴可恨得緊。正在困窮之時。又與我鬧炒一場。他日得志。必然報此仇。喜得他已

離遠了。向前鎮上買些酒飯充饑再行。有恁榜文。〔看科〕呀。原來嚴家捕我的文書。

〔前腔〕〔生〕揭榜圍垓。四顧躊躇路轉猜。膽碎腔兒內。魄落軀兒外。嗟。今後只宜

向小路走。孔道與通街。須防盼睽。張良誤中副車。大索十日。這也理當。我今博浪無椎。大索誰能害。記得囊中還有火糕蜜棗。他臨岐相贈。想是野人投塊之意了。莫不是叫我早覓高樓。愜壯懷。但不知何日得早報高恩。愜素懷。行得力倦。不免坐在此處。喫了糕棗再行。我想小姐一面。卽蒙見憐。那人兒倘知其見憐。更有甚者。〔出丸看科〕丸呵。你是主眷。你是僕從。是嚴府中人。不是嚴府中人。細玩此詞。才並大家。詞同蔡琰。聞得救我的玉英小姐。詩詞歌賦。無不能者。或者是他。也不見得。我見此丸。如見此人之面。雖處難中。仗伊解悶。〔內喊云〕來了。來了。快拿住。〔生急收丸科〕正在苦中作樂。禍事又到了。這裏有人追捕。如何好。〔作慌科〕

〔前腔〕〔生〕披棘摧崖。〔聽科內作獲兔笑科〕原來獵夫逐獸。還好還好。耿雉依稀羅弋。災株守終招累。鹿逐今誰逮。嗟。這一座山好不高險。絕巘斷烟霾。天低日礙。記得張儉逃亡。有孔北海相留。我如今一身爲客。如張儉。四海何人是孔融。張儉逃亡。北海家何在。翻憶鉏覺爲觸槐。登登山路回頭盡。滾滾江流覲面來。

〔皂羅袍〕〔生〕一段渾如練帛。看汪洋蕩漾。萬頃空排。兼天濤浪。浩無涯。胸襟

淘汰眞舒快。汨羅沈骨。忠魂可哀。中流鼓楫。雄心未灰。險難飛渡。心驚碎。此處

隔水。非舟不渡。且在江亭上一坐。

〔前腔〕〔生〕且坐江亭寬待。〔漁上〕儂是不識字。煙波釣叟。黃蘆岸白蘋渡口。綠楊堤紅蓼灘

頭。雖無刎頸交。頗有忘機友。點秋波白鷺沙鷗。傲殺了人間萬戶侯。〔生〕聽漁歌欸乃。鼓枻

蘆隈。漁翁渡我一渡兒。〔漁〕快些下來。〔生〕長年二老片帆開。〔漁〕你看江猪吓吓。哺哺。想必

要風大哉。〔生〕江狇吹浪心多駭。〔漁〕楚霸時乖。遇艤舟而不渡。〔生〕艤舟不渡。英雄

可悲。〔漁〕子胥運到。得丈人以逃生。〔生〕丈人江上高風怎埋。投鞭弔古增長慨。〔漁〕

相公請上岸。日向西流水向東。無拘無束只有我個賣魚翁。小舟一葉輕來往。晨昏使盡了一江風。

〔下生〕既過了江且暫投叩弟家再處。已將近了。不免趲行幾步。〔末上〕北闕休上書。南山歸敝廬。

不才明主棄。多病故人疎。我前日苦勸易兄上京求取功名。一去杳無信息。終朝懸念。且出郊散行

則個。

〔前腔〕〔生〕奔走自慚狼狽。這就是叩弟家了。羨紅塵不惹。綠樹偏圍。兩山排闥送

青來。柴門蘸水多瀟灑。〔末〕前面好似易兄。〔見科〕去京就回。必有緣故。請至草堂。謾說顛末。

〔生〕纔到京時。那嚴世蕃呵。他權分鼎鼐。辱交草萊。披襟折節。卻捐忌猜。〔末〕如此卻是美意了。〔生〕我錯認做交成廉藺心私戴。

〔前腔〕〔生〕未久番生毒害。向園亭開宴。盡是朋黨奸回。他飛觴不覺玉山頹。陰謀暗嗾來相害。〔末〕何以得免。〔生〕多感他使女碧桃。悄地行來。說道我領小姐命來救你。慇懃喚醒。幸脫此災。〔末〕此恩當銘肺腑。已後何如。〔生〕既出了城。他又畫形張榜。佈列九垓。〔末〕何能到此。〔生〕宵行晝伏。特地投依賴。〔末〕又是我不合勸你去。如今就在舍下暫居。待嚴賊惡貫滿盈。再圖進取。〔生〕只恐打攪。〔末〕通家契友。何出此言。

〔尾聲〕〔生〕相逢望出寒微外。〔末〕暫隱陰崖聽蟄雷。〔生〕圖南未遂且認安樂窩爲經術齋。

〔生〕失路荆溪上。

〔末〕依仁復暝投。

先生能館我。

何事五湖游。

第十五齣 明廷張膽

〔北點絳脣〕〔小生〕星散中天。金壺漏點。催銀箭。忽聽朝鞭。闐闐開宮殿。昭容前導引。瑯輿仗劍。仙班擁萬裾。烟霧捲簾春殿近。星辰鳴履曉垣虛。吾乃皇門官。便是每日早朝。必有言官上表。此時天色向明。正是雞禁鳴鞭早。鷄行進步遲。道猶未了。奏事官已到。

〔番卜算〕〔外〕白簡效辛郎。發皂囊封上。〔末〕赤膽照穹蒼。痛把權奸攘。吾乃鄒應龍是也。見嚴家橫逆。上章請除。連進三章。一不見報。今日拉同林道長冒死面陳。此是午門。不免進入。〔小生〕來的何官。〔外末〕御史鄒應龍林閏。〔小生〕有表傳上。〔外末〕臣有密事。必須面陳。

〔神仗兒〕〔合〕誠惶誠恐。誠惶誠恐。負丹心朝拱。仰天朝俯洞。控衷非關干寵。〔小生〕有何章疏。就此請奏。〔外末〕臣惟有並牘交章上聳。只指望達宸聰。只指望達宸聰。

〔滴溜子〕〔合〕念臣等。念臣等。赤心日捧。荷吾王。荷吾王。湛恩波湧。可憐根基搖動。相臣孽亂階人情。詢詢。吾王呵。臣和主燕雀高堂。難避棟凶。〔小生〕請進去。

〔進拜科內〕階下何官。〔外末〕小臣鄒應龍林閨三上表章。未蒙欽下。故冒死面陳。

〔香柳娘〕〔合〕冒天顏對揚。冒天顏對揚。變調無狀。〔內〕何人。〔合〕權臣濟惡。罹

天網。竊君權。膽壯。竊君權。膽壯。廢置亂朝綱。威聲震霄壤。布腹心滿堂。布腹心

滿堂。賄賂公行。普天怨望。〔內〕震肅百僚。交際問餽。何足爲異。〔合〕臣啓陛下。嚴世蕃貪橫。三

尺難逃。

〔前腔〕〔合〕有玉琴象牀。有玉琴象牀。珠山瓊盜。寶鑲溺器。金絲帳。占良家女

娘。占良家女娘。阡陌接遐荒。閭閻受騷攘。樹私交外方。樹私交外方。酷勝張湯。

方。偶姻黨。〔內〕官久自富。人附產廣。理之當然。〔合〕臣啓陛下。世蕃激叛仇嚴。謀殺弘器。人心共

憤。

〔前腔〕〔合〕他謀多中傷。他謀多中傷。威權明仗。鯨吞虎噬。誰攔擋。激仇嚴亂

倡。激仇嚴亂倡。挾憤害賢良。無辜受冤枉。看封狐巨蟒。看封狐巨蟒。流毒脚冤。

恢恢天網。〔內〕仇嚴這斷。何關利害。謀殺弘器。有何據來。〔合〕臣啓陛下。世蕃罪惡。殆有甚者。非止

小臣一人干冒言之者甚衆。曾銑丁夔楊繼盛等說。

〔前腔〕〔合〕他心包禍殃。他心包禍殃。陰柔傾喪。五奸十罪言非誑。聽忠言作狂。聽忠言作狂。不道冒無將。功勳盡罹網。似謙恭漢莽。似謙恭漢莽。董卓曹瞞。明朝魍魎。〔內〕他總有歹心。成得甚事。〔合〕臣啟陛下。更有難言。世蕃駕父威權。謀爲不軌。臣等義不共天。難與同國。〔內〕有據說來。

〔前腔〕〔合〕他謀深計藏。他謀深計藏。根盤蔓長。威名震主心生妄。望吾王早防。望吾王早防。跋扈忒強梁。山河豈無恙。致微軀抵抗。致微軀抵抗。冒死除殃。餐刀何讓。〔內〕依卿所奏。午門外聽旨。〔外末〕萬歲萬歲萬萬歲。〔小生〕繡衣恭喜。〔合〕着我午門外聽旨。你與我接旨來。〔小生〕是如此。〔合〕我在此。不免拜謝天地。

〔香羅帶〕〔合〕孤忠托上蒼。應龍拜讓。仰窺閭闔徹天貺。台星黯淡久無光也。埋輪共說張綱。管教城社狐兔亡。調鼎臯夔也。只願清朝玉燭長。〔小生上〕繡衣可喜。聖旨已發該部去了。〔外〕如何說。〔小生〕嚴世蕃假威陷父。怙寵欺君。發雲貴充軍。妻子發功。

臣家爲奴。家財入官。嚴嵩念老。削爵爲民。養濟院終身。歲給俸米百石。鄒應龍林閏孤忠自許。獨立敢言。連陞三級。〔衆〕多謝天地。吾王萬歲。

〔外〕九衢香霧拜天顏。

〔小生〕獨立敢言人所難。

〔末〕祇有當時驄馬客。

〔合〕高名千古重如山。

第十六齣 權門狼狽

〔丑〕善惡終有報。只爭早與遲。自家押解的便是。世蕃仗父相權。擅作威福。縉紳切齒。臺諫舌縮。不意天道昭昭。禍來忽倏。君心轉悟。把家財入國。世蕃充軍。妻孥配辱。刑部差俺欲解他去。爭奈他們再三苦求哀哭。回家辭別妻子。到今已自一宿。倘若朝廷知道。取罪難贖。今日不若催他早些起身。不要只管在家延摸。〔叫科〕

〔掛真兒引〕〔淨〕回首繁華如夢裏。雄心今已灰頽。〔貼旦同上〕暖閣香消。妝臺

塵暗。對景灑兩行紅淚。〔淨〕食蘖不易食梅難。蘖能苦兮梅能酸。〔貼〕未如生別之爲難。〔旦〕

苦在心兮酸在肝。〔淨〕起解在今日了。如何好。〔貼〕一向邊庭。一充孥配。〔旦〕夫妻子母。只有今日

這一會了也呵。

〔泣顏回〕〔淨〕分手淚盈腮。嘆東西南北堪哀。只道春光常在。誰知霎時裏雪逼霜摧。悔當權逞威。把孽冤罔造應還債。蹤積得玉海金山。也俱爲糞土塵埃。

〔前腔〕〔貼〕長吁柳嬾。想章臺馬嘶金埒。怎知蝸殼忘回。窮賸番累。幕地裏瓦裂冰開。你瞞天禍胎。駕虎威。把八柄三綱壞。嘆榮枯傀儡燈殘。看世變風捲塵灰。

〔前腔〕〔旦〕愁懷萬種共千堆。身生閨閣足未履庭階。堪憐蒲質。怎慣得涉浪穿崖。〔淨〕我犯天條。累及你了。〔旦〕天刑怎回。總緹縈書上。君難悔。把潑天樣苦海愁山。更消磨杏臉桃腮。〔丑上〕公子好起身了。〔淨〕押解哥。你看日前之面。沒奈何再從容片

時。還有花銀一兩。與你去買點心喫。我就行了。〔丑〕論你平昔堪憎。就該摘背攙行。看你眼前光景。我便再停一停。〔下〕

〔香柳娘〕〔淨〕嘆君王寵衰。嘆君王寵衰。雀羅門外。家財星散。身狼狽。我是曳白菲才是曳白菲才。濫竽入金街。朝紳側目待。〔合〕苦今朝發配。苦今朝發配。

禍及妻孥。愁雲鎖黛。〔貼〕你今日受顛沛。不遠千里風塵。皆緣你平時孽大。致此。〔淨〕我何

嘗作孽來。〔貼〕楊繼盛銜冤。丁汝夔屈死。仇嚴激叛。弘器逃生。湯日新遠竄他方。朱士直終身異域。

都緣

〔前腔〕〔貼〕你平生妄大。你平生妄大。視人草芥。黃金白璧如塵塊。〔淨〕這都是

我作孽處了。〔旦〕屏前十二釵。屏前十二釵。珠履三千客。豪華竟何在。〔丑上〕世

蕃世蕃。這等時候。怎麼分離甚難。〔淨〕可憐我夫妻子母。一別再不能相見了。望乞再寬我半晌。

〔丑〕半晌半晌。銀子得了你一兩。臘臂經不起三十荆杖。快些作帳。不要游颺。〔付末〕看我面上。再

饒他一饒。〔下〕

〔憶多嬌〕〔淨〕無計策。難擺劃。欽承詔旨邊庭謫。腸斷陽關人追迫。〔合〕路遙

山隔。路遙山隔。共把行雲望白。〔丑上〕你可知欽限甚促。快些就子囊頭三木。不要只管歎

歎。留些眼淚。路上哭哭。我還要趕到前村投宿。你快些一頭分付。一頭望前躑躅。〔枷扭科〕

〔前腔〕〔淨〕衣牽帶。手怎擘。夫妻子母分南北。幾處飄零魂消魄。〔合前仇嚴領

衆上〕我仇嚴聞得世蕃起解。他身邊財物必竟甚多。卽沒有打他一個半死。也消得主公九泉之下一口怨氣。不免叫兄弟們候上。〔冲上作劫科〕淨〕大王。與你日前無怨。往日無仇。〔仇〕往日無仇。恨不得咬斷你的咽喉哩。〔作打科〕淨〕哀科。仇〕我且問你。官勢還好使一使麼。〔淨〕罷了。〔仇〕你金珠財寶。還剩多少麼。〔淨〕盡了。〔仇〕你平昔豪氣還在麼。〔淨〕沒了。〔仇〕你謀人害人的事。還記得麼。〔淨〕忘了。〔仇〕呵呵。你平生萬般孽。到底一場空。〔衆〕看他這等一個模樣。我丁老爺已泄了氣了。放他去罷。〔拿末上〕一個背黃袱的。拿來見將軍。〔仇看科〕原來救我的赦書。〔開讀科〕世蕃激叛仇嚴。今已伏法。仇嚴若肯投降。卽居原職。況邊上戎寇。出沒無時。就著仇嚴鎮守。將功折罪。〔仇〕既是這等。兄弟們。何不乘此機會。卸甲投降聽命。萬歲萬歲。世蕃世蕃造化。天闕不有赦書。打你扒攤。從今去卻戴淵劍。且學忠良翊聖朝。〔下貼〕我小老爹這樣威權。老老爺這等福蔭。不意道一代也不能庇得。

〔鬪黑麻〕〔淨〕痛惜家聲。柱國太宰。奕世天恩。不終覆蓋。重提起肝腸碎。淚滿長江。愁連天海。〔合〕山青水白。眼前皆慘惻。萬里風塵。萬里風塵。別離頃刻。

〔前腔〕〔貼旦〕我但願朝廷風平浪解。放赦金雞。賜環可待。收淚雨開眉黛。樂極生悲。否還通泰。〔合前〕

〔淨〕君恩如水向東流。

〔丑〕萬里風波一葉舟。

〔貼〕明日五更孤店月。

〔旦〕鄉心空折大刀頭。

第十七齣 旅邸揣摩

〔滿庭芳〕〔末〕山結籬籬。雲垂羅綺。參天綠樹陰肥。紅塵遠隔。車馬過來稀。雲路通津何處。衡門且自棲遲。人間林靜。簾垂晝永。聽鳥說天機。江山無事日。林壑

有餘春。偃仰耽書卷。羲皇以上人。我郡實世居定里。地僻村幽。車轍罕到。契友易完虛。避難到此。意氣金蘭。同毡共榻。今日閒暇。不免請他溫習經史。〔叫科〕

〔新水令〕〔生〕當年不解辨楊岐。近虺蛇幾遭毒累。喜冥鴻已脫罟。苦新蟬尙沾蛻。兔走烏飛。教我目眦裂冠纓冲起。〔末〕兄弟陡然有怒。想是寒家款待不周了。〔生〕

叩弟。那有此理。一爲救生之恩未報。一爲飛丸之事未明。〔末〕飛丸之事。請教知道。〔生〕在嚴府時。

戲題屏上美人原稿失了。閒步庭前。空中滾下一丸。卻是原稿。後面誰批幾句。卻是情詞。那時我亦趁天風也。擲一丸去。杳無信息。〔末〕有這等事。畢竟是百年姻眷了。數當明白。相會有日。君不見紅葉之題乎。〔生〕只是一第難成。百懷俱挫。此念終不得遂耳。〔末〕哥哥聽我道。

〔步步嬌〕〔末〕天生英杰匡明世。莫慮道多淹滯。須臾海運時。羊角搏風垂雲展翅。扶搖九萬破溟池。那時方愜圖南志。今日把經史拈弄何如。〔生〕正好。

〔折桂令〕〔生〕坐藜燈對簡躊躇。聽了雞談。醒了昏迷。莫勤著糟粕糠粃。務咀著太羹。味着玄醴。更恨道猿馬難羈。效磨穿鐵硯相期。那時節秦關趙壁。拔幟先馳。氣宇壓太華山低。筆陣迴峽水流西。〔末〕哥哥說的是。小弟敢不努力。以從征邁。

〔江兒水〕〔末〕夙荷金蘭契。漸磨兼挈提。休拋過隙居。諸易爲山一簣。勞無棄。掘泉九仞功。須底。任他紫貂裘敝。三寸還存。金印定須腰繫。〔生〕三年揣磨既成。怕

他金印斗大。

〔雁兒落〕〔生〕夜窺得汗牛編學累絲。晝翻從蠹魚涎窮滋味。暑鑠金身敢離。

寒折膠心敢馳。我與你努力各相劇。享富貴是何期。坐破了青毡地。挫過了年少時。歛歛鼓動我心雷厲。傷悲惱殺我恨雪飛。〔末〕富貴在天。何須怨尤。

〔僥僥令〕〔末〕神龍正蟄時。看玄豹正藏輝。一旦霧塞雷轟風雲裏。纔醒得蟄龍飛。文豹起。

〔收江南〕〔生〕呀。想當年折得桂枝歸。便指望曲江馳。一箇箇長安市上探花回。偏我無端挫過杏園期。恨春花兩度飛。那有日揚眉吐氣貫虹霓。〔末〕哥哥。你何故如此焦悶。聞得近日鄒應龍上本。皇上轉悟。將世蕃問軍。妻子流孥了。〔生作憂科末〕仇家告滅。正宜快心。悄然不樂。弟所未曉。〔生〕叩弟。我之幾死。雖世蕃之奸謀。我之獲生。實此女之所賜。問軍固可快心。流孥深可痛惜。明日就欲告別。去尋他一個下落。以爲圖報之地。況積怨旣除。前程無阻。和你訂期在京邸相會就是了。〔末〕救生之恩。固當速報。斷金之義。豈忍遽分。不若再遲數日。以俟朝廷處分。定後去也好。今日和你閒步一回。以解憂悶。何如。

〔園林好〕〔末〕豁愁膺雲山開霽。看芳菲乾坤綺麗。覓短句情揚興熾。對此景

樂無期。對此景樂無期。人能安分。到處賞心。且憂喜循環。還當忍待。

〔沽美酒〕〔末〕仰青霄雲片飛。俯蒼崖樹色迷。驀地凌天各自宜。習家池館草
萋萋。寒暑兮往來相繼。興衰兮循環道理。花景好時有幾多香麗。月色圓夜有幾
多晴霽。我呵。對花月閒將品題。這個是代謝盈虧。呀。論浮生蝴蝶夢裏。嘆萍蹤蜉
蝣天地。

〔尾聲〕詩書滋味無窮底。到手功名莫恨遲。多少憂愁變做喜。

〔末〕獻賦論兵命未通。

〔生〕幾年辛苦與君同。

〔末〕鳳凰詔下如沾命。

〔生〕玉珮成行引上公。

第十八齣 同宦思鄉

〔六么令〕〔外〕要荒遠投夜郎流。天外離愁。魚書欲寄趁誰郵。雲出岫。注雙眸。
山長水遠人難覩。山長水遠人難覩。〔外〕家住錦水上。身征遼海邊。十書九不到。一到忽

經年。吾乃雲貴守備湯日新是也。袁州作宰。聽斷公平。爲超易氏之冤。遂結嚴賊之怨。滇南遠謫。轉

賤三年。幸有朱指揮和他同居同謫。屢話鄉情。常談衷曲。今日戎事稍暇。不免喚他出來。閒話一番。

〔叫介〕

〔前腔〕〔小生〕邊方堡堠嘆魂消。異國春秋。每因風景卻生愁。嗟往事。痛如甌。

何年卸甲歸時候。何年卸甲歸時候。西風颯颯孟津秋。回首深慚江上鷗。枕戟今朝空自苦。

唇鎗當日恨招尤。吾乃金齒衛指揮朱士直是也。當初宿衛世傳。爪牙王室。誰想語言觸諱。轉調毡鄉。幸遇湯爺同謫相憐。恩蒙覆庇。感深二天。今日聞得呼喚。不免進見。〔見科外〕朱指揮。和你鄉山

一別。倏忽幾年。〔小生〕只是邸報變更。豈云一事。〔外〕我想那奸佞的鈴山堂似半閒堂。只怕黯淡灘頭白浪狂。〔小生〕老爺。我失守三緘。疑逐北。誰知萬里謫滇南。

〔梁州序〕〔外〕滇南萬里。瘴烟迷晝。劍氣冲開牛斗。荒邊酪酒。欲澆魂礪。無由。況有眼前牢落。耳畔淒其。種種難消受。詠葵翻憶也。故園秋。幾度思鄉懶上樓。

〔合〕銜冤恨心如疚。披霜戰日無功奏。標鐵柱怎能勾。

〔前腔〕〔小生〕我有親衰耄。有妻嬌幼。想起雙眉常皺。白雲紅樹。幾多心事擔憂。

〔外〕追想苞苴睚眦。海外羈留。冤報何年售。〔小生〕風吹醮樂也。漢宮秋。何日金雞下鳳樓。〔合前〕

〔前腔〕〔合〕你戴峨冠一似沐猴。你留姓字千年遺醜。你藏刀下石。無非盡濟貪謀。你把甘言似醴。苦口如仇。朝紳皆魚肉。鶴軒和狗監盡封侯。羞殺當年侍鳳樓。〔合前〕

〔前腔〕〔合〕陷邊方常思首丘。那想着金門待漏。嘆雲泥隔絕。九閩難扣。待看升沈日月。來去春秋。過隙駒馳驟。少年忽忽也白蒙頭。怕聽笙歌滿畫樓。〔合前〕

〔淨上〕報報報。稟老爺。倭寇領十萬大軍臨城了。〔外〕快齊備出城迎敵。〔小生〕老爺須要務選精兵。殺他隻輪不返。隻騎不還。可保百年無事。〔外〕正是。〔作分付科。布陣科。倭上戰科。倭敗下。外〕你看海夷島外無蹤跡。〔小生〕還是元帥胸中有智謀。〔外〕只是我羈留邊塞情難遣。〔小生〕豈知我想念鄉山泪暗偷。

〔節節高〕〔小生〕思鄉淚暗偷。料奸儔。忌盈造物終難久。倘有言官呵。批鱗奏。止

輦收天顏靚。威權震世還傾覆。乘除氣數應參透。金貂玉玦盡俘囚。老爺呵。你掀髯一笑開眉皺。

〔前腔〕〔外〕丹心噴火榴。恨悠悠。雄心不改龐兒瘦。紅顏溜。白髮偷。貂裘垢。風霜苦楚甘心受。崎嶇歷盡將誰咎。我想在朝的呵。長安市上騁驕驄。揚鞭緩緩歸清晝。〔合前丑上〕嚴家被言官鄒應龍等劾奏罪惡。皇上下怒。世蕃問軍。妻孥流配了。〔小生〕那有

此事。〔外〕他惡貫滿盈。決然不久。是真的。〔小生〕且喜元惡既除。老爺還朝有日了。

〔尾聲〕〔合〕且喜得禽離羅網魚逃筍。匹馬瀟瀟逐傳郵。免戴南冠學楚囚。

〔外〕異鄉聞樂剩淒涼。〔小生〕曾入甘泉侍武皇。

〔末〕聖代祇今多雨露。〔小生〕肯令王翦在頻陽。

第十九齣 全家配遠

〔齊天樂〕〔貼〕九門白日風霆勁。家破不禁憐甌。夫主邊庭。女娘獄穿。冤恨向誰伸。誰罄。〔旦〕長途欲暝風雨歇。衣沾泥淖難行。〔合〕山紫烟凝。嘆秋光慘淡倍

傷情。

〔憶秦娥〕〔丑〕欽王命。如爐法令行難定。〔付丑上〕行難定。茫茫晚色。渡頭人競。

〔丑〕押解的便是。欽差王命。把嚴家宅眷。一個解到衛上去。一個解到仇府爲奴。日行到晚。便合隨處寄監。明日再行。日已西向。前途尙遠。不免趲行到城。早些安歇。快走快走。〔貼〕限迫行偏急。心忙

步轉遲。

〔甘州歌〕〔貼〕征車急騁。看溪流泱泱。山路登登。深閨華冑。怎奈水長山剩。扳藤野猿啼夜急。繞樹歸鴉逐旆驚。前途遠。亭復亭。柴門薄暮已將扁。斜暉趁。趲步行。寒山半出白雲層。〔貼〕我兒。你是深閨豔質。怎做遠道征人。〔旦〕娘呵。你不見御柳園桃。

自有烟籠露潤。閒花野草。應遭雨打風摧。孩兒當初是掌上珍珠。今日做道傍苦李了。〔丑〕不要閒話。急急行路。

〔前腔〕〔旦〕明珠掌上矜。翻做了道傍苦李。任人遺剩。香塵軟步。那堪露宿霜征。雲橫半天驚雁影。葉盡孤村見夜燈。西風勁。弱鬢輕。疎林曲徑石苔青。忙馳

驟。欽限緊。前村郵舍怎留停。〔丑〕天色向晚。城郭已到。呀。卻好官長升堂也。只得就去稟告。帶取收監。

〔步蟾宮〕〔外〕有脚陽春司讞聽。謾說道官清民靖。朱幡皂蓋擁相迎。五馬承宣朝命。聽快叫開門。在官人役帶來發落。〔丑〕解人帶嚴家宅眷寄監。〔外〕只是兩個婦人也罷。縉紳分上。不要收監了。送在廊下安歇。去枷杻帶去取收管回報。〔送科〕正是懼法朝朝樂。欺公日日憂。〔下貼〕這官府還是好方便的。廊下雖則淒涼。尤勝監房囉。〔旦〕這個就是好處了。〔貼〕你看烟光慘淡。宿鳥歸巢。已是黃昏時候了。要一盞燈兒也沒有。和你向明處一坐。以待天明。

〔北石榴花〕〔貼〕記得晚妝樓上剔銀燈。香散怯衣輕。〔旦〕這往事了。說他何用。〔貼〕那一點念鄉心。只有夢魂清。愁殺我官廡寄着孤形。怎消受霜戰風征。病苦黃昏。寂寞難禁。今做了寒烟野草游魂魄。不堪清夜又聽猿聲。〔旦〕樵樓上已打更了。〔北耍孩兒〕〔旦〕樓頭角奏初更定。玉宇無塵月色明。風動枝搖影。擘身羈住。柀楊狂。魂魄飛歸翡翠屏。飄泊嗟孤另。只聽得窗碎風來紙響。天空雁過哀聲。

〔旦〕正是坐思邊塞人千里。臥看冰輪轉二更。

〔四煞〕〔貼〕臥看冰輪轉二更。花市無聲。萬戶扃。闌寂虛堂靜。相煎只有寒風月。坐對無非瘦影形。女娘猶幸相親並。相彈處兩行愁淚。交訴與一段離情。〔貼〕

兒和你一心有恨。四壁無人。真好苦也。〔旦〕咳。爹爹此時不知在於何處。家鄉不知遠了多少。正是

蝴蝶夢中家萬里。杜鵑枝上月三更。

〔三煞〕〔貼〕杜鵑枝上月三更。古木寒鴉棲復驚。鐘聲遠到關河艇。似將海水添宮漏。底事今宵只自醒。萬里長天靜。只聽那重門擊柝。喝號提鈴。〔貼〕方纔夢到

家鄉。樵樓又敲四鼓。〔旦〕正是鶻鴿音斷家千里。鄉夢初回已四更。

〔二煞〕〔貼〕鄉夢初回已四更。田舍人家睡未醒。相思一夜情難罄。當時的繡幃寶鴨春常在。今夜個破壁寒蛩夢不成。榮謝皆由命。只有九曲飢腸摺疊。兩肢倦腿酸疼。〔旦〕和你一宵不睡。身上好不寒冷呵。〔貼〕你看霜風凜凜來三面。衾鐵稜稜近五更。

〔一煞〕〔旦〕衾鐵稜稜近五更。馬足車輪動禁城。征夫催起聲相應。鐘殘漏盡雞

三唱。樹戰風聲百鳥驚。此際愁尤勝。檢點行裝結束。安排繡襪行程。〔丑〕批文已領在此。你兩個女娘快來行路。

〔尾聲〕〔合〕柔軀怎涉千山境。玉貌逢人羞整。可憐我身世浮沈風打萍。

〔貼〕悲莫悲兮生別離。

〔旦〕登山臨水受崎嶇。

〔貼〕故園此去三千里。

〔旦〕春夢猶能夜夜歸。

第二十齣 芸窗望遇

〔北八聲甘州〕〔生〕瀟瀟客鬢。瘦損精神。夢想靈均。巫咸欲問。寒蛩若助吟呻。

〔末上〕筠管蠹編莫懶拈。寶劍瑤琴空掩塵。翹首望君門。一朵紅雲。〔生〕流落

天涯久。關山目斷懸。〔末〕思君心一點。萬里線長牽。〔生〕我一身飄泊。萬種淒涼。〔末〕哥哥。你心事雖懨。愁懷且解。〔生〕值此秋景。愈覺無聊也呵。

〔混江龍〕〔生〕殘林霜隕。紛紛敗葉動離人。丹楓染血。綠草辭茵。搖落朱華增慘色。凋傷玉露憶陽春。隔關山蕉夢覓歸途。望雲霄雁帛無音信。抽盡了蠶絲。

繭腹蹙損螺黛山痕。〔末〕哥哥。自古道時來風送滕王閣。運退雷轟薦福碑。拾芥登天。功名

分定。

〔那吒令〕〔末〕我也曾見湘靈鼓瑟曲裏稱神。也曾見龍門鬣暴浪裏遭迍。這
兩般人仔細評論。成敗總由天。飲啄皆前定。勘破不須嗔。〔末〕上林桃杏籬邊菊。開
在春秋各有時。我想當時。沒有玉英小姐救你。這身子也無了。還指望功名富貴。〔生〕提起當年。宛
如昨日。此恩此德。沒世難忘。只爲嚴賊。世仇未報。心中懷憤。幸喜他已敗了。家產入官。妻子流孥。自
身充配。天道昭昭。大舒吾憤。只是可惜我的玉英了。玉英。

〔六么令〕〔生〕我聽說你離香閣。嚇得我魄散分。你嬌枝兒何慣風掀。痛教我
欲覓無門。超恤無因。遠涉處。那晨昏裏身執倚親。荒涼烟草誰投奔。猛思量頓
焦殺了戴義啣恩。空叫我盼遙天雁字冲寒陣。和那愁雲黯黯。只落得淚雨紛
紛。我想救生恩德甚明。如今地角天涯。也少不得去尋他以報恩。只是那擲丸事。當時又不明。不白。如
今又世變時更。叫我心中思念委難忘。〔看丸念科末〕亦借一看何如。〔生與科末〕哥哥。

〔碧玉簫〕看他句裏藏春。意思明勾引。湘管啼痕。拈想神消損。〔生〕仔細思來。反做

了落花流水。漫相隨。浪滔滔難尋認。〔末〕追忖那鏡合聯姻。葉投諧信。豈真箇

無憑准。〔生〕一介微軀。百憂攸萃。叫我怎生擺撇得開。

〔後庭花〕〔生〕第一來戀丘原渺渺瞻雲。第二來身萍梗隨風奔。第三來江邊久負浣紗恩。第四來擲丸事心難忖。第五來青袍似草逐年新。何事明時泣玉頻。寒灰何日轉燠。枯菱那更綠茵。盼長安不着春。赴滄溟何處津。恨虞翻骨相迤。迅速的烏兔奔。怕博得顛色銀。〔末〕哥。你聽我道。

〔青哥兒〕〔末〕穹蒼不負他螢案雞晨。看江郎筆底生春。霎時間萬里長風驟九旻。一介鯁生直叩紫宸。調鼎持鈞。掌握絲綸。功勒貞珉。隻手轉乾坤。閭里驚華夷震。

〔煞尾〕〔生〕足馳騁。看神駿。翎刷起驚飛隼。那其時一劍橫空拂五雲。金印纍纍誇畫錦。頭戴烏紗帶橫腰穩。跨紫騮。駕朱幡。長安市後擁前奔。翟公門攘攘

車馬闐闐。看枯林花草重欣。寒酸洗盡。若撥雲霧。窺青漢也。陰谷遍陽春。

〔尾聲〕〔生〕題橋志氣當年奮。〔末〕願你駟馬高車早趁。〔生〕管教他報國酬恩。

願兩伸。就此告別。去訪玉英下落。倘然知他配於何方。奴於誰宅。竟往京畿。得進步時。圖報就有期。

了。〔末〕前途須要保重。試期不遠。弟亦不日到京矣。

〔末〕長安不見杏園春。

〔生〕書劍飄零白髮新。

〔末〕富貴應須致身早。

〔生〕朱衣騎馬是何人。

第二十一齣 戟戶逢仇

〔菊花新〕〔生〕浮雲世事等碁枰。一着爭先未是贏。大底局中情。不若壺中興。

飲啄皆前定。榮枯不自由。我湯日新。只道老死投荒。誰想嚴家勢敗。還朝有日。叫左右。把門開了。恐

有關文往來。〔解人帶淨上〕解軍的投到。〔外看文卷科〕奇哉奇哉。嚴世蕃的軍。就配到我幕下來。

正是盡日覓不得。有時還自來。〔向嚴科〕嚴東樓。不意汝家有此變。〔淨〕吾家孽報。宜乎有此。〔外〕

正是作事忒任性。所以有此禍。

〔二郎神慢〕〔外〕持魁柄恣紛更。認朝綱常秉更。取竭錙銖真忒橫。朝紳側目。邊方怒激難寧。你固結英雄今幾剩。可知勢敗時形孤影淨。最分明。惡貫滿霎時地覆天傾。你蒼頭白晝殺了易家多少的人。理應問罪。還說我未曾曲護。送你二百謝金猶嫌少。

左右與他二十板子。作見禮錢。〔淨〕小人有眼不識人。罪該死了。望爺爺息怒。〔外〕奸賊。我只爲

〔前腔〕〔外〕從平倒番。遭忤旨投荒逐嶺。萬里俘囚堪咽哽。誰知你蕭牆禍起。巖巖秦華還傾。一似我當年初落窰。空哀告有誰來救拯。君思省。看報應無私天道常明。也罷。我若打你。與你一般氣量了。〔淨〕多謝老爺。〔外〕差人帶送朱指揮。收名入冊。以備操演。正是當權正好行方便。積德留來蔭子孫。〔下〕

〔掛真兒〕〔小生〕驀地黃雲迷日冷。凌霄鷓翅飛輕。月淡霜凝。皆供慘景。夢斷處征鴻無影。我指揮朱士直是也。職管衆軍。以聽操演。恐有上司文牒到來。且把門開了。〔丑〕押淨

上。解人押嚴世蕃到。主帥命送臺下。收名入冊。〔小生〕嚴東樓怎麼也到此。〔淨〕法犯天條。以此問軍。〔小生〕你可記得當時之事麼。〔淨〕不記得了。〔小生〕我

〔黃鶯兒〕當時宿衛侍王廷。只爲說易弘器不宜禁錮他。爲言輕招禍生。奸謀調發黃沙境。你只道冰山可憑。卻原來就風波驟興。番舟覆轍災偏橫。法無情。冤家聚首。施報眼前明。先收了見面錢再講。〔淨〕沒有。〔小生〕沒有。拿去打四十。〔淨〕老爺呵。

〔前腔〕〔淨〕聽稟控衷情。檢行囊無半星。〔小生〕你家金珠寶貝。幾十萬斛。在那里去了。

〔淨〕盡收內帑毫無剩。數年積成。一朝盡傾。人離家破尤堪暗。〔小生〕天網恢恢。疎而不漏。你不知破了多少人家。今日汝家也破了麼。〔淨〕嘆伶仃。亡家走狗。四顧眼睜。

〔小生〕我不報你。天報了。饒打。叫隊長。收在你隊下。明日遞收管。正是若見雷州寇司戶。人生何處

不相逢。〔下丑坐問淨科〕二位老爺替你要錢。一個也沒有。我們也要替你遞收管。遞執結。報名數。

若沒有錢。好好跪了。〔淨〕阿呀。記得人將拒我。如之何其拒人也。隊長哥。金銀要他何用。〔丑〕金不取。後世必爲子孫憂。〔淨〕我起初做盡冤家。要別人的。如今想起來。是個怪物。聽道。

〔簇御林〕〔淨〕嗟銅臭最可憎。忒炎涼忒世情。陶猗敵國偏扶輿。范萊蕪枵腹偏塵甌。喜還驚。青蚨聚散。總是夢中形。〔丑〕公子。你早知錢神爲祟。必無今日之禍。你唱

一曲解我的氣。我也唱一曲道你的差。

〔前腔〕〔丑〕操權柄忒任情。不見七雄強秦獨并。咸陽一炬空相競。數前明何異。蛇盤鏡。更堪驚。銅山野店。玉食餓臺城。

〔尾聲〕〔丑〕眼前阿堵終爲病。枉自皇皇苦用情。焚身象齒翠死。因毛累不輕。

〔丑〕黃砂磧裏本無塵。

〔淨〕萬里青山送逐臣。

〔丑〕正憶往時嚴僕射。

〔淨〕世情誰是舊雷陳。

第二十二齣 獨訴幽懷

〔山坡羊〕〔旦〕花飄飄紅稀綠重。鳥嚶嚶林空春送。碎紛紛愁絲亂縈。情脈脈。淚滴江湖湧。金釧鬆。行蹤恨轉蓬。可憐金屋。金屋嬋娟種。翻做了這般條籠囚。鳳。萍蹤。悲分離西復東。途窮。嗟飄零絮逐風。想當時在家呵。爺娘憐惜。姑媽保傅。侍從滿

前。何等珍愛。

〔前腔〕〔旦〕喜盈盈掌珠珍弄。嬌滴滴千金名重。鬱迢迢高居月宮。莽張張劍

落烟霞洞。出塞鴻。從天下鳥籠。暗贖受盡。受盡情難控。雙袖龍鍾涕零愁橫。花慵怨東皇。逐陣風塵。看愁雲鎖黛峰。今日呵。爹娘遠戍。姑媽銜冤。影隻形單。何等寒酸。何等下賤。

〔前腔〕〔旦〕苦匆匆終朝追從。急煎煎東奔西迸。冷淒淒餐寒臥風。忙碌碌箒箒無閒空。香袖籠。慙慙捧玉鍾。一呼百諾。百諾增慚悚。暮鼓晨鐘耳懸心恐。銷紅。非無膏首似蓬。磨礪。知何年脫禍凶。天那。感蒙姑媽捐生代死。誰知歷盡坎坷。又窺主

人蓄意無良。幾欲自拚殘喘。只爲飛丸掛念。暫爾偷生。〔出丸看科〕我味此詞。描情寫意。宛然在目。不讓長門洛神。聞得前日易生。他才高八斗。想必是他。也不見得。咳。總然是他。如今也不知在天南在地北。今生遇得着。遇不着。他那裏掛心不掛心。徒然使我朝懸夕念。一段癡心。不知何日得遂也。〔內作敲梆科〕呀。這個老頭兒又出來了。記得人來伏侍我。誰知我去伏侍人。〔下〕

第二十三齣 堅持雅操

〔出隊子〕〔淨〕邊疆嚴重。百二秦關管轄中。北門鎖鑰似非熊。鐵柱高標聲望

聳。只爲紅紫叢中。偏憐落紅。爵居五等中。威震三邊外。與國共安危。福蔭真無養。我仇嚴蒙朝
廷赦罪。近日有功。命俺鎮守勝武軍。得志滿意了。只一件事未得遂心。嚴世蕃之女。發下本府爲奴。
天姿國色。欲收他爲侍妾。每每目覷心挑。他並不情留眼送。幾次屏卻侍女欲傳心。他偏傍着夫人。
難下手。幾番做到手的落網游魚。又被他做偷生的逃豎狡兔。正是百計百窮。萬謀萬失。今日欲叫
張老嫗苦勸他一番。倘得他回心。好快活。好快活。張老嫗那有。〔張上〕張老嫗叩頭。〔淨〕你是我
府中慣用熟的。若勸得嚴小姐從我。重重賞你。〔張〕老爺。此女甚是烈性。若這等直說。截髮投河之
事。都做出來。待我只說將他配作兒媳。試他意思何如。〔淨〕言之有理。〔喚科旦上〕老爺叩頭。〔淨〕
起來。〔張〕老爺說你原籍爲奴。豈宜輕縱。姑念宦家子女。不忍盡法。且憐你終身。欲將你爲媳婦。同
享榮華。尋個結果。

〔香柳娘〕〔張〕他惜飛瓊劫逢。他惜飛瓊劫逢。法難從重。情原八宥當寬縱。〔淨〕

覷科。這意兒可通。這意兒可通。好花未嫁風。憐香恐搖動。你做我媳婦。就是孩

兒一般了。〔又覷科〕怎拚你委亂叢。怎拚你委亂叢。〔張〕小姐呵。你莫待春終。蜂攢

蝶鬩。〔旦背云〕這樣說話。又是計兒賺我。況彼屢露不良。我只心如古井。倘必曲我於從。何惜一死。

〔向云〕老爺意兒甚美。只有幾件事違心。實難從命。〔淨〕憑你什麼違心。我都依着你就是。〔旦〕

聽稟上。

〔前腔〕〔旦〕且披肝懇衷。且披肝懇衷。只爲家聲價重。雉鳴求牡。休癡夢。況親顏未逢。況親顏未逢。匏葉尙青葱。濟盈恐難泳。望高明鑒空。望高明鑒空。淪落甘心。命難輕奉。〔張〕爲媳且不從。此事莫提了。〔淨怒科丑報科〕夫人出來了。

〔掛真兒引〕〔貼上〕繡戶香風珠翠擁。尊居幕府琳宮。庭外花穠。瓊卮酒捧。只恐怕韶華春夢。〔相見科貼〕老爹爲何這等發怒起來。〔淨〕嚴家這個賤人。我到憐他溫柔窈窕。

將他做個媳婦。他偏一竅不通。返排出許多架子來。說什麼相國家聲。又什麼父母無命。又什麼要六禮來聘。有這樣可惡。〔貼笑云〕老爺還不是將他做個媳婦。想是拿他做個幫戶。息怒息怒。待我慢慢勸他和你一路。〔貼喚旦科〕這妮子。你過來。你家果然相國女。如今做了官家奴。還有什麼家聲。父母遠配他方。還要待他言命。到此地位。還指望六禮來聘。卻不是幻妄之想。脫空之言。

〔江兒水〕〔旦〕非是奴癡想。誰爲言脫空。我孤棲無意諧鸞鳳。〔貼〕癡了頭。你做我媳婦到不好。你與老爺作對。就要炎天傭春。寒天澹統了。〔旦〕我甘心酷熱傭春用。我甘心澹統衝寒凍。〔張〕只是虛度了春秋了。〔旦〕一任春歸秋送。夫人呵。戴你恩深怙恃。比親生尤重。

〔前腔〕〔貼〕你也真執意。少變通。〔淨〕教人怒氣胸中洶。木強無知言詞橫。〔張〕青春苦把韶華送。秋月春光誰共。〔貼〕薄命惜顏紅。恐歷盡終身饑凍。

〔前腔〕〔張〕心如夢。目似盲。好生結果那從諷。雲雨高唐無心夢。良緣自挫甘磨弄。〔淨〕卻笑他癡呆懵懂。苦死推辭。不識權宜輕重。〔貼〕你順了老爺。終身安樂。受用不盡。若不順老爺。就要發在官廚廝役。日間汲水。晚間春磨。有什麼好。你去想來。〔張〕小姐。你喫苦不過。還依了夫人的話好。

〔前腔〕〔旦〕我情願甘勞役。思量忍命窮。拚得臙脂委落如雲鬢。〔淨〕如雲鬢難道就罷了。教你脚跟不留停。〔旦〕芒履奔馳隨人踵。離羣亂逐風花擁。願與月梅清。

共〔淨〕不從只是打。偏要你從。〔旦〕老爺呵。莫說道打。便是刎下頭來。此念全然難動。〔淨〕可惡可惡。欲施雨露苗萌芽。不料蓬苗甘自絕。打出去。少不得磨殺這丫頭。

〔尾聲〕〔旦〕我松筠操凜冰霜重。鐵石心腸爛爛。決不做斷梗飄萍西復東。〔貼〕

好個烈性女子。只是年紀小。執意些。老爺還須情量他。寬恕一分纔是。〔淨〕我爲他

〔淨〕冶袖長裙蘭麝香。

〔貼〕我憐貞白重含芳。

〔張〕玉環飛燕皆塵土。

〔合〕回首東風一斷腸。

第二十四齣 邂逅參商

〔二江風〕〔旦扮汲水上〕

褪金蓮。進步芳塵軟。一徑迢迢遠。歎香肩。在家時呵。翠

袖籠雲。擔負何曾便。天降苦來纏。勤勞孰見憐。應償孽債將誰怨。薄命遭陽九。羞

爲女配郎。風波平地起。汲水白龍江。迢遞行來。將到江口。不免趲行幾步。應償孽債將誰怨。

〔旦下〕

〔步步嬌〕〔生上〕

跋涉風塵形骸倦。始信離鄉賤。彤雲蘸碧天。滿地黃花。物隨

時轉景色似當年。奈何人事乖心願。芒屨輕千里。星眸注一人。爲受嚴小姐救生大恩。到處尋覓。杳無信息。好悶人也。不免向前細訪。奈何人事乖心願。〔下〕

〔二江風〕〔旦上〕晚江天。瀟白拖長練。玉碧涵秋片。〔取水科〕挹流泉。徹底澄清。

〔照面科〕掩映芙蓉面。想起心事寄雲箋。相思一綫懸。懷人何日重相見。〔負水

行科〕

〔步步嬌〕〔生上〕只見落葉紛紛金風剪。衰草寒烟染。愁懷百倍添。極目天涯。羊腸路遠。穿履遍山川。無由得見佳人面。止渴梅林遠。何方盼汲泉。〔見旦科〕呀。是個女人。

只得從權開口。〔問科旦〕君子差矣。瓜田李園。你豈不曉。

〔桂枝香〕〔旦〕嫦娥月殿清光休戀。相逢恍若瓜田。不是桑間游媛。我心徹玉泉。我心徹玉泉。些塵不染。長江天塹。謾垂涎。我道你落花有意。隨飛燕。豈知是明月無情。卻上天。

〔前腔〕〔生〕小娘子。我只爲酬恩掛念。〔旦〕我知你什麼恩人。〔生〕行來路遠。〔旦〕誰問你來

路。〔生〕文園肺病無方。渴望梅林留戀。〔旦〕那里沒有水。偏在此纏。〔生〕你原何見偏。你原何見偏。〔旦〕你的見偏。到說我偏。〔生〕心通萬卷。〔旦〕既然讀書。何不達禮。〔生〕誣金不辨受非冤。任憑他游絲牽惹桃花片。不道我向日葵心只自妍。

〔旦〕相鼠尙有皮。

人而無禮制。

〔生呸〕休言心事違。

渴也不能濟。

第二十五齣 誓盟牛女

〔張媽媽上〕萬般空計較。三尺有神明。自家仇府中張媽媽便是。嚴小姐爲奴府中。違忤主意。罰他日間汲水。晚間春磨。老身一向憐他。昨晚似夢非夢。恰像土地與我說道。明日午時三刻。有一秀才。行吟江畔。這是與他有夙緣的。叫老身委曲說合。中間話句。恍惚難詳。果有此事。那小姐到有出頭日子了。且向江邊一走。〔行科生唱上〕無由得見佳人面。〔淨聽科相科〕是了。是了。秀才。你何方人氏。何事惱懷。〔生〕渴脰求泉。反招嘔氣。〔張〕可是就問那汲水的女子。〔生〕正是。〔淨〕是嚴小姐了。〔生〕怎麼叫小姐還來汲水。〔張〕聽我道他。

〔玉芙蓉〕〔張〕簪纓拂曙天。珠翠妝深院。〔生〕是何宅。原何遭難。〔張〕嚴世蕃官擢家

破誰憐。〔生〕是嚴家這廝麼。他祖宗造下通天惡。折罰兒孫受孽愆。〔淨〕吾獨念桓

君運慳。惜不是。短裙衫提甕汲江邊。〔生〕但不知是第幾位。〔淨〕你也認得麼。〔生〕我在他

府中讀書。蒙一個玉英小姐救我。特來尋訪。〔淨背云〕是了。是了。夢兒有准。〔向云〕他少不得來汲

水。問他就是。〔生〕方纔淘了他的氣。不去問他。〔淨〕來時老身代言便了。〔旦唱上〕懷人何日

重相見。張媽媽。昔日重勞。〔淨〕你府上有個玉英小姐。你可曉得。〔旦〕問他怎的。〔淨〕那秀才受他

救生大恩。到處尋覓。〔旦背云〕知我的小事。想是那年易生了。〔向云〕他是何人。〔生〕小生是易

弘器。知他落難。希圖報脫。〔旦背思科〕果然是他了。些些小惠。尙懷圖報。到不是忘情的。但如今將

欲相認。恐難捉摸。他乍會心腸。欲得不認。又辜負他遠來意思。怎生好。〔淨〕小姐。看你背裏沈吟。想

是心中明白。何不口傳信息。免他目斷鱗鴻。〔旦〕媽媽。行藏頗曉。只怕水遠山遙。〔生〕小姐。他蹤

跡可尋。那憚天涯海角。〔旦又沈吟科〕淨又促科。〔旦〕遠在天邊。近在眼前。〔淨〕吓。原來想必就是

你了。〔旦含羞科〕淨又促科。〔旦〕向年輕犯家園。今日干威江上。連次負罪了。〔生〕有這等事。正是踏

破鐵鞋無覓處。得來全不費工夫。小姐請上。受我一禮。〔生拜科〕

〔前腔〕〔生〕微軀賴保全。大德心常念。未酬恩。每思啣結無緣。扶輪出險。懷靈輒代。甘心切趙堅。今祇恨相逢路邊。見悲歡傾刻。又分轅。我受小姐大恩。那一刻不感念。今日來此。那一處不訪問。天遣相逢。不意小姐受這等苦楚。恨殺處了窮途。難以頓拔。徒然使我寸腸百斷。痛恨萬端。如何是好。〔旦〕既是易相公。奴家屢次得罪。萬勿記懷。區區小惠。何足掛口。〔淨〕你兩個原有往來。何故不相認。〔生〕小子雖則受恩。未常面會。小姐。這是何府中。〔旦〕歸命侯府。〔生〕可是仇嚴。〔旦〕正是。〔生〕我向年逃難。受他大虧。他日得志。而誅無禮。曹其首也。把相國之女。這等粗使。着實可惡。〔淨〕非干仇府事。乃小姐執意所取。〔生〕爲何。〔旦〕張媽媽雖同母親一般。還未知我心事。今日易相公相逢。又是天涯故舊。不免訴知。

〔前腔〕〔旦〕絲蘿義結緣。〔生〕難中途夫婦之樂也好。〔淨〕我便是這等說。〔旦〕秦晉乖吾願。〔生〕爲何。〔旦〕這其間。心中有事難言。〔生〕莫非爲父母無命麼。〔旦〕傷心不但違親面。腸斷難忘一擲丸。〔淨〕擲丸是何意思。〔旦〕曾戲筆相投若緣。竟把他作韋郎。我肯

委落花鈿。〔淨〕小姐擲丸之戲。如王慧姬續衣寄塞。韓夫人題葉傳波之事了。我道你前日棄安樂而甘勞苦。想爲這個意思。可嘉可嘉。

〔前腔〕〔生〕聞言意恍然。提起當年念。〔背唱〕他收丸原何我亦收丸。莫不是天

台淑女逢劉阮。裴士藍橋得遇仙。委的是前生夙緣。便遇着桑田滄海永同鐫。

〔淨〕你自言自語說什麼。〔生〕媽媽。一件異事。我他年拾得一丸。亦有此意。〔淨〕借觀。〔生與科淨看科〕你說緣故與我知道。

〔玉交枝〕〔生〕戲題屏媛。意倉忙遺亡翠箋。須臾舊稿風曳現。阿誰賡和堪憐。

〔淨〕此言似乎有意。〔向日科〕你拾的可在此。〔旦〕在此。〔淨〕借觀。〔旦與科淨〕你說大意來。〔旦〕欄干徒倚盼瑤天。一丸隱隱飛來遠。思淋漓才同謫仙。〔淨〕後面又樣筆跡。〔旦〕似投瓊深慚報磚。〔淨互看科〕是了。是了。夢兒有准。那丸來丸去。原來你兩個做的事。向日意思潛

藏。機關未剖。今日丸剖情明。姻緣立見。我做主婚。你二人就行夫婦禮何如。〔生背云〕我逃難時。原疑着他。不意果然。〔復云〕小姐不棄寒微。實萬幸也。〔旦〕曩居相府。尙堪伉儷。今執官奴。難當好速

了。〔淨〕那秀才既受你活命恩。婚姻夙世。焉得棄嫌。〔旦背云〕飛丸佳偶。雖久掛心。只是邂逅間。怎生成禮。〔復云〕媽媽。此事且再處。〔淨〕小姐。我見受苦。甚是憐你。況有這等異緣。不必固辭。〔旦又思科〕我想起來。珍藏此丸。也只守着那人。苟延殘喘。也只爲着那人。受盡苦楚。也只戀着那人。今日覲面相逢。不加禮待。倏忽別去。知他心意的。已後俱是空想了。不若權且領諾。探他說話何如。〔復云〕既然如此。不敢違命了。〔禮生科生〕小姐。只道你爲我之恩人。不意又爲我之情人。〔旦〕情人便怎麼。

〔前腔〕〔生〕若還登選。控宸衷。明廷恤冤。〔旦〕君王不聽如何。〔生〕則平補牘還須諫。

〔旦〕仇府威勢甚焰何如。〔生〕師臣師相猶顛。〔旦〕倘然不第何如。〔生〕佳人叱利未隨肩。〔旦〕佳人未屬沙叱利。你便怎麼。〔生〕押衙義士應尋遍。〔旦〕義士今無古押衙何如。〔生〕

這殘生蒙卿再延。願殘生同卿共捐。〔旦〕君家既有此心。奴當束髮以待。只是爹娘遠戍心

千里。姑媽啣冤痛九泉。孽海方深躋岸闊。夫妻情掛又新添。〔淨〕落魄暫時苦。團圓自有期。〔淨把

生袖爲旦拭淚科〕你休要

〔前腔〕〔淨〕憂眉淚眼。〔生〕把逃生從頭細言。〔旦〕相公脫難後呵。祇愁無罪連遭譴。一繩梁上高懸。誰知鬼錄未名鐫。幸有陸姑代死留殘喘。〔生〕多虧他了。〔旦〕這深恩何慚二天。〔生〕小姐不必煩惱。待他年恩沾九天。〔淨〕秀才。你骨格清奇。官必顯要。小姐。你媚中有威。必封花誥。他日得志。酬恩何難。〔指旦科〕我看你

〔前腔〕〔淨〕翠鈿玉瑱。掃蛾眉髮如蠶鬢。只是愁懷蹙斷秋波淺。〔生〕恰似好花縈霧籠烟。〔旦〕和你心旌搖動別離天。況又驪歌促。駕雲飛遠。〔生〕聚萍蹤江邊水前。轉車輪流星發箭。〔淨〕你二人既爲夫婦。須要拜謝紙丸。〔生旦〕紙丸一片箋爾。何足拜他。拜謝媽媽纔是。〔淨〕聽我道。

〔憶多嬌〕〔淨〕雖片箋。心事傳。山盟海誓托寸緘。夙世朱陳暗結緣。〔生旦〕有理。

〔合〕拜謝飛丸。拜謝飛丸。百歲姻親賜聯。〔生〕地轉天番。止留你我二人在。豈非天意。

〔前腔〕〔生〕世運旋。山谷遷。黃塵白浪無躓顛。此處相逢豈偶然。〔合〕拜謝蒼天。拜謝蒼天。前路崎嶇望你保全。〔生旦〕媽媽請上。待我二人拜謝。〔淨〕紙丸是你媒妁。夫妻乃

是夙緣。老身何功而受拜也。

〔前腔〕〔淨〕破飛丸。諧鳳鴛。裁方輾曲恰就圓。對面無緣使有緣。〔合〕拜謝尊前。拜謝尊前。兩地相思頓捐。〔生〕途路迢遞。不得從容。就此拜別。〔下旦〕看他然諾暫相許。終是悠悠行路心。說道去。他飄然就去了。眼前尙如此。後日知如何。到是我不合和他拜爲夫婦。〔淨〕他讀書人。決不是這樣忘情的。〔生上淨〕我說道。〔旦〕相公爲何又轉來了。〔生〕小姐呵。去去痛傷心。吞針又吞線。〔旦〕只道你轉眼忘情。〔淨〕我說道他百年無變。

〔鬪黑麻〕〔生〕我一紙緘情。百年無變。只恨花落花開。光陰掣電。肝腸寸剪。忍拋恩面。淚滴江流。魂隨雲片。〔合〕長途九轉。衣牽行步蹇。別淚流皆。心灰血濺。〔旦〕相公。你莫履王魁跡。辜負桂英心。〔生〕小姐。我恨殺西河守。焉爲畫棘針。〔旦〕容送幾步。

〔前腔〕〔旦〕願你白璧連城。青錢萬選。你見了月殿嫦娥。休忘半面。頻囑付。心莫變。我一顆飛丸。守如鐵券。〔合〕情分兩願。如南鴻北燕。恨在參商。恨在參商。東西隔怨。〔淨〕情愛雖難捨。何須要淚流。你此去呵。

〔前腔〕〔淨〕策射黃扉。輪埋白簡。小姐呵。你涇上看紙。權遭偃蹇。你夫婦呵。休淚眼。莫埋怨。霧散雲消。青天不遠。〔合〕雲山隔面。愁情牽柳線。梨夢飛魂。天空斷束。〔尾聲〕〔生旦〕懽情卻被愁情掩。別意匆匆聚意慳。我把會合銀河返。改做離恨天。〔生〕德深圖報切。情重別離輕。〔下淨〕你孽海堅心渡。姻緣事已成。〔旦〕媽媽。我片心固結封嚴蠟。未信梅花始破春。〔淨〕只道青鸞誰我主。豈知就是昔年人。〔旦〕在我無意擲丸風送去。〔淨〕在他無心投柬返風來。〔旦〕良緣昔日胚胎。〔淨〕密意今朝吐露。〔旦〕若無恩結。焉肯來尋。〔淨〕不到江邊。亦難相遇。〔旦〕禮嚴義隔。心曲誰陳。〔淨〕我若不邀。去不復返矣。〔旦〕一飲一啄。事皆前定。〔淨〕一隨一唱。緣豈偶然。〔旦〕且帶水桶。回家再付。

〔淨〕姻緣暗結在投丸。

〔旦〕一見那看別恨牽。

〔淨〕淚逐江流和水汲。

〔旦〕白龍江作望夫山。

第二十六齣 京邸道故

〔步步嬌〕〔生〕路轉津迷。僊夢遠。去馬歸嘶倦。神京豈故園。春滿皇州。上林鶯

轉芳心莫掛武陵源。征袍且望瓊林染。涉處多山水。垂楊草色妍。行人腸斷處。多在夕陽

天。我逃難客鄉。遇得叩弟。情同骨肉。爲訪玉英消息。輕別而來。且喜獲得下落。不覺快心。這幾日叩弟必來赴選。亦得相見。只是玉英落難。不能頓拔。怎不掛心。正是一方懸念處。萬里若絲牽。我想在嚴家時呵。

〔集賢賓〕〔生〕花園想像環珮遠。恍然月殿天僊。咫尺花陰顏半掩。還恍惚昭陽飛燕。輕盈嬌倩。籠錦障奇花難辨。風驟轉。驀地裏飛紅點點。那時若不是小姐相救。我怎得脫離虎口。

〔前腔〕〔生〕殘生超豁恩不淺。更窮途防餓周旋。地網天羅飛出險。空刻髓衷腸繾綣。只道今生罕見。誰信道相逢天遣。惜他如今落難呵。遭劫譴。恨殺他紙丸飛遠。想他今在仇府時。好不苦也。

〔鶯啼序〕〔生〕嬋娟金屋塵半淹。黛眉蹙瘦難展。嘆花前月下偏憐。小姐呵。你此情何處排遣。且不須愁牽病牽。會有日風雷生變。風色轉。方得合飛丸諧願。

雖然歧路會相會。怎奈恩情未得酬。

〔貓兒墜〕〔生〕江干邂逅。寶瑟未調絃。繫馬陽關柳線牽。誰知今日呵。湘南峴北草芊芊。相念也。知一樣離情兩處埋怨。

〔天下樂〕〔外上〕英才爭赴春闈選。那分絕谷窮川。〔末上〕屋梁月色又經年。今朝喜得重相見。此間已是易兄寓所。可有人在。〔生接科〕承受大恩未報。〔末〕簡慢處多。萬勿見

罪。尋訪消息何如。〔生〕到處無蹤。不意在白龍江邊相會。卻是勝武侯仇嚴府中。〔末〕可喜可喜。〔生〕還有一件奇事。向年所拾之丸。原來就是嚴小姐的。那時又得一個張老嫗。委曲說合。拜爲夫婦而別。〔末〕如此卻又恭喜恭喜。〔生〕此位何人。〔外〕小子姓楊。名廷玉。〔生〕久聞久聞。叩弟向日在宅呵。

〔二郎神〕〔生〕遭運蹇。荷居停綈袍垂念。恨別望雲山。空眷戀。驂駢馳驟天街。正好揚鞭。壯志高懸日月邊。但見氣吞虹倚天。長劍流光撚。及早定天山。莫自述。試期不遠。且操練一番。以備文場鏖戰何如。〔末〕是如此。

〔啄木兒〕〔生〕忙操練。先着鞭。隨他司馬孫吳頗牧翦。準備着鞍馬弓絃。那怕他分壘當轅。當年孟明韓信。九死誓師。功成一陣。我這裏水背艦焚期克戰。他那裏棄甲曳兵爭俘獻。管教取一彈泥封函谷堅。

〔三段子〕〔末〕污潢涸鮒。出濠梁滄溟路遠。轟雷閃電。駕長風天池水淺。揚鬢鼓鬣看飛變。玉樓人醉衣翻茜。御道青驄今日獨展。

〔歸朝歡〕〔外〕離金殿。離金殿。氣吐眉掀。看陌上紅塵風軟。瓊林宴。瓊林宴。謾鈎彩簾。勝神僊。聚會在蓬萊中堪羨。那時綠袍掛身偏鮮豔。長安一日花看遍。不負了十載藜燈帶月燃。

〔尾聲〕〔合〕三春桃浪風和暖。滾滾魚龍爭變。會看長鯨吸百川。

〔生〕西入長安到日邊。

〔外〕策名飛步冠羣賢。

〔末〕春風得意馬蹄疾。

〔合〕疑似蟾宮謫降僊。

第二十七齣 月下傷懷

〔一翦梅〕〔旦〕謾捲蝦鬚人未眠。雲散青天。月掛青天。懷人對月眼高懸。戀着嬋娟。恨殺嬋娟。篆爇爐烟漏未殘。秋風翦翦欲生寒。鞦韆院落牢籠鳳。夢入梨花繞故山。我爲奴

仇府。心事誰知。一痛爺娘。餐風嚼雪。二傷姑媽。替死超生。三憶那人。誓指江流。情懸雲路。今夜月朗風清。夜深人靜。不免辦一炷清香。籲天祝告。正是百般心事憑誰語。一點幽情托上蒼。

〔香羅帶〕〔旦〕焚香籲上天。將心事闡。爹娘老年遭謫貶。卽今落魄戍邊疆也。天佑他呵。身康健。免顛連。晨昏刁斗眠食安。我姑媽呵。願天早賜輪迴也。怎報得杵臼程嬰夙世緣。

〔前腔〕〔旦〕添香再獻虔。姻緣自懸。願良人呵。朱衣暗點筆如椽。碧桃紅杏讓鮮妍也。青驄馬。白玉鞍。紅牽繡幙。諧鳳鴛。未知甚日相逢也。你看我笑綰湘娥十二鬟。寶篆爐焚罷。衷腸事訴知。蒼蒼如有意。默默暗扶持。〔玩科〕幸得此地有個張媽媽。朝夕寬慰盤桓。正是異鄉骨肉。前面像是他來了。

〔步步嬌〕〔張上〕風露瀟瀟冰輪展。碧漢澄如靛。擡頭問玉蟾。一樣團圓。幾般

堪翫。幾人飄泊倚欄干。幾人歡會閒庭院。小姐你原來在這裏。夜深了。怎麼還不睡。〔旦〕
風月總牽懷抱。良宵不可蹉跎。故爾偷閒。在此賞玩一番。〔淨〕小姐。你看明月尚有盈虧。夜豈可人
無榮瘁時。前日幸遇易相公。結爲夫婦。我喜你終身有托了。〔旦〕自古道貴人昔未貴。握手誓提攜。
及至離牛口。何曾憶屢屢。

〔園林好〕〔旦〕只怕他名成意變。只怕他交鸞棄燕。只怕他遺忘半面。因此上意拳
拳。閣不住淚漣漣。〔淨〕小姐不必煩惱。倘他日易相公得志。遇了中秋佳節。照依仇爺前夜世勳

堂前。與官僚宴賞。昨夜長春樓上。與夫人娛玩。這樣的富貴也呵。〔旦〕張媽媽。想我家當時。也曾珠
歌翠舞。暮樂朝歡。如今卻在那裏。〔淨〕便是。正叫做黃金散盡教歌舞。留與他人樂少年。

〔江兒水〕〔淨〕玉罽金莖薦。熊蟠鳳髓筵。蹁躑彩袖還有綠衣歌勸。水晶簾映荷
香燭。廣寒宮殿笙簧遠。怕你一日霧遮雲掩。漏盡更殘。轉眼韶華飛電。

〔玉交枝〕〔旦〕愁腸再轉。論投丸情緣線線聯。蒼天曾與行方便。別時呵臨歧執手
曾言。秋天物色不堪憐。春風情面還須念。看明月有虧有圓。嘆人世風花零亂。

〔川撥棹〕〔淨〕銀河轉。掛林梢。色倍妍。易相公呵。但願你對月遙憐。但願你對月遙憐。小姐在這裏。好似嫦娥孤棲獨娟。盼瑤天思黯然。今日恨相思各一天。

〔僥僥令〕〔旦〕思癡無羽翰。想極夢魂旋。紅絲月下今生縮。休做他來番玉指環。

〔尾聲〕〔合〕西巖一墮清光遠。月暗江天無雁箋。好把今宵仔細看。

〔淨〕苦思茫茫正值秋。

〔旦〕每因風景卻生愁。

〔淨〕不堪腸斷思鄉處。

〔旦〕月色江聲共一樓。

第二十八齣 發跡鋤強

〔生上〕慶戰文場氣吐虹。笑談落筆破長風。〔外〕七篇詞翰如流水。壓倒崐崙太華峯。易兄做得稱意乎。〔生〕草草輾成。寒白而已。叩弟還未出來。〔末上〕雕蟲繡虎非長技。玉樹交花出化工。三月洛陽花似錦。不知誰折狀元紅。〔外〕叩兄來了。〔見科〕相赴文場慶戰客。錦標奪得是何人。大家到寓所。把文字互觀。以決勝負。〔末〕是如此。易兄松字命題了。請先讀來。

〔黃鶯兒〕〔生〕千丈挺雲端。勢凌霄耐歲寒。盤桓撫作歸來伴。龍形曲盤。濤聲急湍。大夫封誥由來遠。偃空山。月明千里。歸鶴破蒼顏。〔末〕楊兄是竹了。

〔前腔〕〔外〕淇澳萬竿修。弄紗窗碎影揉。敲風聲徹篔簹岫。蒼虬籜浮。金莖鳳游。七賢六逸頻呼酒。渭川幽。虛心薦爽。六月自驚秋。〔生〕叩弟是梅了。

〔前腔〕〔末〕破臘一枝新。背羣芳占早春。孤山癖愛多題品。隴頭寄音。窗前見君。何郎雪裏來尋問。暗香芬。江城吹落。五月笛中聞。三人文字俱看得。大家可以僥倖。〔丑上〕報報報。三位相公俱已中了。〔衆〕那有此事。〔丑〕小人怎敢浪傳。官報便來也。

〔簇御林〕〔合〕南宮戰爭首功。看英雄奏凱同。筆端風掃詞鋒勇。不道頃刻裏官借山公重。氣崢嶸。看花到晚。長樂聽鳴鐘。〔生〕和你做官還要扶弱鋤強。〔末〕正是。

〔丑上〕家無讀書子。官從何處來。喜事報三位老爺知道。〔衆〕有何喜來。〔丑〕楊相公是科。易相公是道。叩相公是南陽推官。〔衆〕雖是青毡同舉業。各分朱紱守官箴。〔生〕叩弟南陽府。仇嚴所統之勝武軍。就屬府治。苟可用力。須要留情。〔末〕不須分付。〔生〕欲把丹心懸魏闕。且將白簡奏朝廷。

〔並下黃門上〕上領綸音下玉閣。下通章疏達楓宸。雖然一介皇門使。出納傳宣亦有聲。我皇門官便是。恐有奏事官來。只得在此伺候。〔生上黃〕是何官。〔生〕御史易弘器。〔黃〕既有表章。就此宣奏。

〔滴溜子〕〔上〕臣弘器。臣弘器。披肝籲天。仇嚴的。仇嚴的。輕干重憲。〔內〕仇嚴有何事來。〔生〕怙權。邊疆扼腕。官奴如草菅。生靈毒怨。自撤藩籬。豺狼晝喧。

〔前腔〕〔生〕世蕃的。世蕃的。棄市償奸。嚴嵩的。嚴嵩的。議親宜減。坐連妻孥。配邊。照臨遍四寔。覆盆獨嘆。望吾王呵劍。賜權奸。無辜錫環。

〔尾聲〕〔生〕微臣敢脫陳禾綢。碎首惟憑一寸丹。願得千年玉燭。坐清四海烽

烟。〔內〕依卿所奏。仇嚴削爵問遣。嚴氏家族。一概釋罪寧家。着南陽府叩推官勘問。〔生〕萬歲萬歲萬萬歲。

〔生〕要見平生鐵肺腑。

每憐寸草報春難。

時人莫笑無經濟。

未死奸諛骨已寒。

第二十九齣 埋輪沒產

〔仇上〕人心不足蛇吞象。世事到頭螳捕蟬。我仇嚴三十爲亡賴。四十爲窮徑。五十而身加武弁。六十而位過朝紳。自知燕雀微軀。願已過望。乃蹈蝸牛僻性。務喜升高。寵怙天廷。賄通邊境。使其出則挑釁。沒則徼功。待上無禮。馭下少恩。這也是有的。只道日遠天高。誰想風行雷迅。近有易御史劾我一本。發在南陽府提問。賄囑不通。吉凶未審。〔夫人上〕榮枯心上事。卻只在容顏。老爹面帶憂色。未知何故。〔淨〕皇上准了參本。發下相問。我的官休矣。〔貼〕兵權或可奪。封爵必難搖。何足過慮。〔淨〕我做事不好。今悔晚矣。

〔玉交枝〕〔淨〕餐風沐雨。枕寒戈。邊疆御戎。〔貼〕這是功勞所在。有何不好。〔淨〕遇君叨封拜恩榮。擁兵權望隆銜重。誰知市虎誑重瞳。一時色變難容縱。平白地風顛浪湧。這富貴南柯一夢。〔貼哭介〕

〔前腔〕〔貼〕耳聆心痛。恨迤邐飛隼入籠。似慈親投杼生疑動。黃口螭螳交鬩。鶯花富貴付東風。山河帶礪輕搖動。官情薄浮雲散擁。世事杳黃梁成夢。〔淨〕

我少充編戶。壯列侯封。自我得之。自我失之。有何懊恨。〔貼〕廢興皆有命。榮辱豈由人。〔丑上〕得勢狐狸強似虎。敗翎鸚鵡不如雞。本縣四爺到了。〔淨〕夫人迴避。〔貼下外扮典史上淨〕失迎恕罪。〔外〕輕造尊府。〔淨〕快拿酒來。〔外〕不勞了。察院緊急。不得消停。〔淨〕待下官換了衣服。〔外〕官法如爐。請就行罷。〔淨〕當時甘守營門老。無是榮華無是憂。〔外〕愚夫懼法藏身穩。將相欺公滅戶愁。〔下末上〕承恩王命催奸黨。敢不虔心秉法行。我郡實職掌提刑。不意察院委問仇嚴這廝。易兄果得遂意了。已着典史去提。不免再叫巡捕官。把他家財封鎖。以防散失。〔叫介丑上〕官聽官差官。越小爵官。官問發官提。巡捕官是也。稟上老爺。有何分付。〔末〕你往仇府。把田莊頃畝。俱要踏實。倉庫錢穀。俱要秤量明白。家下童僕。個個俱要查點造冊。在這裏轉送察院。〔丑〕領旨。〔出云〕做官都要大。官大又要怕。若還跌下來。跌做七八極。〔下外帶淨上〕仇嚴在此。〔末〕我也沒有得問。你自己供來。

〔泣顏回〕〔淨〕聽語淚垂胸。頓教人氣吐長虹。〔末〕你自家做下事。卻怨誰來。〔淨〕我捐生死戰。僅成得尺寸微功。奈吹沙蔽矇。造孽冤誣。陷情偏重。〔末〕你的富貴那裏

來的。〔淨〕擁侯封鼎食鳴鐘。賴朝廷破格推崇。〔末〕仇嚴。你但自陳功伐。再不說自己罪惡。拿下打四十。你自一介武夫。拜將封侯。也是豪傑漢了。原何做出孩子家事來。〔淨〕我不曉得什麼事。聽爺分付來。

〔前腔〕〔末〕邀功。翻笑是癡童。身思縱欲。獨聳孤峯。〔淨〕那有此意。〔末〕虎耽狼狠。這竟不想滅法欺公。〔淨〕自小奉法。怎敢有此。〔末〕蠻夷賄通。把籬籬推倒。邀天寵。這無將孽障如山。料明朝怎肯相容。〔末〕釘上錄鈕。押送太監。請旨發落。〔淨〕自作還自受。瞞天天不饒。〔下丑上〕貪財千貫少。犯法一毫多。仇嚴家財冊。已造在此了。〔末看科〕造得好。帶嚴玉英與張媽媽過來。〔丑送介末〕二尹請回。〔丑下旦淨上〕嚴玉英張媽媽叩頭。〔末〕起來。〔旦〕不敢。〔末〕聖上已恩赦你了。又是宦家子女。張老媽。你好好伏侍嚴小姐。明日有一江陵太守華雲龍。是嚴家姻戚。也要上京。〔旦〕就是母舅。〔末〕一發好。我稟察院給文書。着在他家眷船上去。快收拾行裝等候。〔旦〕雖遇皇恩赦。還須人力扶。〔下末〕叫書吏。好把冊籍收拾。辦一角文書送院。〔衆〕法鋤強暴黨。恩拯善良徒。〔下〕

楊震豐碑翳綠苔。

爲官常懼處非材。

人生一世長如客。

莫遣黃金謾作堆。

第二十齣 客途感慨

〔鵲橋僊〕〔外上〕秋陰慘結。曉雲輕片。敗柳驚風驅雁。天涯翹首疊烟山。只見一段秋光若練。

〔前腔〕〔旦上〕瀟疎晚景。物衰時變。端的動人悲嘆。鄉關何處夢飛丸。不道是天高日遠。〔旦〕簫聲怨秦樓。夢斷巫山遠。巫山遠。風風雨雨。何時相見。〔外〕征沙獵獵西風戰。阻隔南來鴻翅便。鴻翅便。鄉書萬里沈哀怨。自家華雲龍是也。只爲嚴家官敗。姻眷謫降。玉英仇府爲奴。已非一日。今有御史易弘器。抗疏回天。聖旨發南陽府提轉。委叩推府勘問。將仇嚴發遣。我輩寧家。雖出朝廷露恩。實藉官僚風力。不免收拾行李起程。又值秋深天氣呵。

〔一江風〕〔外〕老秋天。楓葉霜紅遍。脆盡垂楊線。〔旦〕覩形單苦淚連綿。界破芙蓉面。看月缺還圓。看月缺還圓。憐花色褪蕪。〔合〕眼前總是離人怨。〔旦〕舅舅蒙叩

老爺十分好意。去拜謝了他起程。纔是〔外〕便是〔丑〕叩爺到了。

〔西地錦〕〔末上〕白草連天霜染。黃雲蔘地風牽。人歸故國展眉顏。惱殺我邊

方提憲。〔外〕正挈玉英來拜謝。不意已蒙隆重。〔末〕聞老先生起程。特來一送。〔旦〕玉英叩頭謝老

爺。〔末〕不消。快請起。前日面會易兄。已知飛丸之異。救難之恩。又有書來。着我看你。我不曾看得周

到。〔旦〕老爺這等看顧。再要如何。〔末〕老先生到京。先帶一封回書去。下官隨後就來。代令甥媛作

伐了。這老嫗姓張。原是仇府的。送與小姐作伴。這是路費銀三十兩。〔外旦〕超生恩未報。鼎賜實難

留。〔末〕適千里者。三月聚糧。此去京都萬有餘里。老先生不必固辭。請收了。〔謝科末〕有一盃水酒。

與老先生餞行。

〔一江風〕〔末〕返家園。萬里程途遠。舉目無親面。盼遙天。衰柳寒蟬。氣象皆愁

慘。我與你呵。同陷玉門關。同陷玉門關。心旌各自懸。客中送客情何限。

〔前腔〕〔外旦〕意懸懸。深感相垂念。各別增長嘆。掛行幘。躡嶠穿雲。努發歸心

箭。指日到秦川。指日到秦川。洛陽舉首看。故人千里重相見。〔淨〕稟老爺。已到十里

長亭了。〔末〕此是往京師的大道。須要小心。〔衆〕領鈞旨。〔末〕聽我道。野店風霜行莫早。草橋烟月宿休遲。請了。〔下外〕叫車夫趁早趕上。正是驛驢是自空羣足。日暮長途就短轅。

〔朝元歌〕〔外〕長轅短轅。脂牽旋輕便。星前月前。馳驟何辭倦。露滑霜沾。輪埋足蹇。幾樹霜楓如茜。雲暗天邊。山巔水涯愁雨湔。行李趁風烟。名牽與利牽。
〔合〕鄉山遙遠。因此上去心如箭。

〔前腔〕〔旦〕行到山邊澗邊。弱鬢尖風戰。穿過松間竹間。瘦骨寒飈濺。命薄紅顏。遭磨涉險。我這般心事呵。淚漬眉山昏眩。天不垂憐。姑媽爹娘相繼顛。血淚染啼鴉。何由到九泉。〔合前〕

〔前腔〕〔丑〕你看遙天邈天。斷續流雲片。望取山巔樹巔。抱子猿留戀。他作隊安然。何歆何怨。人世怎能如願。小姐。我想仇府呵。頃刻風烟。花殘蝶殘春恨牽。你看他下石水拋磚。驚濤還自漸。〔合前〕

〔前腔〕〔淨〕我想今年去年。奔走知難免。來往鞋穿襪穿。筋骨何辭倦。爲衣食

蠅頭一似吞鉤吞線。那望前程路遠。萬貫腰纏。車塵馬足空自憐。我命運當然。由天不怨天。〔合前〕

〔外〕日落鴉啼野蔓青。

〔旦〕飄流蹤跡類浮萍。

鳥啼花落人何在。

〔旦〕舊事淒涼不可聽。

第三十一齣 公館言情

〔月雲高〕〔生上〕柏臺嚴迴。楓宸借靈寵。新授上方劍。么魔誰敢縱。直指埋輪。

奔狐狸不旋踵。欣止輦開言路。不負俺丹心悚。還矢鳴鳳朝陽。瀝慇衷。管教清

朝妖瘴空。賞不避仇罰及威。意輕權貴恤孤嫠。十年一劍磨方銳。怒髮冲冠氣貫虹。仇嚴曾建邊功。

勅封侯爵。位極人臣。奈何得志跋扈。身犯無將。我上表乞除削爵。問遣官餘。嚴世蕃仗父威權。荼毒

縉紳。籍家軍配。宜也。妻孥發爲官婢。恐非罪人不孥之意了。我亦請釋宥寧家。兩件雖是我言官本

分。若非聖明。那便聽從。

〔前腔〕〔生〕胸中常董。玉石要分種。希步學毛焦躅。丹心自炯炯。憑着我骨體

性。那怕他社城空。看鬪茸都逃避。使朽骨陰沾寵。自忖圖報私恩路得通。卻免得。噉冤氣貫虹。我想起那遇難之時呵。

〔前腔〕〔生〕事關心悚。當權轉愁憎。提卻高牆踊。翻教淚泉湧。磨障江邊。嘆伶仃抱惶恐。常夢想相逢處。徒自作相思俑。那時兩紙情招各自供。今日呵。一道封章托宸聰。已曾表白天顏。欽蒙釋罪。又有書附叩兄看顧。料可無虞。但水遠山長。不能無念。

〔前腔〕〔生〕客行途隴。風尖且霜猛。回首龍江永。跋涉愁勞總。望烟瘴滿巔崖。思顛危倩誰擁。雖暫脫傭春難。怎能勾瞻鄉壟。他那裏迢遞登山托採蟲。我這裏冷落悲秋盼塞鴻。

〔番卜算〕〔外上〕謫宦老邊隅。耿耿丹心獨。天開蒼狗顯陽烏。荷得皇恩渥。我

華雲龍。職守江陵。謫居雲貴。因坐嚴家姻戚。數年未陞。近蒙易御史奏拔。考滿來京。代叩推府帶雲箋一封。附投易衙。此間便是不免逕入。〔相見科生〕有失迎候。〔外〕蒙賜吹噓。不勝感德。〔生〕事係

公舉。有何德來。老先生從那裏到此。〔外〕從邊上來。〔生〕風景何如。〔外〕聽我道。

〔四邊靜〕〔外〕封疆鞏固天驕逐。邊烽久無矚。戰士戢干戈。黎民息征役。山居草宿。狐潛鼠伏。將略勝孫吳。軍勢振頰牧。

〔前腔〕〔生〕朝廷恩信沾優渥。何須用干莫。萬國盡梯航。聲靈震沙漠。風翔雷逐。化行草覆。盛世看泰寧。聖治復雍穆。

〔福馬郎〕〔外〕岳動山搖威望肅。繡斧鋤城社。都竄逐。雷厲風行處。誰不仰高躅。更看發覆超羈獨。恩波沐白骨還生肉。〔生〕白骨是誰。〔末〕嚴世蕃雖死。九泉之下。繡衣超拔他家眷。地下亦瞑目了。〔生〕不說他猶可。說起來。使我心上好惱。

〔前腔〕〔生〕怒氣填胸眉頓蹙。白地坑人命懷蠱毒。我不是冥鴻翅。幾被惡羅鏃。天道循環速。身家覆。幸得全邦族。他有一女。仇府爲奴。仇嚴世敗。可曉得他在那裏。〔外

背云〕叩治中說甥女與彼有飛丸之約。已結爲夫婦矣。今提起嚴字。怒發如雷。敢是他心變了。只說不知就是。〔對云〕不曉得。正是斧鉞場中休駐足。是非門裏早抽身。告退了。〔生留科丑上〕叩

爺到了。〔末上見科〕小弟有書。兄曾見否。〔生〕未曾。〔外〕纔說一個嚴字。易老先怒髮冲冠。又敢

再說。因此書也不敢遞出。〔出書科生看科〕多蒙叩弟周旋了。〔末〕不敢。小弟已與華老先講明此事。今日之來。特代兄作伐耳。〔生〕如此重勞。恩銘肺腑了。〔外〕大人不棄前盟。足徵盛德。既有這等異緣。老夫自備妝奩。送舍甥女到府上成親就是。〔末〕請華老先生先回。下官隨後就領財禮到宅上了。

〔末〕肝膽猶能楚越如。

〔外〕陽春忽布網羅除。

〔生〕無因得薦陽臺夢。

〔合〕先得雲中尺素書。

第三十二齣 香合飛丸

〔霜天曉角〕〔旦上〕佳期喜到。日上紗窗曉。鏡裏顰眉欲掃。愁懷指日冰消。鴛鴦頸未交。鸞鳳情先結。途路忽相逢。心腹難陳說。設意托終身。到底逢今日。喜得藁砧榮。不把屢屢撇。今欲效于飛。覽鏡將容潔。施彼蓬髮膏。見我主容客。我想那一日呵。

〔傍妝臺〕〔旦〕流落類萍飄。昔年光景。今日裏轉思焦。撇不得江邊路。何曾望白雲霄。花貌謾留郎傅粉。眉淡還應筆自描。奴家此去。喜身有托。只是雙親過世。姑媽囑

冤實可痛心。親恩撫育，罔極海濤。捐生代死，勝離毛。

〔前腔〕〔外〕驄馬氣英豪。動搖山岳，吞吐海江濤。須把私讎報，如霧釋。酬恩願比山高。漂母當年思一飯，跨辱還應且恕饒。我兒雖不學，當壚滌器也。應椎髻布袍。不見齊眉德耀，伯鸞褒。快裝束完備，只待易家轎來。就起身了。〔衆上〕彩雲深處隱仙真。繚繞香風滿戶春。今日鵲橋高駕處，渡河織女早擡身。請新人上轎。〔衆譚下〕

〔步蟾宮〕〔生上〕瑟琴和靜何足道。酬恩願一時風掃。今宵彷彿鳳臺簫。月下孤鸞轉調。愁戰西風吹鬢髮。喜看春色遶樓臺。關山魂夢驚收處。報道梅花人到來。左右打掃華堂。

掀開簾幕，以待夫人車到。〔衆上〕報老爺知道。夫人已到了。今日嫦娥下月宮，碧油幢下擁香風。屏開孔雀雙飛翼，梅隱芙蓉兩朵紅。桃李芳華三月景，松筠節榦百年風。請新人下轎。〔拜天地科交

拜科生〕小姐失於迎候，負罪多多。〔旦〕蒙恩釋罪，不勝感戴。〔生〕恩救殘生，更加百倍。〔末淨〕

今日夫妻相會，宜把飛丸合瑞。〔各出丸科衆〕真是韓氏題紅，樂昌合鏡，奇哉奇哉。〔旦執丸看科〕昔日將真認假。〔生〕今朝弄假成真。〔衆云〕你兩人半箋情話百年約。〔生〕我和你千日相思一旦

消。〔旦〕賤妾得供衾枕。當年須想陸姑。〔生〕下官追贈封章。昨日已干天聽。〔旦〕多感多感。〔生〕將酒過來。

〔畫眉序〕〔生〕花燭謾紅燒。恍渡銀河歡會好。喜死中全活。不忘恩報。小姐呵。你縱我雲雨羈籠。我釋你桎檻囚豹。〔合〕良緣夙世天教合。料不是人謀能造。

〔前腔〕〔旦〕仰望斗山高。一戰前茅功就早。荷恩濡涸鮒。再生踴躍。相公呵。君何忝玉潤風流。妾應愧關雎窈窕。〔合前〕

〔前腔〕〔外〕飄泊困蓬茅。在苒風塵歲時杳。賴仁恩提挈。再覩皇朝。甥女呵。福緣種白玉藍田。繡衣呵。雨露潤閒花野草。〔合前〕

〔前腔〕〔末淨〕聖世重英豪。共仰朝陽鳴鳳早。看鋤強扶弱。曲直明昭。堪相配女貌郎才。喜世襲金花紫誥。〔合前〕

〔撲燈蛾〕〔合〕荷神明呵護。飛丸事真巧。會合在今宵。聯屬何須媒妁。也是前生緣結好。想赤繩縮足再難逃。只願得同諧到老。歷天長地久。永把瑟琴調。

〔尾聲〕〔合〕冤仇宜耐恩須報。善者天憐惡怎逃。你看蓋世英雄今朝何處了。
事去人亡跡自留。

江山空結古今愁。

共君莫話興亡事。

午夜清歌月滿樓。

第三十三齣 盟尋泉石

〔末上〕特漏隨朝袍笏寒。何如破衲道人安。〔生上〕文犧被繡鸞刀逼。野鶴無籠天地寬。〔末〕我郡實自分泉石膏肓。烟霞痼疾。〔生〕我弘器偶然染指羶途。早想回頭蝸壁。〔末〕哥哥。我今年踰一甲。任歷三遷。〔生〕叩弟呵。過去光陰。既已若斯。後來行境。不過如此。〔末〕何須貪戀。磨弄了三世精魂。到底勘空。畢竟是一場春夢。〔生〕盤古到今。休說伴食中書。模稜宰相。枉繫朝紳。空羈世網。便做了鞠躬扶漢。竭力反唐。都大事業。也只贏得個死後些子虛名。到輸盡了生前無量清福。〔末〕還有一等兔死狗烹。銜冤賣志。如漢代韓彭。宋朝張岳。後來成什麼結果。〔生〕莫提前代。便是我朝同事同官的。數十年來。多少榮枯。多少翻覆。〔末〕罷罷罷。我和你如今不免撒手迷津。翻身孽海。方外尋松子。壺中伴長房。〔生〕且說嚴介溪虎視台垣。兒子世蕃彪威傳翼。怎麼樣聲勢。到底何如了。

〔畫眉序〕〔生〕牀笏正蟬聯。豈料居高伏跼險。看台衡覆餗。徒遭刑譴。〔末〕嘆當年封豕長蛇。怎賽得我鳴鳩乳燕。武陵津畔頻催渡。莫等待水流花片。〔生〕便是仇嚴。出身軍伍。列爵侯封。到頭家破人亡。而今安在。

〔黃鶯兒〕〔生〕覆轍總堪憐。急流中勇退船。高唐焚棟須回睨。有於陵灌園。嚴光釣川。烟霞隔斷紅塵面。老林泉。天空海闊。隨處洞中天。〔末〕我思古人有一樣枯槁泉石的。如由父隨光輩。名曰石隱。待要學他。俺只是一官微絆。卻輸他一籌。

〔前腔〕〔末〕洗耳及投淵。樹頭瓢聲惡喧。陶唐揖授非吾願。何須酒泉。何商蟹監。監皇王帝霸雲舒卷。蛻如蟬。闔浮世界。落劫便非仙。〔生〕還有一樣功成早遁的。如陶朱子房輩。名曰高隱。待要學他。只是大功難就。高山徒仰。

〔集賢賓〕〔生〕雲蒸雷動看龍變。捧天浴日功鐫。消息盈虛能早辦。惟有黃石鷗夷堪羨。興亡轉面。都付卻五湖烟霰。心已倦。任鳥度長空飛遠。〔末〕哥哥更有

一樣染指功名的。如淵明康節輩。名曰仕隱。待要學他。只是及早拂衣。不失本來面目。

〔前腔〕〔末〕半通銅綬心何戀。嘆浮名濡首休憐。五斗歸來飛鳥倦。爭看花外小車行過。繁華如傳。卻笑他觸蠻相戰。局面轉。只有水竹雲山長見。〔生〕我便是

柏府埋輪。楓宸折檻。足遂平生。怎免得宴退早朝。奉公守法。那及如今呵。

〔鶯啼序〕〔生〕看秦川吳苑花正妍。奚囊羯鼓隨伴。挈雙柑往聽鶯傳。詩腸鼓吹如勸。任憑你乾坤自掀。我自矢軸藹無厭。塵夢遠。那管他花磚眠宴。〔末〕那在

朝的呵。

〔前腔〕〔末〕心瞻魏闕常意懸。游魚戀餌吞線。卸朝鞦被髮何年。名山五嶽游遍。冷清清雀羅自閒。鬧攘攘蜂叢爭炫。雲變險。只怕風雷晝閃。〔生〕緬想和你武陵

結盟。神京發跡。分符外郡。珥筆中朝。俯仰數十年。恍如一日。可勝愴感。

〔貓兒墜〕〔生〕嘆南柯夢蟻穴如奔電。駒隙漚浮光景淺。夜游秉燭非無見。有限。總然借揮日陽戈。難挽西飛箭。

〔前腔〕〔末〕好偷閒處隨分尋方便。竹院逢僧清話遠。伊蒲香積菜根甜。忻羨。

料無得白地風波。及溺驚顛。

〔尾聲〕〔生〕西湖堤畔逋翁院。詩和梅花嚼出玄。〔末〕一般清味總有驛使相逢不寄傳。

〔生〕六朝如夢鳥空啼。

〔末〕富貴榮華能幾時。

〔生〕年過半百不稱意。

〔末〕坐看南山改舊詩。

飛丸記終

紅

梨

目錄

第一齣 蒼指

第二齣 詩要

第三齣 豪讌

第四齣 羈迹

第五齣 胡擾

第六齣 赴約

第七齣 請成

第八齣 脫禁

第九齣 獻妓

第十齣 出關

第十一齣 錯認

第十二齣 投雍

第十三齣 憶友

第十四齣 路敘

第十五齣 訴衷

第十六齣 托寄

第十七齣 潛窺

第十八齣 奸竄

第十九齣 初會

第二十齣 誅奸

第二十一齣 詠梨

第二十二齣 逼試

第二十三齣 再錯

第二十四齣

赴試

第二十五齣

憶主

第二十六齣

閨慮

第二十七齣

發跡

第二十八齣

得書

第二十九齣

三錯

第三十齣

永慶

紅梨記 目錄

四一開明書店

紅梨記

明 徐復祚 箸

第一齣 薈指

〔瑤輪第五曲〕〔末上〕華堂開玳筵列。尊俎雖陳。主賓未浹。且將行酒付優伶。喜轉眼間悲懽聚別。也非關朝家事業。也非關市曹瑣屑。打點笑口頻開。此夜只譚風月。論賣文生涯拙。豈是誇多。何曾鬪捷。從來抱膝便長吟。覺一霎時壯心蹙折。也無甚搬枝運節。也無甚陽秋衰鉞。若還見者吹毛。甘罵老奴饒舌。

〔照常向內問答訖白〕

〔瑤輪第六曲〕謝女佳人。趙郎才子。天然分付成雙。奈王黼勒取。拆散兩鴛鴦。正遇胡人圍汴。徵歌妓送入金邦。賴有花婆女俠。設謀竄取。潛地往他鄉。才子彷徨。佳人淪落。此際實堪傷。幸錢君作宰。留寓在衙旁。卻慮功名未就。改名姓潛結鸞凰。又賴花婆勸駕。登龍歸娶。花燭影搖光。

俊風流趙狀元二錯認。

喬紅梨謝素秋兩花陣。

雍丘宰生扭就鳳鸞交。

賣花婆計掇賺龍頭儁。

第二齣 詩要

〔破齊陣〕〔生扮趙汝州上〕文采南金比色。詞華北斗方高。太白星精。義山浪子。

誰似風流俠少。天上玉蜍欣獨占。河中匹鳥恨難招。何時琴瑟調。〔鷓鴣天〕紫雲

垂耀是神京。走馬揮鞭意氣生。李賀齊名時譽在。曹劉割席世人驚。空冀駿。戮長鯨。行看奏對入延

英。但令姓字先羣彥。始信才華擅二京。小生姓趙。名汝州。表字伯疇。山東濟南郡淄川人也。先人趙

幾。拜刑部尙書。不幸蚤年身喪。遺經在笥。栝棧未忘。小生幼有慧質。長多俠思。年方二十二歲。忝中

本省解元。今來會試到京。憑着我胸中學問。足三冬。口內詞鋒。傾五岳。視一第如拾芥耳。何足挂意。

但恨花星未耀。鸞運尙慳。自古才子。必擇佳人。是以交甫鍾情于解佩。陳思作賦于感甌。如小生之

風流才調。必得天下第一個佳人。方稱合璧。向來聞得人言云。男中趙伯疇。女中謝素秋。〔笑介〕

不知素秋怎麼樣一個女子。就堪與小生作對。一向問人。並無識者。昨入京來。纔知是教坊妓女。說

道果然天姿國色。絕代無雙。小生連連去訪。不意今上預借元宵。在大內承直。尙未得會。心上且是放不下。有個同窗朋友錢孟博。乃雍丘縣令。朝覲來此。與小生同寓。不免請他出來。再去訪素秋走一遭。錢兄快來。〔外扮錢濟之上〕

〔前腔〕看盡河陽花錦。來聽上苑鶯嬌。閨里燈光。天邊雪月。欣逢預放元宵。百斛春醪那借取。三齊豪客未須招。渾忘鄉思搖。下官錢濟之。字孟博。官拜雍丘令。今來

朝覲。幸與故友趙伯疇同寓在此。〔見介〕呀。伯疇兄拜揖。〔生〕孟博兄拜揖。孟博。我同你訪謝

素秋去。〔外笑介〕伯疇。我道你有要緊說話。請我出來。元來又是訪謝素秋。一個女子。日日挂在念頭上。敢是你心偏了。前日兩次訪他。俱不得遇。風塵中人。知他真不在家。還是故意回你。〔生〕

天下那有不愛才子的佳人。〔外〕好笑。你又不曾見他。那知他佳不佳。〔生〕文王寤寐而求。未聞先見淑女。相如援琴而鼓。何曾預識文君。謝素秋雖不曾見。人言決不虛謬。〔外〕人言若何。

〔生〕道是男中趙伯疇。女中謝素秋。堪與小生同說。一定有些不同處。〔外笑介〕好一個乾相思的對頭。不要作癡。同你街坊上看燈去。〔生〕燈有甚好看。

〔玉芙蓉〕咸陽寂寞宵。擁膝傷懷抱。恨無媒徑路草自蕭蕭。玉樓未許諧蕭史。
金屋何妨佇阿嬌。教人惱。惱的是孤鸞星永照。最堪憐黃昏落葉響瀟瀟。〔外〕
〔前腔〕你青雲志正驕。紅粉何足道。喜春風得意正在今朝。豈可爲鶯儔燕侶
三春約。忘卻你鵬路鷗程萬里遙。〔生笑介〕功名怕不到手。所難得者佳人耳。孟博兄不要
敗興。不要道學。〔外〕非執拗。那壁廂是牆花路草。怎比得日邊紅杏倚雲高。〔丑扮
平頭上〕傳卻玉樓信。來投金馬門。小人是東院子謝家平頭。俺姐姐差送書與趙解元。一路問來。
說道下處在此。不免問聲。〔問介內答〕正是。〔丑入磕頭生〕誰家差來的。〔丑〕小人是東院謝家平
頭。俺姐姐蒙相公下顧。因在內府上直。兩次不曾相接。特着小來拜上。〔生〕可曾說教我來麼。
〔丑〕正是教請相公來。今日是十八日。燈事已了。明日姐姐一定回家。教請相公蚤蚤來了。兼有一
書在此。〔生喜介〕孟博兄。你說風塵中人。我說佳人定愛才子。今卻如何。快取書來。〔拆看介〕元來
是一首詩。倚窗閒瑣去看花。辜負郎君白鼻騮。悵悵欲知深幾許。碧雲重疊暮山斜。孟博兄。天下有
這樣一個女子。怎教小弟不想。〔外〕詩思到也清新。明日同兄去便了。〔丑〕小人就要回俺姐姐。就

求相公回書。〔外〕伯疇。你也作一絕答他便了。〔生〕小弟正欲如此。〔作寫介〕主人應悵客空還。寄與封書有淚斑。但得卷旆心不死。碧雲能隔幾重山。平頭。你先去回覆姐姐。小生明日一定蚤來。
〔丑〕傳將芳信去。報與玉人知。〔下生外弔生〕

〔傾杯序〕多嬌勝道韞過薛濤。更入法能奇妙。小弟若得此人同偕伉儷呵。也強如蟾宮穩步。龍門高跳。鳳池容與。鼇禁逍遙。但只恐東牆花落。西廂月冷。巫岫雲高。那時節呵。就狀元及第也徒勞。〔外〕

〔朱奴兒犯〕伯疇。你不害癩麼。看你整備着烏紗小帽。早朝鞦韆窄窄鮮好。稱體新衣袖寬綽。會親符安排了百道。〔生接〕快活快活。那時節相偎抱。醉春風碧桃。任流蘇帳煖可憐宵。〔外〕

〔尾聲〕則怕歡娛極處生煩惱。〔生〕孟博兄。準備下扶頭錢鈔。怎能勾偷一會兒更籌須臾的天便曉。

身在仙宮第幾重。

未知何日得相從。

何時最是思君處。

月入斜窗曉寺鐘。

第三齣 豪讌

〔西地錦〕〔小淨扮王黼上〕皓月金門午夜。和風玉殿先春。內庭曲宴及詞臣。誰

似我天顏常近。臘底陽生月正晴。士民遊樂慶昇平。熙熙萬象融和裏。共沐恩光賀聖明。下官姓

王名黼。字將明。開封祥符人也。官拜太傅。封楚國公。下官性頗黠慧。又善口辯。遭遇聖上。寵冠羣僚。

身雖三公。位居元宰。深宮曲宴。無不陪扈。下官又故爲諧謔。獻笑取悅。聖上呼我爲小王太傅。我就

稱聖上爲太上道君。一日聖上站在牆邊。要上牆去。奈無梯子。我就把兩臂承聖足而起。大聲叫道。

好個扒牆天子。聖上大笑。說全虧你築巖宰相。目今海內又安。朝廷無事。我就上一本。說今天氣

和煖。正該及時爲樂。就此十二月。令民間搭造燈棚。名曰預借元宵。聖上大喜。設宴在內庭。特令下

官陪侍。因此一連數日。不得回家。似此君臣契合。多虧父子情深。我王黼自從拜太尉梁師成爲父。

仗他在聖上面前贊揚。遂有今日。昨日太尉說要到我家看燈。當直的。太尉爺就是你老老爺。筵席

須要十分齊整。〔雜介小淨〕我且問你。昨日大內承幸的教坊女樂頭兒叫甚名字。〔雜〕名喚謝素

秋〔小淨〕今日在我府中答應麼。〔雜〕伺候多時了。〔小淨〕起在一邊。我府中歌童舞女雖多。端沒有這妮子。娉娉孌孌。我要他進我府中。亦有何難。且待宴過了太尉。再作道理。叫打差官快去打聽。太尉爺出朝。急來通報。〔暫下副淨扮內官梁師成上〕

〔前腔〕寶炬騰輝三島鸞。笙叶氣千門。御香滿袖散氤氳。但願得常依龍袞。紫宸朝罷侍鸞班。詔賜宮刀白玉環。官曜自來垂上象。貂璫獨喜近龍顏。下官太尉梁師成。性善柔媚。言多甘悅。出入宮寢三十餘年。歷踐台司二十餘任。都人目爲隱相。天子喚作可兒。宮掖巡遊。常向臂間循絳繫。殿頭宣拜。每將口語代黃麻。將相公卿。個個稱門生故吏。后妃嬪御。人人呼尙父元公。以此賄路如山。門庭成市。從我者驟加官爵。違我者立見誅夷。兒童已賜緋衣。廝養半登黃甲。大兒王黼。開應奉局于都下。月錢何止萬緡。小兒朱勗。總花石綱于蘇州。歲輸不下億計。〔笑介〕果然財可通神。真個威埒震主。連日內庭侍宴。不曾回家。昨日與王黼兒約去看燈。叫左右打執事看王丞相去。〔雜〕燈火明龍閣。笙歌滿鳳城。侯門多富貴。綺席綵雲迎。稟爺已到王丞相府前了。〔小淨上跪接〕孩兒王黼迎接恩府大人。〔副淨扶進〕王黼兒生受你。〔小淨起揖〕恩府大人拜揖。〔副淨

笑。好一個預借元宵的本。虧你想得到。聖上也喜歡得緊。自從建了良嶽。聖上日日在內遊賞。不想時遇隆冬。萬卉凋傷。車駕久不臨幸。在大內閒坐不過。見了你的本。不覺喜動天顏。〔小淨〕這都是恩府大人提攜。〔副淨〕王黼兒。我教道你。大凡官家。不要容他閒。常則是把些聲色貨利打哄日子過去。他就不想到政事上邊。左班那些秀才官兒。便有言也不相入了。〔小淨〕多謝恩府大人指教。〔副淨〕叫孩兒們。今日我在此看燈。那些御前承幸妓樂。都齊在這裏麼。〔雜〕稟爺。五花爨弄三百名搬演雜劇。三百名駕前吹鼓。十八部教坊妓女百二十人。都齊在此伺候。〔副淨〕王黼兒。我連日困于酒食。就是這些院本雜劇。也誰耐煩看他。都打發去。止留教坊妓女。在此送酒。〔小淨遞酒介〕奏樂畢。〔衆〕

〔香柳娘〕喜燈月競新。喜燈月競新。寒威乍損。想梅花已漏江南信。看鰲山切雲。看鰲山切雲。青禁玉樓鄰。彤帷絳河近。〔合〕判行樂及辰。判行樂及辰。只恐怕後月今宵。陰晴無準。〔副淨〕

〔前腔〕慶民安物殷。慶民安物殷。太平景運。歡娛賸把良宵儘。任參橫斗分。任

參橫斗分。恁意倒金尊。流光一瞬。〔合前小淨〕恩府大人。教坊妓女。有個謝素秋。到也生得停當。〔對旦介〕過來見了太尉爺。〔旦見介副淨看介〕果然生得好。要丞相爺喜歡。你造化到了。孩兒們。討個元寶賞他。起來送酒。就唱一曲。〔旦謝起送酒〕

〔前腔〕念青樓寄身。念青樓寄身。柳嬌桃嫩。生憎羅綺烟花陣。怪雙蛾屢顰。怪雙蛾屢顰。處處落花痕。年年送春恨。〔合前小淨〕

〔前腔〕聽歌聲佚塵。聽歌聲佚塵。朱唇微搵。聲聲調出涼州韻。更香潤玉溫。更香潤玉溫。似蘭蕙絕塵氛。繁英豈堪混。〔合前副淨〕酒多了。連日困倦。孩兒們。回府去罷。

笙歌歸院落。燈火下樓臺。明日扶殘醉。重尋翠羽來。〔小淨介副淨下小淨弔〕謝素秋過來。我愛你體態輕盈。歌喉宛轉。我府中歌舞雖多。卻沒有你這般顏色。你住我府中罷。我另眼看覷你。〔旦〕念素秋章臺陋質。永巷庸流。祇堪賣酒當壚。難入瓊樓玉館。況且老爺貴府。無數佳冶麗人。豈少賤妾一輩。〔小淨〕這妮子。你不見麼。

〔前腔〕這繁華絕倫。這繁華絕倫。三千黛粉。六宮顏色誰堪遜。不是少你一個。只

是我愛你。你若進我府中。我把你做掌中玉珍。做掌中玉珍。〔作撲旦旦避小淨〕心坎兒裏溫存。肺肝兒般幫襯。〔合前旦跪小淨扶起介〕

〔前腔〕媿烟花戶門。媿烟花戶門。風塵陋品。豈堪與王公貴戚相廝溷。況有無數絳裙。有無數絳裙。薦夕總橫陳。東鄰豈足問。〔合前小淨怒介〕哇。這賤人。我到有心擡舉你。你卻句句遠我。我如今把你拘在府中。不怕你走上天去。花婆那裏。〔老旦扮花婆上〕本賣花爲生。翻因花作祟。日間花裏行。夜間花裏睡。花婆磕爺頭。〔小淨〕花婆。你把這賤人去牢禁在府後靜房裏。有呼喚纔許放出。〔老旦〕曉得。只是府中插戴的時鮮花朵。日日是小婦人採辦。〔小淨〕我另遣人便了。

別夢依依到謝家。

名珪似玉淨無瑕。

東風堪賞還堪恨。

落盡溪頭白玉花。〔下〕

第四齣 羈迹

〔旦老旦吊場老旦〕素娘請到後邊去。〔旦走介老旦〕這是老婢的臥房。你只在此坐坐罷。〔旦〕

〔尾犯引〕花落任西東。似柳絮風飄。芙蓉霜送。栽卻愁苗。耘成恨種。〔老旦〕素娘。看你翠蛾蹙遠山黛擁。紅淚流秋水霞籠。〔合〕聽殘漏聲聲聒耳。月落燕樓空。〔老旦〕〔南鄉子〕萬籟寂無聲。殘角鳴鳴近五更。香斷燈昏眠未穩。淒清。只有霜華伴月明。〔旦〕應是夜寒凝。惱得梅花睡不成。我念梅花花念我。關情。獨立簷牙倚玉櫺。〔老旦〕素娘。我們向來也聞你的芳名。只是無由見面。今日之事。怎麼樣起。〔旦〕你家老爺生要奴家進府。奴家不從。以此發惱。〔老旦〕元來如此。素娘。你好不見幾。我老爺官居極品。勢焰薰天。官家尙然拱手。朝臣孰不低眉。你是個女流。到要與他抗拒。況且府中富貴。天家不如。你若進來。自然得寵。那些兒虧負了你。苦死不肯相從。〔旦〕人各有志。豈可以勢相迫。〔老旦〕不從他由你。只怕這頭門進得來出不去哩。〔旦〕他若再來相迫。我拚得一死便了。

〔尾犯序〕此夜恨無窮。似別鶴孤鴻。檻鸞囚鳳。〔老旦〕你有什么心事。就對老婢說也不妨。〔旦〕我有無限衷腸。欲訴何從。悲慟惹禍的是花容月貌。賺人的是雲魂雨夢。從今後似提籃打水。落得一場空。〔老旦〕

〔榴花泣〕素娘。你無端何故恨匆匆。似你這月作態玉爲容。正合在綺羅叢裏承恩寵。送年華暮鼓晨鐘。素娘莫怪老婢說。你娼家有甚好行徑。風雲轉蓬。倚市門調笑將人哄。休只認酒釀花醲。漸眼間就興盡杯空。〔旦〕

〔漁家傲〕我豈戀換羽移宮。奈女蘿怎倚孤松。就是我輩從良。須要擇人而事。〔老旦〕若要擇人。那裏有我老爺這樣對頭。〔旦低〕咳。花婆花婆。他只是俗子村夫。難管領秋月

春風。〔背〕蚤上差平頭去約趙伯疇。他有詩來約我明日相會。誰想監禁在此。多分又成虛話了。看

他詩中字字芳心懂。怎割捨風流業種。男中趙伯疇。女中謝素秋。不知向來何故有此言語。想我兩人才貌呵相同。故教人作頌。只愁緣分淺到底成空。

〔尾〕通宵聒絮多驚動。〔老旦〕素娘。你何事癡迷不信從。可不道得喪悲歡總是空。

夜思千重戀舊遊。

無窮歸思滿東流。

窗殘夜月人何在。

深鎖春光一院愁。

第五齣 胡擾

〔點絳脣〕〔淨扮幹離不上〕紫塞青烟。玄菟白草。朝那道。劣馬嘶驕。眼底中原小。
漢水連天霜草平。野駝尋水磧中鳴。隴頭風急鴈不下。沙場苦戰多流星。咱家大金丞相幹離不是也。自從大宋與咱家盟約。併力攻遼。還他燕雲十六州。以償用兵之費。不意王黼背約。納我叛人張毀。爲此提兵到此。吾想宋室君臣。偷安旦夕。方且預借元宵。咱家連夜渡河而來。剋定日期。要在元旦左右。打破汴城。務要慶賞真元宵。好快活也。把都兒們那裏。〔雜扮四卒上〕進軍黃河南。窮寇勢將變。日落沙塵昏。背河更一戰。〔見介淨〕把都兒們。自從咱渡河而南。如入無人之境。這些百姓抱頭鼠竄。紛紛逃躲。此去汴京不遠。眼見得破在旦夕。須要併力殺上前去。待剋城之日。大開府庫。把金帛重賞你們。就此拔寨前進。〔雜介淨〕

〔清江引〕紛紛鐵騎如雲繞。塞滿關山道。弓隨月影彎。劍逐霜光耀。看指日間破京城如電掃。〔雜〕稟爺已到汴京城下了。〔淨〕把都兒們且不要近城。只遠遠四下圍定。待明日造起雲梯。看了城中動靜。再作道理。〔雜走圍〕

〔前腔〕漫漫血戰何時了。直向中原搗破竹。已成功。幕燕眞堪笑。直待到京城賞元宵。纔開懷抱。〔走下〕

第六齣 赴約

〔宜春令〕〔生上〕風月性雲雨腸。自生成花狂柳狂。新詞楚楚。俏名兒堪與秋娘抗。蘇小小才貌相當。呂雙雙風流不讓。拚醉佳人錦瑟。翠屏朱幌。日昃鳴珂動。花連繡戶春。盤龍玉臺鏡。惟待畫眉人。小生爲有謝素秋之約。昨晚一夜睡不安穩。巴得天明。便起來梳洗。如今已打扮得齊整。除下舊巾幘。換套新衣裳。果然停當。只是怎得錢兄出來。不免催他去。錢兄起身未。〔外應上〕來也。

〔前腔〕鄉心切。旅夢長。〔生〕錢兄快來。〔外〕是何人催促恁忙。〔見介〕呀。伯疇。你衣衫停當。匆匆挈伴將何往。〔生〕孟博。你又忘了。謝素秋約我今日相會。〔外笑〕何乃太蚤。〔生〕

小弟以爲遲矣。探花信過露何妨。護花神遇風須障。〔外笑〕你似遊蜂粉牽香惹。鎮日顛狂。〔生〕不是。昨日他內府完事。一定蚤回。今日我們蚤去。也見得有些志誠。〔外笑〕好一

個老實社家子弟。既如此。就請同行。〔同走生〕

〔前腔〕韋娘面。刺史腸。兩相逢。迷留怎當。芳心密意。相偎相靠。從前講。〔外〕伯疇。此間已是他家。想還未歸。你看。雕欄畔。鸚鵡聲喧。畫簷邊。蜘蛛塵網。〔生〕真像個不會到家的。不見銀箏拋卻。玉臺閒放。天氣尙蚤。既不在家。我們在此坐待一回。〔丑上〕院鎖春風楊柳。門深夜雨梨花。未許情諧琴瑟。空勞夢遶琵琶。小人謝家平頭。今蚤去候姐姐。不想被王丞相拘留在府。只得獨自回來。呀。家中到有人坐在此。不知那個。〔見介〕元來是趙相公錢老爺。〔生外〕平頭。姐姐回來了麼。〔丑〕不要說起。姐姐在內府承應已完。昨日到王丞相府去。不想被他囚禁。不放回來。小人今蚤去候。沒處問個消息。以此只得自回。〔生外駭〕爲甚麼囚禁他。〔丑〕

〔前腔〕只爲花容麗。玉貌揚。那王丞相呵。死臨侵。邀求鳳凰。〔生外〕你姐姐從也不從。

〔丑〕便是抵死不從。〔生笑〕這纔像個素秋。〔丑〕王丞相因姐姐不從。就發惱起來。把溫存情況。變做了瞞神說鬼喬模樣。把我姐姐監禁在府後什麼靜房裏頭。昏騰騰。楚岫雲遮。黑漫漫。陽臺路障。一似籠囚鸚鵡。浪打鴛鴦。〔生〕元來如此。我那素秋。你怎得個出頭。

日子孟博我與你計較去救他也好。〔外〕王黼的威勢天子尚且畏他。他把一個妓女藏在府裏。你我兩個措大。便思量救他。也太迂闊了。素秋既不在。我們且到下處去。等他回了再來。〔生〕既然到此。且耐心坐等一回。或且放得回來。也未可知。〔外〕我有朋友在南薰門外。向欲訪他。此去卻近。兄只在此等。我去訪了他。來與你同回下處去。何如。〔生〕使得。兄去就來。〔丑〕小人也再去王丞相府前去打聽。若有下落。快來報與相公。〔生〕說得是。我只在此等你。〔外〕蓬華存寒士。〔丑〕朱門訪玉人。〔同下生弔〕

〔普天樂〕只指望撩雲撥雨巫山嶂。誰知道烟迷霧鎖陽臺上。想姻緣簿空挂虛名。離恨債實受賠償。想杜牧是我前生樣。只合守蓬窗茅屋梅花帳。素秋素秋。我想你此時呵。托香腮悶倚迴廊。斷難穿淚珠千丈。只落得兩邊恩愛做了兩地彷徨。

〔錦纏道〕咳。王黼王黼。笑村郎。強風流攀花隔牆。錯認做楚襄王。全沒有半星兒惜玉憐香。我這裏相思塹危如石梁。他那裏愁悶城堅若金湯。磨勒在何方。那

沙陀利又十分威壯。如何更酌量。眼見得石沈山障。怨只怨孤辰寡宿命相妨。
〔山桃紅〕撓不着心中痒。嚙不下尊前釀。謊歌郎奪了平康巷。花術術添了勾
魂將。溫柔鄉湧出瞿塘浪。眼睜睜教我意惹腸慌。等這半日。錢兒也不來。平頭也不來。
天色已晚。且到下處去。明日再來。或且有些好消息。也未可知。

〔尾〕休言好事從天降。着甚支吾此夜長。羞殺我畫不就眉兒漢張敞。

一寸相思一寸灰。

野塘晴暖獨徘徊。

行人杳杳看西月。

肯信愁腸日九迴。

第七齣 請成

〔紅繡鞋〕〔淨扮幹離不引軍上〕神兵席捲長驅。長驅。軍聲鬼哭神呼。神呼。圍城邑。
禁樵蘇。如拉朽。似摧枯。〔合〕看直擣混輿圖。看直擣混輿圖。咱家大金丞相幹離不
是也。自從提兵來此。與中原交戰。一敗張毅于燕山。再敗郭藥師于白河。遂乘勢直抵汴京。緊緊圍
住。城中十分危急。道君皇帝讓位東奔。新皇帝初登大寶。膽怯心寒。前日遣趙良嗣來議和。就講歲

幣二百萬之外新增百萬。尊咱家爲伯。彼家爲姪。但求退兵。咱對他說。京城破在頃刻。咱以少帝之故。斂兵不攻。欲存趙氏宗社耳。今若議和。歲幣不要說起。當輸犒師之物。金五百萬兩。銀三千萬兩。牛馬萬頭。表段五萬疋。以宰相親王爲質。送大軍過河。一一如議。咱就退兵。若還一字不依。莫怪三軍囉啤。又要王黼賊臣親詣軍前發落。趙良嗣諾諾而退。想今日一定來也。把都兒們大聲高叫。着宋國大臣速赴軍前議事。〔雜應叫介小淨扮王黼引小軍持物上〕敗國亡家且莫論。兒啼女哭不堪聞。蚤知今日多辛苦。悔不當初做好人。我王黼平日只曉得獻媚取容。那知他軍國大計。不想大金幹離不丞相提兵渡河。勢如破竹。把一個汴京城緊緊圍住。內外不通。又怪我納彼叛臣。勒要到軍前發落。我想此人比不得道君皇帝。不是好惹的。此去凶多吉少。爲此被我通同梁太尉。盜得一顆傳國璽。又將內庫黃金一百萬。白銀二百萬。前去送與他。再着些花言巧語。或且饒得我過。也不可知。全仗祖宗陰護祐。還祈天地默扶持。此間已是轅門前。你看戈戟如林。刀鎗似雪。旌旗耀日。殺氣橫天。好怕人也。且就此俯伏咱。〔俯伏介淨〕轅門外俯伏的什麼人。〔小淨〕宋國下臣王黼。死罪死罪。〔淨〕就是王黼麼。綁進來。〔雜綁進介淨〕王黼。你這賊臣。欺君誤國。恃勢殃民。把一個趙氏江

由弄得如此。你尙且違我盟誓。納我叛臣。今日天兵到來。死在旦夕。更有何辭。還來見我。〔小淨〕王黼自知罪重惡極。萬死無逃。只是尙有一言。再祈俯納。〔淨〕有言儘着你說。〔小淨〕道君皇帝出奔之時。事出倥傯。遺下傳國璽一顆。乃歷代受命符璽。卻是王黼收得。今特將來獻上丞相。以爲受命混一之兆。再有王黼向贖家私。黃金一百萬兩。白金二百萬兩。以爲犒賞三軍之資。總在轅門。未敢擅入。〔淨〕京城破日。這些玉璽金銀。怕不是咱家的。誰要你來先獻。不過是逃死的奸計。〔小淨〕丞相要殺王黼。正如孤豚腐鼠。一刀斧手之事耳。但若丞相留得王黼狗命。待王黼回去。主張宋家事體。凡丞相所須。何不如意。丞相請自三思。〔淨背〕到也說得有理。這樣人殺他也沒用。〔對〕放了綁。玉璽金銀。傳令收進。〔小淨〕謝起復跪〔淨〕且起來。把城中光景說一遍。〔小淨〕

〔瑣寒窗〕汴京城富貴難言。千里春風奏管絃。奈君臣苟且偷樂流年。豈意大兵弔伐。長驅席捲。今日呵。只落得鳥啼花怨。〔合〕堪憐。析骸易子。哭聲喧。繁華一旦都捐。〔淨〕宮殿不會動麼。〔小淨〕

〔前腔〕蕊珠宮已作飛烟。雲篆天書迹邈然。更宣和離黍。夜月空懸。奎章閣畔。

盛集烏鳶絳霄宮徧生苔蘚。〔合前淨〕良嶽無恙麼。〔小淨〕

〔前腔〕良嶽在御宅東偏。別是神仙一洞天。有卿雲列岫龍躍諸軒。奇花異石。海輪陸輦。到今來樹頭巢燕。〔合前淨〕我聞汴京城富貴。欲來看賞元宵。依你說來。這等蕭條

景象。就打破也是空城。要他何用。〔小淨〕要這空城。委實沒用。王黼到有一計在此。〔淨〕你就說

〔小淨〕丞相只頼兵城下。聲言攻打把城中玉帛子女。盡行括取。然後勒要二帝親赴軍前議和。那時挾之而往。則中原之土地。丞相之土地。中原之人民。丞相之人民矣。又何求而不得哉。若只留戀空城。寬假二帝。竊恐勤王兵集。天下事未可知矣。丞相聽稟。

〔前腔〕汴京城王氣蕭然。萬戶淒涼盡倒懸。不見門生荆棘突少炊烟。驢遊禁掖。狐登寶殿。臻蓬蓬歌聲淒怨。丞相你但聲言增還歲幣便師旋。要主人翁親赴軍前。〔淨〕好計好計。元來你是個知趣的人。一向怪差了。太傅。我也有句話對你講。我大軍凡到

之處。齟齬不留。你城中也住不穩。你原是祥符人。今番進城。速速把家貲整理。回到家去。待我剋城之後。逶迤而南。取你來軍前聽用。你是有恩與我的。少不得還你個大大官做。〔小淨拜謝〕多謝丞

相指迷。〔淨〕還有一事。聞得你家女妓最多。快選上好的送幾百名到軍前消遣。〔小淨背〕前日正受了謝素秋那婆娘的氣。如今把他送來。出這口氣。〔對〕有個妓女。名喚做謝素秋。歌舞絕倫。待王黼回去。就送他一班兒到軍前聽用。王黼就此告回了。〔淨〕請回罷。

箭入昭陽殿。

笳吟細柳營。

內人紅袖泣。

王子白衣行。

第八齣 脫禁

〔月雲高〕〔旦上〕霧昏塵暗。世事多傷感。鎮日愁雲結。徹夜妖星撼。王黼王黼。你把我坐守行監。磔可可忒漁濫。〔內作喊介〕忽聽得軍聲喊。逗落了佳人膽。咳。不要說奴家。就是官家。這時候呵。也躑躅荒郊沒掂二。翠輦空山飽瘴嵐。我生之初尙無爲。我生之後宋祚衰。狼烟四起兮沸鼓。鋒鏑成林兮盛旌旗。人民塗炭兮城郭非。孤身淪落兮紅顏墜。山可平兮海可竭。妾怨苦兮無窮期。奴家謝素秋。自被王黼囚禁在此。不意金兵壓境。京城危在旦夕。咳。一個金甌無缺的天下。被兩三個賊臣弄得至此。王黼連日被金兵押在軍前。我欲待竟

自回去。一來恐怕他追趕。二來城門緊閉。便要回去。也無計出城。只得且在此等個機會而行。花婆今蚤出去打聽消息。待他回來。與他計議。前日趙伯疇約我相會。又是月餘。這等亂離。多應會試不成。不知還在京城否。又不知後日得會面否。好愁悶人也。

〔前腔〕綠愁紅慘。薄命多迤馱。我和你會面艱如許。姻緣事如何勘。說將來才貌相堪。生察察因人陷。我被那紅顏誤。他被那青衫賺。正是兩地相思一樣擔。百歲良緣百滯淹。〔老旦上〕竈突已炎上。燕雀猶未知。素娘在那裏。素娘。你還不知。〔旦〕花婆。

爲甚這等慌張。〔老旦〕

〔不是路〕虜勢難支。故國飄零事已非。你看軍聲沸。汴京破在須臾矣。〔旦〕官家如何。〔老旦〕道君的。東奔建業多狼狽。結綺臨春萬戶灰。〔旦〕你老爺到軍前如何。

〔老旦〕老婢到把要緊說話忘了。老爺到彼呵。魂驚悸。軍前勒取謳歌妓。聞得首名是你。首名是你。〔旦慌哭介〕

〔前腔〕聽說驚疑。我本是月戶雲窗嬌媚姿。身柔脆。豈堪嫁作豺狼配。淚交頤。

今朝寶瑟拋珠袂。明日金鎗臥鐵衣。悲笳裏。聲聲斷送朱顏頓。定做異鄉冤鬼。異鄉冤鬼。花婆事已危迫。萬望你定一計救我則個。(老旦)素娘。老婢一向要對你說些衷腸話。不知你心事。不好說得。老婢原不是王府裏人。向在長安城中賣花爲生。莫說王公貴戚。就是三宮六院。也都廝認。爲是朝夕送花朵到王府裏來。王丞相好意相留。不好忽然而去。只是每常看他行事。後日必有大禍。因此老婢也無心要住在此。他前日把你囚禁。我那時就有意要放你。未得其便。如今金兵壓境。他自己也顧不全。這座冰山。能消幾個風吹日炙。你我不就此時脫身。更待何時。此間府中門路。我都識熟。不怕不出。只是出門之後。投到何處去好。(旦)回家去何如。(老旦)金兵拘刷女妓。你是頭兒。若回家去。可不在此待拏。(旦)到趙伯疇家去何如。(老旦)他是什麼人。(旦)是山東解元。會試到此。(老旦)會試舉人。不過一間兩間下處。怎藏得你。老婢有個孩兒。現充守新蔡門軍士。聞得金兵專打南薰門。新蔡門賊兵卻少。我們就此出去。到孩兒家住下。尋個方便。溜出城去。自有脫身之所。事不宜遲。就此去罷。(老旦同走旦)

〔皂角兒〕慨西風橫沾淚臆。感東君殷勤周庇。千般恨憑誰訴題。總嬋娟誤人。

非細。但只見野棠春玉塵委。原上草青血化物是人非。〔合〕淒涼鼓吹。寂寞舞衣。從今後舊時堂燕。更傍誰飛。〔老旦〕

〔前腔〕百年事不勝痛悲。樂遊原霎時塵翳。勸娘行不用淒其。紅顏命自來憔悴。今日與你脫去此難還好。若還解送金虜。好一似抱琵琶彈馬上。奏胡笳穹廬帳。拋擲誰知。〔合前老旦〕且喜已到新蔡門。此處已是孩兒家裏。〔叫介內答〕不在家。在城上守把。〔老

旦〕素娘。天色晚了。城上緊急。出去不得。且待明蚤覷便而行。〔旦〕是如此。

又見秦城換物華。

豈宜重問後庭花。

于今拋擲長街裏。

莫怨東風當自嗟。

第九齣 獻妓

〔小淨便服上〕當年志氣粗豪。叱咤山岳動搖。天子視如狎友。宰相則當兒曹。豈意達虜臨境。南人日夜號咷。區區親齎金帛。前去行成討饒。那幹離不就。如閻羅天子。軍士們個個是木客山魃。被我逞着口中三寸。等閒免了頸上一刀。誰管他山河破壞。誰管他宮闕焚燒。這叫做慷他人之慨。風自

己之騷。我王黼平日氣概。天子不怕。不意見了金丞相。軟做一堆。全虧這嘴頭子說了幾句。他就道我知趣。教我速速回家。後日自有重用。又討我家歌妓。我正受了謝素秋那婆娘的氣。被我就指他的名兒報去。我如今回來。打發他們起身。收拾了家費。回祥符去。再作道理。從來狡兔營三窟。畢竟饑鷹飽一颺。來到此間。已是本府。只索進去。快喚謝素秋出來。打發他去。掌家的。在那裏。快與我喚謝素秋出來。〔內答〕謝素秋昨晚逃去了。〔小淨〕花婆那裏。〔內答〕也去了。〔小淨慌介〕罷了。罷了。怎麼好。昨日已報過他名。如今逃了。教我那裏追尋也罷。只就這些妓女中揀個俊俏的。冒做謝素秋解去。只要册子上開他做頭便了。打差官那裏。〔丑扮打差官上〕寄語當路人。莫將國事誤。可憐中華女。嫁作胡人婦。打差官磕爺頭。〔小淨〕打差官。我府中有歌妓一百二十名。爲頭的叫做謝素秋。你可造成花名文册。解送到大金幹離丞相處聽用。不可有誤。就傳上丞相爺。

〔玉山頰〕名姬全部。特遣助春風燕幕。看他籠玉笋翠袖長垂。步金蓮絳裙輕舉。是瑤臺仙侶。個個向羣玉山頭勾取。你說俺爺多多拜上丞相。盼望黃龍府。目煩盱。不能親到效區區。〔丑應背〕

〔前腔〕你掠取民間子女。教歌舞指望朝歡暮娛。誰知把傾國名姝。反做了喪家通虜。咳。衆歌妓衆歌妓。你就是銜盃舞馬。肯向凝碧池頭迴顧。〔對淨拜〕拜別恩官去。〔小淨〕你快去。不要擔誤了公事。〔丑〕敢趨趨。〔出介〕秦樓此夕夢魂迂。〔下小淨〕打差官已去。且喚掌家出來。收拾回去。掌家的那裏。〔末扮掌家上〕福兮禍所伏。禍兮福所依。試看簷頭水點滴不差移。掌家的磕爺頭。〔小淨〕掌家的你曉得麼。金人聲勢甚盛。宋室亡形已彰。我昨蒙幹離丞相美意。教我且回家去。等他剋了京城。漸至河南。便來召我重用。你如今把家貲盡數把車兒裝上。先押出新蔡門去。到陳橋驛相等。我隨後就來了。只在驛前相會同行。不可有誤。〔末〕門上緊急。倘或盤問如何。〔小淨〕說是我的車輛。誰敢攔阻。〔末〕這許多東西。那裏討得許多車子。況且小的一人。恐怕照顧不及。〔小淨〕也罷。就傳我令去新蔡門。撥三千守城軍士護送你到驛便了。〔末傳〕王丞相有令。新蔡門點三千軍士聽用。〔內應小淨〕你此去非通小可。須要小心。

〔三學士〕他那裏長勝雄兵如豹虎。況纍纍千乘輜車。〔末〕朝廷待老爺這等恩深。老爺何忍棄之而去。〔小淨〕你謾說朝中日近恩還重。我只怕陣上雲高勢卻孤。〔合〕

但願長途無嶮岨。平安去返故廬。〔末〕

〔前腔〕我想你富貴榮華誰與伍。闐然消歇無餘。從來高處須防跌。始信康莊
卽畏途。〔合前雜扮軍士四名上〕新蔡門守城軍士三千名。聽候爺發落。〔小淨〕軍士每。我打發家

人回去。着你每護送至陳橋驛。須要小心。違者軍法。〔雜應〕

莫遣黃金謾作堆。

五陵松柏使人哀。

奸邪用法元非法。

往事空成半醉來。

第十齣 出關

〔六么令〕〔老旦旦同上〕山河頓改。陣雲迷殺氣橫排。霜寒鼓死哭聲哀。衝風起
帶星來。瘦腰肢戰怯難禁害。瘦腰肢戰怯難禁害。〔旦〕花婆。天已明矣。怎麼擺佈出城

便好。〔老旦〕素娘。我家孩兒昨晚被王瀟差押家。背到陳橋驛去。門上並無一人相認。我與你只在

此等候。看有人出城。尋個計較混去。如今且不要忙。你還坐在裏頭。我去外邊打聽。若有機會。就來

報你。〔旦介同〕正是寧爲太平犬。莫作亂離人。〔暫下末同車夫軍士上〕

〔前腔〕親齎金帛。陳橋驛如隔天涯。〔內喊介末衆〕喚聲四起。晝昏霾。怎脫得這

狼豺。教人膽戰心驚駭。教人膽戰心驚駭。〔末〕已到新蔡門。喚守門軍。快開城門。〔雜叫

內應〕什麼人大膽叫門。〔末〕王丞相爺差出城的。〔內應〕既是王丞相差來的。討文引來驗。

〔末介內應〕開門。〔末軍士車夫同〕教人膽戰心驚駭。教人膽戰心驚駭。〔下小淨便服

上〕

〔前腔〕冰山已壞。悔當年作事全乖。今朝行路苦難捱。生恐怕被人猜。咳。老天老

天。只求保得微軀在。只求保得微軀在。自古道無平不陂。無往不復。我王黼受朝廷許

多厚恩。到把一個江山送了。如今蒙幹離丞相與我暗約。教我且作歸計。改日自有用處。萬萬家貲。

已着掌家的先押出城去了。我如今也趁蚤走罷。只一件。我平日害人最多。見我回家。那班人定來

算帳。卻怎麼好。〔思介〕我有個相知在雍丘縣。且到那裏去暫住幾時。再作道理。此間已是新蔡門。

不免叫門則個。掌門的官兒那裏。〔雜扮守門官上〕朝朝開玉帳。夜夜臥金鉞。譏察非常事。監門役

豈輕。掌城門指揮磕爺頭。〔小淨〕我奉密旨出城公幹。快開城門。〔雜應〕曉得。〔開介小淨作出雜

送介〕掌門指揮候送爺。〔小淨〕去罷。不消了。〔小淨下雜弔〕你看王丞相先將行李打發出城。此去定有蹊蹺。朝廷這般待他。一遇有事。就飄然而往。要那臣子何幹。我且坐在此看他可轉來。〔老旦上叫〕素娘快來。〔旦急上〕

〔前腔〕擔驚擔害。整終朝懷着鬼胎。〔見介老旦〕素娘好了。方才王黼丞相出城。我每快快趁此機會哄他出去。〔旦〕倘或盤問如何。〔老旦〕若還盤問我安排。〔見雜介〕快開門。〔雜〕你兩個婦人。那裏去的。敢來叫門。〔老旦〕我是丞相府女裙釵。方才丞相前行。我每一時走不上。遲了一步。你盤詰誰來。〔雜〕敢是冒名的。〔老旦〕誰是冒名。你難道不曉得。我花婆到處名偏大。花婆到處名偏大。〔雜〕元來是丞相府花婆。是真的了。只是你敢逃走出去的麼。〔老旦〕你敢是阻當我麼。〔叫〕老爺轉來。〔雜駭介〕請穩便。國事懸敵國。權奸狎婦人。〔下老旦〕且喜已出城門。前面都是金軍。我每還要脫這虎口。才得性命。〔旦〕呀。你看前邊無數達虜來了。且躲在一邊。等他去了再走。〔暫下雜扮達兵上〕快趕快趕。方才見許多人推着許多車子過去。說是王黼家的。必然是重貨。咱們盡去追趕。追得來時一半解與老爺。一半衆人分用。饒他走到焰摩天。脚下

騰雲須趕上。〔下旦老旦上老旦〕慚媿慚媿。這些羯奴。幾乎喪在他手。他只見前面許多車子。捨命趕去。你我不就此時脫身。更待何時。〔旦〕

〔憶多嬌〕走得我氣已衰。眼倦開。笳鼓喧鳴聲正哀。回首龍城盡草萊。〔合〕只見林薄雲埋。林薄雲埋。屈曲程途怎捱。〔老旦〕

〔前腔〕素娘。你雲鬢歪。墜玉釵。山路崎嶇褪繡鞋。欲覓居停門未開。〔合前老旦〕天色已晚。前邊有個庵院。且去投宿一宵。明日再行。

淚沿紅粉溼羅巾。

劍遂驚波玉委塵。

今日亂離俱是夢。

人生莫作婦人身。

第十一齣 錯認

〔鳳皇閣〕〔生上〕黍離宮殿。今古興亡閱遍。銀屏金屋夢魂邊。鏡匣長封嬌面。怕星移斗轉。淚溼胭脂損舊顏。玉容何處成終訣。立向西風淚流血。昨夜分明夢裏來。醒時

隱約寒燈滅。自從謝素秋被王輔拘留之後。小生日日去探問。並無消息。豈意胡虜犯關。京城危若

疊卵。上皇東幸。新帝草草卽位。二三奸臣。還在左右。眼見得社稷丘墟。趙氏不血食矣。咳可歎可歎。前日有旨。朝覲官免朝。盡行復職。會試的亦許暫往鄰郡逃避。事平再來。錢兄已赴雍丘任去了。他去時曾與小生有約。且到彼暫避。只爲謝素秋。未得便往。好歹今日再去尋訪一番。若得個下落。也不枉了許多懸想。〔走介〕你看九廟灰飛。萬家烟滅。銅駝偏生荆棘。石馬埋沒蒿萊。別院秋深黃葉墜。寢園春盡碧苔封。好生傷感人也。

〔獅子序〕陵谷變。朝市遷。痛宮車碾破關山野烟。更深宮寂寞。晝漏空懸。若論廢興的旋轉。祇教人怨野鹿。恨宮鶯。妒飛鳶。夢迷春苑。只聽得萬年枝上。日暮啼鴉。此間已是王黼府前。怎麼沒有一人在此。不免問聲。〔問〕借問聲。王丞相可在府中。〔內應〕不在府。軍中去了。〔生〕

〔太平歌〕只見重門閉。草色連。鳥雀聲從花外囀。〔又問〕再借問聲。有個教坊妓女謝素秋在府。可曾放出去了。〔內〕不曉得。〔生〕唐環不見沈香遠。漢宮難睹昭陽燕。卻似廣寒宮裏去覓嬋娟。會面杳無緣。此處杳無尋覓。不免再到他家去。〔走介〕

〔賞宮花〕歌樓在那偏。新愁眼欲穿。此間已是他家。寂無一人。定然不曾回了。客館輪蹄絕。繡閣網蟲沿。昔日酒旗歌板地。今朝誰是勾花仙。兩處都沒有個消息。只得且回到下處。明日打點回去則個。〔丑扮差官上〕歌殘翡翠簾前月。醉倒巫陽夢裏雲。豈料中原窈窕女。穹廡深處結良姻。自家王丞相府差官。押送歌妓到軍前去。透迤行來。已是南薰門了。〔朝內介〕衆車夫。好好把車子一溜兒擺着。不要攙前落後。〔內應介生〕前面那官兒說是王丞相差的。不免上前去問聲。或且得個信兒。也不可知。〔相見介生〕尊官拜揖。尊官是何衙門。今欲何往。〔丑〕在下是王丞相府打差官。奉俺丞相爺鈞旨。着送歌妓到幹離丞相軍前去。〔生駭介背〕好古怪。解送歌妓。莫不素秋也在裏頭。〔對〕請問尊官。歌妓有多少名數。可有一個謝素秋在內。〔丑〕頭名就是他。〔生悲介〕咳。老天。老天。罷了。謝素秋。你今番石沈海底。永無見面之期矣。〔丑〕我且問你。他是相府中的人。你怎麼就曉得他的名兒。〔生悲〕

〔降黃龍〕堪憐我與他是中表姻聯。自幼相從。意投情眷。尊官莫哄小生。真個有謝素秋沒有。〔丑〕爲甚哄你。這不是花名冊子。你自看。〔生看念〕歌舞妓女一百二十名。第一名謝素

秋〔生悲〕似羸瓶斷綆。墜深深井底。再出何年。尊官後邊那些車子都是歌妓在內麼。
〔丑〕正是〔生揖〕尊前望行方便。〔丑〕你要怎麼。〔生〕小生欲與謝素秋說一句話。但相容
近車兒一面死也誰怨。〔丑〕你這人莫不風癲。俺這是軍情事。好當要的。〔生〕我管什麼軍
情事。〔生近車丑阻〕車夫。快快推車兒出城去。快走起。快走起。〔推車上走一遭〕相逢不下馬。各自
奔前程。〔丑同雜下生弔〕縱然有一腔心事。對面難宣。

〔大聖樂〕素秋素秋。你似明君遠嫁祁連。抱琵琶馬上眠。明明在他一輛車中。要說句
話也不能。素秋。我與你這等無緣。似黃昏門掩梨花院。人不見。月空懸。他那裏載將
愁悶征車上。我這裏拾得淒涼逝水前。此夜更長漏永。怕沒箇千番腸斷。萬遍
魂牽。

千山萬水玉人遙。

銅雀春深鎖二喬。

幾處吹笳明月夜。

卻教江漢客魂消。

第十二齣 投雍

〔滿庭芳〕〔旦上〕帝里繁華。長安人物。妝成宣政風流。綠窗朱戶。十里爛銀鈎。

〔老旦上接〕一旦刀兵齊舉。旌旗擁百萬貔貅。〔合〕長驅入歌臺舞榭。風捲落

花愁。〔旦〕一朝鞞鼓揭天來。百二山河當地灰。〔老旦〕驛館夜驚塵土夢。繁華猶自故鄉回。〔旦〕

花婆。感得你恩山義海。脫離我虎窟龍潭。如今幸得軍聲漸遠。只是奴家途路生疎。不知還投那條

路去好。〔老旦〕素娘。這等亂離世界。惟有全生要緊。若還到衝要去處。恐怕安身不穩。老婢原是雍

丘人氏。彼中親戚甚多。況且僻靜。兵燹一時不到。就走這條路何如。〔旦〕但憑花婆指引。〔老旦〕既

如此。請這邊投南去。〔旦〕

〔傾杯玉芙蓉〕抵多少烟花三月下揚州。故國休回首。爲甚的別了香閨。辭了

瑤臺。冷了琵琶。斷了篴篥。〔老旦〕怎禁得笳蘆塞北千軍奏。怕見那烽火城西

百尺樓。〔合〕似青青柳。飄零在路頭。問長條畢竟屬誰收。〔老旦〕素娘。似你這般風

流瀟灑。如花似玉。向在風塵。知心有幾。〔旦〕

〔破地錦〕笑悠悠。若個是知心友。花婆。門戶中道路有甚好處。恩變做讎。但相逢便

與兩字綢繆。多少鸞凰。誰是睢鳩。鬼狐尤錯認做親骨肉。素娘。每常見你懷着一幅紙。像有詩兒在上。是誰贈的。這般珍重。〔旦〕是濟南趙解元贈我的詩。帶得在此。花婆請看。此人才是我相知。可惜不曾見面。〔老旦〕可又是作怪。不要作耍老婢。那裏有不見面的相知。〔旦〕花婆。誰作耍你。卻有箇緣故。那趙解元是山東才子。奴家也教坊有名。故此人人說道。男中趙伯疇。女中謝素秋。天下無雙。人間希有。兩邊思慕。實也多時。他前日到京會試。兩番相訪。止因公事。未曾見面。這是他贈我的詩。不想值此大難。兩邊不知下落。又不知後日得見面否。〔老旦〕元來就是趙解元。前日來參見丞相。老婢也認得。果然好人物。果然是素娘對頭。人言定然不差。〔旦〕怎麼一個模樣。就說一說。〔老旦〕

〔古輪臺〕我見他態夷猶。綠袍新染翠雲流。雙眸炯炯星光溜。是風流領袖。況詩句清新。包籠着許多機勾。〔旦接〕本是織女牽牛。誰料做參辰卯酉。恨無端羯虜拆鸞儔。〔老旦〕似這般風儂雨慳。到有個天長地久。更才子多情。佳人留意。人間傳語。三事豈人由。俱輻輳。管教百歲詠河洲。素娘。此間已是雍丘縣界上。尋一

處僻靜人家。過了今夜。明日入城何如。〔旦〕是如此。

〔尾〕離鄉背井多出醜。今夜情魂不住陡。錯把雍丘做帝丘。

漁陽烽火照函關。

漂泊西南天地間。

妾夢不離江水上。

人傳郎在鳳皇山。

第十三齣 憶友

〔高陽臺〕〔外上〕太液波翻。瀛洲島削。乾坤磨蝎重關。神州腥穢。天河淨洗何

日。〔貼旦上接〕孤嫠謾恤機中緯。媿填海無能銜石。〔合〕夫和婦楚囚相對。血淚

滿襟臆。〔外〕海門寒日澹無輝。良嶽焚樓塵亂飛。〔貼〕不道帳前胡旋舞。有人行酒着青衣。〔相

見介外〕下官雍丘令錢濟之是也。夫人。下官入覲之時。四海偃然無事。到京以後。九廟遽爾陵夷。

實宇宙之大變。亦我生之不振。〔貼〕相公。你雖居下僚。卻有民社。聞得胡奴破京而後。便欲乘勢南

下。恐有奸細。潛入境中。城門盤詰。不可不嚴。〔外〕夫人之言有理。下官已曾分付各門。固守出入。盤

詰去了。〔貼〕請問相公。宋家天下。何以遂至不保。〔外〕

〔金井水紅花〕國是賢奸混。天心興廢移。胡馬度金微。擾京畿。中原鼎沸。痛恨

王黼梁師成這一班奸臣呵。致使翠華東幸。躑躅向江湄。空望斷漢官儀也囉。〔貼〕

山河百二。一朝頓非。輪轂三千。難道寸籌莫出。好一似漁陽鞀鼓。霓裳釀胚。好

一似馬嵬旌旆。淋鈴雨催。眼前一瞬。千古興亡異。〔外〕夫人。下官有個至友趙伯疇。原

是山東解元。在京曾與同寓。約日下到此暫住。以待京城消息。不知兩日爲甚絕無消耗。時刻放心

不下。〔貼〕干戈洶湧。道里阻隔。未必便有他故。相公何必挂懷。〔外〕夫人。下官與趙伯疇呵。

〔前腔〕有月曾同賞。無秋不共悲。攜手又何時。況事參差。帶甲滿地。〔貼〕只恐

登樓作賦。裘敝謾無依。〔外〕聽何處鳥嚶嚶也囉。〔貼〕就使裁書錦鯉。抒情隴

梅。又恐道路縱橫。竟作石城漂溺。〔外〕我這裏西風獨倚。殘月夢迴。他那裏夕

陽揮淚。愁雲慘飛。神交千里。料想心符契。〔末扮報事官上〕戍鼓斷人行。何時見息兵。可

憐異鄉客。挈伴徙孤城。自家雍丘縣守城官張千戶是也。有事欲稟錢爺。奈已退堂。只得擊鼓進見。

〔內擊鼓外〕外邊擊鼓。夫人且迴避。〔貼下外〕擊鼓的報甚事來。〔末〕小官奉爺鈞命。把守城門。凡

有出入。盡行仔細盤詰。不敢容情。今有各處逃避來的。盡說爺臺仁政。本縣簡僻。不遠千里。特來投托。男子婦女。約有幾千。未奉鈞旨。不敢開門放入。〔外〕你與我問明來歷。要見何方人氏。作何生理。男子婦女。各造一冊。開寫花名。呈遞過來。另自有處。〔末〕冊子小官已造得在此。〔遞介收介〕老爺可憐見。這些逃亡百姓呵。

〔解二醒〕男和女攜羣挈隊。苦殘形半帶瘡痕。有多少夫妻半路相拋棄。更有兄尋妹父覓兒。城頭日暮悲聲起。鬼燐終宵奪月輝。望乞垂仁庇。令投生地免飼狐狸。〔外〕

〔前腔〕痛戎馬四郊多壘。致赤子在在離披。從來保障須仁吏。豈忍見就死溝渠。自慚不是睢陽守。敢坐視蒼生立槁時。你與我速拯濟。開門延入。不用趨趨。

天色已晚。速傳令去。凡一應逃難百姓。盡行放入。卻也要小心。恐有奸細。〔末〕得令。一言傾太岳。萬姓起重泉。〔下外弔〕且把冊子細查一遍。恐有來歷不明的。〔看介〕一名王將明。祥符人。好怪。將明是王黼表字。又是祥符。明明是他。到這裏做甚。噯。是了。他既已賣國。又將竄身。不斬此賊。何以謝天。

下。誅之又恐得罪朝廷。如何是好。

〔前腔〕他是千載狐綏綏九尾。兩頭虺見者多危。唐家林甫吳伯詔傾社稷覆宮闈。當年兩觀誅難緩。此日羣黎怨不知。好把龍泉礪。看白虹貫日。斗氣低垂。再看婦女册子。一口謝素秋。京城教坊妓。〔笑介〕這謝素秋正是我趙伯疇所喜。也來到此。伯疇若至。卻也好了此良緣。

〔前腔〕他兩下情投意施。奈阻隔會面偏希。豈意縵山已跨青鸞背。問子晉幾時歸。若還得遂當時願。始信良緣會有期。好把赤繩繫。只恐無情紅葉。逐水東之。此二事且待日後另有處。

山河萬里竟分支。

莫向中原歎黍離。

往事重觀如敗局。

水光山色不勝悲。

第十四齣 路敘

〔喜遷鸞〕〔生上〕新豐酒醒。正漁笛橫吹。客氈猶冷。鴈塔虛題。鴛衾獨抱。空勞

夢怯魂驚。故國秋風。槭槭野店寒燈。耿耿凝盼處。雍丘雲樹。馬首遙橫。斷絲棄道邊。何日綠長松。墮羽別炎洲。不復巢梧桐。昔有盧莫愁。綽約商玲瓏。京華多少年。門外嘶青驄。時多困轉軻。白璧淪泥中。跨馬從驕虜。掩袂泣西風。願如青塚月。年年照漢宮。小生會試到京。不意遭此亂離。春闈不舉。功名一事。甚覺茫茫。就是謝素秋。不過一妓女。要見一面。亦不可得。如今送與金人。竟成隔世之恨。咳。幾時紅葉傳芳信。那得朱衣暗點頭。這也不須說起。我想趙氏宗廟。已踰百年。金人一至。勢如壓卵。王黼兀自獻計于幹離。不欲邀二帝親詣金軍。挾之以索重賄。國家高官重祿。都養了這樣人。天下事可知矣。可歎可歎。前日錢孟博赴任之時。曾約到他治所。一來可以避難。二來去京不遠。信息易通。作日已被我賺出城來。且喜軍聲漸遠。不免取雍丘道上。躡行前去。〔走介〕

〔鴈魚錦〕天津桃李春正明。奈天驕一夕傳邊警。鳳輦向氈裘親繫頸。誰知單壘就我愁城。縱千軍誰敵得心兵。佳人殫虜庭。空落得賺人的詩句爲盟證。若妄想見玉容。除是魂夢境。孤零合受伶俜。便青衫颯沓。還指望紅絲定。空亡守命。一霎兒俏花神。變做窮災。恨胡虜笳拍亂鳴。恨奸賊徵歌請盟。恨國是渭

爲涇三般恨。這百年眷豈望能成。難憑。這漂零異情。他那裏泣青山。投毳帳。做了他鄉鬼。我這裏捱白日。掩鸞幃。博得個癡漢名。堪驚。南北瓜分。怎如那秋鴻春燕飛翰勁。耐可當時。無絲見面。但睹嬌姿。今若爲情。書齋夜冷。三更夢覺。只索把枕頭來整整。似這般虛脾動染相思病。何似人言莫浪稱。玉關一去已成桃梗。心知道無由會面。豈再圖歡慶。但誰無志誠。他新詩贈投。言言皆動情。怎不挂腸割肚難丟捨。況孤身遠投陷穽。惺惺自惜惺惺。堪笑我胸中徒有三千卷。筆下曾無百萬兵。謾悲哽。這孤蹤似風中斷箏。漢將日徵兵。有誰人問及鉛槧經生。難歇脚蠅蝸利名。沒轉頭鳳鸞形影。途次總閒評。正是江淹彩筆題空恨。宋玉招魂賦不成。

千里青雲未致身。

五千貂錦喪胡塵。

惟應鮑叔偏憐我。

一盞寒燈共故人。

第十五齣 訴衷

〔生查子〕〔外上〕客淚墮清筋。爲國憂偏大。知己遠投筭。心事方撐達。下官錢濟之。自從復任以來。且喜境內寧靜。戎馬無侵。只爲趙伯疇未知下落。日日懸念。今早見城門報單。有個濟南趙解元。喜之不勝。事冗尙未延接。前日謝素秋來逃難。次日喚來看看。果然好個女子。不枉我伯疇這般致念。才子佳人。實是良偶。兩下不期都來。可不是天作之合。我意欲了此一段姻緣。就喚素秋進衙。他有同來一個老嫗。名曰花婆。下官令夫人同他兩個另住西衙。只有兩件事難處。一來謝素秋是妓女。風塵心性。未知肯隨窮秀才否。二來趙伯疇心性顛狂。未見時尙且時刻挂念。一見之後。定然迷戀。怎肯把功名着緊。今日且教夫人細問素秋一番。若真個有伯疇的心。那時另自有處。夫人在那裏。〔貼上〕

〔前腔〕官舍絕喧嘩。繡閣薰蘭麝。暮靄照窗紗。樓上晚妝罷。〔相見介外〕夫人。前日教你看謝素秋行動。果是如何。可做得個良家之婦。〔貼〕相公。這妮子到也有些好處。丰姿俊雅。可方洛女湘妃。德性溫純。不減少君德耀。絕無綺羅粉黛之態。豈是尋常庸碌之妻。〔外〕夫人。我對你說。山東趙伯疇是天下才子。謝素秋亦天下美人。所以人言把他兩個並說。兩人也各相思慕。然未

見面。今因避難。都來到此。我意欲與他了此一段姻緣。未知素秋心事若何。又不好親自問得。你差
丫鬟喚他過來。盤問一番。我只在裏頭潛聽。看他如何回你。〔貼〕奴家知道了。〔外〕才子佳人遇本
艱。兩邊衫袖淚痕斑。〔下貼弔〕懸知玉洞桃千樹。不是仙郎不與攀。梅香。西衙請花婆謝素秋講話。
〔內應旦上〕

〔前腔〕飄泊類楊花。閒殺銀箏馬。〔老旦上接〕魂夢遶天涯。簷鐵驚初打。素娘。夫人
相喚。和你過去相見。〔見介各道磕頭貼〕今日衙齋無事。特請你兩人過來閒講。〔旦老旦〕正該陪
侍夫人。〔貼〕素秋。你本是風月隊裏班頭。花柳叢中領袖。今來栖身在此。恐打熬不過這般冷淡。
〔旦〕夫人說那裏話。妾雖名在烟花。心同冰蘖。瑤簪翠鈿。何如裙布釵荆。蕙質蘭襟。寧惹遊絲飛絮。
但以命遭顛沛。忽值兇徒。肢體苟完。心膽都喪。拘囚永巷。魂飛夜雨窮簷。躑躅荒郊。腸斷秋風古道。
已分膏塗野草。飼肉于烏鳶。血染沙場。委身于犬豕。詎意命延一綫。恩有二天。雖落花無主。整爾隨
風。而貞柏凌冬。不妨傲雪。夫人聽稟。

〔繡帶兒〕烟霞性自矜幽雅。風塵厭殺繁華。〔貼〕呀。你是門戶中人。怎好厭得繁華。〔旦〕

休題起窈子弟勾欄。亦何心賣笑耍琵琶。〔貼〕你小小年紀就想從良。敢是說差了。〔旦〕非差。錦窩中多少閒驚怕。獻風情猶如嚼蠟。〔貼〕你這笙歌隊。少甚鸞屏鳳榻。怎肯守梅花紙帳清寡。〔老旦〕

〔前腔〕休訝。他怎敢向夫人行亂囉。記當日在路次閒話。〔貼〕他途中曾對你說甚來。〔老旦〕他說道怪的是熱鬧喧譁。喜的是清淨瀟灑。他還有句心上話兒對老婢子說哩。〔貼〕怎麼樣心話。你就說說。〔老旦〕非誇。佳人才子名並亞。鳳求凰已心通。司馬。〔貼〕司馬是誰。〔老旦〕欲說且搖手。介。〔旦〕長途裏無端問答。若對夫人說呵。可不羞殺人。空做話靶。〔貼〕

〔太師引〕這事兒豈由得他人話。好姻緣怎同蠟祖。素秋。這人兒我到也猜得有幾分。

〔老旦〕夫人那裏就猜得着。〔貼〕他種得廣寒仙桂。你栽成閬苑奇葩。〔老旦笑〕夫人到好話。只說一個他。一個你。不說出姓名來。可不道他是何人。你是誰。〔貼〕花婆。我對你講。定然不到差。〔低〕他是青齊俊少名四達。敢與那人兒有些緣法。〔老旦〕着。夫人猜得着。那

人兒就是山東趙解元。想的也是他。要嫁的也是他。〔旦〕你這撮合口胡言亂喳。〔背低〕天那。歎人民非舊。知他在何處彈鋏。〔老旦〕素娘心事。果然如此。只是夫人何以知之。〔貼〕趙解元與我相公至友。在京時又與同寓。是以盡知。素秋。你把一向往來蹤跡說一遍。〔旦〕

〔前腔〕那解元風雅連城價。譜鴛鴦無端鞦韆。盡道是連珠合璧。卻無由尊酒杯茶。〔貼〕這等說來。還不曾會面的。〔老旦〕早是不曾會面。若曾相識。這時候可不想殺了。〔貼〕不會見面。爲甚這等着緊。〔旦〕人之相知。貴相知心。那在見面。相思只爲詩一札。這情意豈容干罷。〔老旦〕夫人。解元既是相公好友。何不移書去教來下榻。使襄王神女蚤會巫峽。〔外上〕偶語風前一笑深。月中人許報佳音。着意種花花不發。等閒插柳柳成陰。〔相見介外〕謝素秋。你的言語。我都聽見。心事亦已盡知。假若趙伯疇在此。你肯伏侍他麼。〔旦〕賤妾願終身事之。萬無他變。〔外〕素秋。我面前着不得假話。後日不要懊悔。

〔三換頭〕你是天生俊娃。自幼在平康逗耍。他是窮酸措大。你怎熬得雲寒月寡。花婆過來。〔老旦介外〕生恐怕先真後假。這其間怎發付那壁廂情懽意洽。〔老旦〕

老婢曉得爺的意思。〔對旦〕素娘。這婚姻老爺作主。就是官法了。既是有意攀堤柳。休別把春情寄落花。〔旦接〕但願百歲相依。肯負今朝葛與瓜。〔貼〕

〔東甌令〕相公。我聽他一番話。意甚嘉。料想他們也非是假。他準備着百年姻眷花燭下。肯再逐楊花嫁。〔旦拜〕若還得遂美生涯。這恩德天來大。〔外〕夫人。他的志願如此。可敬可喜。素秋。趙解元向有一詩贈你。今還在否。〔旦〕怎敢忘失。

〔秋夜月〕我着肉籠擎。外纏裏絞綃帕。〔出詩介〕淚點重重湮花筍。〔外接看〕果是他的詞翰。當年秀色猶堪把。〔旦接〕詩句兒在這答。〔淚介〕知他流落在那答。〔外〕詩稿你且收好。你要見趙解元也不難。只有句話兒。卻要依我。趙解元十分注意你。這親事不怕不成。則怕既成之後。便不上緊功名。趙解元昨日已來在此。你如今再不要說是謝素秋。我衙門西側有所空閒花園。你明日先到那邊住下。隨後就送趙解元來。你只說是園主之女。打扮做好人家模樣。與他顧盼綢繆。直待他功成名就。方才說出。我自緣故。你兩下再不可洩漏我的言語。若有洩漏。親事決不得成。〔旦老旦〕謹領老爺嚴命。〔外〕夫人。你看他

〔金蓮子〕鬢掩霞粉脂黛綠多嬌姹。〔貼〕怕不似好人。人家女娃。〔老旦〕素娘。便卸
下玉鸞釵。一雙雙飛卻鬢邊鴉。〔外〕

〔尾〕喬打扮身兒詐。這些時且裝聾做啞。是必莫把這春心漏與他。

網得西施贈別人。

煙霞不似往年春。

常疑好事皆虛事。

秋草春風老此身。

〔外〕素秋。明日可就到園中去。花婆且留在衙裏。另有用處。〔老旦〕待老婢子送了素娘去就來。
〔外〕使得。

第十六齣 托寄

〔步步嬌〕〔生上〕跋涉長途身勞怯。悶殺孤單客。好事反成嗟。萬斛離愁。幾時

寧帖。酒香風冷月初斜。助人愁窗外迎風鐵。好花攜入玉闌干。春色無緣得再看。樂處豈

知愁處苦。去時雖易轉時難。何年塞上重歸馬。此夜庭中獨舞鸞。曠野荒原成獨步。可憐辜負月團

圓。小生自離京師。來赴錢孟博之約。道路艱阻。辛苦萬狀。且喜已到雍丘。兩日去拜他。只因軍事倥

德。尙未得面。今日不免再去。正是行止皆無地。招尋獨有君。論文今夜雨。尊酒異時親。此間已是衙門前了。門上報去。濟南趙解元相訪。〔外上〕

〔前腔〕知己天涯多周折。夢斷梁間月。驚聞長者車。紫氣西關。紅塵北闕。一尊牢落暮雲心。看雄譚四座驚玉屑。〔相見介外〕伯疇兄那裏。呀。伯疇兄。想得小弟苦也。且喜別來無恙。〔生〕孟博兄。湖山如故。風景不殊。小弟亦幸安穩。但時移事改。不勝黍離之悲耳。〔外〕伯疇。且把別後京城光景。與吾兄所見所聞。細細說與小弟知道。〔生〕

〔忒忒令〕汴京城天驕氣賒。趙世廟犬羊蹂躪。〔外〕四方有勤王的麼。〔生〕聊城一箭。又誰人能射。〔外〕大內如何。〔生〕痛只痛毀宮牆。〔外〕二帝若何。〔生〕走鸞輿。〔外〕聞得又增了歲幣。〔生〕增金幣。把天常掃蔑。〔外〕

〔沈醉東風〕念懷愍青衣可嗟。使義士赤心徒熱。聖上聖上。只爲你用奸邪。把忠良棄撇。等閒間使冠裳碎裂。伯疇。二帝爲何卻幸金軍。〔生〕這都是王黼獻彼奸計。使金人邀二帝議和。挾之以索重賄。他又暗與金人相約。先自逃歸。待剋城之後。往彼聽用。這等奸賊。不斬之

何以謝天下。但不知如今潛躲何處。〔外〕伯疇。你道這賊子在那裏。他正逃在敵治。小弟已着地方拘留住了。只恐得罪朝廷。尙未屠戮。〔生〕咳。孟博。他意似虺蛇。毒似螫蝎。上方劍請爲君蚤決。孟博。這等奸賊。猶豫不斬。兄何兒女情多也。〔外〕足見吾兄義忿。小弟欲俟便耳。方才所言。都是朝廷大事。請問吾兄。如今不想謝素秋了麼。在京可曾相會否。所見如何所聞。〔生〕不說起謝素秋猶可。說起不覺令人可傷。〔外駭〕卻爲何來。〔生悲〕

〔園林好〕痛嬌娥遠辭鳳闕。逐胡奴輕投虎穴。〔外〕他爲甚陷身胡虜。〔生〕說起來又是王黼那賊臣。金人勒索歌妓。他竟把謝素秋解去。這時候呵。走萬里金蓮。一捻裙帶怯。

玉關雪珮。聲斷戍樓月。〔外〕有這等事。這話果真否。還該再到他家去訪問。才知的實。〔生〕

〔江兒水〕曾向天台路。言尋雲母車。〔外〕那時亦何所見。〔生〕只見冷淒淒門掩瓊琅掣。靜悄悄雲散秦笙徹。昏慘慘天際穿窗月。痛煞煞生離死別。誰知道八句新詩。翻做了陽關三疊。〔外〕謝素秋不在家中。必有下落。那曉得解往金軍。〔生〕

〔尹令〕那時街坊亂說。閃得我意兒癡呆。望得我眼中流血。〔外〕街坊怎麼說。〔生〕

說可惜嬌姿萬里從軍徒嗟咽〔外〕伯疇你也只聽得人言如此怕不會親見〔生〕怎麼不會見。

〔品令〕那日呵。荒荒遍尋。卻遇在城堞。〔外〕甚麼所在。〔生〕在南薰門傍。排遍七香

車。〔外〕這些車子什麼人在內。卻投那裏去的。〔生〕都是歌喉舞袖。前去投胡羯。〔外〕那曉

得素秋也在裏頭。〔生〕我親將册看。一把花名開寫。我那素秋呵。他是妓女班頭。

管領晨風與夜月。〔外〕既在車中。曾見一面麼。〔生〕

〔川撥棹〕情悽切。對面間做了胡與越。眼睜睜望斷車轍。眼睜睜望斷車轍。要相親只爭步兒差迭。麝蘭香漸漸滅。環珮聲隱隱絕。〔外笑〕就不曾見面。車兒旁難道

話也不會講句。〔生〕

〔嘉慶子〕兩邊心事千萬結。奈對面難親話怎說。更軍卒將車推扯。空望斷繡簾遮。凝盼處晚山斜。〔外〕真個可惜埋沒了。〔生〕

〔尾〕有緣比對多嬌姐。無緣永別何處也。除非是夢裏相逢與你廝搵歇。小弟

告辭了。〔外〕辭了小弟。往那裏去。〔生〕殺王黼去。〔外笑〕伯疇。又來作耍。你是書生。幹得這事。小弟有個武士。等他來時。就好下手。本該留兄在衙。只是房子窄狹。衙西有所空園。極是幽靜。兄去暫住。正好讀書。薪水之費。小弟送來。〔生〕小弟在衙內也出入不便。如此恰好。

〔生〕亂離無處不傷情。

〔外〕高館張燈酒復清。

〔外〕今夜月明酒醒處。

〔生〕此中多恨恨難平。

第十七齣 潛窺

〔霜天曉角〕〔旦上〕雙眉暗鎖。心事誰知我。舊恨而今較可。新愁去後如何。〔老

旦上〕

〔前腔〕園亭芳草多。不見王孫過。澹月纔臨青瑣。輕風暗動紅羅。素娘。好一派月色也。看你香肩半繹。金釵卸。寂寂重門鎖。深夜。素魄初離碧海壖。清光已透珠簾罅。〔旦〕徘徊不語。倚闌干。參橫斗落。風露寒。金蓮移步嫌苔溼。猶過薔薇架後看。〔老旦〕素娘恭喜。趙解元姻事。老爺作主。定然成就了。解元已在此半月有餘。他臥房就在前邊。你會瞧見他不曾。〔旦〕花婆。雖是老爺

主婚。我心上還不要輕與他相見。〔老旦〕好好。素娘。你丟下一包乾棗兒。倒教老婢子賣查梨。我今番猜着你了。你則道這姻事雖則老爺十分着緊。還未知趙解元心事如何。故此連日躊躇。不肯輕與廝見。〔旦〕實是如此。〔老旦〕讀書人最是無情。怪不得你料量他。只是趙解元恐不是這樣人。老婢向日曾見來。

〔小桃紅〕他臉兒旖旎性兒和。料不放情兒薄也。怎肯做青樓中沒查沒利。謊儂。他若見了你嬌娥。直教他蚤忘餐食無多。夜廢寢眠難合也。怎做得陸賈隋何。〔旦〕這事還仗花婆做美。〔老旦〕天成就美前程。何須用賣花婆。〔旦〕

〔下山虎〕則怕他指山賣磨。見雀張羅。滿口兒如蜜鉢。心同逝波。那其間有始無終。難開怎合。生察察將雙頭花蕊搓。認我做賠錢貨。把疼熱夫妻向腦後。賤進退難存坐。惹人笑呵。這的是引得狼來屋裏窩。〔老旦〕依老婢說起來。趙解元決不是這樣人。若還放心不下。今夜月明如晝。我與你親到他臥房那廂去。試探動靜何如。〔旦〕這到好。就此同行。〔老旦〕素娘。你看好明月也。

〔五般宜〕我愛你到黃昏光搖碧蘿。我怪你挂青天冷侵素娥。素娘。你仔細些行走。身上不冷麼。則恐怕露溼漬纖羅。則恐怕樹影參差攪鬆髻螺。〔旦接〕則這些曲徑嵯峨。一似我遭逢軼軻。但只慮甜話兒落空。虛名兒擔誤我。〔老旦〕此間已是他書房。爲何門兒閉上。這等月色。蚤已睡了不成。〔看介〕呀。門兒鎖着。想是踏月去了。〔旦〕那壁廂有個人影兒。敢是他也。我們且躲在太湖石畔。看他說些甚麼。〔虛下生醉上〕好月色也。小生旅館無聊。爲友人招飲而去。不覺大醉。帶月而歸。咳。有甚心情喫這酒看這月也。此間已是書房。且進去。最是分明夜。翻成黯淡愁。玉人在何處。素魄影空留。〔歎介〕

〔江頭送別〕肩兒上擔不起相思積痼。口兒裏嚙不下玉液金波。何當悶酒尊前過。怪不得到口顏酡。〔旦老旦虛上聽介〕我那謝素秋呵。今晚怎生着小生睡得去也。

〔五韻美〕這相思何時可。顛巍巍竹影窗前墮。眼朦朧疑是玉人過。園亭寂莫。怎熬得更長冷落。天那。但得個團圓夢。夢見他。縱然是一霎歡娛。也了卻三生證果。夜已深矣。且安排睡去。正是美人隔秋水。落月在高樓。〔歎介〕素秋那。怎生發付趙汝州也。〔下〕

旦老旦上老旦笑素娘何如我老婢眼珠子那裏得看差了人我說趙解是個有情的不聽見
磨

〔山麻稽〕他恨好事無端蹉好一似天畔黃姑望斷銀河多磨他一句句怨着
孤辰難躲料不是王魁浪子尾生魔漢宋玉佯哥〔旦〕

〔餘音〕歡來頓覺愁顏破〔老旦〕這佳期休教折挫半世相思管教一會兒可

此夜嫦娥應斷腸

故園松月正蒼蒼

鈿蟬金鴈皆零落

擬托良媒亦自傷

第十八齣 奸竄

〔薄媚袞〕〔小淨上〕忙奔走走出汴城避到雍丘縣誰想途中誰想途中遇着謁
奴行李盡皆獻單剩老軀單剩老軀人爭賤人脩怨苦怎言地網天羅何時脫
免自古道君子落得做個君子小人枉了做個小人我王繡遭遇道君皇帝官登極品寵冠羣僚只是

平日奸佞立心固寵爲計哄他朝歡暮樂不理政事不數年間把他一座江山弄得三零四碎把他

一個身子。送得七上八落。那時我王黼有家難奔。有國難逃。多虧幹離丞相相約。破京南下。特來召我。我又不敢回家。一逕避在鄰縣雍丘。誰料李綱那厮死守京城。不容金人南下。聞得幹離丞相渡河而北。我如今想將起來。一個好官被李綱送了。萬萬家資被金軍擄了。此處又漸漸曉得我是王太傅。常常有人來跟尋。住不得了。尋思無計可以逃躲。只除追趕前去。若趕得幹離丞相。不愁沒好官做。前日有許多情意在他面上。難道就忘了。但是再沒處僱馬。咳。自古道欲求生富貴。須下死工夫。就走死也說不得了。〔走介〕

〔秋夜月〕捨命前。怕甚程途遠。但願仍前官爵顯。從來富貴生於健。走得我氣喘。走得我腳軟。

〔東甌令〕我想人生世。露華鮮。遺臭流芳各萬年。雖然羯虜同豺犬。但富貴堪留戀。若還得遂我心田。寧想舊家園。

〔劉潑帽〕當原作事真乖舛。沒來由把他家國棄捐。〔作跪介〕老天老天。我王黼願改前非。去仕金邦。若再如此欺君誤國。就對天日發一誓願。若還再把邪謀展。願折證青天。

世世裏貧和賤。〔內作吶喊趕上去趕上去小淨作慌介〕

〔金錢花〕聽得鑼鼓聲喧。聲喧。教人膽喪魂牽。魂牽。喊聲四起。不知是金軍來迎我。又

不知是雍丘縣來追我。吉凶二字總難言。〔拜天介〕只怕前途裏鬼魂纏。脫得去謝

蒼天。脫得去謝蒼天。〔內作吶喊小淨拜天〕但願蒼天保佑。蚤達金軍。正是不戀故鄉生處好。

受恩深處便爲家。〔下〕

第十九齣 初會

〔風入松慢〕〔生上〕今宵醉醒倍淒清。蚤月印窗櫺。好天良夜成虛景。青鸞杳

好事難成。翡翠情牽金屋。鴛鴦夢斷瑤笙。獨坐傷春不忍眠。信知一刻值千錢。庭中淡淡

梨花月。偏透疎檣落枕邊。小生昨爲友人招飲。踏月而歸。意興蕭然。只得閉門獨寢。忽聽窗外有人

行動。依稀說出素娘兩字。其餘還有許多言語。都不仔細。不知我心中牽挂。以致誤聽。又不知真個

有人言及我素秋。那時卽欲開門看個明白。爭奈醉得軟了。動憚不得。只索強睡。爲此今日有人約

我看月。推卻中酒不赴。今夜月色。不減昨宵。我且坐待。看可有人來。務要見個明白。想起昨宵景致。

恰也好美。

〔桂枝香〕月懸明鏡。好笑我貪盃酩酊。忽聽窗外喁喁。似喚我玉人名姓。我魂飛魄驚。魂飛魄驚。便欲私窺動靜。爭奈酒魂難省。睡膏騰。只落得細數三更漏。長吁千百聲。月色一發皎潔了。

〔前腔〕我想嫦娥孤另。廣寒清冷。似這般圓缺無常。應自悔升沈不定。看花陰過牆。花陰過牆。遮遮映映。空教我潛潛等等。眼睜睜。寂寂黃昏後。蕭蕭清夜聲。坐之良久。四下寂無人聲。不要做了呆漢。且到庭中步月一回。正是夜闌人不寐。月影在梨花。〔虛

下旦上〕

〔風入松慢〕花梢月影正縱橫。愛花塢閒行。潛蹤躡足穿芳徑。只圖個美滿前程。豈是河邊七夕。欣逢天外三星。奴家謝素秋。向來深慕趙伯疇。未得見面。昨晚到他書房前去。他正帶醉回來。果然是美丈夫。目後前程必遠。又聽得口中喃喃咄咄。似呼我素秋名字。他未見奴家。如此注想。心事可知矣。就與他結個終身之約。料他不做薄倖的勾當。記得前日錢爺分付。

教不要說出真名姓來。爲此奴家打扮做良家模樣。房兒中央着花婆看守。獨自來到亭上。只說看月。他若來時。便好與他成就此姻也。

〔園林好犯〕我辦着個十分志誠。還仗着繁星證盟。一心要百年歡慶。且來到牡丹亭。把羅衫再整。露溼透繡鞋冰冷。只見寒光宵冥。玉繩斲停。並不見些兒影形。呀。那邊花枝搖動。似有足聲。敢是伯疇來也。我只坐在亭中。看他說些甚麼。〔生上〕

〔沈醉東風犯〕我心不離春風玉屏。望不斷柳陰花影。小生獨坐不過。來此步月便欲蹤跡。昨夜說話的。蚤不覺到中庭。呀。什麼影動。元來是梧桐覆井。呀。又是什麼響。遠

迢迢犬吠金鈴。〔笑介〕好笑好笑。只爲昨夜誤聽素娘兩字。害得來眼花耳聾了。還自省。怪

不得人稱俊子酸丁。〔旦〕正是伯疇來了。想他還不曾瞧見我。且吟詩一首撩撥他。竹樹金聲

響。梨花玉骨香。蘭闌久寂寞。此後恨偏長。〔生作聽介駭介〕這是誰人吟詩。詩句又清新。音韻又響亮。

〔月上海棠犯〕我側耳聽。此亭豈是蓬山境。這分明是個鳳吹鸞笙。〔拂眼介看

介〕呀奇怪。亭子上放出百道毫光。現出一尊婦娥來。只索拜咱。〔拜介〕誰知枉霧駕雲軒。倉卒失趨承恭敬。趙汝州是凡夫陋品。俗眼愚眉。不知天仙下降。有失迴避。伏望恕罪。〔旦〕我也不是天仙。秀才何須下拜。〔生〕又奇怪。那裏一陣異香飄拂過去。只見異香滿庭。麝蘭不爭。元來是風送着脣脂襲馨。我且大膽闖入亭子去。飽看一回。〔進介旦喝〕什麼人闖入亭來。敢是賊。〔生〕

〔好姐姐犯〕是賊。我是鑽穴藍橋尾生。警跡人相如薄倖。真賊是何郎面粉。韓生香氣凝。〔旦〕既不是賊。是什麼人。快快說來。〔生〕我是狂粉蝶。浪雛鸚。三春獨掌花權柄。三春獨掌花權柄。〔旦〕不許花言巧語。說真名姓來。〔生〕真個要真名姓。小生姓趙。名汝州。濟南人。本年解元。年方二十二歲。二月十二花朝生。是天下有名的才子。〔旦〕元來是趙解元。請上前相見。〔見介生背〕遠觀未的。近觀方明。天下怎麼有這樣一個女子。

〔江兒水犯〕一見消魂魄。光芒射眼睛。羊脂玉碾螭螭頸。但風流占盡無餘剩。添分毫便不相廝稱。想起來。就是謝素秋。敢也只好如此。便與我那多情堪並。〔背〕我一

心要與敘話片晌。又恐他不肯。反被搶白。咳。若顧羞慚事。豈成。便搶白也。索承。請問仙子誰家宅眷。爲甚清夜獨坐在此。〔旦〕

〔五供養犯〕妾是王家子姓。父做黃堂。薤露朝零。〔生〕元來是王太守的小姐。尊公既

亡。家裏還有誰。〔旦〕萱堂當暮景。〔生〕會適人否。〔旦〕琴瑟未和鳴。〔生〕今夜爲甚到此。

〔旦〕今夜月明人靜。針黹罷閒行遣興。〔生〕這園就是宅上麼。〔旦〕家君多逸致。手

創此園亭。〔生〕小生爲錢令公送來。暫住。不知是小姐宅上。甚是打攪。〔旦〕雞黍慚無。深媿居

停。〔生笑〕小生有緣得遇小姐。不知進退。欲屈小姐到書齋一叙。不知肯挪借寸步否。書齋也就在前

邊。〔旦〕奴家久聞解元大名。靜夜正好請教。〔生喜介〕就請同行。〔挽旦欲走內喊介〕小姐那裏。老

夫人睡醒也。〔旦作慌〕不好了。母親睡醒。奴家去也。〔生止旦旦不留〕明晚只在書房相等。黃昏左

右。奴家一准來也。〔急下生弔〕阿呀。小姐你真去了。撇我趙汝州。怎生捱過今宵也。天下怎麼有這

等女子。西施王嬙。不過如此。且住。我止見小姐面龐身材。不曾見他脚兒大小。方纔打從這階基去

的。你看你看。沙土上可不印下兩個笋尖兒般脚蹤。蚤是尋得蚤。若遲了。一陣風吹散。怎見得小姐

生的十全也。

〔玉交枝犯〕想他淩波偏稱。羅襪內藏着可憎。行來旖旎身不定。軟紅鞋血染猩猩。量來虎口三寸爭。幫兒四面都周正。怎得他動春情。撥酒醒。惡心煩自在蹬。罷罷。只得回書房睡這一宵。方才小姐親口許下明朝。

〔川撥棹犯〕只得甘心等。又恐到明朝風浪生。可恨老夫人再穩睡些兒。這好事可不到手也。雖然他囑付叮嚀。雖然他囑付叮嚀。但淒涼今宵四星。教我擁着孤衾捱長夜。生察察把歡娛作悶縈。

〔尾〕書生自昔多薄命。舊相思未了新。又迎新舊相思何日得稱情。

影伴妖嬈舞袖垂

留君不住益淒其。

殘窗夜月人何在。

相望長吟有所思。

第二十齣 誅奸

〔滴溜子〕〔末扮張千戶帶二卒急上〕奸邪的。奸邪的。私逃出關。如虎豹。如虎豹。咆

吼下山。我奉旨前來追趕。披星跨玉鞍，踰山蓋澗。要與朝廷掃除巨奸。自家張千戶。向來把守雍丘城門。前日有個王將明來避難。我也不知是什麼人。本縣錢爺到曉得他就是奸臣王黼。一向着地方軟拘在此。誰想他曉得有些不好的消息。昨晚竟私自逃出城去了。錢爺着我趕上去拏他轉來。又付我一口寶劍。不肯回時。就便殺了。找他首級來回報。〔卒〕稟老爺。此間是三岔路口。不知該從那一條路趕。〔末〕南邊是那裏。〔卒〕南邊下江去。〔末〕他到江南何幹。投東是那裏。〔卒〕投東是祥符。他原是祥符人。敢是那裏去了。〔末〕我想他也不敢過江南。也不敢回家。若敢回家。前日不到這裏來了。聞得他曾與金人有約。還指望收用他。一定投那裏去了。我們只投北望山東一帶去便了。〔卒〕應同唱前。要與朝廷句下小淨上。

〔前腔〕忙奔走。忙奔走。心寒膽寒。行不上。行不上。千山萬山。追悔當年乖誕。無端喪國家。落得人離家散。〔內喊小淨慌介〕何處旌旗。地覆天翻。你看你看。許多人追

趕上來。一定是追我的。無處逃躲。卻怎麼好。且不要忙。裝個大帽子。只顧走。不要采他。〔末領卒上〕可憐一座冰山。化作半杯雪水。寄語當權貴人。還須回頭顧尾。自家張千戶。追趕奸臣王黼到此。軍

士每。你看前面有個人獨行。敢就是他。也未可知。你們且住在此。待我獨自上前去問他。〔卒應下末喊〕王丞相慢走。〔小淨不顧走介末趨上揖介〕王丞相老爺作揖。要到那裏去。〔小淨〕我不認得什麼王丞相。〔末背〕我也不認得他。不好就下手。且哄他一哄。〔對〕特特趕來。報王老爺喜信。不知他投那條路去了。〔小淨〕老哥報什麼喜信。可好就對我說說。〔末〕

〔紅衲襖〕那王老爺呵。本是朝行中第一班。殿頭官二千輩。孰與攀。只爲犬羊臊。羯中原篡。把虎踞龍蟠京國殘。走官家向胡天沙漠間。致公卿落天涯。晨星散。兩日前京中有書到。我錢大爺說。新天子已卽位在鍾山也。垂顧元臣。特賜環。〔小淨〕這話兒果是真的麼。〔末〕怎麼不真。爲有個消息。錢大爺特着我追請回縣。備人夫送往建康去。〔小淨〕

〔前腔〕一霎兒愁顏變喜顏。誰知道風雪中來送炭。已自分披青蓑。做了漁樵漢。豈承望着紫衣重入鳳鸞班。過來我就是王太傅王丞相。既是你來迎我。轎馬頭踏。都在那裏。〔末磕頭〕元來正是王老爺。不曉得老爺打這條路來。轎馬頭踏。都等在三分路口。〔小淨〕你

是什麼人〔末跪介〕小人是張千戶。〔小淨笑介〕張千戶。你有造化。你有造化。我此去若得再掌朝權呵。准與你個總兵官當折乾。錢大爺呵。就陞他三級俸也。則當家常飯。可恨可恨。〔末〕老爺恨誰。〔小淨〕恨口。恨李綱苦死守長安也。把我飯碗衣食盡打翻。〔末背〕你看這奸賊。到恨着李老爺。私通金賊的情真了。且盤問他一番。〔對〕請問老爺。李綱老爺守住京城。金人不敢南下。極是有功的。何故反恨他。〔小淨〕你不曉得。幹離丞相與我最好。他說破京南來。取我去原做丞相。懊恨李綱那老頭兒。着甚來由。苦死守住汴京。不容他每南下。可不是把我一個好官送了。如今雖然取去。知道官爵可能稱心。李綱李綱。若得一朝權在手。少不得請下你這顆驢頭。〔末背〕這賊子私通胡虜。謀害忠良。萬死何足惜。錢爺付劍之時。原許便宜行事。只得下了手罷。〔對淨〕你看那邊迎接的到了。〔小淨回首末殺介下〕

〔前腔〕我憑着那上方劍星斗殘。要誅盡人間無義漢。王黼王黼。你急忙忙走得趙官家無昏日。卻又喜孜孜匿跡潛形出玉關。你但曉得人間富貴須當縮。那知天道輪回恰好還。今朝仗劍斬元奸也。要使未死奸邪骨也寒。〔下〕

第二十一齣 詠梨

〔生上〕銅龍漏滴已殘更。素魄還留映水明。何事嫦娥音信杳。重門深掩不勝情。小生昨宵得遇小姐。真個溫柔旖旎。絕世無雙。趙伯疇虛生二十二年。未曾見此香奩中物。向來空憶謝素秋。每以不得見面爲恨。如今看了這小姐。難道還勝似他。小姐到有可憐之意。恨殺那不做美的老夫人。睡醒。瞥然去了。約小生今晚到書房相會。昨晚怎巴得天明。今蚤又怎巴得到夜。且喜已是黃昏時候。月又上了。好把門兒掩上。坐待則個。〔閉門介〕

〔黃鶯兒〕無語靠書窗。乍臨風思欲狂。且將盼行雲雙眼來打當。愁鄉醉鄉。更長恨長。小姐。小姐。是你俏聲兒約定在書齋訪。小姐。爲甚信茫茫。蚤難道脫空說謊。不與做周方。待久不來。昨晚不會睡得。不覺睡魔蚤到。且睡些咱。〔作睡介雜扮差人上〕瑞麟

香煖玉芙蓉。畫蠟凝暉徹夜紅。信道使君情意重。捲簾遲客月明中。小人雍丘縣差人。錢爺差請趙相公看月。此間已是寓所。書房門蚤閉。不免低低喚聲。趙相公。趙相公。〔生驚醒〕呀。小姐來了。〔急出開門抱雜〕小姐小姐。想得趙汝州苦也。〔雜〕趙相公。小人是本縣差人。不是什麼小姐。〔生看

笑。偶然睡去。魂夢顛倒。你是誰差來的。這蚤晚來敲我門。〔雜〕小人奉錢爺鈞旨。說日間政事多冗。乘此清夜。請相公看月。〔生〕我身子不快。不耐煩看月。煩你拜上錢爺罷。〔雜〕相公好好兒在這裏。怎麼說了看月。就不快起來。小人恐錢爺見責。不敢去回覆。〔生〕沒奈何。央及你回了罷。說趙相公身子不快。已睡覺了。你快行動些兒罷麼。〔雜〕既如此。小人只得去了。頓令北海尊虛設。〔下生弔〕還望西廂月倍明。天下最不知趣的是錢孟博。許多時不來請我喫酒。偏揀今日。我那有心情看什麼月。方才差人。不肯出門。則怕小姐正來。卻沒躲閃。如今去了。才覺自在。已近二鼓。月已中天。不見一些動靜。敢是又成虛話了。不免推進昨夜亭子邊去。打聽個真消息。〔行〕此間有太湖石。且在此等候則箇。〔旦持紅梨花上〕

〔前腔〕步月下迴廊。露溶溶。溼繡裳。想荆王已先到陽臺上。你看這花枝呵。經幾多風狂雨狂。惹得個蜂忙蝶忙。怎能勾東君愛護金鈴障。呀。前邊太湖石畔。遮遮掩掩。似有人行動。我且低低喚一聲。前邊不是趙解元麼。〔生驚介低應〕趙汝州在此。小姐你來了。果是有人也。我望東牆。魂飛魄蕩。只聽得小語喚檀郎。小姐那借一步。前邊就是小生。

的臥房。〔旦〕奴家正欲相訪。〔生〕小姐路上苔滑難走。小生扶一扶何如。〔挽行介同〕

〔水紅花〕蒼苔立遍意徬徨。月昏黃。角門聲響。金鈴小犬吠聲長。石闌旁怕有行人來往。悄悄潛蹤躡跡。嫌殺月兒光。且喜到書房也囉。〔生〕此間已是小生書房。就請小姐進去。〔入介生跪〕小姐今日下臨。就如上元之降封涉。麻姑之過方平。蘭香之嫁張傾。彩鸞之遇文蕭。只是趙汝州有何德能。消受得起。〔旦〕解元天下奇才。妾在閨中。聞名已久。今宵之遇。豈偶然也。〔生〕小姐手中所持是何花。〔旦〕是一枝紅梨花。元是異種。奴家生平最喜歡他。開時時刻不教放手。今日攜來。欲博解元題詠耳。〔生〕借來一看。果是異種。但聞梨花白雪香。紅的委實未見。小生胡謔一絕。小姐休笑。換卻冰肌玉骨胎。丹心吐出異香來。武陵溪畔人休說。只恐天桃不敢開。〔旦〕好高才也。奴家也要請教。本分天然白雪香。誰知今日換濃妝。鞦韆院落溶溶月。羞覩紅脂睡海棠。〔生拍手〕海棠怎比得他。奇才奇才。椒花柳葉。俱在下風。小姐在上。名花在側。趙汝州何人。有此福量。知是夢裏睡裏。你看這花枝呵。

〔鶯花早〕一似睡起未欣妝。浴溫泉丰度狂。名花傾國何相讓。誰承望。幽齋寂

寔春偏釀態郎當。〔旦〕意難忘。剛笑何郎曾傅粉。絕憐荀令愛熏香。〔生〕偏稱沈香亭畔。昭陽殿旁。須把絳綃朝護。錦障夜藏。流鶯那許輕相向。〔生〕小姐夜深了。

〔旦〕且再坐坐。你把瓶兒裝着這花。就燈下再看一回。〔生介旦〕解元。權把他做個花燭何如。

〔貓兒墜〕你看花簪瓶底。銀燭吐輝光。花燭爭輝夜未央。但願得燭明花豔永無妨。〔生〕又願得花燭雙雙照畫堂。燭照花芳。地久天長。〔同〕

〔尾〕今宵始覺情歡暢。生恐怕亡賴雞聲報曉忙。把我無限恩情叫斷腸。〔旦〕解元。你把這花兒供養着。添些新水。奴家時常要看的。〔生〕敢不小心。夜深矣。睡去罷。

花潭竹樹傍幽蹊。

歌舞留人月易低。

驚起芙蓉新睡足。

倚風情態被春迷。

第二十二齣 逼試

〔番卜算〕〔外上〕仗劍斬奸諛。朝宁方清楚。羽書又喜報平胡。夙憤今朝吐。時時抱國憂。白髮朝來陡。寥闊故人情。何時一尊酒。下官錢濟之。向因金匱入寇。日夜憂煎。且喜近日邊。

報稍寧。幹離不撒圍而去。這都是李少傅居守之功。雖是二帝北狩于朔漠。幸得康王卽位于金陵。臣民有主。社稷可復。奸臣王黼。昨已遣人誅之于境上。心下稍快。只是連日無暇。不曾與趙伯疇敘闊。前晚月下。邀他一坐。不知爲甚托病不來。我想謝素秋在彼。必定爲他不肯赴飲。聽得新天子卽位。要開選場。昨日差人去催他赴試。再三不肯。卻怎麼好。今蚤又遣人去了。未見回報。且待花婆來時。問個端的。再作道理。〔老旦上〕

〔前腔〕魚水意相孚。寸步相回顧。夢魂兒不想到皇都。迷卻青雲路。老婢花婆。向同素娘在西園居住。今早錢爺着人來喚。須索進見。〔見〕老爺。花婆磕頭。〔外〕起來。我問你。趙解元與謝素秋恰是怎麼。〔老旦〕老爺。不要說起。果是才子佳人。果是一對夫妻。如今兩下如膠似漆。一步兒不肯相離哩。〔外〕前晚請他喫酒。爲甚不來。〔老旦〕他那有心腸喫老爺的酒。〔外〕兩日差人催他應試。爲甚不去。〔老旦〕也那有心腸去會試。〔外〕那謝素秋不會說出真名姓來麼。〔老旦〕也不敢說。趙解元一些也不知。〔外〕這才是花婆。

〔醉扶歸〕他被麗情迷入桃源路。壯心忘卻杏園圖。鵬程萬里興偏孤。千費了

燈下十年苦。蚤難道黃鶯兒不弱玉蟾蜍。可不道書中有女顏如玉。〔老旦〕

〔前腔〕老爺他兩個呵。一個是爲雲爲雨巫娥女。一個是多愁多病馬相如。一個

嬾向紗窗繡羅襦。一個無心對月浮綠醕。則待要夜去明來永歡娛。誰曾想天

衢雲路輕飛翥。〔雜扮差人上〕橋有銷魂處。盃多滴淚樹。浮雲遊子意。落日故人情。小人奉錢爺

差。請趙相公赴試。特來回覆呀。老爺在後堂。不免竟入。〔老旦〕虛下雜見磕頭介。〔蒙爺差〕請趙相公

赴試。趙相公再三不肯去。〔外〕他如何說。〔雜〕趙相公起初說信息恐還未的。試期尙蚤。後來一發

見怪老爺起來。〔外〕爲何怪我。〔雜〕說在此打攪老爺。甚是不安。也要回家去。〔外〕你自迴避。〔雜〕

應下外。花婆那裏。〔老旦上〕趙相公如何。〔外〕他只是不肯去。京中限期甚迫。只在半月內取齊。

此去建康。尙有千餘里。必定明後日便起身。才不誤事。〔老旦〕老婢雖不曾見趙解元。卻聽得素娘

閒講。那解元正好不肯去會試哩。

〔阜羅袍〕他把名利輕于糞土。正俛紅倚翠。豈肯向衰草荒途。他說花叢鶯燕

恰相呼。榜中龍虎何心赴。〔合〕可惜他才高七步。賦埒兩都。錦心繡腹。隱豹鳳

雛。卻爲柳營花陣都擔誤。

〔前腔〕喜得文場初舉。奈限期甚迫。途路盤紆。禹門三月浪應虛。陽臺十二雲翻阻。〔合前外〕花婆。你對他說。這是園主之女。豈可久戀。倘或錢爺知道。豈不有趣。就是別處漏洩。連錢爺分上也不好看。〔老旦笑〕他兩個油鍋兒般熱得緊。老爺這等不着緊的說話。一年也還不起身。老婢到有一計在此。老爺只備下鞍馬盤纏。老婢逞着這嘴頭子。管教他卽日上路。〔外〕你如何說得他心轉。〔老旦〕老婢自有發付他。今日且不要說。〔外〕如此卻好。你就去。等你來回話。

詔書前日下丹霄。

京兆田郎蚤見招。

明日放參東閣去。

春風催馬洛陽橋。

第二十二齣 再錯

〔生上〕茜裙紫袖映猩紅。飛絮輕颺花信風。好景更兼逢窈窕。千金一刻語非空。小生自遇王小姐之後。不覺神魂飄蕩。廢寢忘餐。天下怎麼有這等樣美人。便覺功名富貴盡皆輕了。好笑錢孟博只管來催我去會試。雖則是他好意。他那知我心上事。就把一個狀元撒在街上。小生誰耐煩別了那

人遠遠去拾回來。昨日被我發作了幾句。想必今後不差人來了。就再來。我也只是不去。且慢慢再住幾時。只一件。小姐雖則綢繆繾綣。但是夜去明來。怎得尋個計較。日間相聚便好。待他今晚來時。把這話對他商議。昨日有客來訪。今日要去答拜。不免趁蚤去了就回。〔關門〕掩卻白雲關。言尋青眼客。〔下老旦提籃上〕老婢花婆是也。領錢爺命。去說趙解元赴京會試。提着這籃兒。西園採花去走一遭也。

〔北點絳脣〕只爲着年老甘貧。滿街廝趁。提着個匾籃兒。爲營運。且度朝昏。將花朵兒作資本。

〔北混江龍〕入的園來。好花卉也。你看那洛陽丰韻。三春紅紫鬪精神。白的白碧桃初綻。紅的紅仙杏芳芬。嬌滴滴海棠開噴。香馥馥含笑氤氳。呀。什麼人扯住我。

〔笑〕元來是牡丹枝挂住了團花襖。薔薇刺抓扎起石榴裙。〔拂袖〕爲甚的蝶翻了兩翅粉。蜂惹的滿頭紛。非關是金谷園中千朵豔。端只爲賣花人頭上一枝春。把蜂蝶來勾引。呀。遠遠的趙解元來了也。我只顧採花。看他問階不問階。〔生上〕可憐妖

豔正當時。剛被狂風一夜吹。今日流鶯來舊處。百般言語怨空枝。小生方才拜友而歸。已到寓所呀。什麼人在那裏探花。我且上前去問一聲。喂。那老婆子爲甚採俺家的花朵。〔老旦作驚〕

〔北油葫蘆〕驀聽得喚一聲。婆子把咱噴。引三魂。嚇的我兢兢戰戰。可也沒逃奔。那哥哥。咬定牙將人狠。我這裏忙伸手將花藍搵。我又不是園主家掌花人。又沒有斗大花門印。爲甚麼平白地將他花枝來損。只得上前去告個不是咱。〔見介〕哥。老婢子萬福。〔生回揖老旦〕折了花枝。是老婢子不是了。望乞恕咱。別的休說。則可看我貧老又單身。〔生笑〕這也罷了。〔老旦〕

〔北天下樂〕則見他又手忙將禮數論。回也波噴喜津津。〔生〕婆子。我看你年紀老了。採這許多花何用。難道自己戴。〔老旦〕老婢插戴沒福插戴他。止因爲老年人沒計度。餐餐採將來賣幾文。賣得來換米薪。常言道。人怕老來貧。〔生〕元來你賣花爲活。這也罷了。你只傾出來。我逐一看看。或且有用得。就問你買幾枝兒。〔老旦做傾取一枝遞生生〕這是竹葉兒。插又插不的。戴又戴不的。要他則甚。〔老旦〕要他打底哥。不爭你提起竹葉來。

〔北那吒令〕想當初李白的開尊。虛疑是故人。王猷的造門。不須問主人。我愛他絕塵。報平安好信。〔再〕這竹有許多好處。搖風月。梢拂雲。傲冰霜。無淄磷。你不見麼。湘江上。二女淚斑痕。〔生〕再取一種來看。〔老旦介生〕這是桃花。沒甚希罕。要他何用。〔老旦〕

〔北鵲踏枝〕這桃花從蓬島分。休則向玄都問。誰知道前度劉郎。再來時面貌堪頰。不爭的把漁郎勾引。惹得人急穰穰。爭去問迷津。〔生〕再取一種來看。〔老旦介生〕這是海棠花。也沒有甚希罕。〔老旦〕

〔北勝葫蘆〕杜鵑啼血感離人。妝點上陽春。嬌似紅脂嫩膩粉。〔老旦〕這花夜間看最好。

倚東風。睡足。高燒銀燭。爛熳月黃昏。〔生〕再取一種來看。〔老旦〕止有柳枝兒了。〔生〕這一發沒用。〔老旦〕偏有楊柳最可恨。

〔么〕他在渭城客舍鬪清新。慣會送行人。蚤已是章臺今日長條盡。則看他迎風襲襲。籠烟裊裊。腸斷灞橋濱。〔生〕你籃兒裏還有別種麼。〔老旦〕你不見這籃都空空的。

再沒有了。〔生〕元來則這幾種。並沒奇異。值得幾文錢。〔老旦〕這園中也則有這幾種。〔生〕難道則

有這幾種。我到有一種異花在那裏。可憐你又老又貧。送與你去多賣幾文錢何如？〔老旦〕哥。生受你借來看看。〔生〕我好好供在書房內。待我取出來。〔取花介〕這不是。你可認得這種花叫甚名兒。〔老旦取看作驚介〕呀。有鬼也。有鬼也。〔生〕婆子。青天白日。說有什麼鬼。你見這花。卻怎生驚駭起來。〔老旦〕苦哥卻不知。這不是人間的花。這是鬼花。〔生〕胡說。鬼那裏有花。要你說個明。〔老旦〕誤了老婢子賣花也。明日來和你說。〔生〕婆子休去。你且說一個明。〔老旦〕我說來。你休害怕。〔生〕我不怕。〔老旦〕哥。這花園是誰家。〔生〕是王太守家的花園。〔老旦〕可知道。你曉得蓋造花園的緣故麼。〔生〕不知。〔老旦〕王太守有個女兒。性愛看花。故此蓋這所花園。到得春間萬花開綻。那小姐日日坐在亭子上看花。不意牆外有一秀才。闖入園中。與小姐四目相覷。兩情眷戀。只沒處下手。那小姐終朝思想。害相思病死了。王太守與夫人捨不得他遠離。就埋在亭子後邊。那一靈不散。他塚墩上就長出一棵樹來。開的是紅梨花。那小姐每遇花開時。風清月朗之夜。常常現形。坐在亭子裏。只要纏擾年紀小的秀才。〔生怕介老旦哭叫可憐生〕婆子。卻爲何哭起來。〔老旦〕老婢有個孩兒。也是秀才。爲那城中熱鬧。借此花園看書。看書困倦。只見月明如晝。捱到亭子邊去散步。不意亭子裏

起陣怪風。現出一個如花似玉的小娘子。與我孩兒四目相窺。兩情眷戀。當夜就要到孩兒書房中。只見亭子後邊大叫。說老夫人睡醒了。那小姐倉忙而去。說明晚又來。到得明晚果然又到孩兒書房中來。手中攜一枝紅梨花。那時孩兒年紀小。春心蕩漾。與他那話兒了。從此以後。夜來明去。勾不上一月。把我孩兒送死了。咳。可憐。可憐。如今止存得一個老身。好苦也。〔又哭介〕生作怕介。婆子。你可曾見怎麼一個模樣。〔老旦〕老身那裏得見。止聽得孩兒臨死時說。

〔寄生草〕他梳妝巧。打扮新。藕絲裳愛把纖紅襯。眉彎新月微微暈。櫻桃小口時時哂。青螺小髻挽烏雲。千般淹潤都裝盡。〔生〕這一會兒不由的害怕。〔老旦〕吓吓。有鬼也。有鬼也。哥。你看怪風來了也。

〔么〕足律律旋風刮。黃登登幾縷塵。咳。王小姐。王小姐。你把我孩兒纏死。真堪懼。你送得我老年孤獨無投奔。你今朝又待將咱近。〔做折桃枝介〕生。這是桃枝。要他何用。〔老旦〕哥。我那裏去尋法師仗劍頌天蓬。先打恁娘五十生桃棍。〔生〕婆子。你不

說。我那裏知道。兀的不誑殺我也。〔老旦〕這裏不是久站之所。我去也。〔生扯住〕沒奈何。你再伴我

一會兒〔老旦〕哥。你莫不也着他手了。說與我聽。〔生〕我死也。我死也。說不出。說不出。〔老旦〕咳。小姐。小姐。

〔賺煞尾〕我與你生前本無讎。今日箇賺得無人問。你何不把陰靈付付。但只顧將平人來害損。你便是追人命。腦凶神。女弔客。母喪門。天魔崇。撲子弟。野狐涎。打郎君。則恐罪業深。地獄近。下阿鼻。絕人身。〔哭介〕我那兒呵。可憐你三載幽魂。何處沈淪。咳。且喜波得這位哥。可蚤有替代。你生天路兒穩。〔下〕

第二十四齣 赴試

〔生弔場追叫〕婆子轉來。阿呀。他去了。這會兒一發害怕。我那裏知這小姐到是個鬼。如今怎麼好也罷。建業開科。錢孟博幾次來催。止爲着那些頭腦不肯去。如今只得去了。〔思〕琴劍書箱。都在這書房裏。怎麼敢再進去取罷。撇下罷了。就今日快去別了孟博。就與他借些盤纏。快快上路去罷。〔走介〕此間已是雍丘縣前。門兒閉着。敢是孟博不在衙。〔叫〕門上有人麼。〔雜扮差人持物上〕呀。元來是趙相公。老爺不在衙。〔生〕那裏去了。〔雜〕下鄉勸農去了。正好不得回來哩。相公可有什麼

要緊說話。〔生〕我來別老爺去會試。怎得他回來。〔雜〕相公幾時去。〔生〕今日就起身去了。〔雜〕老爺出衙之時。曾分付小人。若趙相公起身會試。把這禮物送上。就着小人跟隨前去。這是老爺禮帖。〔生看帖介〕路資二十兩。春衣二襲。外又轎一乘。馬一匹。呀。孟博。你這等周全我也。〔雜〕老爺着小人拜上相公。

〔駐馬聽〕詔選奇才。建業新都文苑開。請相公疾忙前去。脫卻泥途。蚤上金臺。綠衣襲襲稱身裁。朱提鑠鑠生光彩。〔合〕行李安排。長途穩便。何須佈擺。〔生〕

〔前腔〕淪落天涯。知己難逢伯樂偕。感得你市前一顧。價倍三千。怎竭駑駘。

〔背〕想起那花園鬼祟。好不怕人也。〔低唱〕連宵摟抱鬼裙釵。險些兒性命因他害。公差。只是不曾面辭得老爺。怎麼好。欲待回來。只恐怕選期迫促。一時不迫。〔雜〕老爺原說不消等別了。就請相公上路隨行罷。〔生〕既如此。即便起程罷。

別酒纔斟先淚流。

飄零合負一春愁。

浮雲聚散原無定。

今夜相思月滿樓。

第二十五齣 憶主

〔普賢歌〕〔丑扮平頭上〕平生學得會燒湯。打水挑柴日夜忙。誰知起禍殃。國破
又家亡。單剩得區區沒倚仗。小人是謝家一個平頭。從幼跟隨素娘。喜得我素娘做了上廳行
首。往來的都是大來頭。我小人跟隨了一日。極少也近他一兩賞錢。誰知惱了王黼那直娘的。拏回
去監在家裏。剛剛遇了達子來打城。那直娘的竟把我素娘送與他去了。撇得我一身不甯不忿。那
達子也狠得緊。把皇帝太子宮妃采女盡興虜去了。又把汴京城裏人十停殺了九停。那時節我沒
奈何。只得將素娘存下那些東西。拏幾件細軟。逃出城來。遇着一箇江東巨商。賣貨回去。元是素娘
識認的。小人將許多苦楚告訴他。他可憐見我。帶我到建康來。不料新皇帝也到這裏來建都。兩日
出去打聽素娘消息。有認得的說道。不會跟達子去。一向在雍丘縣。我一聞這信。便要在那邊去尋
訪。聞得目下開科會試。少不得雍丘縣也有舉人相公們來。且打聽一個真消息。去也不遲。我想素
娘其實生得好。其實大有名。

〔玉胞肚〕如花模樣。門兒外輪蹄日忙。譚笑處盡是鴻儒。典香膠慣解鷓鴣。是

春風一曲杜韋娘。雲雨巫山枉斷腸。開得向在雍丘。這信不知真否。

〔前腔〕你一身鞅掌。走南北山長水長。縱今是未到胡庭。這些時栖止誰旁。月寒山色共蒼蒼。卻憶并州是故鄉。

高髻雲鬟宮樣妝。

一枝濃豔露凝香。

寧知草動風塵起。

墜葉翻紅各自傷。

第二十六齣 閨慮

〔祝英臺近〕〔旦上〕怨落花。愁芳草。遊子天涯裏。〔貼上〕底事佳人悶把闌干倚。

〔老旦上〕也只爲柳絮黏天花。茵藉地。〔合〕春歸去音書誰寄。〔玉樓春〕〔旦〕綠楊

芳草長亭路。年少拋人容易去。〔貼〕樓頭殘夢五更鐘。花底離愁三月雨。〔老旦〕無情不似多情苦。

一寸還成千萬縷。〔合〕天涯地角有窮時。只有相思無盡處。〔旦老旦〕夫人磕頭。〔貼扶起〕素娘。老

爺因趙解元赴選。恐怕西園清冷。教奴家請你進來。西衙同住。專待解元喜信。老爺又與你除了樂

籍名字。造成一宗從良文卷。解元得意回來。就與你完成好事。今後你我只是姊妹相稱。快不要行

這個禮。〔旦〕多謝夫人。只是解元才得聚首。匆匆又別。行時又不曾聚話片言。花婆不知怎麼樣就去了。可曾有甚言語。〔拂淚介老旦〕老婢見他兒女情多。風雲氣少。故此把鬼魅事激將他去。並沒一些言語。〔旦〕

〔祝英臺〕咳。花婆。他是讀書人心膽怯。何是恐幽微。〔老旦〕素娘。偏有讀書人最膽大。解元這些時。好在洛陽看花了。〔旦〕縱使春滿洛陽。待彼來攀。我則怕病染憂疑。〔老旦〕秀才豪氣三千丈。那見就疑心出病來。〔旦〕休迷。他爲甚的疾速登程。把琴劍書箱拋棄。我那解元呵。這些時你在何處飄零無倚。〔老旦〕

〔前腔〕聽啓。他戀着翠圍屏錦步障。忘卻綠袍喜。因此老婢子呵。將鬼語激行。提醒癡迷。不過是權宜之計。素娘。你休埋怨着我。到底領春風十二天街。一日看花無比。那時節呵。方顯得女蘇張三寸功奇。〔貼〕

〔前腔〕聞得新天子下詔徵賢。六月正堪飛。那時我與相公商議呵。此去建業千里。委蛇。只恐誤卻程期。〔老旦〕夫人。趙解元此去。插宮花。飲御酒。素娘豈不願他不爲這上頭煩。

惱。須知他慮的是看遍奇葩。又別戀長安佳儷。悔臨時未得叮嚀。記〔旦〕

〔前腔〕憔悴羞殺我鏡裏孤鸞。誰與畫雙眉。〔貼〕素娘你愁煩他則甚。〔旦〕我有千

般悶懷。萬種思惟。〔老旦笑〕方才分手。卻又蚤萬種思惟了。〔旦〕端不爲鳳拆鸞離。〔貼〕

既如此。爲着什麼。〔旦〕怕歸時認我做狐魅妖魘。怎再肯相偎相倚。可不是賺人

高處掇卻樓梯。〔老旦〕素娘你再也休慮。趙解元不是這樣人。

紅妝滿面淚闌干。

幾許幽情欲話難。

乍雨乍晴花自落。

東風吹恨滿春山。

第二十七齣 發跡

〔懶畫眉〕〔生冠帶上〕金鸞罷試日猶懸。乍着銀袍色正鮮。相將白日上青天。今

朝了卻燈窗願。糠粃誰知反在前。神魚一躍到龍門。喜見天開五色雲。金勒恰宜芳草路。玉

鞭偏鼻杏園春。趙汝州向來會試。忝中甲科。蒙聖恩擢爲狀元。方才遊街回來。

〔前腔〕只見馬蹄踏遍杏花天。袍色晴拖楊柳烟。擁來飛蓋稱風喧。瑤尊玉饌

瓊漿灑。醉倒蓬萊闔苑仙。下官得有今日。一來虧錢孟博德惠。二來也虧那婆子提醒我。那知西園有鬼。那小姐不是人。說着也還覺毛骨聳然。好笑今早去赴宴。有好幾位同年。都說謝素秋不曾往金軍去。則在雍丘住。正不知下官打從雍丘來。並無影響。這話那裏說起。日下正要打發公差去報錢孟博。教他跟尋一個明白。只可恨素秋贈我一詩。被那小姐取去。倘或相見問起。怎生答應他。正是錦字茫無定。同心結不開。〔雜扮公差上〕捧檄下丹宸。迢遙去問津。驕驕開要路。雕鷲擁風塵。自家雍丘縣差人是也。有事報知狀元。不免選人。〔見〕稟爺。小人到中書省去。適見除書。老爺榮授開封府僉判。〔生笑〕可喜可喜。〔雜〕狀元是玉堂貴客。選了外職。爲何喜歡。〔生〕你那裏知道。我不喜得開封。喜得與你錢爺相聚。公差。我在此辭朝領憑。還有許多時擔閣。你先回去報你錢爺知道。〔雜〕小人來時。老爺元分付得了喜信。速速回來。小人見下處乏人。連日不敢說。〔生〕既如此。你去取文房四寶來。〔雜介生寫介〕

〔刮鼓令〕汝州拜拜宣。念睽違各一天。幸喜得名先羣彥。副吾兄屬望專。又幸蚤除銓。相望咫尺河陽花縣。〔笑介〕我若教他訪問素秋。只怕又被孟博笑哂。〔又笑〕若果然

訪得真消息。便笑我由他。〔又寫介〕聞得素秋相倚在君邊。望君物色幸垂憐。書已寫完。公差你今日就去。多多拜上錢爺。等此處諸事稍完。連夜趕來。先到爺縣裏會過。然後赴任。〔雜應〕領卻玉堂話。忙投花縣來。〔下丑扮平頭上〕神龍不在沼。威鳳豈卑栖。小人是謝家平頭。昨日長安街上放榜。我也捱去看看。好笑。只見第一名就是我的舊相知。你道是誰。卻是濟南趙解元相公。我想他當原思慕我家姐姐。巴不得一時見面。連我們都有許多好處。他如今中了狀元。我意思要去見見。只恐怕他不比向年了。也罷。放着大膽闖去。〔看介〕呀。爲何獨自坐着。趁他閒時正好。〔進介磕頭生〕你是誰呀。是謝家平頭。爲何在此。正要問個消息。你姐姐在那裏。〔丑〕

〔前腔〕承尊問淚漣。痛秋娘沈九淵。聞說道遠從金虜。又聽得在雍丘幸瓦全。

〔生〕你爲何不去訪問個的信。〔丑〕我欲去苦難前。身邊並無青蚨黃匾。〔生〕也有個

信息來麼。〔丑〕雲山迢遞信音慳。〔生〕也曾尋個雍丘人問問麼。〔丑〕無人識熟向誰

言。〔生〕你到來得恰好。我寓中乏人。你且在此答應幾時。只是平頭名字。有人認得。改你叫趙平罷。我

已除授開封府。目下就去到任。你就與我打站。打雍丘經過時。訪個真消息與我。〔丑〕曉得。〔生〕紅

賤徒有千行字。赤鯉難逢誰寄將。〔下丑弔場笑〕凡人不可貌相。海水不可斗量。我平頭昨日還是小娘身邊燒湯的龜子。今日做了狀元家裏打站的鼻頭。別人使盡銀子。難得進宅。偏我一言兩語。便得收留。又不識三文兩字。也誰知冬夏春秋。我仔細思量。那世修來的福分。何處討來的風流。命裏有時定有。人生何必強求。〔又笑〕

〔前腔〕平頭最有緣。恰相逢趙狀元。幸喜得一朝收用。似癩黑麻飛上天。好一個大叔。只是沒有好衣帽裝扮。衣帽要新鮮。怎得好銀一兩。買疋屯絹。做其一領道袍穿。好模好樣向人前。

長官做了大叔。

好似驘兒變鹿。

若還主人失勢。

須把頭來再縮。

第二十八齣 得書

〔女冠子〕〔外上〕相知昔日向神州。應醉在曲江頭。魚書未到空回首。喜昨夜燈花開楸。渭北春天樹。江東日暮雲。何時一尊酒。重與細論文。自從趙伯疇會試去後。心上甚是放

不下。這時候想已開榜。爲甚差人還不見回。若論伯疇的才學。果然天下無雙。只爲他迷戀花酒。無志功名。故令花婆激令前去。此行定然不虛所望。

〔奈子花〕論才名新發吳鉤。便晁董堪與爲儔。今來棘闈。定然入彀。爲甚的捷音迤逗。倚樓教人目斷江流。〔雜扮差上〕

〔前腔〕奉公差奔走如流。遡長江千里悠悠。昨朝建業。今日雍丘。報佳音定開笑口。〔看〕呀。老爺獨坐後堂。不免進見。〔磕頭介〕叩首。望公相垂情聽剖。〔外〕你回來了。趙

解元消息何如。〔雜〕

〔前腔〕趙解元金榜欣收。〔外〕中了進士。殿試在第十幾名。〔雜〕對丹墀獨占鰲頭。〔外〕伯疇中了狀元。可喜。你會見他遊街麼。〔雜〕馬蹄蹂躪。春風領袖。〔外〕曉得他除授何衙門官職。〔雜〕開封府僉書初授。〔外〕又選在開封。一發可喜。〔雜〕正是。趙狀元得了開封的消息。

喜之不勝。〔外〕他爲何也喜歡。〔雜〕他說與老爺是至友。今喜得不時聚首。〔外〕爲何先打發你回來。〔雜〕趙狀元說道辭朝領憑。還有幾時擔閣。恐老爺懸望。先發小人回報。說先到這裏會

過老爺方去到任。書在此〔外〕

〔刮鼓令〕汝州拜拜宣。念睽違各一天。幸喜得名先輩彥。副吾兄屬望專。又幸蚤除銓。相望咫尺河陽花縣。聞得素秋相倚在君邊。望君物色幸垂憐。公差迴避。改日有賞。〔雜〕寸波皆霑澤。片語卽陽春。〔下外笑〕伯疇。伯疇。你這等注想素秋。不知已先入我殼中矣。

〔奈子花〕西園中已結綢繆。有誰知暗裏藏闢。飛卿已得章臺楊柳。亦何曾入他人手。待他來時。我將盃酒。細說個就中機彀。且將來書付夫人。教他轉與素秋一看。以慰其心。我想素秋呵。

一度憑闌一度愁。

悔教夫婿覓封侯。

今宵難作刀州夢。

消息眞傳解我憂。

第二十九齣 三錯

〔一江風〕〔生上丑隨上〕趁東風。襲襲飛花送。裊裊絲韁鞚。望河中。九曲風濤。天

際秋雲擁。羸馬厭西東。羸馬厭西東。〔丑〕老爺此去，便得見俺姐姐了。〔生〕我那素秋呵，你飄流類轉蓬。又還愁傳語成虛哄。〔丑〕稟爺，此處已是雍丘縣界了。可要行一牌去。〔生〕

此是錢爺治所，不消遣牌。〔丑〕不遣牌，沒有頭踏應付。〔生〕要甚頭踏。

〔前腔〕驟花驄，不强似朱輪擁。亦何必頭踏重。望仁兄，渴欲相從，謾把離情控。相思千里濃，相思千里濃。今宵雞黍同，蚤難道不入空題鳳。〔丑〕稟爺已到雍丘縣。

前了。待小人先去通報。縣官好出來迎接。〔生〕不要大驚小怪。你押着行李，尋個僻靜下處。待我拜過錢爺，慢慢遣牌到府上任。〔丑〕曉得。只因朋誼重，翻覺宰官輕。〔下生叫〕門上有人麼。報進說趙

狀元相訪。〔外急上〕

〔步蟾宮〕思君只夜勞魂夢。喜風雨今宵堪共。銀燈花蕊夜來紅。簾外鵲聲高送。〔生〕孟博兄那裏。〔外〕伯疇兄。你今番是錢濟之上司了。爲何牌也不遣。有失迎接。〔生笑〕孟博

說那裏話。我與你髻鬣相知。豈以一官而改故吾。說起上司兩字，使小弟不勝惶恐。〔拜介生〕微名幸得慰知心。千里重來喜盍簪。〔外〕佇聽玄言霏玉屑。呼童煮茗話情深。伯疇兄，恭喜鰲頭首占。于

湯有光〔生〕若非孟博兄相成。幾誤前程大事。前日公差回時。小弟曾附八行。相煩訪問謝素秋。果然在貴治麼。〔外〕與兄契闊多時。欲言者不止一事。有一盃水酒。先洗塵了。慢慢相告。小廝看酒來。〔雜扮小廝上〕一盃今夜酒。千里故人心。酒在此。〔外〕要與伯疇講些心話。只是衙齋喧雜。西園到也寂靜。小廝移酒到西園去罷。〔生〕西園小弟不去。若到西園。小弟酒都喫不自在了。〔外〕既如此。小弟有個內書房。就在臥房側首。只嫌窄些。就請進去。〔行介外〕小廝迴避。〔雜應下外送酒介〕

〔梁州序〕羨你才高賈董。搏風力猛。深幸燈窗叨共。〔生看桌上紅梨花作駭介背〕呀。這分明是枝紅梨花。看他丰姿如昨。教我意惶心恐。孟博。這是什麼花。〔外〕是枝紅梨花。天下皆無。我西園獨有。一月前開得爛熳。今已凋零。小弟喜歡看他。爲此剪綵妝就。供在這裏。這是我西園奇種。名喚紅梨。不與衆卉相伯仲。〔生笑〕孟博好混帳。這是鬼花。什麼奇種。把來供在此。我只爲這鬼卉妖花。幾送入人鮓籠。那裏是異種奇葩。直得費翦工。孟博。我與你扭碎了。〔扭花介〕休得太懵懂。〔外笑〕可惜了。伯疇。你方才不肯到西園去。見了這花。卻又驚恐。必有緣故。細細說與小弟。

〔前腔〕但說着西園孽種。使我髮毛都悚。說着也是害怕的。元來那花園亭子後邊。卻有個紅顏荒塚。他陰靈還聚。平白地把人調弄。〔外〕有這等事。伯疇不會遇他麼。〔生〕想那日風清月朗。他手執梨花。曾結鴛鴦夢。〔外〕伯疇。你是讀書人。女子私奔。也是常事。爲何認他做鬼。那裏有載鬼張弧乘夜凶。還則是有女懷春。浥露從。何須用太

疑恐。〔生〕孟博又來混帳。如今不說罷。說起連酒都喫不下了。孟博。謝素秋可在貴治麼。何不使小弟一見。〔外〕果在此。已被小弟取入衙裏。因是不好同住。與寒荆在西衙另住。門兒尙鎖着。待小弟親去開他過來。暫釋盃中酒。來尋花底春。〔下生笑整衣巾〕元來謝素秋果在這裏。可喜可喜。趙汝州。你何來的福量。人間三事。都全了也。〔旦老旦同上旦〕秋風紅葉不成媒。分付春庭燕子知。〔老旦〕好去將心托明月。管教明月上花枝。〔旦〕花婆。趙解元在此。則怕他疑我是鬼。怎好過去相見。〔老旦〕不妨。老婢同你進去。〔進介生見作駭急叫〕有鬼。有鬼。吓。有鬼。錢孟博快來。

〔太師引犯〕猛相逢。閃得我心兒動。甚冤讎把我時時緊從。〔旦〕伯疇。則我便是謝素秋。爲甚驚駭。〔生覷介〕分明是那人行動。怎說我素秋芳蹤。〔旦〕狀元。我真個是謝

素秋休認錯了。〔生〕你是鬼王小姐。今番不被你哄了。〔指旦怒〕幾被你無端葬送。怎又來千般摩弄。〔老旦〕狀元認得老婢子也不認得。〔生〕好好。你也是個對證。你會與我在花間訴衷。恁說道孩兒亦爲彼喪其躬。〔老旦〕狀元聽老婢子說。這正是謝素秋。不要認錯。

〔前腔〕與你西園已赴巫山夢。覷多嬌雲裳月容。〔生〕那裏是人。分明是鬼。〔老旦〕但只看衣衫有縫。行動處形影相同。〔生〕既如此。當原爲甚。說是王小姐。〔老旦〕爲是你迷留愛寵。則恐怕阻隔蟾宮。因此上老婢子與錢老爺定計。激勸狀元。慚無計阿奴火攻。只指望狀元及蚤獵飛熊。〔生〕你既是我素秋。當原贈你的詩。如今在那裏。〔旦出詩卷介〕

〔醉太師〕詩筒把做琉璃珍重。〔生看〕這是我贈他的。還有他贈我的。〔旦〕就在後邊。羨相銜首尾。已配雌雄。〔生〕我聞鬼祟善能攝人東西。莫不是攝來的。還是鬼。〔老旦〕狀元可憐素娘。把你這詩呵。終朝作誦。看淚痕點點斑紅。呀。錢老爺來了。〔外上〕堂中因何嘈雜聲鬧哄。〔生〕正是孟博快來決決。他是西園鬼王小姐。怎麼苦死說是謝素秋。〔外〕這是小弟不是。

先作個請罪揖才說。〔揖介〕其實是素秋。當初若還說明。你定戀着嬌鸞雛鳳。怎能勾搏

鷓奮鵬。因此上做成機噐。把鴻鵠條籠。〔生背〕這般說。果是我素秋了。只是我在南薰門車子內掃見的。卻是什麼人。心上只是疑惑。〔思〕噯是了。平頭是他家人。如今喚他進來。真假立刻就見。對外介〔家裏人趙平在外。可與小弟喚了進來。〕外叫〔小厮分付前堂卓隸。趙狀元家大叔趙平喚進來。〕內應〔丑上〕忽開呼喚急。忙來聽使令。〔進介見旦。〕旦〔兀的不是我家平頭。〕丑拜哭〔兀的不是我家姐姐。爲何卻在這裏。〕生笑〔如今才是我素秋了。我道天下美人。那裏就有兩個孟博。則被你瞞殺趙汝州。駭殺趙汝州也。素秋又被你想殺趙汝州也。〕老旦〔狀元如今才信老婢子麼。素娘難得狀元堅心待你。親遞狀元一盃酒。〕旦遞酒〔介〕

〔繡太平〕玉鍾籠翠袖。殷勤手捧。〔老旦〕狀元也回奉素娘一盃。〔生遞酒〕寧辭滿罍回奉。〔老旦〕狀元。你好快活也。昨日個御酒黃封。今宵燭影搖紅。〔外〕小弟也奉一盃。匆匆。孟盤草草媿非恭。〔生〕卻不道主人情重。天色已晚。告辭了。〔外〕今宵權在西衙一宿。

明日吉日。小弟同拙荆送素娘到彼成親。整備乘龍跨鳳。西園不弱武陵溪洞。〔生〕趙平。你把行李發到西園。且待成親之後。發牌到府上任。〔丑〕曉得。

兩兩紅妝笑相向。

紫綃煖揭芙蓉帳。

淡雲輕雨拂高唐。

睡覺不知新月上。

第三十齣 永慶

〔逍遙樂〕〔貼旦上〕瑞氣籠清曉。簾捲蝦鬚庭院小。歌喉宛轉鳳將雛。詩傳紅葉。玉出藍田。樂奏雲璈。芙蓉繡縵煖融和。勝事相逢喜氣多。細看月輪還有意。定知青桂近姮娥。今日趙狀元與謝素娘成親。相公因他客處。教奴家整備酒肴。花燈合燈。送過西園去。酒肴已備。只等相公同往。呀。相公蚤已來矣。〔外上〕

〔前腔〕絕勝蓬瀛島。鳳駕鸞車初擁到。〔老旦上〕嬌姿一似垂楊裊。〔旦上〕玲瓏寶髻。丁冬環珮。乘風縹緲。〔外〕夫人筵席可曾完備了。〔貼〕完備多時了。〔外〕既如此。我們同送謝素娘過去。〔貼〕奴家怎好與趙狀元相見。〔外〕下官與他情若同胞。相見何妨。〔行〕路入桃源渺。〔貼〕參橫銀漢微。〔旦〕月尋鸞扇下。〔老旦〕星向鵲橋飛。此間已是西園了。〔外〕花婆與我喚掌禮。請狀元蚤赴佳期。〔老旦喚掌禮上〕熟讀周孔禮。專諧秦晉歡。掌禮磕頭。〔外〕掌禮。吉時已到。

蚤請狀元行禮。〔掌禮照常念生上〕

〔前腔〕天上人間少。玉樹瓊枝相映耀。劉郎正是當年少。仙娥窈窕。雲英搗藥。秦女吹簫。〔外〕掌禮過來。狀元老爺客處在此。只是交拜便了。〔掌禮喝拜完外〕小弟叨伯疇手足之愛。荆婦不敢避嫌。〔生〕正欲請嫂嫂叩謝。〔生旦外貼對拜生〕小弟身叨一第。姻結百年。夙願盡酬。皆吾兄嫂之賜。〔外〕狀元多才。素娘豔質。今日相逢。實爲天作之合。〔旦對生〕奴家若非花婆。久已死于強暴。花婆試受奴家一拜。〔拜介老旦扶定〕折死老婢子。〔生〕既如此。下官到任之後。再行報謝罷了。〔外〕花婆看酒來。與狀元賀喜。〔外貼旦老旦送酒同〕

〔一封書〕春風醉碧桃。喜風微燕雀高。瓊樓啓碧霄。玳筵開。花燭燒。多少佳人并才子。誰似你雙雙年正嬌。〔合〕意堅牢。海山遙。百歲和諧琴瑟調。〔生旦同〕

〔前腔〕當日遇賊曹。折東西魂夢勞。今日締久要。結綢繆。漆與膠。始信卷旒心不死。夙世姻緣今世招。〔合前〕

〔尾〕天教付與雙才貌。富貴風流都占了。那更福壽無疆樂聖朝。

終日昏昏醉夢間。

高堂置酒夜擊鼓。

朝看飛鳥暮看還。

又得浮生半日閒。

紅梨記

九六一開明書店

紅梨記終